



敬業堂詩集

二



敬業堂詩集卷二十目錄

遊梁集

將有中州之行七月七日姜西溟唐實君趙文饒

惠研谿楊嵩木宮友鹿項霜田錢亮功湯西厓

馮文子楊次也陳元之家聲山錢飲於陳六謙

邱舍席間酬別 出都晚宿寶店戲示許大

令霜巖 涿州過渡

上谷城南旅宿見可亭姪題壁

早過慶都 定州口號

新樂有感 晚渡淖沱

麥飯亭 鉅鹿道中

豫讓橋 邯鄲縣呂翁祠

邯鄲懷古三首 自杜店至磁州與霜巖並

馬行 渡漳河

曹捺疑塚 鄴中咏古四首

湯陰縣北村家 入大名界紀水窺之異

滑縣 長垣道上戲示霜巖

從蘭陽渡黃河入大梁境

閱陳留縣志雜題十絕句補其所不載

桐城王方日為亡友蔣度臣刻詩集於汴中後列

同學姓名余兄弟與焉度臣之歿宜有哀辭宿

草之哭亦情所不能已也二首

和霜巖縣齋秋雨八首

中秋喜晴

汴梁雜詩八首

宋門別陳叔毅二首

陳留後園習射示孫周人許蘭為

朱仙鎮岳忠武祠 與王方日

汴中遇蔡遠士次韻留別三首

韓岡送同年張逸峰之安慶

重陽日接胡次村觀察書及見寄二律次韻奉答

將歸故里留別霜巖三首

答趙蒙泉別後見寄之作

留別吳梅梁表兄 大風晚至杞縣訪李明府

不值 歸德道中二首

商丘周宜菴明府貽牡丹名種戲成四絕句

永城縣陳太丘祠 望陽山

南宿州即事 汴中無魚今日至固鎮盤

餐得此余方以為喜座有晉人乃至廢食云吾

土有客水鄉者所親必相戒勿食魚恐傷骨鯁

也南北嗜好之不同如此

臨淮曉渡飯於逆旅述老人所言

過鳳陽城外二首 池河驛

度磨盤山滌濠分界處 清流關

滁州

舟發六合

大霧自儀真曉至京口

關吏行

舟中紀事

雨中發甯熟回望虞山

吳江田家行

敬業堂詩集卷二十目錄 終

敬業堂詩集卷二十

海寧 杏慎行 悔餘

遊梁集 起乙亥七月 盡十二月

中州名勝之區也同學許霜巖謁選得陳留宰邀
余偕行涉滹沱循太行東麓歷趙衛梁宋之郊按
程計之古蹟不少資其車騎供我吟眺亦足以豪
矣

將有中州之行七月七日姜西溟唐實君趙文

饒惠研谿楊崑木宮友鹿項霜田錢亮功湯西

厓馮文子楊次也陳元之家聲山餞飲於陳六

謙邸舍席間酬別

屋簷秋網拂蠨蛸弦月如弓挂一鞘剪燭談深宜夕館
看花人散憶春郊窮無好句供傳寫老不中書代解嘲
實君見送詩有舍人官職是虛名之句 來本無名歸亦得只愁飲餞累貧
交

出都晚宿寶店戲示許大令霜巖

又是南程發初我今戴笠爾乘車衝泥早歇林間馬
積潦秋生戶外魚十度棘闌憐報罷一官花縣喜新除
屠龍妙手牛刀割餘技猶堪理簿書

涿州過渡

胡良河蔭青葱柳督亢陂連宛轉城但覺林中無暑氣
不知風外有蟬聲喚迴塵夢秋初到誤隋吟鞭馬一驚

自笑年來詩境熟每從熟處欲求生

上谷城南旅宿見可亭姪題壁

客路逢連雨秋原洗鬱蒸人投曾宿店鼠瞰未吹燈一
榻夜涼入二更殘月升忽看題壁在為爾掃秋蟬

早過慶都

棗林槐樹翠模糊十里烟光接慶都堯母陵荒秋草徧
戴嵩新畫牧牛圖

定州口號

劃花小盃愛初燒秘色傳來閱四朝莫打磁甃輕試玉
人間方貴定州窑

新樂有感

客路匆匆過定州鮮虞臺下小遲留輿圖西漢中山國
恩澤先朝外戚侯支棗詩成歌樂土種瓜人去感新疇
眼前風物全非昔細草鳴駝一段秋

晚渡淖沱

涼風蕭蕭響白荻老鸛啣魚作人立小船爭渡晚尤喧
濁浪兼泥秋更急中流仰看團團天太行突兀當我前
未知馬首向何處千里夕陽橫紫烟

麥飯亭

蒼皇那免嘆途窮大業幾隳小衄中名號未尊誰是賊
英雄有識獨從公兩河子弟收星散一飯君臣見始終
值得將軍依大樹不勞上殿更爭功

鉅鹿道中

要害畿南在必爭時危往往屢稱兵居人不重侯芭里
過客猶尋石勒城雲挾常山蛇尾動地連汾晋犬牙成
如今不用論形勝徐秦秋郊一望平

豫讓橋

首四句姜西溟舊作也
辭意未盡為足成之

趙入宮臣廁中趙乘馬臣橋下區區欲報國士知可憐
一死何能為君不見博浪一椎雖不中置身事外非無
用

邯鄲縣呂翁祠

幻妄浮生豈有涯何妨鼠穴駕牛車貧兒好作遊仙
夢怪事偏傳小說家事出虞初志古道蹇驢多北向空庭秋
日又西斜人間官賤黃金貴乞與燒成九轉砂

邯鄲懷古三首

口舌相如位上卿從教趙括喜談兵璧歸間道雖難奪
師出長平已被坑唇齒連衡如有約虎狼縱暴本無名
淒涼蔓草荒烟地民命無如戰國輕

美人一笑元無罪不殺難邀好士名趙勝何曾識毛遂

信陵差解重侯虜符來袖裏團方解錐脫囊中事竟成
碌碌因人嗤若輩也如跛客強隨行

北道何期得鄧晨信都南望尚迷津群情正是思劉日

假號先歸賣卜人計定一軍終拔趙怨深三戶必亡秦
不妨斃作逡巡避龍準諸孫自有真

自杜店至磁州與霜巖並馬行

一天風露野田秋曉路熹微辨馬頭槐柳陰中解杜店
芰荷香裏到磁州鷄鳴巷陌烟初起鶻立陂塘水慢流
過此頓忘身是客與君題壁紀清遊

渡漳河

夜聽邯鄲趙女歌起乘殘醉渡漳河天垂曠野名都壯
路入中原戰壘多細雨一蟬高岸柳西風匹馬故宮禾
灰飛瓦解尋常事誰管繁華委逝波

曹操疑塚

分香賣履獨傷神歌吹聲中總帳陳到底不知埋骨地
却教臺上望何人

鄴中咏古四首

洹水清流見麗譙鄴中氣象太蕭條詞華不過誇三國

人物誰能算北朝水井臺荒秋瑟瑟香姜閣廢兩飄飄

齊碑魏瓦人爭托想見當年土木妖魏銅雀瓦色青內
平印工人姓名皆

八分書以為硯野水數日不滲齊起鄴南城磚瓦皆以
胡批油油之當油處有細紋曰粟紋有白花曰錫花古
碑大者方四尺上有盤花鳥獸紋千秋萬歲字其紀年
非天保則興和又有碑筒承蒼溜者花紋年號皆同內
國外方亦為現按王朔公詩云陶甄往往成今
手尚托虛名動後人則真品在宋時已不可得

自從僭竊起當塗虎視中原氣總粗大抵奸雄皆好亂

居然割據亦稱都車中不少彈筆客案上頻繙聚米圖

十二渠成流澤遠至今土壤號膏腴

林慮平山色尚蒼蒼太尉登朝事可傷豈有公孤能翊

漢早知廢立總由梁勢成刻兔驕三輔禍始金蛇恨永

昌慚媿上書收葬吏循傳郭亮配楊匡

錦衣別築相州堂使節移來自武康公獨勤勞兼將相

誰能事業更文章威名要取雄殊域宦跡何嫌避故鄉

碑版兩朝尊顧命豈徒一記重歐陽

湯陰縣北村家

烟際露芽茨田家正午炊韭花秋逞味棗實晚垂枝放
犢青蕪岸漚麻綠水池地偏稀客過籬落有人窺

入大名界紀水雹之異

朝行渡黎陽四望如絕徼又如入霜野慘澹初經燒古
墓多白楊連根拔當道棗黎盡僵仆隋實滿泥淖村中

禾黍空天半鳥鳶叫客心慘不樂經眼非意料道逢白

髮人下馬亟慰勞為言前七日陰氣變晴昊疾風西北

來電雷乃前導須臾大雨雹奮擊恣凌暴為拳為羊毳

所向等飛礮居民屋瓦裂填塞及井竈行者不及防人

傷馬傾倒潯南滑之北廿里陷冰窖草木生其中焦原

同一燎含懷問隣舍旁有豐年稻邑長豈不知遼巡莫

以告我為田父語天變非人造不聞平陽城一震跡如

掃殭尸十萬戶蔽野復誰弔朝廷憫災傷大下乞言詔

公卿滿臺閣相視無寸效被禍爾猶輕區區胡足較

滑縣

停鞭小立聽潺湲魏滑分河在此間自洛以東百水皆
會於此唐沈亞之

有觀滑樹杪帆檣
分河錄樹杪帆檣
于渡城西風雨大
伍山野無秋草
年仍歎地近朝歌
俗尚頑誰與牛羊
典芻牧未應蒿目
委時艱

長垣道上戲示霜巖

前行忽引朱衣吏
夾道爭看擁似蜂
却咲相如緣底事
也隨車騎走臨印

從蘭陽渡黃河入大梁境

馬頭半月看烟鬟
行過燕關漸軼關
今日中流回首望
黃河截斷太行山

閱陳留縣志雜題十絕句補其所不載

幡然臺外野雲黃
畎畝餘風重此鄉
不解後人偏好証
每從田叟問空桑

漢祖初來厭監儒
監門長揖互擲榆
入關全賴教倉粟
計出高陽一酒徒

割肉恢諧父老旁
千秋銘記有中郎
羨他社宰封侯地
不改當初戶牖鄉

初封戶牖侯故云
帝定天下按史平

殺雞自作高堂饌
草具何妨對客供
一飯成名真有幸
天教季偉遇林宗

伯喈本意欲東奔
失計何人與訟寬
畢竟殺身緣一嘆
九原應悔出私門

分茅幾姓列王侯
古郡相傳屬此州
若以報施論漢魏

後先亡國兩陳留
漢獻帝從陳留王入承大統
五代通鑑李延日河南有外黃下黃
假道穿渠到小黃
漢書地理志陳留外有外黃小黃縣五
代史改小黃
為下黃訛矣
赤松祠下月茫茫
錫池遺壁今還壁
氣盡
人間十二郎
開河記
事見大業

北狩蒼黃宋兩君
徵兵諸路咲紛紛
平時誰畫元豐策
輕汰畿東捧日軍
宋都汴陳留為畿輔要地舊設天武
捧日等軍元豐中有詔裁減故靖康
之禍近
無聲援

養士恩深三百年
倒戈迎賊怪爭先
殘黎及記滄桑錄
死事人稀一尉傳
崇禎辛巳十二月賊由襄鄧北來汴
南州縣望風迎降陳留署令某庸才
也不知所指典史邵大濟泰中死
竭力拒守城陷不屈全家投井死

濁浪高於師曠城
風俗傳人隨廬舍
盡東傾至今雨濕
天陰候過客猶聞鬼哭聲
崇禎壬午决朱家寨水入大
梁浸淫及於陳留城內外水
深丈餘屋宇盡
沒邑無居人

桐城王方日為亡友蔣度臣刻詩集於汴中後
列同學姓名余兄弟與焉度臣之歿宜有哀辭
宿草之哭亦情所不能已也二首

不是無家亦別離
蓋棺事了始歸期
半生好客皆情累
一第成名亦數奇
篋底有金貧肯惜
人間無路老方知
最憐湖海元龍氣
收拾光芒入小詩

迴思腹痛平生語
謬托知音撫絕絃
長恐雲烟隨散滅
忽驚珠玉已流傳
九原可作應相慰
同調無多又自憐
不覺餘哀生感激
為君展卷一潸然

不覺餘哀生感激
為君展卷一潸然

不覺餘哀生感激
為君展卷一潸然

不覺餘哀生感激
為君展卷一潸然

和霜巖縣齋秋雨八首

陳留井邑荒風俗尚淳古官舍雜民居蕭蕭一環堵移
牀避屋漏正值秋來兩秋雨有時晴茅茨亦易補乘時
無鉅細百廢在一舉

許子天下才卑棲屈茲土到官已十日坐看魚生釜雖
稀傳事柳尚打排衙鼓我來况無事小住因賢主只合
向空齋攤書聽涼雨

昨日牒文來歡聲滿城郭黃河一丈減秋水漸歸壑回
頭梁宋郊禾黍正可穫豈有溝澮盈決防助流惡野人
殊過計倚杖候乾鶻

荒庭無竹樹草上牆頭生誰知一穴穿已帶秋蟲聲老
夫方隱几鼻息如雷鳴雨點忽到窓颯然歸夢驚此中
有佳句夢斷詩未成

我友趙十郎索居廩延城趙子晦時宰延津去此二百餘里河壩一小
邑長吏管送迎我思往相就所畏泥中行乃知行路難
中有躑躅情

殘暑去遠巡蠅聲猶未歇蒼蠅何足云壁有鈎尾蠹孤
燈明復暗被螫或倉卒土產多毒人吁嗟慎膚髮產金

河漢去城遠掘井不破塊常時瓢飲難汲自十里外官
庖惜民力水厄亦有戒天漿忽傾盆餘澤走滂沛瓶罍
既滿貯茶味即沆瀣絕勝調水符勞心防狡會

木榻乘秋陰微蒸入布被解衣背粘席轉輾出奇計蒸
葦著瓦盆濛濛透霧氣苦遭烟炙眼聊免體被漬身居
燥濕間那得雨遂意

中秋喜晴

連晨苦雨悵淹留地近梁園客勸游琴裏無花誰勸酒
天邊得月且登樓城圍老柳吹笳夕露灑寒螢擊檠秋
却記去年今夜會滿堂絲竹醉湖州憶去年歲晨堂之集

夸門行

秦師圍困邯鄲城趙人乞援如乞盟信陵重以姻婭故
坐視不救非人情三千私客赴急難致死一戰猶堪爭
今者無端傾國出不以君命俄專征宮中符竊嬖倖手
闖外力奪將軍兵鐵椎碎首彼何罪汝自微幸貪功成
誰為此策大紕繆公子幾陷無君名生平下士頗折節
慚媿虛左親相迎私恩不負負大義二者較量孰重輕
先王正道日陵替術士詭計方縱橫不聞死事憫晉鄙
但見好客誇侯嬴史遷本意喜任俠公論久掩吾不平
千秋事往一感歎弔古聊作夸門行

汴梁雜詩八首

土岡起伏向平蕪蕎麥花開侶雪鋪舊日樓臺埋井底
秋來風雨暗城隅枚作客虛詞筆高李論交割酒壚
少陵與李供奉高常侍同時客遊梁宋間故其昔遊詩
有在與高李輩論交入酒壚之句今城東南有三賢祠
莫怪遊梁無一事已將名姓混屠沽

鞏洛東來地勢窪一條清汴走長蛇霸圖難畫鴻溝界

恨事空推博浪沙博浪城在府北衰草平原秋放牧西風古堞

暮棲鴉靈光一寺巍然在大相國寺路地最高壬午之禍獨不為沙土所埋汴中樓閣存者惟此而已

留取伽藍記夢華

削除七國獨存梁愛弟終因母后妨禁網初寬到賞客

人才一變起詞章平臺築後門常關東苑成來志稍荒

但取虛懷能下士豪華原不累賢王

梁宋趙遺墟柏汴京紛紛代禪事何輕也知光義難

為弟不及朱三尚有兄將帥權傾皆易姓英雄時至適

成名千秋疑案陳橋驛一着黃袍遂罷兵

歲幣輸來不計緡無端齒冷為亡唇偷生虎穴甘南渡

忍死牛車痛北巡翻覆兩家天假手與衰一劫局更新

幽蘭堂畔誰相惜只有從亡十九人

勝國分藩本屬周承平樂事數焚樓星連北極雄繁會

地是中原沃衍州樂府新聲翻百閱書堂名蹟勒雙鉤

最憐禍較江陵烈河伯摧殘甚鬱攸

螳穴將穿積勢成洪流直灌大梁城運移天險翻資盜

禍起庸夫好論兵明季流賊圍汴推官黃澍倡議決朱家寨水以灌賊營賊覺而遠避開封

不信龍蛇皆泮氣可憐魚鱉盡倉生滄桑變後

秦灰黑誰見黃河十里清

新標禹廟鎮河濱師曠臺邊迹已陳吹臺今更獨向蒼名禹王臺

羊四戰塵老傍人間多閱歷漸無閒淚可沾巾

宋門別陳叔毅二首

同作大梁客情因去住殊時叔毅舉家客汴城累君為地主饒我

赴歸途對酒狂猶昔謀身老漸迂未妨吟思苦領下賴

多鬚

全家猶旅食別路阻清遊相約同登吹臺馬兩阻近約尚難必歸

期可自由貯愁聽舊事挈涕洒神州令伯元倩先生崇禎末為開封同理

莫作長流落風塵易白頭

陳留後圃習射示孫周人許蘭為

縣齋秋日長兀坐愁面壁異書如荊州欲借那易得後

園有棄地糞壤經馬樞泓然見清池老眼喜一滌初看

剪蓬艾次第拾瓦礫朝來箭道成百步盡所歷兩生頗

好事飯罷走相覓邀我日同來分朋控鳴鏑雖無皮畫

鶴縛草聊代的引滿試射之於中寓考績浮情或倖中

詭遇本無適古人一技精往往互砥激勿徒視游戲儼

若對強敵我昔方盛年從軍曾草檄風前餓鴉叫頭上

飛霹靂蹉跎萬念垂漸怕矛頭浙力衰安可強眾醜供

指摘自咲諒無成習勞猶運甕子今心膽壯作此太寂

寂斯言可類推凡百慎剖析

朱仙鎮岳忠武祠

平生感憤興亡際往往無端供裂毗晉之懷愍宋徽欽

失國偷生本同類兩家子弟又庸下南渡誰論復仇義

千秋乃有岳將軍欲雪斯慚出奮髯曾經讀史浮大白
況到提戈用武地一條衣帶指黃河倒捲狂瀾作餘勢
當時大業已垂成談笑收京俄頃事乞和語出全人口
二帝歸如反掌易南內何妨奉上皇中原未必虛神器
可憐計算不出此奸相逢君有深意朝廷不要兩宮還
那許疆場壞和議乾坤震蕩功百戰性命風波獄三字
湯陰故里虎林墳幾處經過頻洒淚豈如此地更悲涼
血裹征袍等閒棄二百年來崇廟貌廟創于成化戊戌兩行檜
栢干霄翠北風怒吼白日昏昏猶有英雄不平氣

與王方日

姚生寓舍晨排闥一咲驚君起著衣余初識君於同年姚別峯寓中
面相逢雖草草兩心經別自依依倦游客况秋風冷未
路交情酒伴稀不料尚邀公子顧累他紅粉避燈輝方日
夜過余寓適有女郎在座聞公子至避匿不出故戲及之

汴中遇蔡遠士次韻留別三首

與君少小生同里嬾蔡知名二十年今日汴中初識面
鬢絲秋老菊花天

買蟹宵來倒客囊汴城無水味蟹尤難致一燈相對話

蒼涼舊京風物吾猶記宋嫂魚羹薛嫂羊一枚例索錢五十文

馬嘶門巷客將還殘醉扶頭改別顏多感故人相送意

略煩秦女唱陽關時有秦姬在座

韓岡送同年張逸峰之安慶

去年下第傷坎壈君館髯姜西兼客我順風三日不張
帆綠水名園停畫舸一攀楊柳辭春陌兩見榆槐更歲
火那知此地忽相逢客裏班荆當道左大梁城東秋野
濶片片飛鴻向空隨夜騎驛馬到韓岡我倚身強君亦
頗人間裙屐胡足道絲吐春蠶自纏裹天津公子氣雄
豪長劔短衣無不可近聞西陲方有事廟算行將啟邊
鎖時間出師師抄聞之報吾曹猥以不羈身五寸垂綬等遊情君
依官舍獲侍奉時逸峰隨尊前觀我赴歸期尚難果殘
樽相屬且勿辭黃花正綻霜前朵

重陽日接胡茨村觀察書及見寄二律次韻奉

答

含語相逢兩未申匆匆悔作渡河人敢期交臂心相許
及捧來書意果真白雪愛吟千遍熟黃花催換一番新
眼前事事俱難料不為傷秋歎亦頻

一序何當重左思重煩傳語到臨岐來書屬余作詩文序故云可知

投劾休官地未是移床遠客時九日歸心憐我急十年

恨事識君遲不嫌寂寞遊梁跡點綴行裝賴好詩

將歸故里留別霜巖三首

百里衝煩邑河流接小黃鄉程貪漸近官味看初嘗家

本傳儒術名猶在舉場此情吾諒汝捧檄為高堂

別後寬相憶君才百事能神明真不忝蘊藉若無憑世

苦需經濟官廉慎愛憎似聞田父語蓄眼見何曾

四海皆兄弟，相關得幾人。不愁官俸薄，翻計客囊貧。却饋非吾矯，論交到爾真。平生知己意，感動豈無神。

答趙蒙泉別後見寄之作

趙壹豈窮人，文章天下冠。成名陷羅網，識字召憂患。平生師友間，慷慨赴急難。一機駭初發，二事將并案。隻手探沸羹，厚軀分糜爛。欲知氣難奪，正賴神不亂。戴盆却望天，畫地詎宜狎。汨乎寃得白，重以讒被間。幸免輸鬼薪，誰堪讀城旦。先生鮮穉怒，一咲春水泮。脫身楷棊中，去國等流竄。疲驢入京洛，旅食年頻換。囊中綠綺琴，焦尾實經爨。知音世不乏，聽者每三歎。捷徑有爭先，陳人尚魚貫。空持魯褒論，孰下干木判。遇我夙懷傾，招呼詩酒伴。貧交無強合，失意多聚散。老淚落河橋，離愁渺雲漢。殘秋滯梁宋，仰視南飛鴈。寄我別來詩，開函一腸斷。君心人盡諒，蹤跡聊羈絆。出語忌孤高，時情伺譏訕。

留別吳梅梁表兄

幾日重陽雨，雨晴天忽寒。北風醒別酒，落葉打征鞍。不計授衣晚，欲為分袂難。他鄉老兄弟，情到勸加餐。

大風晚至杞縣訪李明府不值

沙土晚濛濛，孤城萬木中。氣吞平野日，聲壯渡河風。結伴隨陽鳥，離程極轉蓬。不須煩地主，旅食報年豐。

歸德道中二首

海鷹橋邊路，向東霜消日。氣午怡融，木棉吐子如脂白。

野柿垂條似火紅，驢背人簪雙髻菊。牛蹄塵漲四輪風，旗亭一醉誰同伴。獨把吟鞭過宋中。

寒烟衰草入疎蕪，雖水流同戰血枯。他日江淮論保障，至今祠廟具規模。城連耗土秋多鼠，樹倚神叢社少狐。惆悵繁臺歌管歇，角聲吹落孝王都。

商丘周宜菴明府貽牡丹名種戲成四絕句

戚里名園結構新，千株遠致洛中春。燕中苑園爭購此花今秋北去者以商丘一縣計之多情誰似河陽宰，留取名花贈野人。

珍重新寒九月初，歸程作伴太憐渠。渡江船上人爭看，桃葉桃根恐不如。

瓦礫堆墻老圃家，燒餘一片變桑麻。問余臺榭今何處，也要移栽富貴花。

包裹泥封護本根，隔年分種自梁園。得歸且作看花想，未必花時穩閉門。

永城縣陳太丘祠

賢人處末流，德器務廣大。先生得此意，名不黨籍挂庸。夫取同塵君子重，遠害偶然出從政。初不計毀，最曾為茲邑長治道去。其太豈必赫赫名，當前互驚恠。到今有餘慕，俎豆禮無殺。我來謁公祠，下馬肅瞻拜。題詩警俗吏，似為求名戒。不見道旁碑，去官碑輒壞。

望陽山

萬乘東南巡，本厭天子氣。匹夫迺心動，走向此中避雲。

氣隨真龍人誰跡劉季可憐秦皇惠不及呂后智英雄
論成敗孰者意料事秋色中原來蒼然入淮泗蜿蜒忽
橫巨一束千里勢豐沛袒右肩濠梁舒左臂古來雜王
霸要豈山所致吾將訖真宰鏗爾作平地山色如死灰
嗚呼識天意

南宿州即事

符離城外騎驢女愛着紅裙愛插花十里迴車無避處
不辭相送到村家

汴中無魚今日至固鎮盤餐得此余方以為喜
座有晉人乃至廢食云吾土有客水鄉者所親
必相戒勿食魚恐傷骨鯁也南北嗜好之不同
如此

各有鄉風兩不知區區口腹莫相疑着他惹蕪堆盤處
是我攢着廢箸時

臨淮曉渡飯於逆旅述老人所言

人影動浮橋清流繞淮甸月光水面澹初日烟中見中
都地脈連風物南方變城灣鵝鴨鬧客飯魚鱗便逆旅
八十翁自云本武弁前朝守陵戶賦役除本縣自從喪
亂來瓦落奉先殿王家王氣盡凍餓甘衷賤誓死不去
鄉依依豈他戀曾供洒掃職麥飯每私薦孟冬時享近
又欲往營莫言罷竟出門回頭淚如霰

過鳳陽城外二首

帳下居然識帝王千秋閭墓表滁陽時來將相皆同里
淚落英雄有故鄉芒碭天青雲氣散江淮月白水聲涼
龍蛇變滅須臾事猶指山名號鳳皇
元老還朝起廢臣宜興再相起馬士
英為鳳陽總督二陵收氣避黃巾
忽聞淮泗聲援地已奉邯鄲假號人南渡半年輸弱晉
西來群盜甚苻秦青絲白馬他年恨草木餘威在壽春

池河驛

古驛通橋水一灣數家烟火出榛菅人過濠上初逢雁
地近滁州飽看山小店青帘疎雨後遙村紅樹夕陽間
跨鞍便作匆匆去誰信孤蹤是倦還

度磨盤山滁濠分界處

只在羊腸鳥道間不知行過兩州山千家大柳烟中驛
一線清流井底開樵斧樹稀行客倦茅草茶熟老僧閒
路難馬力尤須惜莫遣鞭多比石頭

清流關

低迷野氣中路斷遇崖險陡然拔千丈直上匪由漸行
子中州來巖關此為險其西道尤惡石滑破馬膽步行
到關門一往生勇敢長風捲林薄敗葉撒雨點豁達眼
界聞晶熒日光閃少休得古寺徐使神氣斂想當割據
初外戶晝長揜寧知暉鳳擒猿鳥就籠檻邇來幾易代
地僻設防減僧房同啟閉鎖鑰誰復檢經過亦偶然形
勝窮一覽

滁州

岡迴樹轉到城遙
磬石纔通路一條細水流
應落西澗
韋左司有滁
州西澗詩
好山青不盡
南譙名賢出
守曾相繼
異姓封王
又一朝爭說
此邦風土好
至今生計穩
漁樵

舟發六合

馬煩車殆歷間關
轉愛江程一日閒
吳女布帆十二幅
畫船頭尾載花還

大霧自儀真曉至京口

斗柄揀秋江夜行
拍西東五更乍迷道
水氣昏霾雲小舟
一葦如漂蕩雲海中
焉能辨咫尺所向疑
皆窮何物導我前
群飛賴南鴻稍知京
口近忽報金山鐘
旭日出未高半天已
先紅須臾掃無跡一
望東南空但見旗脚
舒平流起微風畏途
付噩夢回首猶忡忡

關吏行

大農按籍加關稅
小吏機乘搜瑣細
吳中支港夜不行
水柵村橋晨尚閉
歸人癡絕良可歎
枯蒲帶土包牡丹
壓馱馱增驟價貴
入船船重關津難
有情對爾應惆悵
近日花網多北上
獨携此本到江南
莫怪椰檣兩相向

舟中紀事

十月之交冬令行
雷宜收聲乃發聲
嬰兒晝啼天女咲
群蟄啟戶魚龍驚
初聞吳中夏大水
萬頃平疇長蒲葦
又聞蔚州七月霜
盡殺稷菽秋無糧
雖云地氣異南北

何至天道違陰陽
野人未敢窺天意
目擊口傳非一事
他年誰考五行書
五行志災不志瑞

雨中發嘗熟回望虞山

錢生玉友約看吾谷
楓輕裝短權來匆匆
夕陽城西嵐氣紫
正值萬樹交青紅
天工似嫌秋太濃
變態一洗歸空濛
湖波蒸雲作朝雨
用意不在丹黃中
大痴歿後無傳派
此段溪山復誰畫
老夫新句亦平平
要與詩家除粉繪

吳江田家行

高田去水一尺許
低田下濕流沮洳
半扉潦退尚留痕
兩足泥深難覓路
土墻頹塌茅屋倒
時見牽船岸上住
家家網得太湖魚
米少魚多無換處
朝廷聞下寬大詔
今歲江南免田賦
野老猶供計畝租
官倉自貸輸糧戶
田家田家爾最苦
有錢何煩鑄農具
半生衣食在江湖
賣犢揚帆從此去

敬業堂詩集卷二十

敬業堂詩集卷二十一目錄

院上集

題三娘子圖四首并序 雨後行園梅花已落力輩

方編籬 食盡心菜

南湖舟次遇魏禹平時禹平歸自濟南余將住院

上二首 順風無帆戲作短歌

董文敏臨米天馬賦卷子真蹟余弟德尹以十二

金購自賣骨董某家鑿微上人貽書張竹老謂

為遠客攫去足值五十金竹老作長歌紀其語

至呼弟為惡客且云此公詩歌妙絕特削其名

氏正欲寄元激之使戰語托滑稽其實乃深忌

之也時德尹已北去戲次原韻即做竹老體并

示鑿公 去秋自河南歸携植牡丹

數種春來適有安慶之役不及待其開以詩紀

別 塘西舟中喜晴得六言律

詩一首 過竹老與之論詩

飲周柯雲家玉蘭花下

寒食湖上作二首 題蔡葵揮觴齋次竹老韻

從湖州至四安舟中大雨 廣德州

雨中過九里岡 連日風雨山行頗有寒色

飲十字坡茶菴 紅林橋

宣城道中喜晴 曉望敬亭山懷梅耦長孝

廉 高嶺菴小憩

渡清弋江 飲劉蓮菴光祿墓園二首

南陵早發 山家柴柵編竹而不築墻

云以拒虎虎能踰墻而不敢窺籬蓋疑其為陷

奔也作虎落歌 薈麥灣大雨

山店阻雨次徐任可韻 行經九華山麓欲登不果

任可有詩戲次其韻 初至院城喜遇同年姚別

碎石嶺詞 峰兼招程松皋舍人

程松皋得余所寄詩即夕自桐城命駕過院次東

坡喜劉景文至韻 懷寧劉東臯明府招飲薈

薇花下 三月二十九日賦餅花

晚晴登安慶城樓 同年左子畏家上臣各有

魚米之餉詩以報謝

與子畏上臣飲楊令詒孝廉宅

寓留書所見 僧房多鼠戲次青丘集中

乞猫詩韵 院城遇張損持庶常

答婁東曾蘭坡次唐實若考功扇頭舊韻

任可將歸有詩留別次韻奉送三首

損持見和前篇再疊韻奉酬

同損持任可步入一柏巖

酬詩僧愷月

詩簡為損持賦

周通守劉明府惠鱒魚感賦

登迎江寺塔同程佐衡作

次韻會劉東臯

三疊前韻答程佐衡

弔元左丞余忠宣公墓一首

佐衡置酒大觀亭招同損持蘭坡志鄴分韻得嵐

字

宿松朱字綠博學嗜古所

葺南岳考三卷援據往籍至數萬言而斷以已

意大要謂古之南岳乃瀟之天柱峰非楚南衡

山也頂於皖城官舍出此見示索余題辭作歌

贈之

敬業堂詩集卷二十一目錄終

敬業堂詩集卷二十一

海寧 查慎行 梅餘

皖上集起丙子正月盡四月

去冬歸自汴梁今年擬息勞筋稍理舊業適承座

主清溪公之命與令孫任可偕往皖城避春江風

浪之險由四安鎮取山路經宣城池陽抵黃盆口

始渡江皆向來遊蹟所未到也

題三娘子圖四首并叙

按諸葛元聲兩朝平攘錄三娘子俺答長女也生而

清麗資性穎異善書番文尊中國尚瞿曇母於佛前

懺悔求再生當居中華已受襁兒都司聘俺答通焉

遂奪之隆慶五年俺答歸順封順義王三娘子封忠

順夫人萬曆壬子俺答死其舅黃台吉烝而配之黃

台吉納婦一百八人以象數珠三娘子佐之貢市惟

謹台吉死長子扯力艮襲封復烝而配之丁亥六月

扯力艮同妻入邊巡撫鄭洛傳語三娘子無忘香火

舊情卒聽平受賞于弘賜堡去大同六十七里年間三封

貴爵貢市之不渝多有力焉獨石中軍素善繪因密

圖三娘子及受封三王像以獻於朝故得其詳如此

馬子衍齋屬周兼畫此圖索余題句略撮始末使覽

者有考焉

明妃曾是漢宮人

別移部帳事休屠衆裏方知顏盼殊百八摩尼齊合掌

讓他一顆佛頭珠

詔恩三換等兒嬉報貢頻頒五色然見說兩朝曾款塞

不知通好是關氏

埋香青冢亦堪悲粉黛流傳又一時想像承平光景好

風流邊將畫蛾眉

雨後行園梅花已落力輩方編籬

宿雨潤苔痕幽人杖藜至池邊一株雪狼籍香滿地不

忍踏成泥猶存惜花意平生無長物外遇中鮮滯一出

動經年窺園偶然事敢為花作主吾老身如寄乃復補

樊籬遮防亦情累小童如我嬾長養薔薇刺欲剪又踟

躑何當絕非類

食臺心菜

用心霜雪餘尺寸取易長土膏發春雨其葉沃以光漸

見碧玉蓼枝枝葉中央初來但小摘爛熳抽四旁花時

籬落間色比黃金黃而我乃為口斲歸滿筠筐之供

盤餐指動齒頰香貧家寡私奉婢僕皆品嘗可無勤惰

分於此示激揚園丁給宜厚特以七箸償山田歲不登

老圃聊救茶所慚勞汝力充我藜藿腸

南湖舟次遇魏禹平時禹平歸自濟南余將往

皖上二首

低田幾稜菜花雨野水一灣蘋葉風却向家鄉話京國

小桃猶是別時紅

烟雨迷濛港脉斜葑湖水落吐圓沙春波門外春帆影

君是還家我別家

順風無帆戲作短歌

風頭滾滾浪花白啣尾隣船開絡繹千櫓多作挂帆行

弦曠虛弓箭初釋開翎一一雁投渚騁足群群駒過隙

同時離岸我獨遲我坐無帆聊挂席偶然利鈍各有數

相去寧須論什伯來船未必盡無帆咲爾有帆風又逆

董文敏臨米天馬賦卷子真蹟余弟德尹以十

二金購自賣骨董其家鑒徵上人貽書張外老

謂為遠客攫去足值五十金外老作長歌紀其

語至呼弟為惡客且云此公詩歌妙絕特削其

名氏正欲寄元激之使戰語托滑稽其實乃深

忌之也時德尹已北去戲次原韻即傲外老體

并示鑒公

古來善書者稱聖亦稱顛張芝米芾相繼出遂覺格勢

大變非從前華亭老宗伯落筆何翩翩衆中自集一家

法學本人力姿由天偶然放手撫寫天馬賦一斑窺豹

知其全人間流落有此本幾逐市販同推遷昨來忽入

好事眼三百字類類明珠圓傾囊倒篋可咲不自量

巧取或怵他人先腰纏十金一揮隨手盡世上乃有此

種揚州仙還家但徒步不辦書畫船老僧旁觀歎且妬
謂此可值五十千大為得者長聲價暉卷十倍增鮮妍
語聞張子悅然失固是痴癡寧非賢君家向來收藏亦
已夥細入針孔思貫穿得無羨魚人往往猶臨淵去年
臥病九十日料理藥物供高眼頗聞典賣及古玩何異
開閣散遣諸婢娟故人傳與衛生訣撥棄嗜癖好年方延
性之所近終不化如噉石蜜甘中邊又如雅量暨止酒
麴重相遇口角仍流涎作詩相惱覲一擲寸鐵不用張
空脊豈知懷寶出閭道捲旗臥鼓有似刀藏鉛無端索
和乃到我野戰突上荒山巔謂我曾經閱此卷劇壘相
向師非偏我能為汝咸其輔頰舌使汝鉢腎刻肺飲食
夢寐中難捐書評髮髯舉大概虎跳鳳翥龍蛇虵若將
墨寶比良劔也應光恠直射文星躔然而達人宜自廣
美玉豈必收于閭貧多務得物斯聚富而可求吾亦為
執鞭近來書畫大半入秘府居奇幾輩包裹充黃緣三
間茆屋配汝作清供書生習氣如此真可憐猶復嘵嘵
引喙較得失物情什伯千萬胡相懸我於妙墨豈不好
只坐欲買羞澁囊無錢金奩玉軸所見不為儉過眼瞥
爾心恬然必教一一皆已有天地何以生雲烟况聞佛
法無我相試拈此句詰老禪滑稽代作解嘲語滿紙佞
強定有瀾翻篇翰攻倘許破堅壁正恐筆削為無權嚴
詩他日編杜集能禁此客姓氏泯泯終無傳

去秋自河南歸携植牡丹數種春來適有安慶
之役不及待其開以詩紀別

客遊出梁宋地主頗不俗貽我六娉婷相隨到空谷我
貧寄菲茨貯爾無金屋繁華有借境直以名姬蓄殷勤
手親栽不忍委僮僕冬暖少雪霜春陰滋霖霖栽培本
天意私願苦難足可惜姚家黃一株萎偏獨五家尚成
隊紈綺可合族別之豈無情行期為改卜未償道路債
妄異看花福開時果出門詩識已早伏余去年詩南村
必花時穩開門
之明年豈不好吾老狀可掬應笑歸來遲尋春同杜牧

塘西舟中喜晴得六言律詩一首

雨絲渺渺將斷日氣葱葱半銜客路漸逢寒食遊人未
換春衫桃花古渡茆店柳色輕烟布帆此去清溪不遠
數尖已露晴巖

過峽老與之論詩

昨日鳩喚雨今朝鵲報晴村村桃李花處處隨浮萍中
流幾千點著此孤舟輕故人知我來一咲門前迎別來
四十日頗覺太瘦生苦吟誠乃疲中有金石聲子詩人
所怪任意方孤行自喜正在茲焉能博時名引我附同
調背汗顏亦頽失學事情游東西無期程古人傳著述
多在山成涉獵得其粗不如閉戶精子今雖善病幽
居領餘清物理與天機靜觀皆性情願子堅自信後來
有公評

飲周柯雲家玉蘭花下

小船撐入菰蔣牙主人如客偶在家入門一揖仰面笑
玉樹正吐墻頭花此花畏雨兼畏日難得春來好天色
今朝恰是養花天又被狂風恣狼籍興來相就席下移
無酒酌我我不辭杯中自吸水雪影紙上誰賞瓊瑤詞
白雲茫茫屋上下醉眼迷離兩相射鈎簾何用更燒燈
自有花光能照夜

寒食湖上作二首

紅粧催上木蘭舟女伴家家愛出遊多事六橋新柳色
自含烟雨自遮樓
封田青合去年沙遠岸殘桃賣酒家錯恠東風欺老眼
我來原不為尋花

題蔡藜輝舫齋次吟老韻

風過溪來酒面涼一支健水出餘杭平分半幅疑看畫
難得三間恰向陽漁網愛牽簾影動釣絲閒拂水花香
浮家倘許來相就剪取橋南疋練光

從湖州至四安舟中大雨

山迴兩崖高路盡一川狹春流不盈尺野艇容恰恰正
賴急雨來須臾同放棹孤蓬支兩膝兀坐如被壓間路
屢見給方言亂鴉鴨絳邊終到岸我有安心法首路又
登山回頭憶清書

雨中過九里岡

平生狎濤江老怯風波惡茲游特改路意取山行樂一
咲我命窮天公大戲劇朝來發古鎮苦雨若赴約肩輿
煩兩夫蹉跌防失脚山山勃姑叫泥滑石鰓齧漸上九
里岡險如出劒閣我本村野安浪遊因落魄無端役人
力揣分非所托稍待天放晴前林候乾鵲勞生就徒步
庶免中心忤

廣德州

山勢豁一州中央據衍土地當江浙會開拓自洪武長
興環其東外捍等千櫓西南界宣歙兀突重巖俯長江
乃北門集慶倚堂廡當年耿鄧功拱翼事真主張吳勢
雖偏力絀不得取時危有鬪爭事往失險阻如今城下
路日夜走商賈獨有好事人登城尚懷古

連日風雨山行頗有寒色

盤旋八九里下上千百尋身在雲氣中不知山淺深兩
聲挂奔瀑風響交長林空谷早晚寒颯然作秋陰初疑
春不到忽有啾啾禽

飲十字坡茶菴

連岡踏成泥山骨似無石汙池之所蓄土赤水亦赤瓢
漿乃時需解渴聊飲血一飲不自持吁嗟遠行客

紅林橋

山花不知名山島多聚族深村窅然入樹影散晴旭人
家石橋邊共吸一溪涼年豐旅食賤市遠無魚肉但覺

松毛香茅簷燒筍熟

宣城道中喜晴

宣城古郡風土嘉就中最樂惟村家我來正值積雨後
雲氣解駁生晴霞岡巒過盡徑路坦溝洫流去田塍斜
新茶未焙穀雨葉早稻已茁清明芽長鬚搖風飄宿麥
新翠著地鋪胡麻柴門相接綠陰裏籬落綴以朱藤花
迴思連日走旋潭若涉大海無津涯人間乃復有此景
始覺大地猶春華

曉望敬亭山懷梅耦長孝廉

千峰含霧爭出沒惟有敬亭先得日相看不厭吾亦云
可惜游踪難自必都官詩派誰復論家法傳與長身孫
孝廉詩好畫亦好不愛城市居山村昔在京華曾倒屣
看畫求詩情頗狎入山不訪住山人古者論文無此法
山川興到尚可乘他日重來能不能作詩為報句溪叟
聊記吾曾過宛陵

高嶺菴小憩

再上已無路中休宜有菴花陰移客座松氣接僧談俯
視風斯下端居戶正南一泉香積味慚媿荷分甘

渡清弋江

一曲清江抱白沙牧之佳句舊曾誇乍離古渡舡如葉
初換春衫客憶家遠處人烟連竹色晴來村店忽楊花
亂山青過陵陽路遙指雲頭辨九華

飲劉蓮菴光祿墓園二首

恬澹知君性中年早罷官自耽泉石趣轉覺世途難為
我開花徑携樽就藥欄肯辜楊柳月深坐到更闌
此來吾有幸別圃得春光地主留花待詩情被酒狂歎
門煩兩使愛客到諸郎千里能相就何須置鄭莊

南陵早發

林深葉密曉冥冥旭日初啣霧未醒小店門開惟土竈
一菴僧閉但茅亭秧從布穀聲中綠山向畫眉啼處青
獨與野樵爭路入偶逢釣叟覺魚鯉

山家柴柵編竹而不築墻云以拒虎虎能踰墻

而不敢窺籬蓋疑其為陷穽也作虎落歌

危巖下瞰千仞壑猛虎騰身只一躍東村黃犢西村羊
入室踰垣恣饕虐山人不以墻禦虎插竹成籬用藤縛
目睛如炬不敢窺疑是中間伏機獲天生人智爾則愚
咆哮作力胡為乎不知此法自誰創陰絕覲覲真良圖
周防莫遣樊籬破與虎為隣可高臥

蕎麥灣大雨

蹇驢雙躉牛蹄重雨脚斜飛密無縫雲蒸霧氣取境迷
泉挾雷聲撼山動詩人好遊復好奇衣沾履濕去不辭
人生行路難如此偏在溪山最好時

山店阻雨次徐任可韻

長程愁冒雨小市喜臨橋旅飯留人住征衣借火燎溪

喧憲逾靜吟苦膝頻搖莫作衝泥去尋山不在遙

行經九華山麓欲登不果任可有詩戲次其韻

玉池辨辨蓮石角株株荀去天纔一握豈可尋丈準一

百六青峰峰峰入吾眈終焉就埋沒雲霧諒不忍天如

憐詩人久被陰雨窘雖非鸞鶴姿稍異蟄蟲蠢撥雲使

就道迴馭控鞅鞞我僕忽告勞從旁乃微哂平生汗漫

遊衰暮與易盡向來徒碌碌臨去猶忝忝寄語雲中人

塵寰終遠引他年香案吏名籍倘未泯

碎石嶺詞

黃泥岡頭白日黑竹雞一聲石盡扞杜鵑勤客不如歸

鷓鴣阻人行不得居人慣聽不覺愁一蓑背雨唱歌去

我與爾同風馬牛

初至皖城喜遇同年姚別峰兼招程松皋舍人

宜城渡頭三月尾荻洲新漲河豚起片帆帶雨剪江來

意外班荆得姚子人情得隴每望蜀便想同時兼兩美

作詩更欲招之眾東向樅楊寄雙鯉大龍山頂龍眠麓

起伏尻雅百餘里晴光欲動草翻烟春事將闌花潑水

君能命駕姚亦留猶及同看紅蕖菴

程松皋得余所寄詩即夕自桐城命駕過皖次

東坡喜劉景文至韻

偶然折柬相招呼起聽雙鶯鳴庭隅知君與我不遐棄

古義鄭重今人無肩輿西來二百里疾足遠致兩僕夫

欵門大咲發狂喜辰齒忽折行須扶余頭漸添種種髮
君頷競長鬚鬚須別來三歲遽如許尚不作達寧非迂
勿嫌江城春已晚百物生意咸昭蘇梢頭紅藥若有待
含語未吐真名姝烟花滿前太狼籍風雨賴汝能支吾
有情相對且盡醉只恐酒醒仍江湖

懷寧劉東臯明府招飲薔薇花下

江城十日九日風遊絲落絮飄晴空春光却在令君宅
別館布席依芳叢竹籬半庭添曲折葉幌一架穿玲瓏
不知花頭幾萬朵但覺香靄浮簾櫳晚霞烘天鶴頂赤
杯面倒影魚鱗紅小胥抄詩浣清露狂客噓氣撼烟虹
人言簿書妨作達正坐才短心憧憧如君治劇本閒暇
豈有塵霧能相蒙神清政簡若無事佳興自與遊人同
不辭小戶徑露醉髮鬢置我葡萄宮酒闌更話十年舊
獨惜座上無車公

朱梅人與劉同
邑文好故云

三月二十九日賦餅花

客中春忽盡僧舍少嘉樹野草著幽花荒庭邀一顧瞻
瓶貯遠汲紅紫挿交互雖深攀折憐且免風雨妬新枝
若矜寵昨者便成故也復有遊蜂窺尋入窻戶沾泥落
枉席等是閱朝暮微物感吾心流光去如鶯

晚晴登安慶城樓

浩浩風聲晶晶沙大江東去日西斜雄關地脉來千里
古郡山頭有萬家一鳥帶烟投皖口亂帆如葉點楊槎

晚晴登安慶城樓

浩浩風聲晶晶沙大江東去日西斜雄關地脉來千里
古郡山頭有萬家一鳥帶烟投皖口亂帆如葉點楊槎

晚晴登安慶城樓

浩浩風聲晶晶沙大江東去日西斜雄關地脉來千里
古郡山頭有萬家一鳥帶烟投皖口亂帆如葉點楊槎

浩浩風聲晶晶沙大江東去日西斜雄關地脉來千里
古郡山頭有萬家一鳥帶烟投皖口亂帆如葉點楊槎

景陸落拓重遊客獨倚高樓首落霞

同年左子畏家上臣各有魚米之餉詩以報謝
裹飯初來似赴虛可能彈鋏賦歸與故人館俸慚供米
久客江城愛食魚垂餌欲分鈎上粒勸餐恐有腹中書
頻年自識勞薪味指動無端忽累渠

與子畏上臣飲楊令詒孝廉宅

映門新漲碧鱗鱗步履相過近有隣江上萍踪三月社
意中雲樹十年人傾來竹葉休辭醉飛到楊花不惜春
曾是東風同下第每逢高會易傷神

寓窗書所見

孤城低壓青山麓人在山樓正倚窓忽有一帆移樹杪
始知花外即長江

僧房多鼠戲次青丘集中乞貓詩韵

物以點著名其性故狡猶詩有穿墻譏史徵渡江恠兩
端持首尾同穴爭勝敗宵行競唯晝伏避噲噲飲河
恣取滿食角忽入監寧拚五技窮肯守一貪戒客來寓
聞院古佛同破扉下榻地無多群來擾我界迎貓古有
訓攫噬異大快香積乏魚餐餘蔬雜饋餽公然掉尾去
窺瓦等歷塊坐長鼠輩驕法門幾大壞聲疑蝙蝠叫惡
甚蠅蚋嘍齧綫衲旋穿汚几經屢曬懶禪倒頭睡并少
沙彌誠龕燈乍明滅慣伺神力憊客主滿堂中欺人盡
龔贖老夫非不聞恥與鬪機械逝將歌去汝鞍馬早可

鞞聊復忍斯須欲眠發長噫人間老吏多斷獄豈盡賣
磔之肆階下微命真草蒯害有大於斯么膺法猶懈豺
狼問當道此語堪下拜

皖城遇張損持庶常

別君四年前養痾臥鄉井繼聞君遠出訪舊歷鄆郢藥
畏頗關心川長徒引領何期皖城下邂逅歸帆整春江
展明鏡照見兩人影一訊眠食佳再看詩句警所欣神
氣旺餘力出鋒穎男兒鬪身強即事有循省我貧甘瓠
落踪跡雜蛙龜君本青雲姿霜蹄早已騁姓名上館閣
著作富彪炳間亦事清遊官情氷雪冷却將燕許筆收
斂耳目景自咲捲波瀾人誰測千頃猶然荷降氣采取
到頑礦故交豈不多幾個念萍梗迂疎踵後悔窮老戀
真境且盡十日歡歸期敢遽請

答婁東曾蘭坡次唐實君考功扇頭舊韻

唐庚謂東江吳質謂明並詞壇珂里流風尚未殘白髮江
湖稀老伴青韶朋舊半高官千金買賦愁何益二頃求
田計果難慚媿新篇謬推轂故應仍作布衣看

任可將歸有詩留別次韻奉送三首

來何草促去何輕話到臨歧百感生並轡山程驢沒淖
對眠禪榻鼠窺窠紫蒙除湖海陳登氣老傍江關庾信名
行李累君吾轉媿不曾彈鋏為魚羹

欲解孤舟又整維留行無計且遲遲夢回風雨春將老

興盡江山句益奇萬事到頭難逆料獨行何地不相思
人生只有情難割容易并刀剪亂絲

胡麻好種時余又將往益城言歸悵望郊園白板扉隨水孤萍無定所
出巢雙燕又分飛鄉音伴我人餘幾家慶如

君世絕稀也道此番非遠別不知何事倍依依

損持見和前篇再疊韻奉酬

君才如輓轡倒捲百丈井運斤乃成風巧斲無匠郢和
章出神速佳處心獨領關險初以奇好暇仍用整余姿
實驚鈍何敢望鞭影未免竭蹶趨因君聊一警終焉免
冠謝老秃管城穎有顏知自慚在痛無不省稍窺作者
意此事力難甞一生坐好遊四牡感靡騁忽悟旋已迷
不文焉用炳北風吹短褐暖律中微冷逝收汗漫蹤少
補桑榆景鳥健叱兩角碧沼開半頃欲回焦穀芽如鑿
石田礦賦才亦分定造化豈可梗君苗硯欲焚邊幅窘
詩境詞華公等事稼圃吾所請

同損持任可步入一指巖

借居古寺如雞埒破窻無紙戶礙着庭荒草蕪一無見
臥聽別院鳴黃鸝故人敲門不服懶邀我近出同尋詩
平岡路轉百餘步忽有曲徑穿疎籬春光已殘夏方淺
景物正及清和時新篁飄籜兩較較老樹吹絮風披披
石榴初綻的皪並勺藥未吐婀娜枝三間精舍好位置
高下恰與林巒宜寓居纔隔一垣耳向所未到今追隨

自慚百事坐頽廢覽勝亦荷同儕貽

酬詩僧愷月

十日吟牕悵獨凭不知同舍有詩僧感深逆旅皆為客
快比西南乍得朋芳草一簾花外磬綠陰半榻雨中燈
從今便結尋山伴我着芒屨爾擔簷

詩筒為損持賦

誰將園寸竹截作徑尺筒粉筠削盡肌理出玉質外瑩
其中空為君滿貯詩千首投以琅玕報瓊玖寄去寧煩
六六鱗捧來須得織纖手

周通守劉明府惠鱒魚感賦

江橋市氣鯉細瑣雜鯁鱒鱒及子鱒避逅適我願鱒
魚乃海味族類去人遠無端四月初來就捕魚堰成群
吹柳絮力小波濤困高價買銀刀充庖復奚恨千錢易
一尾奇貨居負販何當地主情絡繹餉儒鈍於余誠過
分為爾勉加飯憶昨京口城南包充北獻 至尊珍七
筋官長申重翼千艘網夜集卅驛沙晨歎爭致五侯鯖
誰焚百金券自茲遂成例難以什伯論乘時規盡取挂
一肯漏萬遺落偶人間搜羅又焉遽生平持竿手意釣
本無悶竭來江湖遊飽食慚頓頓仁人砧几憐豈獨氓
恩怨竭澤慎須防擊鮮毋久恩

登迎江寺塔同程佐衡作

江山本無窮遠景域近見凌空得古塔覽勝斯獨擅方

當賈勇登寧計足力倦一層一喘息屢上屢迴旋漸覺
所歷高圍圍目雙眩大龍鱗甲動掉尾曳匹練東沈九
子烟西掣五老電日光盪浮氣顯晦呈千變何來萬斛
船初若葉隨片須臾到城下鳧鴨依稀辨應有舟中人
回頭望雲嶽江心拍倒影了了識我面多生幻妄緣顛
倒徒自炫不如且雙憇萬象付虛眇直作御風行冷然
有餘善

次韻畲劉東臯

展翼須大風負舟視積水我無二者力於義昧知止魚
鳥兩忘機波流任縈委蹉跎不自覺憔悴今老矣華髮
映青衫無由脫塵滓近携詩卷出聊復向江汜邂逅劉
文房清吟壓錢起君家五字城藝苑久擅美千鈞斬鼉
角八扎洞犁耳也似奏牛刀肅然入膝理專家尚難到
碌碌况餘子不謂簿領中兼長乃有此訟庭懸一鞭客
誰得似猥蒙獎許及欲報慚何以君本大夏材干霄養
桐梓交章岳牧薦名姓上九齒猶復滯滯河陽年年種桃
李譬諸閒草木臭味在蘭芷廊廟亟需才遠琛棄西珥
築臺收駿骨應自郭隗始班超筆未投卜式爵爭徒輸
邊半文吏磨盾雜象弭曷不走從軍尚堪作嗚矢用班超傳

中語

三疊前韻答程佐衡

敬業堂詩集 卷二十一

吾黨得程生紛綸五經井變風欲刪鄭高調乃和郢跌
蕩到文壇鸛鶴可獨領談辭聽奮發儀度看修整實至
名斯隨有如燈取影昔年入太學都講拔清警眾中頗
不凡揚藻謂見穎淒然經報罷徒步告歸省余時亦客
燕瑋稌語交龍鴻飛豈顧弋馬繫終思騁內熱聊飲冰
寧堪膏自炳至今清夜夢一咲齒為冷小別曾幾何雙
丸劇馳景回思十年事倏忽若未頃君猶錐處囊我已
鐵錮曠向來期許意土偶遇桃梗正賴好江山鬱紆豁
奇境明朝有高會徑造不待請東日約遊大觀亭

弔元左丞余忠宣公墓二首

王氣江東五彩雲上流假手緩游氛若教京觀同時築
誰表孤忠異代墳僭號無成終是賊殺身得地孰如君
到頭此事關天幸不死吳軍死漢軍

殘局何須論上都一軍援絕勢真孤江山故壘殘骸在
社稷中原尺土無計定全家爭赴難時危幾個肯捐軀
他時謫守含山廟媿殺生降一老儒用危太

佐衡置酒大觀亭招同損持蘭坡志鄴分韻得

嵐字

故人置酒城西南携我晚登百尺嵐大觀亭在喬木杪
鶴巢近檻俯可揮短牆截斷萬家井惟見遠景浮青藍
海門一關三百里白馬南下無停驂南江勢與中江合
一折滙作蛟龍潭孤亭如山撼不動影入明鏡光泓涵

舟入水鳥互出沒去者兩雨來三三夕陽欲沈沙岸樹
疎磬忽報隣僧庵主呼痛飲客徑散要令耳目留清酣

宿松朱字綠博學嗜古所葺南岳考三卷援據

往籍至數萬言而斷以己意大要謂古之南岳

乃瀟之天柱峰非楚南衡山也頃於皖城官舍

出此見示索余題辭作歌贈之

皖中奇士推朱生文采奕奕千夫英手持一卷南岳考

筆力獨舉千鈞輕首授六經證據確旁及百氏搜羅并

尚書兩篇列四岳惟有恭岱名孤撐北恒西華南則霍

疆域錯見因圖經厥初相距道非遠天子一歲周巡行

後來漢武禮天柱荒邈不及衡州衡可知瀟岳即南岳

語雖似創辨頗精君家近住此山下高論直比山崢嶸

火維一神欲易位此事乃可口舌爭我思鴻濛肇開闢

群山綿亘誰指名自從肆觀期望祀錫以封秩同公卿

神靈豈邀軒冕貴世俗自炫壇壝禁界連郡邑互引重

事出讖緯多紛更陋儒聞見溺沿習幸免流輩相譏評

如君特識那易得我不爾怪旁人驚昌黎南遷偶失考

詩句聊紀衡陽程他年重續輿地志待爾著述名山成

敬業堂詩集卷二十二目錄

中江集

久客皖上將之江州劉東臯以詩見送次韻留別

酬別高雪亭

峯兄弟

重泊路灌溝憶十八年前曾阻風於此

蘆洲行

東坡慈湖峽五首韵

避馬當之險從磨盤洲經沙灣至喻家洲

阻風小孤山北晝夢家園牡丹盛開醒而聞鷓鴣

聲戲成一絕

遊小孤山二首 并序

午日重登廣樓和朱恒齋太守

淦城喜雨

次韻酬南昌葉素我

題恒齋太守春江載鶴圖小影次韵四首

發潯陽訓恒齋贈別二首

重過湖口望五老峯 緒磯雨泊

彭澤阻風追憶壬申舊游寄朱恒齋九江魏昭士

寧都

曉晴過馬當

大雨泊東流城下食頃放晴二首

夜泊吉陽湖

晚發望江岸晚至板陽

樅陽僧舍消暑七首 過青山弔田間先生示懷

順風過池口 大通舟中看雨

六月十五夜紫沙洲對月

當塗道中 晚登高淳縣南水月閣

渡高淳湖 從汧練出西沈二首

九龍山下人家 初登惠山酌泉

六月廿三歸舟過荷花蕩口戲作

常州道中紀事二首 春閒從吳興買藕寄歸種

園池中今歸自皖城白蓮已試花徘徊池上有

作 顏學山學憲招同劉坡子

林碧山沈昭嗣湖舫燕集

九日同趙蒙泉項霜田楊次也泛舟西湖登孤山

和蒙泉作二首 唐考功東江為仇滄柱編

修禮闈所得士今來典試吾浙出闈後為湖舫

雅集邀余奉陪即席和蒙泉韻二首

題吳紫萼所藏吳白畫設色金銀花

秦郵道中即目 舟經寶應居民被水者多

結茅於堤上故廬漂沒不可問矣

季冬朔日渡黃河 王家營旅店遲楊次也家

東亭不至 紅花埠過雪

雪後蒙陰道中 張夏旅壁見德尹隋車傷

拍絕句戲次原韻三首

趙北口夾堤柳陰最密不知何故忽被斫伐存者

惟枯樁而已感歎成詩命兒建同作

白溝旅店見甲戌冬杪題壁詩設是山繼和一首

再次前韻兼寄未庵

敬業堂詩集卷二十二目錄終

敬業堂詩集卷二十二

海寧查 慎行 悔餘

中江集 起丙子五月 盡十二月

留皖城兩閱月九江郡守朱恒齋枉札見招復買

帆溯江而上又踰月乃賦歸按禹貢有北江中江

之名皆在彭蠡東孔氏傳以入震澤者為北江則

古之中江當在皖口以上溢口以下今湖口一縣

當江湖之匯與經文所云東地北會為滙東為中

江者正合而正義引地里志乃指為震澤之中江

竊恐不然輒據所歷攷正焉

久客皖上將之江州劉東臯以詩見送次韻留

別

大小孤山色西南兩點烟獨携孤枕夢又上九江船岸

濶沙沈樹風狂浪拍天感君投贈意臨別倍依然

酬別高雪亭

五年經遠別一月又將離捷徑人皆驚頭銜爾未移

為桐城令 九年矣 上官須善事眾口莫相疑但去沽名意後來

終見思

皖城早發却寄姚君山別峯兄弟

又背孤城去驪歌不忍聽薄遊逢地主久住為山亭月

黑江光動魚跳霧氣腥橋鳥啼最早愁髮轉星星

黃石磯

水淺舟膠細作鱗半篙撐過石粼粼風傳茅店棟花信

山作畫家荷葉皺法也 王濛畫 鼓角自鳴孤戍壘江湖暗老

獨遊人郵籤不用長年報熟路重來免問津

重泊路灌溝憶十八年前曾阻風於此

沙嘴沿迴又一灣人家初在蒜茫間帆生浦口霏微雨

岸走雲根斷續山芳草迎船依舊綠白鷗如我幾曾閒

可憐路灌溝邊柳暗勞生六往還

蘆洲行

江干積薪如列屋巨艦裝來聯萬斛天生此物充正供

歲歲陳根發新綠舊崩沙岸冊未除新漲荒洲報方續

三年一丈久成例增減何曾量盈縮不知此課起何年

坐待摧枯濕同東我聞王政有遺利藪澤閒田聽樵牧

如今尺寸籍農丞作備必由桑與卜踏地輸租爾勿慳

逃空那得出人間但看歸雁知人意不敢啣蘆徑度關

花洋鎮阻風望小孤山借東坡慈湖咬五首韵

積水西南一眺空海門遙在有無中行人已達大雷岸

好借半帆潮信風

遠色蒼然近晶然鷺鷥衝破夕陽天烟江疊嶂無人畫

一硯題詩落眼前

魚網漸收沙際市酒旗猶綽水邊扉青裙縞袂誰家女

日暮一砧來浣衣 萬竅爭號怒未融輕篙弱纜總無功老夫只作叅禪坐

定裏松濤起半空

小孤知我重來意先向江心轟片帆為報白頭猶健在擬尋初約上巉巖

避馬當之險從磨盤洲經沙灣至喻家洲

清江吐白沙去岸二三里小艇泛舸團團磨旋螳江豚鼓鬣驚蕩蕩南風起篙工群作力進尺退或咫馬當突兀來石狀恠且詭半為鬼斧劈倒插截其趾白鷺導我前依依投別汜紆途雖較遠脫險差可喜輕生涉波濤鹵莽迫暮齒前非踵知悔恐懼及茲始

阻風小孤山北晝夢家園牡丹盛開醒而聞鷓鴣聲戲成一絕

群仙一味嘲輕脫故引名花入臥遊却被鷓鴣呼客起黃蘆苦竹近江州

遊小孤山二首并序

大江經湖口縣合彭蠡之水達於皖口禹貢所謂中江也小孤山屹立於其中當盤渦激湍之匯雖好事者亦罕游余過此數數矣至輒風濤間作丙子四月杪從安慶溯江而上連遇西南風舟行濡滯五月戊午黎明發喻家洲刑牲默禱須臾風止余竊喜曰登山夙願也神其許我乎亟令榜人剪渡山形三面懸峭惟西南一角橫石坡陀首受分派其下洄流可以弭掉攀磴北上劣僅容趾凡百餘級入洞門折而東

鐵柱在焉稍西為神女祠再上為大士閣從神女祠西北上兩旁峭壁中穿石罅如入螺殼中背東面西已復折而北路盡一亭翼然行者必少憩以蘇喘息然後躋絕頂焉山之顛遠而望之初若半圭已而如拳如髻至此乃知其中分為二也環而計之東西北皆方南獨圓南北長二里許東西得三之一東麓距岸約四里西麓僅三之一山之大概盡矣既序茲遊之始末又綴以二詩夫有所感也

一綫長江直向東可無拳石兀當中僧窻坐湧千帆日客袖來當五月風筋力將衰酬夙願波濤不拒賴神功山雲海市尋常事敢擬韓蘇說感通

鳥道羊腸盡坦途身先僮僕作前驅能為砥柱何妨小不傍群山轉愛孤江海一關留鎖鑰金焦兩點闢門樞

從他萬口流傳設肯許彭郎作配無小孤山神之為女歐陽公歸田錄稱小孤在火中燹然獨立深巖轉孤為始為俚俗之說然東坡詩小姑前年嫁彭郎則宋以前謠矣

午日重登庾樓和朱恒齋太守

已上孤城又上樓使君高宴最風流重來湓浦逢佳節閒對廬山話昔遊畫鼓綵纒爭渡楫曉粧紅插半開榴賞心事多非昔不獨思鄉易白頭

湓城喜雨

塋田長苦旱九江民俗呼遠水田為塋田近水田為龍田塋讀作臍上聲炎夏方蘊

隆坐看匡廬雲出沒千萬峰不肯作霖雨厭占歲當凶
天心有轉移夜枕聞霹靂火光出飛電起螫鞭潛龍朝
雨忽滂沱雲來相附從偶然得際會似欲貪天工野人
本無心詩語出至公早吾不汝罪雨亦非汝功

次韻酬南昌葉素我

寥寥海內幾同心此事終緣臭味深乍喜芝蘭留獨賞
每談風月輒相尋數篇為我開詩戒一語從君進酒箴
惆悵琵琶亭畔柳中年聚散最難禁

題恒齋太守春江載鶴圖小影次韵四首

麴塵濃綠染初勻紅杏村邊雨洗新不向春江看畫橈
誰知太守是詩人

也如泛宅也浮家畫舫移陰柳半遮好與茶山留故事
閒封遠信裹青紗黃山谷以青紗纈紙裹茶寄人不過二兩廬山產開林茶故借用之

自飲廉泉不願餘更留何物伴琴書仙禽最得貧官意
未肯臨淵便羨魚

一群紅掌漾清波官閣詩成記放鵝恒齋有放鵝詩斗粟累人

添鶴料二千石俸近無多今年官俸俱充兵餉

發潯陽酬恒齋贈別一首

遊踪宦跡並沈淪管鮑交深在一貧小別星霜經五稔

遠來風雨又三旬弟兄托契情原厚兒女相關意倍親

料得他時了婚嫁兩翁俱是白頭人時與恒齋初結兩姓之好

攀轅截轡去何之廉吏誰云不可為風月招邀蓮社酒

江山開拓庾樓詩官情向冷憂還喜苦語臨分頌亦規
莫聽琵琶空洒淚清名難得 九重知恒齋已挂吏議奉旨特留

重過湖口望五老峰

又挂輕帆過石鐘有情難忘是遊蹤風痕忽散一湖浪
雲氣愛迷五老峰此日舟中回首當年天半倚孤筇
衰遲定被山靈笑歷險探奇漸漸慵

赭磯雨泊

午汗翻漿晚未融雨聲夜入荻蘆叢孤舟野岸少嘉樹
六月大江多暴江湖舟人呼作報風蚊響似為雷助勢螢光敢
與電爭紅等閒何用生分別多付微涼一枕中

彭澤阻風追憶壬申舊遊寄朱恒齋九江魏昭

士寧都

綠楊陰裏幾家烟小縣重來記往年劈紙風流看駐節
隔江雲樹識歸船故人久別稀書札太守新聲在管絃
欲上旗亭無酒伴鬢絲愁絕杜樊川

曉晴過馬當

風止波猶鳴空江蕩餘勢千帆散萍點飄轉豈有帶夏
雲少媚姿突兀拔空際小孤曉粧就回首露寶髻但覺
兩岸移寧知一川逝詩成枕席上出語如噴嚏境過旋
已忘中流方鼓柁

大雨泊東流城下食頃放晴二首

沙頭初繫纜船尾忽聞雷高浪吞天去長風帶雨來近

城嵐氣合對岸夕陽開六月川程惡陰晴日幾回
只有青山色差宜雨後看天心今若此行役倍知難翠
柳騎牛岸清流浴鷺灘不逢陶靖節誰有說休官東流古彭也澤

夜泊吉陽湖

酒旆當門柳拂船雨餘一帶好山川漁村吐火江初練
葦岸沈鈞月未弦風進微涼知夜永客歌孤枕覺秋先
亂蛙最是無情物苦向荒灣聒醉眠

曉發望江岸晚至樅陽

中流云浪作花輕帆南下整復斜家書曉報大雷岸
客夢夜落長風沙船頭一轉二百里水面忽浮三兩家
烟收霧散目力短白鳥飛去移蒼葭

樅陽僧舍消暑七首

樅陽古重鎮六代推繁華軍府建旌麾居民十萬家自
從郡邑改夾岸惟兼葭誰知近水市客饌無魚蝦
古剎聚劫灰入門尚茅茨曾經上菑住徑造不見辭短

牆日就頽故榻猶未移闌黎頗好事指我壁上詩重來

亦偶然翻觸徂年悲壬申客棹 陽曾寓此

昔與錢少陽茲焉互酬唱頻為文字飲屢荷雞黍餉別

中兩寄書松竹問無恙答言吾老矣後會恐難望世薄

風氣衰老成果俎喪田間一茅屋過者今悽愴傷錢飲 光先生

道樞本名僧文士相往還築居傍闌闌長苦不得閒遠

客寡交游避暑來掩關汝出我居守塔焉似空山

庭空白日長竹樹森成林彼當炎歊氣我受清涼陰北

窓多好風時時中衣襟長恐俗子覺叩門求足音

客贈贛州蘭幽賞自矜貴遠遊無長物為爾添一累月

明看露光人靜覺花氣提携成老伴一咲吾臭味

老夫方晝眠風雨來縱橫欠伸得餘味群動了不驚電

影搜破壁謂是吾眼明雷聲殷空林謂是吾耳鳴須臾

萬竅寂殘夢續復成

過青山弔田間先生示懷永懷玉兄弟及令姪

廷益三首

田塍高下路欹斜小雨濛濛早稻花到此不愁迷失道
讀書聲裏是君家

絮酒何辭觸熱過依然廢瑟在叢阿較他短笛山陽泪

三世論交感更多

存亡出處總相關惆悵燕臺客未遺滿架遺書付君輩

天教風雨護名山時越秀客 遊京師

順風過池口

舸艚船上南風急好片池陽雨後天九十九峰青不斷

白雲蒸出九枝蓮

大通舟中看雨

南岸雲埋山北岸雲出岫乘時各行雨天本無私覆豈

知倉猝間中有龍蛇鬪當其關未合中流猶白晝南勢

漸北侵渡江躡窮寇馬牛殊順逆蠻觸爭左右北風忽不競退縮示免胃坐聽南風狂蛟涎捲奔溜雷公與電母飛撒亟相就盡助昆陽圍誰為鉅鹿救須臾賀戟勝兩點隨其後的樂走明珠淋浪撒金豆魚蝦半空落虎豹或驚仆我窮客江湖境險迫邂逅閒中閱造化觸目誇日富吟成看雨詩蓬隙日光漏

六月十五夜紫沙洲對月

機船古柳岸江濶風吹裳快哉雷雨餘復此終夕涼清波洗着目白露入肺腸炯然孤月明漏此一掬光願從魚鳥住永與江湖忘

當塗道中

六月江路惡驚濤戒舟杭挂帆入支河如馬馳康莊兩過禾苗齊風來蒲稗香平灘立鷗鷺淺草眠牛羊宛宛柳拂渠修修竹遮墻時見荷耨叟休陰坐微涼游子久離家歸心日夜忙寧知此間樂風土近故鄉

晚登高淳縣南水月閣

偶爾經過偶泊船偶登佛閣亦隨緣一茶不負居僧意留我西窓看稻田

渡高淳湖

曉程貪穩睡天色尚濛濛人語蓼花外鳥鳴荻葉中舟稀知路僻水淺賴潮通脫盡江湖險朝來不怕風

從泝練出西沈二首

到此無風也自涼繞身四面是湖光舟人遙指宜興縣孤塔對船如筍長

蘆灘淺處作人立白鷺一群如白衣何事近船還引避故應慚我未忘機

九龍山下人家

小屋疎籬透晚涼亂蟬啼處正斜陽綠槐樹屋通頭女風過微聞抹麝香

初登惠山酌泉

九龍蜿蜒來垂首倒吸川歎雲洩乳實至味淡乃全我携陽羨茶來試第二泉山僧導我至古木枝叅天不知閱幾朝仰視皆蒼烟蔭此一眼碧自然得澄鮮出山豈不清真廣恒相懸餅罌列市肆例索三十錢挹注苦被欺向來殊可憐會當置符調此法休輕傳

六月廿三歸舟過荷花蕩口戲作

綠水紅蕖連夜開明朝多少畫船來歸人合被遊人咲揀取花前一日回

常州道中紀事二首

一丈黃泥浪郊扉尚有痕孤城經兩塌百瀆被湖吞鵝鴨回頭失蛟龍掉尾渾亂帆如白鷺點點稻花村

暴漲衝橋斷騎牛當渡船築塘連絕岸母水出低田沈窺蛙魚入疎籬若藻懸天心人不測容易說豐年

春間從吳興買藕寄歸種園池中今歸自皖城

白蓮已試花徘徊池上有作

廢圃遺利多汚池荒一畝養魚飽獮獮棄作段蕞藪計窮乃得變水淺規種藕種藕利稍遲事在三年後先為看花計於義微有取呼兒移竹榻謀婦出斗酒舊來小池亭頽圮惜已久池南向有石亭亂後燬於火艱難生理窄一醉還家偶結茅何時成惆悵回白首

類學山學憲招同劉坡干林碧山沈昭嗣湖舫燕集

京國頻年散素心湖山一夕盍朋簪笙歌隔座通荷氣臺榭移舟過柳陰解后不愁佳客少往還誰似故交深只慚當路憐才意猶許方干作醉吟

九月同趙蒙泉項霜田揚次也泛舟西湖登孤山和蒙泉作二首

清醪盈樽蟹劈黃故人有約作重陽啼殘楓樹鴉翻陣影拂蘆花雁起行此日烟波還命侶去年風雨正遊梁回思南北勞勞路翻怪登高得故鄉

涵碧橋東畫舫停遊人多上御碑亭樓臺頓改才人畫丘壑潛移處士星紅葉晚燒諸寺赤碧天秋縱兩峯青詩翁老去狂猶肯向湖山更乞靈

唐考功東江為仇滄柱編修禮闈所得士今來典試吾浙出闈後為湖舫雅集邀余奉陪即席和蒙泉韻二首

敬業堂詩集 卷二十一

前輩風猶在斯文寄不輕歐陽為座主蘇軾得門生一月了公事三秋多勝情旁觀爭太息誰不重科名

錦纜牽官舫餐錢費客庖酒開清箬甕橋拆洞庭包霜嶺將楓葉烟堤尚柳梢湖山君作主何地置貧交

題吳紫葢所藏吳白畫設色金銀花

天公省事厭紛華澹白微黃本一家却被毫端勾染出無端分作兩般花

秦郵道中即目以下十月北行作

不知滛潦齧城根但看泥沙記水痕去郭幾家猶傍柳邊淮一帶已無村長堤凍裂功難就濁浪侵南勢易奔賤買河魚還廢箸此中多少未招魂

舟經寶應居民被水者多結茅於堤上故廬漂沒不可問矣

蛟涎魚沫奪殘黎收復流亡賴此隄寒比蟄蟲宜墜戶忙如巢燕正爭泥雲沈雪意千帆合天壓湖光四面低好與官家勤畚鍤免教歲歲逐鳧鷖

季冬朔日渡黃河是日河水合而復開土人名曰濼凌

崑崙萬里來盛氣日盪決嚴寒一擎飲流永變積鐵下容蛇龍臥上少螻蟻八風兩過輪蹄雷霆駭魚驚河神不敢偵縮頸比蟲蟄東風昨夜至氣候改栗烈忽開無底寶書與厚地裂將母銀山崩散作萬堆雪小船晨喚渡投間伺其缺虎齒齧兩旁羊腸迴九折中流倘失勢

過涉慮頂滅，驚師駁，瘵痕手足互，流血非無白，日照煦，汝乍燠，執造化，故無私，寧為一夫悅，客子衣裘單，長途計尤拙，歲窮短行役，既濟轉愁絕。

王家營旅店遲揚次也家東亭不至

已過江淮半月期，一行雁羽尚參差，勞人相傍會同伴，熟路頻經漸少詩，急景欲回西日暎，輕裝那免北風欺，鯉魚信斷河水合，悶極寒燈照影時。

紅花埠遇雪

記得芳時幾度經，自此至鄉城五十里間桃花最盛衝寒明發又鄉城橋邊雪意詩催就鬢上冰花氣結成埃館迎來風北向鄉，程讓與雁南征，敝裘或有天憐分，只費殘冬半月晴。

雪後蒙陰道中

日出天忽高山寒，雲不附峰，峰帶晴雪遠，近畢呈露，馬蹄碎，瓊田蛇尾曳，絲路草枯燒，不盡白者疑，伏兔饑鷹下，攫之注目始知誤，糾然變身上，却立槎枒樹，樹更僵於人，咆哮風正怒，何處問旗亭，衝寒背城去。

張夏旅壁見德尹隨車傷拍絕句戲次原韻三首

首

役車歲晚幾曾休，斗酒何時與婦謀，此意自憐還念汝

一燈今夜白人頭

一暎驅馳老未休，隨鞍如與少陵謀，回思下澤車中客

不為封侯合轉頭

安穩生涯一醉休，天全畢竟勝人謀，人間險語何須鬪，不說牙頭即劍頭。

趙北口夾堤柳陰最密不知何故忽被斫伐存

者惟枯樁而已感歎成詩命兒建同作

五度征鞍柳拂絲，重來充幹已無枝，摩挲老眼還三歎，看汝成陰又幾時。

白溝旅店見甲戌冬杪題壁詩談是山繼和一

首再次前韻兼寄未庵

帽裹驚沙鬢點霜，三年前記卸行裝，天寒倍覺暮程遠，酒薄不禁冬夜長，吳語同來還有伴，燕歌相和若無旁，詩成為報君兄弟，飛夢三更已帝鄉。

敬業堂詩集卷二十二

得樹樓集

人日同孫松坪張漢瞻楊晚研宮友鹿錢亮功方

拱樞吳元朗將楊孫家德尹集王赤抒邱舍分

賦上元燈八首 二月杪南歸涿州道中遇

雪十八韻 連日車行泥淖中朝來催

短驢自固城至安肅縣凡兩隨鞍即事有感

保定旅次聞邱抄得從弟東惠及兒建南宮捷音

口占志喜兼寄嘲老友姜西溟

渡三汊河聞前路泥乾喜而有作

晚抵安平縣 大風過涿州城外

曉渡衡水橋風色甚寒小飲市樓

輟強道中喜晴 客有稱高唐州為綿駒里

者戲成絕句 大道曲

穀城山 清明後一日同戴田有弟

東亭兒克建重遊濟寧南池

黃河打魚詞 大風過黃河舟中與長源

姪對局 過揚州示崔性甫楊曉先

兩同年 閏三月朔日蝕舟中遇雨

紀事 初到家戲謝戚黨之見賀

者 兒建赴殿試北上詩以示之

得樹樓初成以詩落之九首

樓上看雨

六首

次的答顧措玉

八月十六日同鄭春薦嚴定隅吳紫葦家潤木湖

頭小飲風雨大作泊舟湧金門外是蚤襪被而

出晚來興盡入城戲作一律邀諸子並和

種菜四章

九日獨行園池上看木芙蓉

蓉

喜又微姪自南昌歸

傷庭前牡丹四首 偕介菴叔訪菊步入隣僧

秋感六首

家釀新成獨酌至醉 送學菴弟入都

送陳實齋給諫服闋還朝兼呈大司農澤州陳公

時吾邑賦役不均頗望當事者留意也

種

介菴叔惠菊花 次兒武原歸舟又得菊數

錢買之

有攜折足几來售者以百 園中西府海棠秋盡忽發

花

客來 再偕介菴叔過村西僧舍看菊

冬曉語溪舟中

陳傅巖給諫以種園圖索 虞山張文貽乞節母于太

題二首

君七十壽詩 歲寒雜感十首

開李辰山藏書多歸竹垞

近遊集

戊寅元旦

盛宜山新築辦香菴於南

湖之上雪中過之索詩賦贈二首

雨中同宋十表兄過宿徐淮江聽鶯齋

穀日至當湖沈南疑招同孫嘯夫過陸瞻成耕廬

探梅分韵得豐字 大風渡前山漾

重至湖州戲簡許舜功張桐軒兩學博

座主清溪徐公招同楊王符編修談未菴文選泛

舟碧浪湖

雨中游飛英寺次東坡稀

字韻

春分前一日余征吉學博

招集杏花下

登道場山次東坡先生舊

韵 月放舟二鼓抵嘉興城下

同竹垞表兄飲譚護城給諫南樓看海棠

寒食鍾復周秀才家看海棠和鍾飛濤

清明日南湖泛舟

曾道扶學憲惠蜀中藥材

上巳雨中同竹垞及兒建再赴淮江招

題沈南疑林屋山居圖卷子二首

自入春來往返嘉興湖州兩郡凡六十餘日穀雨

後還家花事盡矣 題又微姪載花圖小影

再題種菜園二首

題族孫恒弘看舞圖

敬業堂詩集卷二十三

海寧查 慎行 悔餘

得樹樓集

起丁丑正月 盡十二月

吾家自喪亂後僅存橫溪老屋與兩弟同居余所

棲在西北隅年深瓦落不足以庇風雨丁丑春大

兒倖舉南宮挈之還家爰即舊址改築小樓樓成

而老木數十章皆在几榻間因取少陵詩意頗曰

得樹

人日同孫松坪張漢瞻楊晚研宮友鹿錢亮功

方拱樞吳元朗蔣揚孫家德尹集王赤打耶舍

分賦上元燈八首

四垂羅帶影飄飄一綫中懸愛細腰莫傍市門輕銜影

有人依樣要偷描

瓶口紅光忽吐蛻醉人相對舌如箕却因酒具名相似

記起花時島勸提

右葫蘆燈

僂僂聊為秉燭遊似曾閱世咲蟬蛸朱門光景番番換

幾輩相看看到白頭

故衲形容大可憐敢同南極柏星躔誇人只有香山老

張丈前頭煊少年

右老人燈

鱗鬣粧成畫不如竿頭擎出晚晴初九衢塵淨月如水

一隊人隨一隊魚

星橋鎖動沸波濤人海中間湧巨鰲多少書蟬曾飽死

讓他枵腹事焚膏右魚燈

一幅輕紗隔座深芸牕小立夜沈沈不爭六曲屏山好
虛費人間屈戌金

三尺孤光一片冰當筵珠翠照何曾眼昏已少看花分
更隔着花霧一層右昇氣燈

二月杪南歸涿州道中遇雪十八韻

頗訝今年雪方知此地寒春深猶漠漠野澗更漫漫咳
吐紛珠玉飛揚富羽翰近從煙際辨遠入霧中看鴻爪
輕留跡楊花滾作團風輪旋蟻磨車轍轉蜨丸銀海光
相耀瓊田暖未殘密防蟲戶啟細補鶻巢完淺草勾尖
沒枯株萬木攢千家如畫裏雙塔拍城端石滑經橋怯
沙平取徑難幾曾填穹井特為顯峰巒席帽融冰濕征
衣燎火單茅茨雖易壓穴隙莫相鑽對爾吟慚鄧催余
髮比潘勿愁燈焰短直愛酒升寬朔侯何當變泥塗不
肯乾明朝有奇計酩酊上歸鞍

連日車行泥淖中朝來催短驢自固城至安肅

縣尺兩隋鞍即事有感

雪消春水發古道窪然低客行忽落此局促如雞栖兩
車同隻輪六馬併一蹄力盡甫脫險阮深復無蹊長恐
雪繼作有淪雲萋萋晨興天色佳日脚垂虹蜺跨驢橫
短策快比駿馱馱西南見郎山刻露出角圭寧知一往
氣世路偏多迷蹶跌豈及防康莊有排擠前行苟無失

遲速理亦齊還來車上坐且免衣沾泥

保定旅次閱邸抄得從弟東亭及兒建南宮捷
音口占志喜兼寄嘲老友姜西溟

邸報傳來樂事重一尊相屬慰浮蹤青春三月客懷好
白髮半頭歸興濃子弟聯翩同榜羨家門成就老夫慵
探花却入少年隊試問髯姜可勝儂時姜亦成進士

渡三汊河聞前路泥乾喜而有作

三汊河畔水濺濺洗盡春泥上渡船從此騎驢似騎鶴
折條垂柳當歸鞭

晚抵安平縣

野曠天高落日紅近城烟氣忽如籠楊椿綠上鷗棲處
草意青回馬跡中昔夢尚驚泥活活歸心還怕雨濛濛
衰遲自分邀天幸坎陷迴車路未窮

大風過深州城外

驚沙袞袞日黃黃不料東風爾許狂茅屋捲空留破柱
酒旗吹折剩萸楊幾家賣餅枯壕畔一老扶犁大道旁
為話連年秋潦苦出車幾甸正輸糧

曉渡衡水橋風色甚寒小飲市樓

石古橋滑臨奔湍衡漳流濁同乘乾高樓下瞰岸千尺
美酒大書旗一竿帽絮蒙頭欲敗意魚羹入饌聊加餐
杏花全未有開信知是北來風色寒

棗強道中喜晴

斷雲開四望初日解重陰野氣浮天動烟光薄樹深疲
牛尋故跡老馬得歸心題徧旗亭壁何人識苦吟

客有稱高唐州為絲駒里者戲成絕句

野語齊東最易訛絲駒遺俗近如何自從一變崑山調
不是吳兒不善歌

大道曲

荒鷄聲遲月落早行人出門看參昴一條大道飛古塵
歲歲何曾長春草我欲疊作山羊腸九折爭躋攀我思
鑿成水泗人出沒波濤裏直教馬無四足車輪方此路
始應春草長

穀城山

東阿城東穀城趾傳是仙家舊鄉里圮橋老叟果何人
能致留侯跪進履兵書一卷既不傳事往無徵正在此
秦皇凶暴蔑賢聖偶語詩書皆棄市布衣起自泗上亭
漫溺儒冠固其理此非可以正道說託託陰符自茲始
竟參帷幄佐奇謀躡足時時還附耳大蛇中斷群雄滅
走狗旋烹舊臣死舞陽活自女嬃偷蕭相生遭獄吏恥
子房遠禍益有道直視侯封同敝屣神仙之說誠渺茫
有托而逃斯隱矣陋儒讀書寡深識異事人人徵太史
後來競指黃石公當日原無赤松子我為此語豈好奇
石若有知呼可起

清明後一日同戴田有弟東亭兒克建重游濟

寧南池

露氣霞光水洗鮮孤城深入鏡中天杏花風暖高樓笛
柳色烟濃隔浦船蠟屐半生凡幾兩青袍一夢忽三年
壯心敢擬桓宣武直為攀條也自憐

黃河打魚詞

桃花春漲衝新渠船船滿載黃河魚大魚恃強猶掉尾
小魚力薄唯噉水魚多價賤不論斤率以千頭換斛米
河壩大濼秋不登今年兩稅姑停徵但願田荒免逋賦
與官改籍充漁戶

大風渡黃河舟中與長源姪對局

柳絮春狂剪渡風片帆飛下急流中船頭已達長淮岸

一局殘棋劫未終

過揚州示崔性甫楊曉先兩同年

不到紅橋已八年有人柳下記停船楊郎落第崔郎病
縱使同遊越可憐

閏三月朔日蝕舟中遇雨紀事

丁丑閏三月日食法當既明星晝當見從卯當至未白
晝如昏黃果然伊可畏舟行拚偃臥閉目聊自慰何來
打蓬聲雨點驟如沸皇天闕垂象下土雲翳飄似欲弭
此灾而為不祥諱我聞日當食不食乃足貴豈有晦昧
晨又蒙霧霧氣將母陰太盛推驗得髣髴六師方犁庭
櫓槍掃敵愾佇清沙漠塵聲教朔南暨公卿滿臺閣賀

表辭不費五事占休徵竊疑非此謂天變雖偶然民勞亦宜墜野人語無擇托興在督尉不敢學盧仝險艱殊少味

初到家戲謝戚黨之見賀者

赴伴携兒出帝畿到家猶及換春衣遠煩親友來相賀不道余仍下第歸

兒建赴殿試北上詩以示之

今年夏苦旱六月未徂暑兒子將北行衝炎逐徒旅留之又不可遣去無多語汝名已倖成汝力正須努

天子方支策名在當宁萬言應廷對有抱期畢吐煌煌鐘虞懸叩擊諧律呂自從制科設得士凡幾許置汝于

其間太倉特一黍然而勿自薄儕輩盡翹楚同年百五十若者指可數父事中有入姜西溟吾癸酉同榜嚴雁寶仍吾同學老友也

行敢兄序功名亦時至非可有意取造物吝虛名齒角肯兼予吾宗兩太史荆州兄並山姪並並搏風羽盛事傳一時

借居隣章杜雖云官禁近未免索米苦汝今往楚依慎勿希華撫秋深決歸計且復返鄉土久甘南巷貧差勝

北門窶千薪尚壅積銓注十纔五從政雖多途不如科目舉讀書想先輩既進或慚沮豈必一第邀便思行縮

組閉門更力學合轍驗今古却出作選人於世冀小補而翁百念灰自審莫若處諄諄向臨發庭誥述父祖吾

但當弄孫門戶全付汝

得樹樓初成以詩落之九首

百年計樹人十年計樹木辛勤荷先澤以有此老屋兵火乃幸存曩基方改築勞生竟何得去此空馳逐誓收湖海蹤歸掃一庭綠樓成名得樹外是非吾欲

五架初度材謂在百金內銖銖累木石所費奚啻倍實家舉事難輕發每追悔連朝責逋負工藝集群喙將為逃債臺一笑付聾聵

列垣周四隅與樓勢迴環憑高無遠矚胡以開心顏竅壁延綠陰少見天疑慳別添一小閣忽湧海外山豁然百里目乃在圭竇間

貞白居三層元龍臥百尺神仙彼可致豪氣我非昔方當狎斯人未許校什伯敢云去地遠稍與雞豚隔尚恐鳥雀群移巢避生客

一榻雖已安終慚自為計心長髮苦短力不及諸弟前人締造艱親歷始知勤撫茲念堂構補葺當次第身在吾敢辭茫茫配根蒂用少陵四松詩中語

設梯盡十級偃僂連隄尻日上能千回兒孫捷飛猿阿翁貪靜坐嗔嚇時一遭形神既未忘那免陟降勞習勞亦不憚所戒舉趾高

卑濕苦舊棲老根連草蔓新來稍軒敞恰直樹之半雖除螻蟻綠却被蜩螗亂朝眠與晝坐鳴聒傍几案推應驚不去疎響或一斷喧寂兩聽之老夫化成見

夕陽轉庭西樹影來牆東龍蛇動戶牖始知天有風開
襟亟當之快若逝虛空人間正炎熱置我微涼中
竹垞工八分大字作擘窠為余題歲月惜墨不費磨懸
之樓中央筆勢翻江河疑挾風雨至颯然散高柯時時
臥其下所得良已多

樓上看雨

臥聞牀下殷輕雷起拓南窓八扇開牆缺雲流山影去
樹頭風截雨聲來一鳩逐婦移陰立雙燕將雛取勢回
我本無田還望歲略分餘潤到蒼苔

題周兼畫南唐小周后真六首

人間姊妹工相妬遺恨茫茫豈有涯
惻悵瑤光梅信晚
一枝潛進未開花

湘裙如水不擡風風味携來倒挂紅
色色丹青無著處
泥金一縷在雙弓

月暗花明霧氣多盈盈羅襪步凌波
外間誰管深宮事
偷唱新聲子夜歌

不須更減一分肌周昉繇來善貌肥
如此丰姿如此畫
當初猶道未勝衣

開寶初元議禮遲待年承寵已多時
在廷只有韓熙載
曾托元和諷諭詩

垂鬟分綵髮初長想是南朝時世粧
指與俗工從未識

可憐絕筆付周郎時兼惜已下世

晚景

晚景蟲聲入空庭易夕陽鵲巢風更穩
鶴骨露初涼病
葉非關蠶秋花不取香物情閒處得
吾轉惜流光

次韻答顧播玉

失學負壯年東西逐烏兔蹉跎髮漸
絲落拓衣仍布者
心躡前踵回首却故步歌筑混屠沽
唱酬雜繹素歸來
稍稍悔事去種種悟庶望針砭加奚
帝雪霜雨去聲雖蒙
同人憐或恐異已妬之子負高才於
余枉佳句紛然蓬
麻中直拔千尺樹溫恭具真性磊砢
得奇趣何期天畔
鴻狎此沙頭驚知音世不遭敢惜肝
膽露鷄鳴風雨晦
旅館燈燭暮明朝走相尋戶外有二
屨由來意氣合詎
若邂逅遇君家門地高舊是雲間顧
昂藏自殊眾標榜
不在互問途慚已經吾老乃迷路

雨夜過徐淮江二首

萍浮梗泛久西東每過南湖憶此翁
斷港船通新漲水
空庭樹拔去年風五經自課佳兒讀
半刺曾嫌俗客通
好是扣門能不拒一燈重對雨聲中

草堂南畔小池幽一片蘆聲蓼穗秋
滿壁詩牋存歿泪
積年書疏往來郵閒追昨夢驚彈指
老刺負交幸到頭
未免對君還自媿乘榆晚景亟宜收

八月十六日同鄭春薦嚴定隅吳紫
葑家潤木

湖頭小飲風雨大作泊舟湧金門外
是蚤襪被

而出晚來與盡入城戲作一律邀諸子並和

及到繁華地翻成寂寞游烟波三百頃風雨一孤舟山
好偏宜澹湖空易作音秋却防漁父笑襟被不曾留

種菜四章

晚豆尚沿籬秋瓜已除架畦丁惜地利菜子及時下功
力積纖毫滋培仰造化勾萌達新雨布綠密無罅一旬
可分蒔半畝不待借用東坡事既足散其餘猶能乞音隣舍
灌溉既已勤其長亦奮迅窠窠盡發洩生意不少吝連
朝風日晴秋蟻忽成陣洒灰得方法經驗始深信幸是
力能施何難手除痰黍苗被蟲食四野年不順老圃奪
天工忍饑聊免鐘

晚松雖弱植不怕霜雪加秋種春可植盤餐佐貧家根
株諒無幾口腹豈有涯人間賣菜傭求益方紛拏禦冬
吾有計旨蓄良足誇

杜陵客西川種藝頗有園清晨送菜把乃感地主恩茲
事吾不取恐為貪夫援於世苟無求食力稍自尊英雄
亦如此無事且閉門

九日獨行園池上看木芙蓉

雨後罷登高杖藜惜腰脚園荒少秋菊無以慰寂寞兩
株木芙蓉紅白正聯萼忽然失明鏡萍漲水將涸坐使
雙婢娟影妍無處著空持好顏色脉脉自開落應得主
人憐新晴走赴約吾裏減情累於物何厚薄不忍廢重

陽逢花還命的

友人齋中看菊

幽人如晚卉愛傍籬邊遊瓦盆薦茅齋高下凡千頭紅
紫豈不好黃花乃吾秋森然群豔中正色與目謀競賞
違眾嗜獨吟發孤愁泉明不可作孰與偕唱酬

喜又微姪自南昌歸

共客洪州幕回頭十五年未成宗炳臥各有尚平牽身
健貧何礙吟深句必傳故鄉稀酒伴日日望歸舫

傷庭前牡丹四首

別樣風光散綺羅豪華亭樹占春多天公直似相欺得
不為茅齋剩一窠

兩行枯卉列東西綠上苔痕路不迷夜月魂歸吾望汝
半年猶護種花泥

自未知到忘情處幾度徘徊惜好枝不獨我憐人亦爾
空欄客過立移時

依稀一夢閱繁華草沒庭荒野老家省却暮年多少事
灰心從此不栽花

觀刈早稻有感

穰穰相逢半壓肩刈禾爭趁老晴天兼葭對岸遮隣屋
蚱蟻如風過別田地瘠不知豐歲樂民勞尤望長官賢
誰知疾苦無人問秋稅新增戶口錢吾邑戶籍十萬每
今年忽從田賦加派
數百年舊制壞矣

偕介菴叔訪菊步入鄰僧融然房

偶聽村家打稻聲夕陽影裏向西行一叢深樹擁精舍
兩板壞橋支斷浜靜對老僧通菊氣怕逢俗客問花名
只將我算東籬伴不要溪頭費送迎

家釀新成獨酌至醉

種秫始徵收釀法遵舊譜逡巡旋其熟計日屈指數朝
來香滿城甘滑如潑乳開嘗親洗盞一飲一升許好客
期不來頽然自稱主黃農忽已遠薄俗難久處寧知醉
鄉中風氣仍太古尊前可徑造有路胡勿取

秋感六首

蟋蟀鳴近牀蝴蝶聞無聲二蟲相代禪中已寒暑更大
哉造化理乃以微物呈人從此中老擾擾何多營天機
昧群動靜者觀我生

未俗愛盆山花草妃紅白看者看耳目玩屈辱到松栢可
憐千丈材窘束不盈尺寓形難自主抱性終莫易亦復
耐歲寒蒼然傍几席對之還失笑未覺生意窄向非冰
雪姿雨露有天折

菊蕊日以黃楓葉日以紅物情判老穉變態隨霜風霜
風故無私榮悴雨不同一般賞顏色矇叟隨盲童

西隣一老樹有藤縈繞之歲久腹漸空槎枒但枯枝借
藤以為葉下蔭仍紛披藤如有矜色張王去聲方乘時變

薪伐不材斤斧旦夕施樹摧藤亦斷附麗終奚為

世裏分誼薄適用取目前絀弱遇秋風一度一棄捐不
念昔當暑與人久周旋我有敝羊裘隨身二十年皮存
毛半附無補冬號寒明年與汝期五月拂釣竿
渡淮橘成枳一變性終失不聞返故土枳又化為橘人
生百年中孰是保初質就霖水赴壑駐景戈挽日幾見
白頭翁鬢霜復如漆

送學菴弟入都

黃葉打茅簷北風如矢棘此時來叩戶問子有底急為
言將別家結束赴京國可無酒一杯為子煖行色匆匆
乃徑去有語惜不得子誠吾家駒頭角早岐疑賦質負
高明秉心就沈默讀書十行下洞照窮相閱經史及百
家貫穿歸組織時文雖小試落筆輒英特皇天不憐才
盛壯遭屈抑十年躡場屋知者為太息昨遇曲阜公青
雲加賞識拔之冠多士庶用示矜式虛名萬口傳子故
深自匿窮鄉艱生趣巷遇歌偈仄堂上有老親鬢絲白
變黑鑿坏豈得已彼吧傷遠陟幸托賢主人時與陳賈齋黃門同
行解推濟其膏男兒志未遂放轍無南北不聞橫海鱣
蟠尾肯溝洫余方踏歸路投老尚迷惑子真賢友生披
詩豈徒為我弟披朝夕宜在側奈何不能留又復奪有力
要是賢友生

江河歲月晚追逐乏羽翼道逢南來鴻寄書慰相憶

送陳實齋給諫服闋還朝兼呈大司農澤州陳

公時吾邑賦役不均頗望當事者留意也

三年籌筆作名臣四紀還家為老親寶齋補以歸仕路卷終舒雖在我田間屬望更何人朝無遺闕書應少邑有更張見頗真為語司徒仍舊制也教游惰識公旬

介菴叔惠菊花

宗老移花到家童掃地迎澆深經夏早開晚及秋晴酒復何人送詩從即事成濁醪留一醉珍重見君情

次兒武原歸舟又得菊數種

道遠宜兼土船輕不費擔好花來一一荒徑闢三三萬事同兒戲餘香借客談瓦盆非俗物多取未為貪

有携折足几來售者以百錢買之

折足用不適傾囊計亦疎聊將安破硯或可配殘書棄置絲憐汝枝梧頗累余難憑非一几舊友比何如宋人詩舊友誰如几可憑

園中西府海棠秋盡忽發花

萬木正搖落一枝春忽回縱饒花意好不稱此時開草本名相托霜風艷恐摧天寒憐袖薄為爾一低徊

客來

與世了無競并教棋局閒客來無一事籬下看南山

再偕介菴叔過村西僧舍看菊

憶昨披榛入經旬踏葉來秋花偏耐久名種或遲開天意晴連月自重九後不雨人生夢幾回屢遊貪佛日原不為啣

杯

冬曉語溪舟中

江鄉已牢落冬候更蕭條風葉鳴孤樹霜溪影一橋沿塘收蟹斷遠市插魚標雀鼠何多耗年荒爾獨驕

陳傅巖給諫以種園圖索題二首

身在元龍百尺樓菴居那便畧休休憤聽絲竹知魚樂別築陂塘領鶴遊儻約屢申松菊徑水租新報芟荷洲黃橙綠橘皆垂實歲計如農亦有秋

鴨舍鵝欄園門內橋名見吳郡志地接聯鄰翁拍點舊平泉圖為申文定公橋通別業仍三徑樹到成陰已百年碁局且從閒處布畫圖留與後來傳看君用意真幽絕要使詩家賦

輞川

虞山張文貽乞節母于太君七十壽詩

妻無夫兒無父襁褓伶仃半生苦兒無父母有兒白頭綽楔光門楮人言張子孝我謂子孝由母慈人言張母賢我謂母賢非子世不知不見吾家節母苦節與張比旌典不加坐無子今年生亦七十矣家叔母葛太君十

歲寒雜感十首

斗室寬然著老夫欠伸纔罷又踟躕書能引睡聊遮眼吟不求工似惜鬚古佛可燒同楮燭濁醪得煖勝醍醐自從悟徹安心法儒墨同歸識一塗

萬里從戎記黑頭不成一事老林丘稍收芋栗宜充腹

節而致

歲寒雜感十首

萬里從戎記黑頭不成一事老林丘稍收芋栗宜充腹

不犯冰霜可廢裘橘洲前非楚澤鵝鴉沙外是涼州

最憐跋扈飛揚氣歲晚因人尚遠游聞德尹於十一月赴蘭州幕府

文章鐘鼓付盲聾都入閒吟靜嘯中敗竹行疎猶響雪

枯桑葉盡自鳴風物情豹隱龍蛇蟄歲事星回日月窮

不信鄒生居黍谷能吹煖律挽天工

小閣簾開取向東寒天強半是西風窺餅減水朝防凍

布被加絲夜代烘袖手輸贏迷黑白轉頭兒女換青紅

自知於世全無用新署頭銜號長翁宋陳造云物之無用者為長故自號

力田制策已殊科忽在瑤箋到薜蘿得路君言猶若此

窮愁我况更如何同年顏書宣見寄詩有病中趨死易貧裏養生難之句行藏委

運談何易人鬼論交意太苛莫山錢王友寄詩有窮通人鬼隔絕如陰陽之句

傳語兩家多憤激向來結習費消磨

鑿開渾沌本無情萬竅從教怒不平巧竿誰能推雪片

頑空何自起風聲陰陽橐籥機相引水火丹爐勢必爭

眞宰茫茫竟誰是難憑齊物詰莊生

偷存子敬舊寒氈與汝相依已有年向老情懷偏戀舊

過時顏色敢爭妍嬾魚水底頭頭伏凍雀枝間箇箇拳

便學蟄蟲吾亦得屈伸何事乃關天

無聊且作杜門人肯逐鄉風鬥比隣俗儉稱家刪饋歲

年衰無伴看迎春生涯豈可謀妻子鄙事何煩賣鬼神

但使黃金同土價齊奴巴婦一時貧

誰將正變溯源流今古何殊貉一丘稊米太倉雖見錄

遺珠滄海詎勝收斑窺半豹難為管腹羣子狐始是裏

好與風騷搜累代他時文選續名樓竹垞先生書來相約同選宋元明詩

剝啄聲中歲偏除督催詩債甚追呼不徇俗好頭今白

自去名心膽更耐耐冷且來尋筆研消閒差覺勝撻補

此中甘苦何人識豈獨雕蟲悔壯夫

聞李辰山藏書多歸竹垞

嘆息詩人失李頎柘湖回首舊遊非自憐老友今無幾

且喜藏書得所歸萬卷又增三篋富千金直化兩蛛飛

平生謬託知交在悔不從渠借一瓿

近遊集起戊寅正月至三月

東廣微志狹九州爰作近遊之賦跡不越井里田

園事不離衣裳男女近則近矣於遊之義奚取乎

余自己未至今南北往還約計七萬里將收遊蹤

自遠而近茲集所以志也

戊寅元旦

屋頭初日靄春暉梅蕊看成豆粒肥扣齒焚香吾起早

敲門投刺客來稀舊梳白髮新逾短貧煉初心老肯違

苦覺鶴山聞道晚方知四十八年非罷了翁詩四十年成一年

盛宜山新築辦香菴於南湖之上雪中過之索詩賦贈二首

三十年前舊酒徒天教晚節占南湖不辭太守分清俸

便有游人指畫圖水鳥雲帆爭出沒風簾雨檻對虛無
繞籬尚少成陰樹先種芭蕉一兩株

半間小閣一枝藤餘事行有次第增野色憑闌牕面面
遠烟浮樹塔層層不知雪裏參禪坐何似花時挾妓登

畢竟前言吾是戲近來詩派併傳僧

雨中同朱十表兄過宿徐淮江聽鶯齋

去城日已夕曲折尋柱渚水洄舟屢膠用篙迺舍櫓兩
人苦兀坐拄杖入村陽稍稍深竹間疎燈騎復吐此來

占不速况復往遇雨犬吠僮僕噴開門揖賢主熱薪燎
我衣敲冰轆汝釜明朝迫人日節物良有取剪韭佐春

盤嘉肴竟踰五新年困酒食愛逐清談侶一醉不得辭

重君風義古

穀日至當湖沈南疑招同孫嘯夫過陸瞻成耕

廬探梅分韵得豐字

殘冰消盡水光中短棹移灣港汊通小圃花經入日雨
故人酒斝石尤風溪山興發長先到看核年荒

勿太豐醉墨歆斜吾自笑草書未暇為匆匆

是夕瞻成索書楹帖

乃成故云

大風渡前山漾

川光蕩我前一碧開玻璃岸澗山斷續船輕浪參差但
聞捍索鳴心與閒雲馳萬木盡却走孤帆正窮追道場

屹不動白塢如卓錫平生汗漫遊老懶意漸隳結念在

茗雪忘宅方自茲

重至湖州戲簡許舜功張桐軒兩學博

偶然乘輿到西吳社日還尋舊飲徒不用恢諧歸割肉
上丁纔過定膳吾

座主清溪徐公招同楊玉符綸修談未菴文選

泛舟碧浪湖

蒲柳城南水一方三年重此泊吳航閒陪白社青門客
受人銀鷗雪鷺鄉帳下諸生看漸老夔頭吏部最能狂

烏巾美酒東風泥并作澄湖匹練光

雨中游飛英寺次東坡稀字韵

春陰覆城堞花淺游人稀愛此北郭幽晨征夕忘歸盤
旋上翠堵恣眼窮清暉東風拂面寒細雨濕我衣客來

僧啓鑰客去僧掩扉跡在有迎送心空無是非

春分前一日余征古學博招集杏花下

落盡苔枝春欲分杏花庭院又斜曛得錢沽酒即相覓

誰似能詩鄭廣文

登道場山次東坡先生舊韵

船迴浦淑淺徑轉村隴小不覺坡陀高騰身萬松杪菰
城陷井底白塔雙雲表浮氣盡一州湖波白渺渺天長

接遙翠目極青未了漸上伏虎關群峰環繞繞清颺蓄

戶牖古殿深且窈脈絡引盪泉淙泓瀝池沼長廊百餘

步旁入逾幽悄蒼鼠窟別枝投空攫啼鳥歸然翠微閣

中敞外見少野火不到山蒼蔚復誰燎坐令杉桂材蒙
茸委蓬麥飛蟲晝轟聚高蔓晴天矯老僧守空庖恐作
山中殍軍持乞米出厭寂喜膠擾我來久徘徊愛此吟
風篠春深花淡淡日暮雲嬈嬈餘暉帶疎鐘詩境隨空
杳古今一大夢回首隔昏曉

二月十六夜自長水塘乘月放舟二鼓抵嘉興
城下

兩岸朧朧桃李花一天風露屬漁家小舩卧聽櫂歌去
行到第湖月未斜

同竹垞表兄飲譚護城給諫南樓看海棠

我愛城南給事宅海棠兩樹紅交加牆頭過酒便留客
樓上點燈兼照花濯枝偏宜的皪雨倦眼似隔朦朧紗
徑須時赴二老約爛醉不問東西家

寒食鍾復周秀才家看海棠和鍾飛濤

一樹萬花稠花光盡入樓偶逢寒食賞偏憶少年游照
座驚紅艷傷春到白頭苦憐風雨惡燒燭為君留

清明日南湖泛舟

積雨初霽交清明桃花杏花飄滿城城南水色綠於酒
鷓鴣一難春草生

曾道扶學憲惠蜀中藥材

吾比多幽憂早衰坐善病豈無三年艾真贗苦難證炮
炙投成方庸醫執其柄邇來讀本草稍稍諳藥性蜀山

美產多州邑若畫境靈苗倘易地厥品變邪正時俗但
徇名采真復誰更先生枝蜀士甲乙手親評開籠貯參
苓拔茅群有慶餘材搜草木良楛別明鏡萬里窟游裝
雖刀肯相競大江五六月風壯波濤盛百束壓歸艇蛟
龍不敢橫分張荷見及行篋忽輝映從來苦口利義比
良友諍若待倉猝求誰為緩急應於公感深意臭味殊
可敬

上巳雨中同竹垞及兒建再赴淮江招

三月三日東風寒徐尚書家春未殘半篙新水淥忍唾
兩樹碧桃紅耐看蛙黽幸未聒人耳蛤蜊大可充君盤
一番相過一冒雨咲口欲開爾許難

題沈南疑林屋山居圖卷子二首

莫輦峰下是查灣及記偏舟壓雪還一事至今留缺陷
不曾西到石公山

浮家泛宅事良難綰綬行將赴一官縱使買山爭得住
故應寫作畫圖看

自入春來往返嘉興湖州兩郡凡六十餘日穀
雨後還家花事盡矣

累月扁舟碧水濤歸來三徑已春深樓頭一帶槎牙樹
多為黃鸝換綠陰

題又微姪戴花圖小影

落魄江湖不計年風流別是一生綠桃根桃葉無顏色

迴避儂家載酒船

再題種菜圖二首

還君一首遂初賦和我三章學圃詩彈鋏思魚原失策
封侯食肉更何時

黃齏百蕪亦前因腰腹如渠那稱貧也與萬羊同一飽
算來原自可騎人

題族孫恒弘看舞圖

可是相逢游冶場由來壯士愛紅粧試他舞袖長多少
虹暈輕巾是電光

敬業堂詩集卷二十三

敬業堂詩集卷二十四目錄

賓雲集

初發江干

自漁浦挂席至富陽聯句

又聯句一首

和竹垞雨泊桐廬限腹字

和竹垞七里瀨限脚韵

龍中吟

晚次汝步乘月抵蘭谿城

下

雨發東峰亭

水碓聯句四十韻

和竹翁衢州城下作

篁步

常山山行

和竹垞沙谿舖

龔家渡夏文愍公墓道作

自焦石塘抵鉛山河口兩岸石山獐劣上無寸土
草木不生作詩嘲之並邀竹垞先生同賦以傳

好事者

從河口陸行至鉛山縣三

十里間山水清佳老樟古桂不記其數皆千年

以外樹也所至輒流連其下自悔舟中誦頑石

之作復賦此詩邀竹垞再和

鉛山城中有古樟三每歲四月白鷺來巢其間伏

雛乃去亦一異也和竹垞雨晴

紫溪道中二首

度紫谿嶺

觀造竹紙聯句五十韻

烏石村

分水關

崇安孔桑仲明府招飲縣齋池上分賦二首

和竹垞慢亭

冲祐宮

宿虞道士山房

和竹垞仙蛻巖

虹橋板歌

和竹垞小九曲石壁是唐

許碯題詩處故名題詩巖

和竹垞御茶園歌

仙掌峰瀑布

天遊觀萬峰亭

坐竹簾入九曲聯句

和竹垞建陽

樟灘

雨中下黯淡灘

延平晚泊

水口

小箬驛榕樹

竹崎關

贈汪梅齋方伯

敬業堂詩集卷二十四目錄終

敬業堂詩集卷二十四

海寧查 慎行 梅餘

寶雲集戊寅四月

春來既以近游名集是夏復偕竹垞先生作閩南

之行淵明所謂饑來驅我也往反五閱月共得詩

若干首唱酬者居其半釐為三集曰寶雲者紀遊

武彛也曰炎天水雪者取諸噉荔也而以垂橐終

焉中間聯句數章竹垞已刻入曝書亭集茲不復

刪義取各見存題目也

初發江干

江路羊腸迴江風羊角合丘長春西遊記風初起如羊角而上語漸近漁浦潭忽失六和塔

自漁浦挂席至富陽聯句

扁郎唱櫓雨初消梅餘突起東風送客船百里晴山低似

屋竹一江新水健於潮舟人謂江暴漲時海潮不得上得携老伴無拘

束梅餘縱是貧游未寂寥况有月波春甕在竹隔松不乏

酒人招梅餘

又聯句一首

又聯句一首

江山小船急浪衝竹疾若鷺鳥凌霜冬梅餘灣濇忽轉赤

亭岸竹俄頃不見南高峰梅餘鱗魚出網白尾尾竹鳥相

夾路青茸茸梅餘井西道人畫不得竹暖翠浮嵐如此濃

梅

和竹垞雨泊桐廬限韻字

灘聲遠初喧山色晚逾綠
宵宵城上鐘濛濛雨中屋平
生湖海夢又近巖陵宿濯足有烟波胡為加帝腹

和竹垞七里瀨限韻脚

老龜沒水風旋作合江亭西石勢惡兩蛇對走赴一壑
雲端百丈挽山腰井底孤蓬轉山脚

龍中吟俗作龍亦作龍葉夢得避暑錄游
其詩云當作龍閣江及今從之

龍中亂峯高插天龍中急水折復旋
龍中竹樹青如烟

白龍倒垂尾蜿蜒洩雲歎霧為飛泉
晴光一綫忽射穿

兩點白晝打客船船行無風七十里
一日看山枕樓底

有風七里無風七
十里龍中口號

晚次汝步乘月抵蘭谿城下

飛盡漁灣白鷺鷥眾師逆浪上灘
遲蘭溪城外數錢女

月出未收青酒旗

雨發東峰亭

昨日不料風今朝不料雨
生涯昧所向智不如商賈聊

為山水遊旅興時一鼓東峰吾舊識
嘉樹紛可數中流

乍回頭悵若辭地主三衢渺何處
去去信柔櫓自此西行余遊

擬向所
未歷

水碓聯句四十韻

百灘趁漸江昏且鳴不息竹
大波恣奔放小波迴汨渚

梅居人擅水利審曲引使直竹
其長走蛟蛇其廣納溝

減梅過防激之怒徑隘流轉亟竹
夫豈水性然適來遭

勢偏梅于焉扼其吭壘石添梁杙竹
椽茅架小屋度地

隨偃反梅斷木為巨輪當衝立樞極竹
旁安三十輻輳

輻斲斤墨梅龜鱗交兩兆驚甲支九肋竹
括張等虞機

璇運就圍則梅江心鏡欲躍海底月半蝕竹
滅頂泗人

騰升師壯士踏梅尻高首或下後湧前忽匿竹
團團牛

旋磨匝匹鴉翻翼梅東軸貫中央有如著在劫竹
循環

觸牙動揚者必先抑梅石白質本頑甘為杵所賊竹
昂

然馬騰槽俛若鶴啄食梅硃磳應關揆次第符漏刻竹

擣紙十萬戕取禾三百億梅糠秕除未盡藤竹需孔棘

竹一為機事牽焉得休汝力梅先王昔制器取象配卦

德竹舟楫涉大川耒耜徂畛域梅養生務佃漁分壤別

動植竹隣歇答春相作苦爰稼穡梅俾習四體勤群黎

無懈武竹後世技巧繁濫奇難付測梅桔槔輓轡作便

利成典武竹紛紛鑿渾沌一一聘胸臆梅能令蠢者靈

通者忍以塞竹即此水碓論用意略可識梅居然役造

化安坐無怵色竹乃知天生民若苗之有騰梅夜來山

雨驟趙漲漫澤國竹沙崩岸凜沈有械施不得梅物成

久則毀茲理復何惑竹逸豫安可貪民勞宜率職梅

和竹翁衢州城下作

開府專征地孤城盜賊邊身常當矢石險豈恃山川劉

漢何知反睢陽竟得全白頭遺老在對客話當年甲寅乙卯

之亂武定李文襄公鎮
此浙東西數郡獲金

箕步

去衢州二十
里地產柑橘

百折金川水東流下石門
確床聲不斷炭塢氣昏小
屋椽欄岸疎籬橘柚村
荔支方入貢剩雨未移根

常山山行

常山小城如破驛細路多
嵌彈丸石一乘竹轎役兩夫
雜遝前行隨估客憐渠
直止百錢為我赤脚賴兩肩
我今亦復被物役何暇悲人還自憐

和竹垞沙谿舖

山田早插綠秧齊小犢
新生未架犁間背村童
浮水去牛欄只在岸東西

龔家渡夏文愍公墓道作

東市朝衣血西江野哭
魂已無鄉社祭猶有墓門存
亂水荒阡斷悲風宰木昏
鈴山籍官後得謚即君恩

自焦石塘抵鉛山河口
兩岸石山瘳劣上無寸
土草木不生作詩嘲之
並邀竹垞先生同賦以

傳好事者

爾雅釋山名類族紛可數
土山或戴石石山或戴土
草木別有無無者名曰岵
挾筴事出游舊聞證新觀
一山一巨石突兀向江滸
若被烈火焚禿鬪了無取
于猷燁其毛于鳥翦其羽
于人為寡髮渾沌出太古
無心腹腎腸無耳目眩股
大疣蕃盜懸醜疾遽條俯
陳根何處托

沈泉不得吐正坐山無情
遂令旁少輔樵人弛負擔
匠氏輟斤釜塊然天地間
於世爾奚補

從河口陸行至鉛山縣
三十里間山水清佳老
樟古桂不記其數皆千
年以外樹也所至輒流
連其下自悔舟中誚頑
石之作復賦此詩邀竹

垞再和

溪迴峰巒奇雲日互虧
蔽兩邊盡古木曲徑入
蒼翠行人雜負戴偃憩
隨所至如開步障陰下
可萬間庇想當生材初
造物本無意榮枯非分
定蒙養在托地我昨嘲
頑山無端坐好事目前
不見睫幾欲一槩視向
來身未經鹵莽悔輕議
譬諸覬他邦不仁在高
位輒云彼無人賢者豈
終棄作詩還自哂一解
前言戲

鉛山城中有古樟三每
歲四月白鷺來巢其間
伏雛乃去亦一異也

恠底空城老樹梢鷺鷥
引隊似蘆菱魚蝦飽噉
無人問生子看看占鵲巢

和竹垞雨晴

入門兩脚垂出門雲氣
遯皇天本無私避逅適
我願紫溪道中二首

去城漸遠漸青葱畫裏
谿橋曲折通無有一村
無好樹歇涼人在小亭
中壘土層層勢就低石
田如罽岸如梯清泉盡
是秧針水

直到山根始作銘

度紫巖嶺

渡橋正亭午白日無匿景微茫紫翠間峭崿西南頂躋
攀力已殫仰視猶半嶺迴風轉輓轡汲我出深井茅蒼
冠木末快若衣振領綠樹忽交陰蒼然失人影坐來殊
氣候濁暑驚清冷匆匆行役心佳處惜俄頃

觀造竹紙聯句五十韻

信州入建州篁竹冗於篠竹居人取作紙用穉不用老
梅 邊恤簫笛材緣坡一例倒竹束縛沈清淵殺青特存
縞梅 五行述相賊伐性力揉矯竹出諸鼎鑊中復受杵
白擣梅 不辭身糜爛素質終自保竹汲井加汰淘盈箱
費旋攪梅 層層細簾揭箔箔活火焙竹舍粗乃得精去
濕忽就燥梅 擘來風舒舒暴以日杲杲竹箬籠走南北
適用各言好梅 緬維邃古初書契始倉皁竹自從史記
煩方策布豐鎬梅 中經祖龍燔孰敢撲原燎竹漆簡及
韋編殘灰跡同掃梅 當時禍得脫賴爾生不早竹漢代
崇師儒家各一經抱梅 裁緝蒲柳姿刀削詎云巧竹如
何物物智乃出寺人造梅 麻頭魚網布棄物收豈少竹
後來逾爭奇新製越意表梅 山苗割藤芟水滋采苔漆
竹 桑根斧以斯蠶繭機不絞梅 澄心光綴鏡面波晶
晶竹 研宜金粉膏繪作龍鸞爪梅 桃花注輕紅松花染
深縹竹 鴉青蜜香色一一隨浣漂梅 十樣益部箋萬番

傳癖橐竹紛然翰館閣邀矣來海島梅 要為日用需若
黍稷梁稻竹 惜哉俗暴殄塗抹太草草梅 俗詩鼃蝸鳴
俗書蛇蚓繞竹 俗學調必俳俗文說多勦梅 流傳人有
集刷印方未了竹 積穢堆土苴餘殃毒黎棗梅 或汚蝸
角涎或供蠹魚飽竹 或為肉馬踏或被饑鼠敲梅 糊窓
信兒童覆甌付翁媪竹 遭逢幸不幸所繫豈纖抄梅 平
生嗜奇古卷帙事研討竹 秘笈藉爾抄籤金匪吾寶梅
響榻湖籀斯斷碑拓洪趙竹 提携自刺史著錄庶可考
梅 由拳法失傳將樂槽苦小竹 楚產肌理疎晉產膚澤
槁梅 物情相倍蓰美惡心洞曉竹 非無雲霞膩愛此霜
雪皎梅 小疊慰帖平捆載赴遠道竹 預恐壓歸裝又滋
征權擾梅

烏石村

修竹連山萬萬栽新新換葉碧如苔特留老節非無用
歲歲生孫作紙材村家造紙多取新竹故云

分水關

萬斛松風捲戍樓泉源同在此山頭忽教一塚巖墻劃
不許東西更合流

崇安孔彞仲明府招飲縣齋池上分賦二首

南遊吾偶到北海席頻虛未敢輕修刺何當先下車客
來童掃徑衙罷吏抄書欲識閒官味君看清獻渠
樹陰齋舫合荷氣板橋灣水檻晴初倚溪門夜不關座

中無俗客管內有名山未到聞君說如遊九曲還桑仲于座

和竹垞慢亭

慢設曾孫宴歌傳鼓笛聲神仙如可學大抵屬多情

冲祐宮

一溪隨擢轉天半削兩峯萬年宮在兩峯趾古殿入門三五重長廊白日氣幽邃陰以楓桂樟柎松不知中有路但見列岫四面排高墉不知下有谿但聞噌吰鞳鞳相應如鼓鐘神仙高居道士俗三月四月忙於農苦言茶味薄不足充上供客來正炎熱亟思澆此枯渴胸頭網封裹度領去上品一呷霑無從明朝試扣白雲洞洞口老僧逢不逢武邑茶出僧製者其價格於道院

宿虞道士山房

晚涼新浴罷古觀有餘清一院松篁氣滿窓風雨聲擣齏因藥白暖酒就茶鐺預飭齋廚飯山遊望曉晴

和竹垞仙蛻巖

生前不煉紫金丹身後何須白玉棺已向虛巖委枯骨癡兒尚掃漢家壇

虹橋板歌板為崇安潘秀才在東所贈

潘生贈我虹橋板云此購得從仙山慢亭宴罷橋忽斷此木皮在萬仞之孱顏蒼鷹健鶴對對巢不得但見成群接臂叶跳猿猢猻黃冠白足力難致間出贖者相欺

設有時晦冥書風兩神物欲降天為愠前者偶經此巖下巖前白浪吞船緣忽驚片板半空落有若胎禽隨羣飛輕翻主人大咲童僕喜謂獲至寶非空還已令巧匠刻為佩何異袖鞭使物駢妖姦知君好奇特分贈徑尺未許酬千銀我時聞斯語未敢相譏訕今晨入武邑好事搜險艱生為指其處乃在一曲二曲三曲灣初疑棧道上露出船尾彎復如鳥鼠穴竹箭亂插同榛菅神翰鬼運義矣取徑路斷絕誰躋攀忽憶少年日南走五溪窮百蠻蠻人寄命巖洞裏多構柴柵臨崢嶸今之所見正此類亦如秦客避亂來其間不然颺輪雲馭本飛渡豈有剝木留塵裳摩挲重是千歲物肌理駁蝕生香斑携歸壓書儘有用何必新奇瓌詭驚愚頑

和竹垞小九曲石壁是唐許碣題詩處故名題

詩巖附錄碣詩閭苑花前是醉鄉召翻王母紫霞觴群仙拍手嫌輕薄謫向人間作酒狂石上三生事渺茫題詩重過苾芻房此中大好安茶竈何苦人間作酒狂

和竹垞御茶園歌

宋茶貴建產上者北苑次壑源研膏京挺南唐貢茶名製一變爭新鬪異凡幾番白龍之團青鳳髓輦載入洛重馬奔武邑粟粒芽其初植未繁何人著錄始經進前有丁謂後熊蕃君謨士人亦為此餘子碌碌安足論宣和以來雖遊驛場未官設民不煩元人專利及瑣細高興父

子者寵恩大德三年歲己亥突於此地開茶園中連房
廊三十舍繚垣南北拓兩門先春次春徧采摘一火二
火長溫曆緘題歲額五千餅雞狗竄盡山邊村携來詐
馬筵和入潼酪供鯨吞豈知靈苗有真味石銚合煮青
松根爾來歷年已四百御園久廢名猶存筠籃四月走
商販茶戶幾姓傳兒孫我思鱗魚橋袖任土貢微物亦
可充天關朝廷玉食自不乏何用置局灾黎元追思興
也實禍首幸保要領歸九原山靈曷不請於帝按女青
律笞其魂傳語後來者毋以口腹增至尊

仙掌峰瀑布

接笋仙掌峰入望初聯綿兩崖訝然豁一瀑垂蜿蜒不
從仙翁指間出却穿左脅下赴六曲為奔川行人衣沾
芒屨滑拄杖直上孤雲巔峭嘔丘前石徑轉胡麻小澗
當橋邊尋源初自稻田發三里五里斷復連淺處生葛
蒲深處得種菱與蓮千年老蟾蜍爬沙亦頑仙仰天喻
其舌噴水一竅清而圓始知山前雷轟礮激千丈瀑布
水即是山背消消泉匏樽便向道人借我嫩欲住清涼
天

天遊觀萬峯亭

占地既已高尤難在扼要前臨殊陡絕旁眺轉孤峭群
雄奉一尊奔赴不待召來時記目擊歷歷本形肖羊群
呼可起石仙羊馬首回若掉馬頭象鼻垂彎環象鼻獅頭

仰軒越獅子鼓鐘應考憂鐘鼓龍虎答吟嘯龍虎
兜鍪勇士冠兜鍪粧鏡神女照粧鏡石笋瘦而長石笋
擊蓮花娟且妙蓮花到亭悉殊狀變幻非意料初高後
反匿曩隱今忽跳投空翻白鴉削背掠蒼鷄烟生松外
村竹亞幄中廟清溪截羅帶已斷復縈繞澄泓鷗鷺池
中有一翁釣流觀飽創獲俯仰恣吟剽嗟神靈區僻
左落遠微奇峰三十六名可配嵩少奈何杜韓輩足未
涉閩嶠山靈秘莫宜自古閑窺突我來及新晴朗日相
照耀終疑雲霧窟滂渤尚埋歎幸賴此孤亭于焉踟蹰
戲重遊果何時臨去屢回眺

坐竹簞入九曲聯句

連峰六六收蒼霾梅雨餘滑澆碎石街竹挈我栗杖樓
毛鞵梅蘭湯渡口上竹簞竹篙工初指一曲涯梅姓名
幾輩爭磨唾竹娉婷玉女峰最佳梅野花簇髻松搖釵
竹當年武巨集神媧梅歌絃鼓板金管齧竹高張雅奏
無滂哇梅子禽小蛾定爾儕竹群仙一散後會乖梅黃
心老木委蛻種竹爾獨對鏡留形骸梅千尋鐵障鎔頑
錯竹大藏小藏有背換梅山魈獨脚帝所差竹洞門石
崩呀然闖梅壑舟力負何劬勦竹其中瑰木類積穉梅
又類羽鏃抽鞞軟竹水光汎汎聲潛潛梅冥冥微徑不
可階竹欲往金井迷鬼艾梅深潭龍臥波涼凜竹誰歎
釣者貪鮪鮓梅茶園新芽出舊亥竹僧籃道笈采摘皆

悔可惜不逢紅粉娃竹題詩古巖平不款悔精廬小於負殼蝸悔豈若大隱屏之厓竹祠宇百世人模楷竹大

書照耀銀泥牌悔學達性天 聖德諧竹屹然天柱高歲裛悔勢如拱揖趨庭塔竹須臾路迴仙掌排悔神鼻

下上車鞞悔竹窠桃澗雜樹槐悔龜浮嶺控形膠隍竹白雲奔前雙眼措悔俯視九曲滌青緇竹新村村落

尤可懷悔新苗活水通荆柴竹穀犬跳聒雞膠啗悔况無蛇虎狼猱豺竹何時買地營茅齋悔畊稜漁弋與子

倚竹和竹垞建陽

考亭本是黃家墓侍御橋邊宅久空陳跡已消名姓外好詩猶展畫圖中後來結構原因此佳處溪山遂屬公

欲買麻沙村畔屋餘年拚作蠹書蟲唐宋侍御史黃子陽東觀山祭亭以望其父之墓曰望考亭因以名里宋

文公之父章齋先生愛建陽山水未及卜居公築考亭以承先志正取黃侍御之意後人專以考亭屬文公侍御之名湮矣人過小橋頻拍點全家都在畫圖間侍御

詩中句

樟灘

小縣晨發舩建溪展平綠前行三四里跳沫粗如鵝厥名曰樟灘畜害自古酷假令勢下趨直瀉無迴躅石梁伏水底未免防坎毒奈何三折形故作巴字曲湍奔方有激石起陡被束一芥一針投中間不容粟兩旁刺刀劍猱惡伺失足篙工善駕馭肯與怒機觸馴彼積豕牙

服我童牛牯終焉脫於險初若順所欲方悟不擾心可以遠蹶促側聞前灘多恠石難悉錄吾生不有命恐懼隨羸僕

雨中下黯淡灘

未到先愁出險難忽驚片葉落奔湍星流電轉目未睜一道白光飛過灘

延平晚泊

小兩冥濛劔浦西浮槎壓水女垣低人家多傍翠巖住榕葉滿城山鷓啼

水口

雨餘忽飄雨數點山外更添山幾層六百里灘多過盡也如出峽到夸陵

小箬驛榕樹

古驛千年樹蟠根積水涯細筋堅作骨新葉嫩如花綠處陰三畝枯邊畫一椹散材真自幸剪伐幾曾加

竹崎關

佛桑花根犬吠龍眼枝頭鳥鳴漸覺山平水遠郵籤報近榕城

贈汪悔齋方伯

國家有異數畸人出當之巍巍宏博科鶴鳳集一池公來承 主眷初亦由文詞繼乃悉公才拔萃超常資我朝拓遐陬南不盡島夷勿輕發介使大體存羈縻曠典

敬業堂詩集卷二十五目錄

炎天水雪集

端陽前二日初食荔支戲寄德尹時弟在蘭州一首

西施舌

香螺

蠅

鱖魚

花蛤

黃螺

珠蚶

食江瑤柱

林草臣攜酒見過

養蜂歌

汪學使棟園寄餉興化荔支

林竹筠封翁招飲榕菴

汪悔齋方伯署庭有荔支小暑後摘以見餉率成

十六韻

甘泉漢瓦歌為候官林同

人賦

張民瞻舍人趙二今孝廉

同日餉荔支

六月初六日同竹垞青壇

過長慶寺啜荔支二首

與陳漳浦莘學話舊 數日前作詩報悔齋方伯

未有無厭之請蓋在楓亭荔支也朝來果蒙分

餉再成一律

龔運使榕溪招飲園亭

飲陳集斯烏石山莊

六月十四夜喜雨

題讓竹亭修楔圖卷

送龔仲圭歸合肥

仙遊茅筆歌

壽山石歌

以蜜漬生荔支戲成一律

偶一修擇賢誠足毗公時膺特簡卿 命東南馳粘天
駕波濤帖首馴蛟螭平生抱忠信涉足無嶮巖肅將明
明威慎重瞻手儀必若誕文教要令崇先師齎背屹宮
墻作記刊諸碑餘事當潤色問俗陳風詩手持王曾圖
歸獻白玉墀 至尊動顏色前席為頻移迄今奉使錄
燦若星日垂自茲益嚮用歷試無不宜試公以吏治出
領嵩洛伊政成多異蹟獨創非前規試公以擊斷明決
仁且慈八閩百萬戶立起殘瘡瘼試公以大藩旬宣來
保釐民勞既已堅國計終無虧凡此十年中官塗自逶
迤旁無汲引力皆受 特達知煌煌名書屏屢被褒美
辭行省尚見屈看人換旌麾賤子田間來於公少恩私
側聞道路口籍籍皆如斯當今梁棟材大器非公誰公
昔守洛陽舍弟久追隨猥蒙齒頰及佳句時或披堦前
尺寸地投謁獨性遲男兒屬有願會合寧無期携我作
遠遊竹垞真好竒武厓昔未到昨始慰所思此來復識
公又得啜荔支何期寂寞遊三樂併一時篇終述已意
公幸勿見嗤

敬業堂詩集卷二十四

飲張民瞻齋

之

高斯億為余書竹以詩報
福州太守毀淫祠歌

題悔齋方伯小照二首

楊浴菴餞別於謀野莊

垂橐集

舟發螺江林草臣張民瞻追送於洪山橋

朝發竹崎順風晚抵水口驛

初上灘

逆水逆風歌戲呈竹垞

七月十五夜泊堦程

折紙灘

箭孔灘

茶陽灘

盆灘

雨後過南鴉口

建寧過德州田子益以蜜漬荔枝分餉

飲旣寧陳明府陸來縣齋

萬石灘

大小米灘

牛頭牛尾灘

重過雙溪口懷武夸舊遊

龍牙灘

迴龍渡

鼠灘

蓮花灘

嶺有南浦見寄絕句今日至浦城追憶前詩和

此遙答時令詒宰黔之銅仁

緣波亭

行經夢筆山下

發浦城晚宿漁梁嶺下

黎嶺廟前古松為火所焚作歌弔之

度仙霞關題天雨菴壁

峽口

雨中過江郎街二首

曉晴發清湖鎮舟中望江郎山

雲尖渡即目

雨夜宿王子穎龍游學署

嚴陵二絕句

夜發富陽曉至泥汊避潮

小泊

吼山

偶遊蘭亭

語溪舟中與竹垞別

閩中垂橐而歸家人適告米盡口占二律

戊寅除夕

敬業堂詩集卷二十五目錄終

海寧 查慎行 悔餘

炎天冰雪集起戊寅五月盡六月

端陽前二日初食荔枝戲寄德尹時弟在蘭州

二首

荔子初紅到福州絳囊欲擘已涎流阿頰來往如相避

笑擲閩南一度遊弟於甲戌二月遊此四月還家未嘗噉荔也阿頰弟小名

方紅陳紫價爭高次第行將餒老饕直作衝炎吾得計

西遊終不羨蒲桃魏文帝以蒲桃比荔枝世訊其繆

西施舌一名沙蛤

尤物佳名托依然住水鄉死難逃越網生只戀吳航沙者住

香螺

螺女江邊產形麗味特奇客廚貪一飽空殼付僧吹梅聖俞詩佛寺吹螺空唱噪

味美尤在螯一枚十錢買自從擎蝓蚌不憶分湖蠚

蠚魚腹下有十二足雌雄常相負取之輒作雙

介屬魚其名雌雄同一束爬沙苦無力安用十二足

花蛤

入水化幾時登盤復充繪剝腸誰見憐文采却在

黃螺

敬業堂詩集 卷二十五

藏尾露兩角肉黃漫多腥時於蝸殼中自負枵然形

珠蚌

珠蚌細已甚魚鱗鵝眼許海錯幸自多烹鮮乃及汝

食江瑤柱
河豚豈不佳中毒時有之須臾聊為性命忍當筵輟箸
甘被旁人嗤半生夢想江瑤柱客或誇示長朶頤南遊
無一事直為口腹寧非癡土人向我言惜來非其時客
欲嘗此味請以冬為期清晨無端食指動腥風恠雨入
座紛離披天教尤物落吾手海市忽逐神鞭移常鱗凡
介盡辟易獨許上品當釜錡其形初如羊角合條若蟬
蝠兩翅張襪襪格高味厚少為貴中間甲柱孤撐搯滌
以百沸湯逡巡發華滋鮮於金盤露潔比白玉脂食經
百六十五卷鳴薑點醬無不宜良庖俗庖兩兩割烹好
方法不用傳嚴龜隋大業中刻淮南王食經一百六退
之引類及章舉坡老比擬到荔枝二公評騰竟誰是吾
方飽噉不暇措一辭

林草臣攜酒見過
草堂無定所亂後屬他人愛客老尤篤論交晚自親割
鮮兼眾味載酒過比隣一醉叨深眷翻憐地主貧

養蜂歌
逆旅主人貪養蜂木櫃中結房千重別開孔竅聽出入
高置簷宇虞奔衝頗同君臣儼有禮稍別種族如知宗

兩衙薨亮勤鼓翅四序擾擾無停蹤婦姑勃蹊或同室
子弟盛壯旋分封秦宮每向花底活韓憑大抵枝頭逢
苦兼黃連末藥使甘比稼穡成花農乾坤大哉類斯聚
形體眇爾性則兇天生是物本巖谷於世無競宜相容
自求辛螫誰作備乃至役物為人傭僦居一椽在隘巷
偏側欲避愁無從明知倉卒非大害未免有意防針鋒
吾將縱女任所適解衣盤礴便疎慵主人一咲不見許
留待割蜜當嚴冬

汪學使棟園寄餉興化荔支

南越百株移遠植西川一騎走炎埃如何兩日楓亭路
也為先生置驛來

林竹筠封翁招飲榕菴

山根沮洳濕蒼苔別業重新鑿石開但使周遭留竹樹
不妨次第補亭臺五經又課諸孫讀次公碧山以五一經推第故云

楹頻携遠客來拍點舊時門逕改雙榕前歲拔風雷前門榕樹二株丙子七月為大風所拔

汪悔齋方伯署庭有荔支小暑後摘以見餉率

成十六韻

陰合重樓外枝垂曲檻東珊瑚推舊譜玳瑁占新叢畫
省初凝露薇垣迥得風繁星紛乍摘白雪沃俱融步障
絲褰紫宮衣袖卷紅品方瑤柱美東坡梅溪以江肌愛
玉環豐只許輝銀印白樂天寄楊使君荔支詩對君銀印色相鮮何期餉竹

籠從來臭味合大抵餽貽通不是分甘只好將毋嚼蠟同
災官方赫赫熱屬又蟲蟲解駁涼無汗醫蠲渴有功稍
宜親夏簟惟欠剝春葱長樂全勝畫郵亭尚憶楓長樂所產名勝畫者可與興化之楓近應來郡縣遠不比瀘戎詩德過瀘或摘荔支旅橐終難致頂筐倘更蒙此遊專為口貪得
嘆何窮

甘泉漢瓦歌為候官林同人賦

林生老立專門學金石遺文卷盈握曾經從宦走長安
斷碣殘碑薛親剝昭陵蹟廢補亡闕磨石山高穿礪礪
水霜裂面虎豹嗥沙礫堆中拾完璞摩挲銅狄自何年
萬棟灰飛片瓦全為按黃圖考宮殿始知地是漢甘泉
底平面正規而圓肖形似鏡還如錢其高半寸徑三寸
旁具輪郭中不穿土花蝕後文留識音志上有長生未央
字龍拏鳳攫結撰奇肉厚肌疎形體異與人作硯不中
用抱質如初無變置吁嗟乎楊南劉仲不作識者希時
俗誰能辨真偽巧多滋偽樸者真此瓦人間蓋無二豈
同水井香姜閣埏埴紛紛托疑似勸生勿更加鑿磨本
色須教存古意生領此語索我詩我詩質直無娉辭請
煩拓致數十本徧乞羊何共和之或恐流傳落人口陶
甄又復成今手

張民瞻舍人趙二公孝廉同日餉荔支

側生倒挂頰虬珠後先磊落致坐隅空齋長夏失炎熱

中有仙妹冰雪膚太真飛燕兩嬌嫵那辨徐家蔡家譜
新譜蔡君謨著甫田譜徐帥閣著野人揣分已不廉一飽今朝煩二主
此生大嚼知幾回一日可少三百枚從茲便結荔支社
周東坡嶺南事日日西禪寺裏來

六月初六日同竹垞青壇過長慶寺啜荔支二首

碧蘚埋唐碣紅雲擁寺門客嘗初棟樹僧引為開園甘
露充香飯清泉注瓦盆分沾徧僮僕猶自壓枝繁

蚶殼梢梢重星球箇箇圓生偏當遠嶠吾及遇豐年
云今年荔子最熟似為遠客設供邂逅三人話衰遲一飽緣勿嫌來較

晚禽易讓爭先

與陳漳浦莘學話舊

誰憐香案吏遠謫到天南索米洵非易折腰良不甘山
租輸海貝市舶賤迦楠喜拜貧官惠輕風白葛含
時以廣葛

數日前作詩報悔齋方伯未有無厭之請蓋在

楓亭荔支也朝來果蒙分餉再成一律

四樹楓亭種曾經入貢餘人間應漸少名下果無虛絕
品慚供客兼程苦累渠色香全未減地主誼何如
只四驛庭

樹樹老半枯枝闌人宋比玉荔支詩也

龔運使榕溪招飲園亭

擲印歸家髮未蒼手栽梧竹闌池塘到來但覺綠陰好

坐久始知清晝長客子解衣思避暑主人投轄怕逃觴
不辭戶小拚沈醉三伏世間無此涼

飲陳集斯烏石山莊

炎天塵滿街穢穢何太古野人寡酬酢一飯必擇主陳
生靜者流邀我遊椒塢小樓城北面豁達寄簷宇漸入
轉幽深忽高迷步武清泉閱巖竇涓滴時復吐碧眼貯

渟泓瀉為荷芰渚隔籬微僻徑疊石不帶土瘦竹走長
鞭淡花垂細乳木桃正垂實
木桃似木瓜而有紋上結一臍如小桃錯落

指可數中無一蟬嘶上有獨鶴舞孤亭出林表七塔皆
下俯客來導攀躋赤日方卓午清涼徹山骨快若新過
雨善病君得閒息交吾獨取何當把鏡柄共治黃精圃

六月十四夜喜雨

撲扇蚊蠅若不支下涼聊與睡相宜一意歸夢芭蕉雨
六月驚心蟋蟀詩遠客交遊長寂寞殊方節物極參差
明朝紅侵城西路已是潮田穫稻時

題讓竹亭修禊圖卷

何必山陰亦有亭一時盛事又丹青舊因洗竹開三徑
新為栽花讓半庭詩好儘容僧入社客來總與鶴忘形
年年上巳風光在長指天南聚酒星

送龔仲圭歸合肥

嗟余生苦晚前輩未識側聞長老言蘊穡推厚德煌
煌端毅公古道手扶植南宮昔校士良祿就陶埴至性

實憐才搜羅如不克謂宜餘澤在十世報猶食公子負
英才承家奉執則干人非本意負米貧自力堂有白髮
親傷哉彼叱咤通門謁開府願望良易塞舊時桃李花
常路化荆棘交幾厄陳蔡歸及課畊織不汚裹囊金正
復壯行色螺江水新漲帆影輕比翼一事足誇人來從
荔支國蘆天錫詩紅塵香煖荔支國

仙遊茅筆歌

群上海上來絡繹趨九仙僊翁此山佳示夢於幾先仙
祠新夢山中老樵枕石眠斧柯斷爛不記年夢中髣髴
遇神授筆花晝吐黃茅天覺來信手縛不律巧被筆工
偷妙術遂令九仙祠下三脊茅用與雞毛鼠須匹中書
免冠頭不禿管蒯居然效微質幸渠一束價未高殿頭
簪珥非汝曹若教朱墨官盡取便恐仙山成不毛君不
見連山伐竹兔拔毫鐵梳膠綴何其勞穢史自執奸吏
捺直與此輩供錐刀老夫抄書拍生繭怕搦人間管城
管塗鴉結蚓隨爾為不要殘年護吾短

壽山石歌

周禮重爾節後來印章毋乃同自從秦人刻玉稱國寶
此外雜用金銀銅鑄成往往上戴紐負鼎作力碑跌雄
索駝羔鹿虎豹龍細者龜兔巨者貌與熊肖形寓像隨
所好繆篆法與蟲魚通漢時斗檢封下沿唐宋仍相蒙
神龍貞觀宣和中六印旁及金章宗當時御府收藏及

書畫首尾鈐識丹砂紅民間私記不知幾千萬楊克一
古印王厚之有後姜夔有集趙子昂有集古誰能窮車
格瑪瑙犀角及象齒苟適於用俱牢籠後來摹刻忽以
石其法創自王山農元末諸暨人王冕自稱煮石自元
歷明三百載巧匠到處搜殫瞻吾鄉青田舊坑凍價重
蒼壁兼黃琮福州壽山晚始著強藩力取如輸攻初聞
城北門日役萬指傭千工掘田田盡廢壽山石產田鑿

山為空崑岡火連三月烽玉石俱碎汗其宮况加官
長日檢括土產率以包苴充今之存者大洞益已少洞

所產亞別穿巖穴開芙蓉今所用者皆居人業此成石
戶斑白老叟携兒童采來製紐尚做古一一彫琢加磨

龔我聞金石古稱壽茲山取義奚所從如何出寶還自
賊地脈將斷天無功山靈有知便合變頑礪燕與鴻蒙

混沌相始終

以蜜漬生荔支戲成一律

蠟黃封蒂上方盒木入蜜時先兩月南中已屬厭筐篚

人情憐白曬瓶罌方法愛紅鹽白曬紅鹽俱離枝便減

三分色入蜜懸知一味甜珍重老翁親手摘歸教兒女
得分沾

飲張氏瞻齋

出牆藤蔓走龍蛇拍點相過路不賒却喜隣居連北巷

每拈書籍問東家寓舍去張最近涼生翠蓋耳邊雨風

頻得借書故云

落紅礙屋角花借取深杯還接燭不愁官鼓夜催搗
微雨竹地先歸余及鷺容溪雨人復留銜飲

高斯億為余畫竹以詩報之

畫竹原從草書出眼中孰是張芝筆高生善書久絕倫
餘技兼為竹寫真自言亦用狂草法頗覺游戲能通神
無諸城中少修竹客舍連旬苦炎毒賴君妙手補化工
為我一揮終十幅幅終擲筆風雨來野人踈爽心顏開
須臾雨止墨光濕潤入紙背生蒼苔老龍蛻骨瘦崛強
翠鳳掉尾紛毳認魄雄氣大腕力壯盡掃篠蕩皆凡材
忽然幻作鐵鈎鎖江有李圭作竹自根及梢極小者一鈎動成謂之鐵鈎鎖自云惟柳公權有此
世有誠懸應識我渭川千畝胸鬱蟠放縱精微
無不可文湖州派繼者難後來獨推王孟端人間多畫
風中柳東坡題文與可墨竹詩那詩春刻筆畫作風中柳珍重蕭郎十五竿斯意

福州太守毀淫祠歌

愚眊致貧益有術祈福淫祠亦其一八閩風俗尤信巫
社鼠城狐就私暱巫言今年神降殃癘疫將作勢莫當
家家殺牛磔羊豕舉國奔走如風狂迎神送神解神怒
會掠金錢十萬戶旗旄夾道鹵簿馳官長行來不避路
忽聞下令燔妖廬居民聚族初睚盱青天白日鬼恠遁
向來祇奉寧非愚嗟嗟千年陋習牢相紐劈正須煩巨
靈手江南狄公永州柳此事今亡古亦偶獨不見福州

遲太守

題悔齋方伯小照二首

鯨味鰲擲氣何如目送雲濤蕩碧虛記得大羅天上事
瀟山難著白尚書

獨立蒼茫又一奇長松怪石兩叅差披圖聊識高人意
未是科頭曳履時

楊浴菴餞別於謀野莊

黃門門下無多士楊為先黃門伯禮闈所取士三十年來盡罷官白
首荷君存古道清樽留我話更闌科名得路人餘幾子
弟能文事最難別後倘逢潮信便好從魚素報平安

垂囊集

起戊寅七月盡十二月

舟發螺江林草臣張民瞻追送於洪山橋

小雨作秋涼偏舟客將返殷勤良友意送我辭遠洪
塘十五里短亭復長亭可憐橋下水臨別難為聽來時
梅子黃去時龍眼熟新歡旋已散後會恐未卜勿謂嶺
海遙合并諒有由所嗟迫衰賤去住兩白頭

朝發竹崎順風晚抵水口驛

荔海南來得飽餐此遊那更嘆無端歸帆偶得東風便
明日方知上水難自北以上皆險難矣涼月一梳微帶暈暗潮三
尺忽平灘炎方未必無清景貪向船頭坐夜闌

初上灘

建溪之惡惡無比很石高低勢隨水竹篙如鐵船似紙

曲折蜂窠犬牙裏南浦迢迢六百里大灘小灘從此始
黃河亦可濫觴耳不到水窮行不止

逆水逆風歌戲呈竹垞

逆水曠強弩逆風簸蠻旗濫灘怪石張領頤使我有恙
不敢拽有篙不能施但見北來船乘流挂席東南馳我
欲問天天不可問丈夫處世各有利鈍塞者自塞通自
通造化小兒游戲中解后兩相值我適遭其窮却笑竹
垞老與我同舟還遇風乃以我故兼累翁翁今涉世頗
知退坐狎雷霆如一噫我拍手翁和歌人生大都逆境
多順流豈遂無風波

七月十五夜泊埂程

一村樹合煙初暝四面山高月未升隔岸聞鐘知有寺

滿川風浪放河燈

折紙灘去尤溪縣
二十里

可憐尤溪灘險於太行山羊腸九折有路猶可攀折紙
一折乃在疾雷掣電中央間高下既懸絕東西故彎環
上灘不易下更艱有生寄命脆如此揺手休輕過折紙
箭孔灘

銅牙發利矢未足喻其急小舟欲穿針孔入石梯倒行

三十級強弓寸寸彎不得羿殼不中嗟何及束手號天
天雨泣

茶陽灘舟人口號云大水大相小水
茶陽謂水落時茶陽最險也

大水大湘小水茶陽巨川塞路如牛如羊叱之不動迺
是石波臣橫路千步同當時大禹疏鑿不到此漸長牙
角勢莫當棄置九州外放流比投荒如今郡縣開海外
尚於中道梗咽為民殃何人為剷除毋令與水爭強梁
石言吾何辜水性本易怒請君看取淮揚交正坐中流
無砥柱

盆灘

灘險寓盆名波瀾頗不小寄語踏浪兒如何狎池沼

兩後過南鴉口

暴漲添三丈朝來冒兩涯山深惟古戍岸轉忽人家苦
竹秋來笋紅薑雨後牙似聞靈鶻語報我過南鴉朝來
聞鶻

聲延平以
南所無也

建寧過德州田子益以蜜漬荔枝分餉

兩月三山客歸裝但荔枝製來經我手開處朵君頤野
饋憐同好人情感過時平生甘苦分一味不曾私

飲甌寧陳明府陞來縣齋

京國三年別溪山半日留眼中逢地主意外繫歸舟對
酒寬相憶當歌感昔遊應憐舊同學臨老獨漂流

萬石灘俗名阿彌陀佛灘
中流有三石壩

物各以類從號石數有萬波流石自止於義特取良憶
昨經茲灘斬巖爭自獻今看三石柱尋丈纔露寸一條
換骨龍掉尾秋更健迢巡溯流上濇滯得无悶揚帆過

須臾正賴長女與舟人歸佛力剪紙酬夙愿老夫亦欣然滿酌不待勸

大小米灘

掀波成山石作底風平石出波瀾瀾秋天一碧兩新洗大灘小灘如撒米

牛頭牛尾灘

牛頭彎稜稜牛尾直挺挺牛腰沒水五里長牛角雙雙亞桅頂我聞灑灑瀕如馬戒舟杭爾牛曷不服爾箱又聞刻石作犀鎮水怪爾牛胡敢恣為害夜從甯戚飯朝就巢父飲或簔或笠或詔寢客過灘頭亦安枕

重過雙溪口懷武夸舊遊一首

雲封霧冒失烟鬟縱棹曾從九曲還自覺秋來遊興懶竟貪歸路不登山

颺飄笙鶴萬峰頭只許南來一度游不分此生難再到蓬萊風近且迴舟

迴龍渡

已窮三日程未盡西甌境晚煙投古渡歷歷見人影北際仙霞關東走括蒼嶺中間小聚落百舍同一井結屋深箐中開田萬松頂年豐米價賤市散村聲靜野戍依其旁孤燈光耿耿雖無荷父役尚有擊檣警殘月猶未生家家秋夜永勞生竟何事俯仰媿清景

龍牙灘

垂龍竊天符噴霧南入海無端蛻鱗甲隋地幾千載帝將馴擾之不忍甚厥罪已令化為石本性終未改欲遣水逆流障川作峇嶠河神勿聽命蓄怒更百倍森然磨其牙昂首若有待舟行一不戒適揀魚鱉餒幸以險著名設防亦每每篙師出全力遇此愈精采滅頂世豈無母貽過時悔

蓮花灘

潭潭積水中沈石知多少偶然一呈露妍醜難自保茲灘乃以蓮花稱秀出溪面開層層惜哉非所據徒取見者憎不見關中岳蓮撐兩峰江上九子名芙蓉千年老鶴巢雲松仙居縹緲築臺殿復有詩老來扶筇爾今胡為不自拔縱使媚奸誰為容漁翁溪女詎知賞惟見蚌沫相噉嚼石兮如有知得地未必非遭逢

鼠灘

五行紀異古垂戒銜尾渡江占鼠性從來一穴可沈舟為禍於人豈在大張湯雖酷未盡除我方嫌漢網疎致令此輩繁有徒詭托黠狀生江湖安得秦時鞭石法駭使浮沈逐鵝鴨太倉溷廁徒渠偷切莫飲水污清流

之銅仁

同學王令詒於庚午冬過嶺有南浦見寄絕句今日至浦城追憶前詩和此遙答時令詒宰黔

平生怕讀江淹賦南浦今來別恨同此地故人曾憶我

一官今落瘴烟中

綠波亭

愛山愛水成吾癖一咲艱辛亦飽經虎舌龍牙初脫險
二灘又題詩上綠波亭

行經夢筆山下

詞賦成名只等閒寸心得失略相關詩人老去防才盡
不敢輕嘲夢筆山

發浦城晚宿漁梁嶺下

城北城南叫鷓鴣似言前路極崎嶇回思習坎真輕命
頓覺升高是坦途戍壘防秋仍鼓角人家經亂久榛蕪
殘燈影裏蕭蕭夕萬疊荒山客夢孤

梨嶺廟前古松為火所焚作歌弔之

吾聞梨嶺廟前老松樹舊與嶺勢爭豈堯此廟有與廢
此松閱世不知凡幾朝亦不知其高幾萬丈直從山根
拔起上蔽山之椒今來何聞窳竿籟不復聞蕭韶可憐
去年秋已作霹靂焦雷公斬斷青虬腰白鶴飛去誰能
招豈無椶櫚與竹柏坐覺滿山氣象入望成蕭條獨留
古根深礪底神呵鬼護如靈苗茯苓歲久化琥珀居人
德薄何敢以倖邀翻思十年前東南寇盜蜂擁潮山童
石楮供爨樵汝於此時幸得脫賊兵不斫乃被野火燒
天既賦良材使得干雲霄胡為灰劫隨僧寮長成艱難
摧拉易自古在昔非今朝嗚呼自古在昔非今朝

度仙霞關題天雨菴壁

虎嘯猿啼萬壑哀北風吹雨過山來人從井底盤旋上
龍井下有天向關門豁達開地險昔曾劄賊時平誰敢
說雄才一茶好領閒僧意知是芒屨到幾回

峽口初入衢

矮屋荒村岸浮橋亂水灣船初通峽口路已入鄉關紅
欵初沈日青餘未了山沙田秋熟早牛更比人閒

雨中過江郎街二首

奇峰登五老秀嶺度雙姑昨度大小楊姑嶺好咲三郎石朝來
却避吾

兩滴松杉徑煙迷穉穉卿秋山行處好何必識江郎

曉晴發清湖鎮舟中望江郎山

碓牀石瀨響泠冷愛入歸人舊耳聽岸草綠痕移蟋蟀
水花紅影帶蜻蜓推爭曉市秋初霽風轉荒灣權一停
雲霧不遮南望眼三峰回首偏天青

雲尖渡即目

水鳥插頭眠近船忽群去只有一條谿前飛落何處

兩夜宿王子穎龍游學署

先生六十髮將華老去方憐始願奢百里好山長繞郭
一官閒地便移家空堂對酒涼生慢細雨移燈夜落花
分爾歸裝無俗物芙蓉巖石竹窠茶

嚴陵二絕句

巢由等是未稱臣自占箕山頽水濱誰遣州名屬流寓
却疑此地竟無人

信公門下實多才柴市餘生大可哀不是英雄誰有泪
更無一個哭西臺

夜發富陽曉至泥汊避潮小泊

浦口沙積岸潭頭雨壞橋客程兼昨夜鄉夢破今朝小
堰孤舟渡荒山八月樵風波歸更怕不賦廣陵潮

吼山

天開地坼石崢嶸一棹穿雲入舊城喚起清風答長嘯
滿山松栢盡雷鳴

偶遊蘭亭

黃茅十里騎驢路中有南朝內史祠墨本尚傳修稷帖
紅墻新護御書碑浮橋過雨衝泥渡曲水平階疊石
為一咲山陰付陳迹人間何事不兒嬉

語溪舟中與竹垞別

一條柳標一扁舟每過佳山約少留榕葉蕉陰消客夏
芙蓉菱角到家秋粗償行脚平生債不爽歸期汗漫游
我有新詩同七發起翁微病待翁謝時竹翁方抱病

閩中垂索而歸家人適告米盡口占二律

烏有歸來問子虛鄉園米價近何如雞爭野老場邊粟
鼠嚙先生案上書閱世始憐貧是病占年空說眾維魚
荔枝飽噉吾知分此福從來有折除

半生頽狀忝風塵檢點身謀悔亦頻碎穀有方宜拔宅
毀車無用是勞薪篋空吟貯加餐字吾老羞為乞米人
賓客不來僮僕散免教鵝雁惱比隣昌黎詩隔牆極鵝雁

戊寅除夕

手中著擲流光過東坡詩流年已似手中著余今年四十九矣老境猶彎寸
寸弓鄉曲無醫憐病婦米鹽何物累衰翁一家懸磬豐
年後萬事挑燈此夕中那不凝騃逐兒女試看禿髮已
還童

敬業堂詩集卷二十五

敬業堂詩集卷二十六目錄

杖家集

四日立春

山陰道中喜雨

曹娥廟

上元前一日飲陶頰儒上

虞縣齋

雪後從西興晚渡錢塘江

十七夜會城觀燈

偶題

題王松年流觴曲水圖二首

題鳴野叔跌坐圖

春分前三日南湖舟中口

占

連雨不止獨居小樓和陶

雜詩十一首但借其韻不擬其體也

春分後大雪和陶連雨獨飲韻

西湖權歌詞十首

愷功侍讀扈從至杭喜成

二律

南巡歌八章

眼鏡

查浦書屋圖為德尹題四

首

留筍

五十生日德尹次二蘇兄弟生日唱和詩為壽次

荅二首

池上看雨

建蘭已萎盆中稗草叢生

梅雨初晴

海塘行

暑夜

瓶中紅白蓮花

秋旱四十韻

即事

大雨二十韻

打魚歌

曉過南湖

峒嵒題壁

喜遇同年汪東山與聯轡北上

除夜平原旅舍夢亡妻

敬業堂詩集卷二十六目錄終

杖家集起巳卯正月
盡十二月

歲已卯婦病沉繇為之料理醫藥入冬悼亡治喪

又踰月始計偕北上時余年五十矣豈意杖家之

日乃為妻杖期之日乎

四日立春

風從東來雲四散獻節重開月上幹田家占歲在新春

已過三朝不暇懶起除雞柵掃庭宇旋拆牛宮治町疇

去冬無雪土不膏蠶豆根拳麥苗短直憑今日占今年

喜動桑榆一村暖野夫杖藜亦蚤出走向橋西閒趁伴

偶逢鄰叟看春還云見城門懸 詔板鸞輿是月南巡

狩為念頻年淮泗滿宣房未築焚捷空畚鍤須臾庸可

緩洪流渙渙水開後肯信吾鄉猶早曠勿愁燠沐入春

無漢明帝永平四年詔冬無宿雪
春不燠沐注云無暄潤之氣 雨露行隨拂雲罕

山陰道中喜雨

謝家雙屐舊曾攜轉覺清游愛會稽白塢紅亭山向背

赤欄烏榜岫東西波光拂鏡羣鵝浴竹氣通煙一鳥啼

野老豈知身入畫滿田春雨自扶犁

曹娥廟

掠面飛蝙蝠當門印虎蹄我來尋古廟人為指新泥前

夕有虎入前 小市風掀瓦高江浪擊堤連宵巫覡喜殺盡一

村雞上元前後里人最盛
草集廟中燈火

上元前一日飲陶穎儒上虞縣齋

溪山漸入漸無窮短棹飄然又浙東載酒也應懷賀老

折腰母乃累陶公論交世路風塵外得句春帆雨雪中

是日 大雪記取山城作元夕一燈曾為兩人紅

雪後從西興晚渡錢塘江

牛車沒轂水沙渾暗長春潮二尺痕萬竈鋪煙沉海成

兩山銜雪東江疊船開渡口愁將晚月到圓時過上元

莫負承平好風景河塘燈火鬧黃昏宋時沙河塘燈火
最盛東坡詩繁星

塘河

十七夜會城觀燈

委巷爭除道殘燈未拆棚所難惟物力最動是民情白

屋寒堆雪紅樓夜放晴俗貧官不諒簫鼓徧春城時
萬乘

將南巡州縣承上官意比戶皆令張燈起自
十三至十七夜照耀如白晝數十年僅見也

偶題

天關竹籐緣底事偶因展卷一欵欵武成或取二三策

戰國漫誇短長書史記索隱云戰國
策亦名短長書 未到流傳成帝虎

不應磊落鄙蟲魚曾從顏氏看家訓何用和凝百卷餘

王應麟困學紀聞云和凝為文以多為富有集百餘卷
目錢板行於世識者多非之此顏之推所謂論疾符也

題王松年流觴曲水圖二首

內史家風世不如流觴長記暮春初如今勝事傳來別

襍帖鐫碑換 御書

紅墻新割老僧田
鑿石穿渠又五年
畢竟讓君圖畫好
茂林修竹近天然

題鳴野叔跌坐圖

華髮蒼顏映白須
列仙真個是臞儒
一丘一壑誰能畫

留待長康自補圖

叔工畫山水

春分前三日南湖舟中口占

節物今年異
春分尚有梅
畫船依嶼泊
高閣偏雲開

水郭連旬雨
湖天昨夜雷
莫催桃李放
留待翠華來

時聞大罵已發涼師

連雨不止獨居小樓和陶雜詩十一首但借其韻不擬其體也

檐空有餘滴
窗暗無隙塵
几榻隨所設
頽然置我身
幸無俗客喧
聊與書卷親
溼薪熟破竈
煙氣迷四鄰
明明際陽和
奈此晦昧晨
寧無好桃李
寂寞傷遊人

晚色時一晴
殘陽帶諸嶺
參差入我牖
出沒墮空景
夜雨旋復鳴
三更布衾冷
漫漫失清旦
未覺春晝永
起望海嶼山
依然化雲影
狂風卷平地
水勢怒欲騁
誰知倚樓人
注目心逾靜

杖藜雖鮮適
幽事亦易量
盆蘭如佳人
含笑新出房
瓦盆列左右
獨坐於中央
冷風露晨宛
在南山陽
勿將明媚眼
換此冰雪腸

種樹待春風
花開人向老
媚人以華色
花亦難自保
泣

然靈潦中倉卒難就燥
天工詎汝惜得氣翻悔早
蜂蝶兩不知芳心為誰抱
既開會有落茲理何足道

雙燕將來巢經營尚猶豫
窺簷時下上入室互翔翥
初如擇所依終乃訖不去
烏衣亦可托寧免漂搖慮
舊年堂上賓風雨今焉如
浮塵寓天地孰者為去任
始知鵬鷄遊未到逍遙處
區校大小叛道吾竊懼

雨來鳩喚愁雨止鵲聲喜
咄哉二鳥微鳴噪強多事
陰晴及早潦造物茫茫意
偏勝豈必無時行偶相值
但看雲鬢隸忽散颺如駛
馳思亦何為燥濕隨空置

我窮不有命生理乃見迫
遂令多牛翁傲人以阡陌
益無五斗陳羸有十月白
薰然壹醉富未覺真鄉窄
連宵風雨聲夢破江湖客
浮家猶見累何計成拔宅

老夫不任咍病婦兼廢桑
本務既兩失衣單食批糠
莽蒼無所之况需三月糧
連陰欲何詣却立希朝陽
低頭爾室中踟躕敢自傷
寸田富梨棗辟穀何奇方
仙人去我遙再拜酌一觴

人情動如潮洶洶非一端
三農赴力役百賈逐貿遷
因以情游民狂走成癡顛
至尊軫疾苦玉食方風餐
肯以供億繁而為奸吏緣
柔能暨遠邇義在大雅篇

異端好大言談天幸無稽
欺人盡聾瞶自位高品崖
使讀聖賢書未必副所懷
背馳去千里詎易相縫彌
合之則兩傷不如聽其滴
吾道譬暉曜潛見示角羈
積陰等

薄蝕暫蔽焉能虧

海角已窮僻村中更蒼涼春流渾渾來欲濟川無梁舊
來豆麥隴半作龜龜鄉甘澤苟非時殺殺同殞霜詩成
感蔚蒼惡草日夜長

春分後大雪和陶連雨獨飲韻

物情向暄潤天道殊不然却收花柳姿都付冰雪間老
梅閱世久崛強如頑仙瘦竹亦舊栽影障池南天朝來
悉被壓天闕無後先初疑冬太暖倚伏理必還豈獨一
黃楊百厄同閏年聞者或不察吾詩若響言

西湖權歌詞十首

栽松城石號花園亭剪樓毛竹織樊貪看 御舟新樣

子遊人多出湧金門御舟以樓毛為亭中植松竹名花園那

湖面平添積雨餘放生池外葑初除誰司水族加恩簿

開過桃花未打魚

曼行魚龍百戲張蜃樓幻出水中中央船頭風引三山近

方丈蓬萊望渺茫時禁游人不

滇茶紅染鶴頭殷畫檻朱欄點綴間何限兩堤花柳色

却收小景上盆山亭臺到處羅列盆景寶珠山茶尤多

草色纒青柳未齊石函橋北斷橋西琉璃一片樓臺影

過盡笙歌十里隄

鑿開混沌著丹青落石猶疑處士星白鶴不歸梅樹老

鷺鷥飛上 御書亭

萬葉千花綴彩棚火蓮龜背吐層層不知白日長多少
又點湖心照夜燈

漁家小女髮如油新向湖干學盪舟也道城中粧束好
碧波回眼看梳頭

蜂喧蝶鬧奈春何拂面風香過綺羅此意少年應未會
第三橋畔落花多

弄朝天氣中秋後競渡風光午日前併與西湖作寒食
人生行樂趁今年

愷功侍讀扈從至杭喜成二律

夢想清遊十載餘此來兼得侍 鑾輿一尉自展將軍

畫三篋行隨秘監書不少吟聯傳館閣愷功與陳乾齋南來唱和成卷

可無長策佐河渠自從南涉江淮後司馬文章世不如

虛從風流別一家得官畢竟要清華曾衝漠北多番雪

及看江南兩月花春服幾人還戲彩時隨相國隨行寺門無絆

不籠紗留君暫作湖山任計日頭網待 賜茶

南巡歌八章

吾 君盛德邁唐堯河伯波臣詎敢驕一道長虹東跨

海不煩鞭石更成橋

沉玉寒茨事已賒十年泛泛使臣查此行直為河渠出

望祀虛傳萬里沙

六龍南下宿遷城三月桃花浪已平多少詞臣爭獻頌

黃河應為 聖人清

淮泗東南盡海邦家家羊酒壓豐杠綠牌曉奏知名姓
特慰輿情一渡江

盡除菌簿撤朝班耆老來迎 御舫還為話道旁經眼

見 天顏有喜侍 慈顏

德音一日徧江湖百万重聞貸宿逋洒道清塵皆雨露

不因水旱始蠲租

行過山鄉又水鄉豆花褪後麥苗長 翠華小駐非無

意要使宮人識采桑

岳牧頻煩事屢詢 屬車偶動為勤民從今便引虞書

例直望 君王歲一巡

眼鏡

巧製海西傳能爭造化權隙光分日月宿障掃雲煙頓
覺生虛白猶堪續草玄一編聊炳燭兀兀慰衰年

查浦書屋圖為德尹題四首

兩磚斜日過牆遲課罷頻看桂影移此樹年來生意盡

可堪頭白話兒時聽事東偏小齋余與弟幼時讀書處也庭有老桂一本每視樹影上牆為

放學之候今桂已為薪矣

生子還同邵伯温弟年四十五生子故借邵堯夫事見翁時節恰能言

挽須問事休輕嚇直為憐渠合杜門

五十年來老弟兄暫歸也復可憐生一燈不作音江湖

夢好片對床風雨聲

藏書不過五千卷築屋只消八九楹先被畊煙偷畫葉

圖為王石谷所寫石谷自署畊煙散人問君書屋幾時成

留筍

好筍如人意新梢補舊林汝長應計日吾老望成陰不
礙疎籬破能令曲徑深咸韶如到耳風雨助清音竹兼風雨

似咸韶黃伐檀句

五十生日德尹次二蘇兄弟生日唱和詩為壽

次答二首

百年突過半千慮鮮得一無聞世或疑衰賤天所隲安
心雖漸退始願竟莫必鐘鼓委盲聾王寶炫名實窮為

東野鳴拙被南宮黜那將桑榆晚坐待婚嫁畢人言庚

寅降賦命例不吉吉祥在止止虛白生爾室結習顧未

忘時猶弄詩筆可傳或有在老境知幾日

蹉跎向遲暮孤露追本始自我稱鮮民餅鬻久抱恥有

親養不逮具體痛瘡痕忍復把一觴覲顏對兒子稍欣

老兄弟兩杖交頭倚分飛二十年意料不及此驕榮落

霜葉浮慮淨斐几庶幾共殘年服食勝菊杞

池上看雨

五月蓮未華團團葉如扇亭亭不自匿一一出池面細
雨聽無聲初於葉上見綠盤擊不定的礫珠光旋流永

忽一傾倒垂三尺練萍開魚影聚萍合魚影散即事偶

成詩悠然觀物變

建蘭已萎盆中稗草叢生

誰云造物好栽培膏澤多教長不才此理年來看爛熟
建蘭盆上稗花開

梅雨初晴

沮如下溼生蒼苔三旬苦雨經黃梅水田萬蛤夜羣吠
林巷一蟬晴忽來晒書亭前日淡淡打麥場上風飄飄
鄰家作苦一相勞耘鼓正報槐花開

海塘行

邑城去海十步遙塘為外捍非一朝去年八月塘忽壞
洲單崩裂隨秋潮邇來沙漲三十里魚驚殘生差可喜
縣官欲為先事防倡議重修從此始人輸一石名樂輸
石今無脛何可驅編排既頂照戶籍運致仍復煩丁夫
里符夜下朝必赴田卒污萊敢申訴築塘捍海亦為民
此事不勞官長怒公旬三日古有之向蠲力役誰所為
吾邑戶口十萬丁丑冬縣令王某人情已自逐游情亦
忽盡除丁糧每田十畝代納一丁人情已自逐游情亦
與三農同怨咨火雲燒空日光赤盡遣山田龜兆拆陽
侯勸爾莫漫驕緩我塘工待農隙

暑夜

滿庭荇藻疑浮空樓陰乃在樹影中繁星沸天月將落
銀漢中亘垂天虹夜深人靜氣一歛坐覺襟袖來微風
波紋搖窗簾脈脈煙氣隔幢紗濛濛暑徂涼近誰最警
露草已報吟秋蟲

餅中紅白蓮花

紅蓮頰如霞白蓮淡如雪兩皆以色故幻相紛羅列或
云色即空紅白本無別或云空即色是紅要非白入我
止觀中萬象隨起滅一瓶井華水眼界琉璃徹空花久
已除此色為誰設

秋旱四十韻

槁壤黃塵外明霞杲日西直防金被鏢頗怪火猶稽箕
畢占曾驗陰陽數不齊雄雷張旱氣師曠占云雷始起
雷早雌霓寬散朝隤一物關災青羣情固慘悽潤希蛛網
露乾裂燕梁泥蚯蚓潛深穴蛟龍困老隄蝸涎粘壁死
鶯脚插巢棲舌燥呼羣鴨沙軟振羽雞魚鯨貪涸轍牛
喘失涔蹄萍塊膠連蚌苔痕兆拆螻涉波無白貓聒耳
厭青蛭古栢俄成杌袞楊那復稊瘦針撐棘枳桑木偃
棟榭蕉碎離披卷桐學小弱圭宮槐當晝聶爾雅守宮
槐葉晝聶
夜岸莖舉叢低乾曠悲荒蔚爭先任蒺藜卑也歲欲早
草先生竹身焚忽爆花面多薰是水湯同沸無岡石不
鷲為時宜長養有力故排擠壞葉頻辭樹良苗半萎畦
村村拋襖襖戶戶挂糶犁瓶卧空依井橋長尚跨谿蝗
來疑布陣螢照儼然犀東海行枯矣南山望蔚今更誰
施補救不過禁屠到巫覡終難信童謡豈有倪吁嗟聽
貌貌爾雅注雲之祭舞
者吁嗟而請雨瞻印目睽睽客或歌雲漢吾方
賦病梨相煎何太迫欲避奈無蹊烈燄融爐炭焦煙著
竈娃衫絺同挾續懲熱到吹蓬不擬開三徑因思接九

梯使漢東夷傳把妻國土俗極寒窮於入角鼠窟甚觸
藩瓶晨課書渾廢宵眠枕罷攜蠅聲俄已集致翼詎勝
批瘠上天難問勞生計總迷但聞風發發幾見滄萋萋
作苦隨鄰父沉絲奈老妻更愁兒索飯早晚傍門啼

即事

老夫畏暑如酷吏逃入鄰園樹影中貪趁槐陰成久坐
歸來衣上帶青蟲

大雨二十韻

時雨何妨驟秋陰不在多民情方缺望天意一滂沱卷
幔聲初到傾盆勢已俄隙光飛礮礮萬籟入礮磨地濶
雷全動風驍電突過水綃龍挂練壘鹵鳳投梭急點齊
穿屋橫流倒瀉河搜林駢虎兕劈岍徒蛟鼉早魁駢頭
溺天吳拔尾拖崑崙凶甫創蟻竅指非訛轉眼陰晴判
空人燥溼和不關居堽壘乍喜去煩苛野氣通籬落斜
陽在薛蘿板橋閒倚杖茅舍亂堆葦曖曖連村樹油油
被隴禾遠煙微映竹新瀾半歇荷菱角紅將采雞頭白
可搓蟬涼猶抱葉魚樂自跳波大有豐年象初聞野老
歌詩成無好語改罷亦長哦

打魚歌

秋池瀾瀾瀾且平吾師撒網初無聲綠玻璃碎鏡光裂
一尾撥刺千頭驚蛙跳蝦鱗鮑亂似欲去此舉族行
豈知縱舍固有道竭澤之利吾忍爭老魚勢屈適就烹

死非其罪如韓彭弱魚力小如孩嬰分無倖理乃放生
本來於汝何厚薄恩怨不入須忘情可憐韓子不知足
一飽欲繪東溟鯨終當不殺賦淨業梁武帝淨業賦見淨業之可愛與不
殺而毋以口腹戕生成

曉過南湖

卧看西南落月圓起來晴色滿湖煙孤城傍水開門早
一鷺如人窺我前菰葉曉沉風外菱花秋淡影中天
何當穩與漁翁約長守蘆根舊釣船時計偕北

峒語題辭

小驛三家市西京百里侯漢書地理志有河聲下淮甸司吾侯國即此
山路入沂州瘠地人多儉殘年客善愁南飛有孤雁急
急復奚求

喜遇同年汪東山與聯轡北上

京洛三年別升沉分已殊如何偏殘臘復此共長途山東
丁丑成進士今故態狂猶在名心老漸無夜寒君不飲
吾醉好相扶

除夜平原旅舍夢亡妻

分明入夢又曹騰昨歲今朝病正增倦枕為余猶強起
殘樽到手已難勝圍爐杵火兒烹藥薄雲鈎簾婢上燈
誰遣荒雞忽驚覺北風茅店冷於水

過夏集

三月三日同園修襖分韻得養字

題宋山言學詩圖二首

白丁香次韻三首

謝之二首

小照二首

韻二首

花賦贈胡翔菴四首

湯西厓編修寓庭丁香花下作三首

題同年汪東山南浦送行圖時余下第將歸

偕荊州兄過一菴菴飲香林亭下次韻四首

再過西厓同元朗無功文子作

無功索題蕙葭書屋圖用東坡寄傲軒韻

題錢朝采設色花

字

與朱悔人京口一列十二

年矣今春相見京師讀其遊匡廬武當兩集喜

而有作 同朱悔人劉大山魏禹平

錢亮功馮文子方靈臯吳山崙汪武曹諸子飲

徐尚書碧山堂花下分韻得曹字

同悔人禹平雪坪崑繩文子武曹亮功集黃岡王

副相書齋雪坪有詩余繼和

三月晦日李寅谷招同人怡園雅集分韻得養字

方拱樞徐學人招集竹林僧房用昌黎短燈檠歌

韻各賦一首 吳西齋農部次前韻見貽

結語云有才如此長淪棄再疊韵答之

三疊前韻謝劉若干侍御

四疊前韻答錢亮功 題梅雪坪小照

西厓自編修改授刑垣三首

陳六謙出示漢唐以來諸石刻同張超然林吉人

朱北山項霜田家潤木分韻得氣字

淮南宋射陵先生及陸大君八十雙壽詩

為楊次也題周蕪畫 題高吳亭怡怡園

題江陰周氏女郎設色草花

荊州兄移寓懶眠術術雜落林亭頗饒幽致留余

過夏歸計未成三章遣興弁索西厓西齋共和

之 戲題禹鴻臚八替圖次韓

幕廬先生原韻 題西齋圖二首圖為王石

谷作 苦雨六章

立秋日喜齋同九恒早過西厓是夕再同九恒西

厓飲康館寓用立秋二字各賦二首

自中元前出都舟行無詩八月初二夜渡黃河偶

爾得句索同年徐貢瑤和 秋杪重至王家營次楊次

也壁間韻

治河謠

即日

霜殺草

旅舍落一齒自朝二首

白楊

德州道上咏霧淞花

景州董子祠

大風商家林待渡

奉題阮亭先生倚杖圖

除夕過西厓齋西厓與梅人赤杼方分韻賦詩余

以事先行續和一首

敬業堂詩集卷二十七目錄終

敬業堂詩集卷二十七

海寧查慎行 悔餘

過夏集 盡庚辰一年

三上南宮今復報罷家編修兄留余下榻暫緩歸

期唐時舉子落第者六月後不出謂之過夏故以

名集而秋冬道路之作并附錄焉

三月三日同園修禊分韻得養字 王人為胡循齋觀察

東風如故人隨我杖藜往紛紜閱花市過眼多塵埃小

憇得同園初欣天氣朗主人天下士愛客致羅網及聞

謁未入命僕駕先枉爛熳呼朋儕殷勤話疇曩一官棄

唾涕万事付豪爽大阮亦勝流投閒攜几杖 謂令叔藥

欄桃李徑拱把手培養先開委空枝密布無隙壤可憐

芙蓉杏作態媚幽賞那知白髮翁分絕探花想八年三

見黜得失同反掌當筵猶瑋璫所見胡不廣此生竿木

場著屐知幾兩作詩記陳迹即景成俯仰 元方輿勝覽大興府海雲

寺有千葉杏二株名芙蓉杏張叔夏見之為填三妹媚詞園中有此花故云

題宋山言學詩圖二首

宗武學能傳杜老小坡才可繼眉山添他一卷中州集

知已無如父子間

從今不信廬陵語窮乃工詩豈定評看取風流宋公子

才名已占又科名

白丁香次韻三首

絕代人宜空谷幽香愛傍玉搔頭憑誰為解梢梢結
減我東欄向夕愁昌谷詩亂結丁香梢滿欄花向夕義山詩芭蕉不展丁香結同向春風各

滿城風雨滿天風滿地狂花只取紅獨向枝頭賞冰雪
莫欺老眼太朦朧

粉墨何當點作圖畫家真色自應殊依稀寒食梨花榭
月底看來澹欲無

愷功侍讀宣德紙走筆謝之二首

小印分明宣德年南唐西蜀價爭傳儂家自愛陳清欵
不取金花五色牋宣德貢牋有宣德五年造素馨紙印又有五色粉牋金花五色牋五色大

廉紙磁青紙以陳清欵為第一

九万山陰何敢望澄心百幅亦應難從今稍變歐梅例
一首詩須博一番歐陽以澄心紙百幅遺梅聖俞有詩故東坡有詩老叢空不留百

番曾作百金收之句

戲題陳叔毅桃葉渡江圖小照二首

三生一夢坐多情謫向江湖是酒星桃葉桃根雙姊妹
可堪隨汝作浮萍

詞賦江關漸白頭倩人扶上木蘭舟殷勤聽唱公無渡
不為風波也合休

再次家荆州兄咏白丁香韻二首

誰教巧手作瓊英四出真從六出爭一夜花光如積雪
誤他啼鳥報天明

買得初從廟市回朱白白費疑猜只憑狡獪花兒匠
偷取唐昌玉蕊來

上已後五日再過同園看花賦贈胡翔菴四首
結鄰真喜近斜街步履尋春又一回五日重來光景換

早花零落晚花開
山桃含笑海棠妍素奈香清亦可憐小雨乍晴晴又雨

今年天是養花天
不用枝頭挂小鈴一羣嬌鳥避楸枰綠陰滿地花光合

畫靜時間落子聲
閱盡穠華到晚春客中吾是最閒身却愁有酒無錢買

長累貧官作主人
湯西厓編修寓庭丁香花下作三首

空庭三株樹手植知何人自我見此花已閱十五春居
停幾易王索醉不記巡今來枝逾繁出屋垂續紛花豈

知我老我象暗傷神稍欣舊交在白頭尚如新
自昔有土牆界庭分背向何年始撤去樹勢乃張王花

氣下迴廊葉陰通步障旁添一堆石小作攀躋狀遂令
賞花人高出万花上

主人舊善病客子新下第邂逅好花前流連詎失計天
公亦解事雲日薄虧蔽移床坐清陰落蕊時墜髻無酒

不我酷拔釵向誰泥前言戲之耳一笑聊破涕是日不設飲而

余與西注銀裝偶故又之

題同年汪東山南浦送行圖時余下第將歸

踏歌相送感汪倫潭水桃花記此春指點舊年風雪路

轉憐我是獨歸人去冬與東山相遇司吾道中驛騎北上

偕荊州兄過一莖庵飲香林亭下次韻四首

淺草曲徑通林深小亭伏春遊太雜香摧折到花竹居
僧典守疎鳥雀不勝逐人間逆旅客憔悴無如僕約伴
來何遲悵焉空寓目庶將酒一斗散此愁千斛借問賞

殘紅何如對新綠

亭臺雖無多托致取澹漠尚書別業改舊為合肥宗伯公所葺香火付蘭若想當經營初手自種花藥不知幾實客來此

共酬醉前塵墮空虛餘景就頽落向人如有訴俯仰憐

病鶴

昔與竹垞翁來遊杖頭策花時不暇懶爛醉屢脫幘夕
陽到牆西樹影相枕籍我時齒尚壯詩酒越繩尺飲罷
興尤狂篇終疵互摘而今坐頽廢好友孰稱益賴有白

髮兄依依尚相惜追陪恐無幾出處途已畫

詩社幸見收名場應見斥魚熊古難兼較若辨黑白細
思百年內倏忽駒過隙蟻封看擾擾蟲語聽嘖嘖不如

兩相忘舉瓊酌花魄退之言可廢此日胡足惜

再過西厓同元朗無功文字作

宿雨曉初霽不知春淺深落盡枝上花為君留綠陰竹
廊靜脉脉葉悵虛沉沉此中有幽致何處來鳴禽

無功索題兼葭書屋圖用東坡寄傲軒韻

長髯作蝟矧短髻未鬻充如何葭葦場結此數間屋看

君用意殊瀟洒取遠俗浮名一雞肋小挫詎云辱夜枕

夢江湖晨餐辭輦輟升沉卜諸內奚待再三讀本非山

澤臞肥遜在上六平生讀書意貪得肯知足傳家十萬

籤直以腹笥蓄歸時展圖畫秋水堪釀綠荒灣一色蘆

老圃百年木相尋知有處把卷吾已熟

題錢朝采設色花

眼見春歸可奈何一枝花葉自婀娜問他没骨圖成後

破費胭脂得幾多

廉讓寓齋送春分韻得有字

小時逢春愛花柳逐伴年年開笑口年來年去春復春

不料侵尋成老醜來如東門遇游女去若河橋別良友

明知邂逅兩無端未免依違悵分手鏡中鬢髮白髮長

上聲門外袞袞紅塵走曹生也是不羈徒為餞春歸召儕

偶朱櫻紫筍憶鄉味欲致僧厨無一有失路隨余學放

顛得錢賴爾能沽酒有情相對且沈醉万事蒼茫一回

首

與朱悔人京口一別十二年矣今春相見京師

讀其遊匡廬武當兩集喜而有作

丁卯橋西蒜山畔江聲怒走風帆戰兩洋一散十二秋

流落燕中復相見不怪年光逐飛電不怪青袍尚貧賤

怪君領下鬢鬢點漆黥鳥經百煉開箱示我兩卷詩
元氣入筆何淋漓始知巢父有仙骨豈比岑參空好奇
吾今老矣百事錯局促人間何處著鬢今肯賦歸去來
隨汝名山辨芒屨

同朱悔人劉大山魏禹平錢亮功馮文子方靈

阜吳山崙汪武曹諸子飲徐尚書碧山堂花下

分韻得曹字

謝公別墅近城濠載酒曾陪飲興豪不料故人還客此
猶能折柬致吾曹商量未定將歸燕時南宮報罷諸子將次第南歸搖

落何堪舊種桃併墮平生知已淚廿年塵土一青袍

同悔人禹平雪坪崑繩文子武曹亮功集黃岡

王副相書齋雪坪有詩余繼和

三十年來培護深階除手植盡成陰可知今日憐才意
即是當時種樹心天近城南多雨露人從畫裏指山林

一春兩度陪公飲自愛婆娑入醉吟

三月晦日李寅谷招同人怡園雅集分韻得登

字

帝城逐人事節物有廢興晦日尋李封吾追杜少陵

賤衆所棄誰如几可憑惟有貧時交不作炭與米與君

生同歲稍長以兄稱君弟同年友也即余弟鄉書昨

同徵麗正聊儗居暮景失飛騰君故得名早顏謝何足

較七齡書孽窠前輩久服膺舉場三十載調宜鯤化鵬

到今困韃鎖屈首似我能相國宛平公憐才異孫弘六
館致一士翕然聲價增由來天下賢難以徽墨繩名園
卧榻側興到便許乘花時速朋曹欄檻俯對凭葱蔥万
井煙高標見脈稜水光與樹色到眼皆鮮澄遂令塵土
胸振步疑飛昇欲去屢回顧恍然夢遊曾西鄰張司業
謂奇 豪氣如陳登夜來致吾徒酒器雜斗升我飲僅小
戶當筵醉膏膏依稀人影外籬落移疎疎燈明知病醒餘
前悔後莫懲且復盡今日此歡恐難仍

方拱樞徐學人招集竹林僧房用昌黎短燈檠

歌韻各賦一首

青天不如歸路長白日不如燈燭光清談為洗煩惱毒
快比灌頂醍醐涼城西古寺竹林側濃陰正落鄰僧床

我今已是無家客芒鞋一雙輕策策故人也復念窮途

招向此間浮大白不辭醉倒花滿前我醉欲借精藍眠

醉中得詩尤縱恣夢入仙山吸空翠長安醒謁胡可居

直戀知交未能棄

吳西齋農部次前韻見貽結語云有才如此長

論棄再疊韻答之

一年暮景綫綫長一日暮景桑榆光曷不收身及未死
打鐘掃地居清涼寺義山云平居忽忽不樂赴意事人佛方願打鐘掃地為清涼山行者

生去任各有志異夢何必非同床兒童候門望歸客已

報騎驢橫短策那堪寄食猶淹留看過銅街柳花白新

詩忽來慰眼前平沙草色荒千眠我坐無才翻自恣貪
女何當飾珠翠感君置我盧楊間世與君平方互棄

三臺前韻謝劉若千侍御

逢父艱父兼三長十年視草同明光次公淮海特簡出
不比請郡來西涼令弟海觀去冬由編修簡任揚州太守先生冰銜又繼
改行且眊筆登南床寄言鳳皇池上客万事何曾由預
策股肱耳目皆帝臣亦欲乘時少建白丈夫不退須當
前誰能蠶蠹如蠶眠渥注之產本奇恣孔雀回頭失金
翠眼中衮衮見諸公不礙江湖有淪棄

四臺前韻答錢亮功

野鳧頸短鶴頸長鴝鵒晝暗螢夜光尺蠖自伸龍自蟄
火鼠自熱涼蟬涼狐狸跳梁蝨緣棹觸蠻爭國蟻鬪床
紛紛等是逆旅客瑣瑣都無善全策一杆袖手姑置之
何暇為渠分黑白君方高詠明燈前我亦醉吟冰雪眠
兩篇一意取自恣不拾零星路傍翠鐵槍半段試相當
我用何妨時所棄

題梅雪坪小照

才名應不讓都官心在青松白石間直是相看兩不厭
對君兼對敬亭山梅宣城人故云

西厓自編修改授刑垣三首

君本澹蕩人通籍久華密蓬山坐無事十日九移疾吾
嘗從之遊仵仵勤著述門無閒造請庭有好風日本分

分莫踰讀書初願畢俄聞改言路諫草煩史筆官雖號
拾遺衮職少缺失功名况時至建白非預必珍重千鈞
機寧為鼯鼠發

臺省初授官半由庶吉士朝廷破成例簡鼻出久次同
館復同年六人遂居四和鳴自鸞鳳肯作鷹鷂勢司空
城旦書儒者通大意方當覘經術風抱豈初試

事外易持議引喙多激昂設身處局中唯阿無一長其
或好生風沾名事矜張快心挾盛氣一往不自量斟酌
二者間得失恒相當語默固有道因時蹈其常先生熟
古今茲理固細詳莠莠述所見幸恕狂言狂

陳六謙出示漢唐以來諸石刻同張超然林吉

人朱北山項霜田家潤木分韻得氣字

吾黨陳髯老可畏書法縱橫今米芾平生致此蓋有由
嗜古津津飫餘味南遊北宦三十載所至窮探自娛慰
尊彝欵識拓商周篆隸銘詞藏漢魏源流了了溯河漢
清濁離離判涇渭神專志篤物斯聚駢罄囊空窮首諱
問君貪得毋已奢借客旁觀似無謂髯雖不富亦自笑
補綴叢殘寧有既老夫昨獲薛稷書宋搨唐碑傳果毅
余近得果毅都尉李汪墓銘六謙極歎賞手撫拍畫弗忍釋累爾垂涎發深
謂君家墨妙堆古香片紙何堪追髯人問散軼知何
限架上搜羅嘆猶未不如各守不貪寶但遇金銀粗識
氣明窗小几零丁帖斜日空庭紅紫卉童子烹茶客未

歸松風正瀉濤聲沸

淮南宋射陵先生及陸太君八十雙壽詩

海上蓬山山外天老人高竝婺星懸鹿車對挽原偕隱

鳩杖同扶又十年綵袖兒曹雙白髻謂婢恭孝廉紫薇家世

一青氈滄桑眼見尋常事我識淮南地是仙

為楊次也題周兼畫

秋光澹於水秋水澹於人顰胎何處著一點在朱唇誰

識淺深意畫時良苦辛

題高異亭怡怡園

我愛高家好兄弟才名標格兩爭奇他年離別知不免

記取對床聽雨時

題江陰周氏女郎設色草花

野花最好是無名纖手親煩點染成吹得蜂腰比人瘦

東風輕薄可憐生

荊州兄移寓懶眠衙衙籬落林亭頗饒幽致留

余過夏歸計未成三章遣興并索西厓西齋共

和之

且喜全家任帝都未應回首憶江湖燕辭舊社三年主

鴉乳新巢四月雞旁舍幾楹通曲折輕紗一障隔模糊

君看膝上王文度也愛將車入畫圖

位置槎枒犖确間庭除小步得躋攀心如井底無波水

雲宵城頭沒骨山三徑未成聊寄跡一枝暫息好乘閒

難拋載酒聯吟伴或恐花時費任還

兩株嘉樹賦婆娑老愛流光靜裏過淡入茶煙新月上

濃交碁局綠陰多葉聲欹枕瀟瀟雨簾影搖窗瑟瑟波

莫遣詩成傳好事和章祇許共羊何

戲題禹鴻臚八賢圖次韓慕廬先生原韻

萬竈燒松傾漆斛輕薄紛紛畫不足一翁高坐稱瞽師

七子團圍列無目自然雖無目耳未聾十事傳聞九捧腹

牛頭馬脯開屠肆雌霓霓雄虹爭捲握鼎鑿真履兩詆

棋奩軸成虧互翻覆得之隋掌快呈珠失者周閑嗟喪

駮用樊南集中語何如混沌初不鑿大璞全真方是玉可憐多

少不盲人白日光中街螢燭出晉書劉頌傳

題西齋圖二首圖為王石谷作

何計能寬索米愁一官倉庾也風流畫圖酷愛王摩詰

詩味澹如藕密州東坡集中西齋詩密州沂世事飽諳作西濱以為黃州非也

殊少味人生間處直須偷某丘某水依稀似留向歸時

指釣游

買書分俸論千卷種樹成陰待十年借問膠西富桑棗

何如穎尾長風煙天生才士定多癖君與此圖皆可傳

獨有吾詩真被壑更無一句敵坡仙

苦雨六章

暑雨不當怨早滂各有時我無蟻蟻營趨避將何之屋

漏苦見迫一床亦頻移昏昏醉夢間起坐渾如癡亂蛙

強多事叫跳無停機

蛙黷日以親人跡日以疎他鄉惟兩弟彼此仍索居尹德

寓米市開木在樁樹街乾鵲不報晴扣門得家書苦言蠶麥損正

值積勞餘寧知京洛間我亦幾為魚誰能裹飯往好友

或念余書得家

我友鄰巷居隔絕異鄉縣六街發暴漲南北天塹限心

知騎驢危不及挂帆便衝泥欲過之邂逅不得間却歸

閉門坐猛雨聲連且殘燈如溼螢耿耿樓几案燈明諒

何益吾老眼已暗屋答西

眼昏晝如夜拓窗候晴暉重雲有時開晨光乍熹微陽

烏方洗翅黯黯落炎威矧乃燕雀曹羽短焉能飛江河

如可越與爾將同歸

黃水欲逆行清淮助流惡司空非一禹出使半臺閣似

聞水鄉民汎汎鷗鳧若野人好奇計稍稍試疏淪中庭

地勢窪復以鄰為壑下流靡所放鹵莽費開鑿天心吾

錯料靜待溝澮涸

皇天乃好雨一月月離畢太白方經天浮雲為深匿星

躑暗中度休咎徵兩失井塌槐頽花墻傾粟垂實待茲

晴景換秋序向蕭瑟莫怪野夫詩候蟲同一律

立秋日喜霽同九恒早過西厓是夕再同九恒

西厓飲康飴寓用立秋二字各賦二首
呼牽起我早赴約如請急逢君下直歸竟坐不暇揖檐

飛報晴鵲袖出苦雨什日薄風進涼林深氣流溼竹尾

亦偷然清如小童立浮生知幾見佳節豈頻集官况尚

空閒旅懷何汲汲菹鱸殊有味歸去吾猶及後二日余將出都

去歲秋大雨湖洪發龍湫尋君湖上莊風燈颭漁舟得

官豈不好坐失家山遊居鄰湯給事耶舍相綢繆落魄

兩酒徒無端竝淹留汲井濯我足呼酒澆我喉舉頭見

秋河大火方西流流光遽如許不醉當何求

自中元前出都舟行無詩八月初三夜渡黃河

偶爾得句索同年徐貢瑤和

岍塌河身濶茫茫失舊灘遙天挂新月一棹下奔湍老

去才疑盡窮歸興易闌詩成聊撥觸堅壁莫旁觀

送女詞二首九月十三日再入都作

嫁女事瑣屑老翁非所知母在當汝憐母没行告誰遙

遙三千里閨閣從此離兄嫂送及門慰情多好辭勸之

勿令哭我淚反交頤

老來百念空久識身如寄胡為未能割身外憐幼穉失

母父向慈家貧滿餘媿長途挈之往既嫁直如棄皇天

勞吾生遺累當以次笑指五岳期猶需十年事時先忌尚未聘

秋杪重至王家營次楊次也薛間韻

十日征程滯故鄉大河西北又巖裝千家轉徙留三戶

萬柳榮枯在一霜斷岍無橋頻待渡涸沙有犢尚犁荒
驚心八月歸舟路夜下荏苒百里黃

治河謠

六壩塞春水溢六壩開秋水來水深河大官方高卧其一
淮之士蒲茨蘆淮之民獮獮魚刈蘆作帚魚作飯努力
與官高築堰其二一石水五斗泥濁流下灌清江低不望
黃河清但願倒流直向崑崙西其三泗亦刷黃淮亦刷黃
清流一綫河中央其四天生吾民水忍戕之以水治水惟
天子命之其五

即日

水落漁翁結網初只貪竭澤肯留餘鷗鷁鷓鴣且羣避
勿與此翁爭此魚

霜殺草

嚴霜能殺草冬日旋殺霜相殺無已時生理終不傷
氣赴積陰先機兆微陽君看勾萌意松栢同一岡

旅舍落一齒自嘲二首

毀理生時具太剛焉得完平生無大嚼到此亦凋殘舌
在奈何益唇亡想更寒長途憐弱女苦口勸加餐沈石田齒

痛詩勸餐兒女不知難

不為窺鄰婦何曾玷薦賢春水消最易病葉墮長先已
落誰復顧餘存寧久堅自慙輸老馬數齒減衰年

白楊

白楊生古墓墓古鴉亦老當風叫空巢敗葉樓衆草方
當托高蔭豈意守枯槁嗟彼種樹人悟機乃不蚤

德州道上咏霧淞花

霧隱孤城去轉遙曉程十里愛瓊瑤水聲策策初疑葉
雪片離離盡綴條纖指亂垂絃下柱折釵爭墮舞時腰
最憐頃刻同開謝只費三竿日便消

景州董子祠

西風殘照廣川城董相祠邊感慨生官秩稍增秦博士
文章獨闢漢西京醇儒豈以科名重濁世無如經術輕
却笑武皇親制策牧羊牧豕盡公卿

大風商家林待渡

波濤動我前朔野何汪洋行行忽迷路欲渡川無梁老
馬徘徊鳴北風寒且僵輕水拆沮如澹日沉輝光平生
湖海遊汗漫殊未央禦窮不有命試以一葦杭隔河見
人家煙火靄漁莊苦辛脫彼岸樂踰還故鄉問途倉卒
間夷險豈有常明朝難逆料聊復索酒嘗

奉題阮亭先生倚杖圖

誰與先生貌一丘柴門以外即滄洲殘霞紅上鯉魚尾
遠水碧於雄鴨頭風定垂垂綠楊影雨餘咽咽涼蟬秋
幾時真褻幅中去容我來隨杖履遊

除夕過西厓齋西厓與悔人赤孖方分韻賦詩

余以事先行續和一首

老來驚節序除夕倍相關官舍靜無事旅人猶未聞鏡
中無黑髮枕上有青山頗怪京華道一年三往還予今年正

月入都七月南
歸十月再至

敬業堂詩集卷二十七

敬業堂詩集卷二十八目錄

偷存集

題費而奇畫水仙月季花

題家聲山所藏趙子車修竹吾廬圖次卷中陳

眉公舊韻

正月四日集朱悔人寓用

郎左司鶯歸漢宮柳花隱杜陵烟爲韻分得歸

字時余將出都

上元夜白溝旅店遇王文

子編修

趙北口喜晴

景州城外

有以小車載鷓鴣者戲作

出山

河濱墳

二月六日舟泊白田橋無功介夫兄弟招同王方

若飲縱棹園梅花下用東坡雨中看牡丹韻各

賦三首

虎丘買草花

出都時屬禹司賓之鼎作初白菴圖取東坡身行

萬里半天下僧臥一菴初白頭詩意也余自己

未出遊計道里所經視先生奚啻十倍今白髮

且滿頭矣所居園池之東有閒地數畝擬結茅

其上而資斧適之不潰於成輒題數語以堅初

志覽者勿笑道旁之築也

蔣樹存招集繡谷交翠堂分得江咸二韻

張日谷匠門書屋落成索題句

繡經集

陳補思聞余歸自吳中以詩見嘲次答二首
讀楞嚴經二首
六月二十夜

德尹止一子初生時余名之曰阿願六歲而殤三
詩哭之
六月廿三夜大雨

立秋日馬寒中素村見過
雨後獨行池上
陳允文見過用余與補思

唱和韻作詩相投次答二首
窗前茶蘼秋後復發花

促織
德尹自妙果山避暑歸五
疊魚字韻
病枕口占

即事二首
病後過竹垞先生齋
東湖舟夜
喜竹垞先生至

同竹垞德尹過馬寒中山居
同遊菩提寺
補思再疊魚字韻見寄經

秋乃到次答二首
立冬日小飲
吳船花燭詞為談未菴賦十首

題永福寺詩僧得川詩卷
得川疊前韻從余問詩法戲答之

次韻題施翼聖東荒田舍圖
壬戌秋自黔中歸張遠子游為作淮陰抱膝圖辛

已冬至夜偶一展閱感歎之餘自作二絕句附
諸君題詠後
題朱楫師所藏顧咸三畫

羅浮五色蝶二首
德尹久留杭州有小居西
溪之意歸來以詩索和次韻二首
寒中次前韻見寄再答二首

馬素村疊魚字韻見寄八疊前韻
再疊下居韻答素村二首
十二月十六日雪同德尹作

歲杪有感三疊下居韻示德尹二首
十疊前韻答寒中二首

早春謁座主清溪徐公席上賦呈
不到西湖四年矣壬午春分前三日與鄭春薦同

遊感賦
贈楊遠鄉年伯二首
立夏日同年顧書宣招陪座主徐公泛舟紅橋歸

憇天寧精舍看牡丹座主有詩恭次原韻
兒建新任東鹿縣令將挈諸孫赴署先寄詩二首

中元後三日渡河題王家營旅壁
舟過寶應喬無功以家釀見餉今日旅舍悶坐聞

楊次也在清江浦欲邀與共飲而為風雨所阻
客舍喜晴
觀无忌與祖騎驢戲作短

重興集題壁
歌
峒崙田家
秋山曉行

汶河大石橋六月為大水所壞亂流鞭馬而渡
晚至堵莊
磨驢行

旅壁見錢亮功徐學人唱和詩戲次其韻

蒙陰縣南十五里早飯豆花棚下

黃河崖大水斷路由董樹口晚投苦水舖

初入東鹿境

八月十五日鹿城對月偶

閱樂城集有中秋次韻子瞻夜字韻二詩即次

其韻一示建兒一寄德尹潤木信庵諸弟

習射吟

重陽日一畝園登高同德

尹作

敬業堂詩集卷二十八目錄終

敬業堂詩集卷二十八

海寧查 慎行 悔餘

偷存集起辛巳正月至四月

辛巳四月舟過吳門遇盜出都以後詩約五十餘

首眩篋以去無一存者閒中記憶偶得十數章題

曰偷存集

題費而奇畫水仙月季花

水邊林下各幽姿春在梅花未吐時誰替天公管正月

一梢初點淡胭脂

題家聲山所藏趙子車修竹吾廬圖次卷中陳

眉公舊韻

猶記年時載酒尋故廬煙雨別來深誰云阮巷分南北

宛是吾家舊竹林

正月四日集朱悔人寓齋用郎左司鶯歸漢宮

柳花隱杜陵煙為韻分得歸字時余將出都

遊子不得意春風減容輝家家朱門開孤雲欲誰依以上四句俱集前人詩

願亦違千薪壓白首刺天看羣飛苦竹歲不實風兮宜

忍饑素絲雖云長莫借鄰人機獨持耿耿意遲暮將安

歸昔別踰十年後會那可幾交情重末路母使音書稀

上元夜白溝旅店遇王文子編修

獨客歸衰薄新年酒價增平沙千里月冷市幾家燈避

近歡何極麓狂老尚能被君嗤好事題驛記吾曾今月
入窗早去日小鬟如我長
余五年前過此題驛詩也

趙北口喜晴

渙渙水初釋葱蔥樹向榮水浮雄縣動沙過鄭州輕客
飯魚蝦氣村場鼓笛聲鄉心兼節物屈指急歸程

景州城外

遙遙廣川城望望十里搶連日北風多春水開復合

有以小車載鷓鴣者戲作

鷓鴣本在舟忽作乘軒鶴大似水鄉人騎驢客京洛

出山

穆陵春意動農事正相催屈曲山程盡微茫野色來牛
羊乘麥短鵝鴨喜池開消息逢人問淮南正早梅

河濱墳

河濱卿相墳窳窳今幾世兩中兩翁仲對我若流涕前
年水沒腰去年水浮髻淪胥眼中見已作駸駸勢我笑
謂石人汝憂亦良細淮揚百萬家十室九沉瘞可憐桓
司馬欲以堅保脆石柳三年成寧非速朽計

二月六日舟泊白田喬無功介夫兄弟招同王

方若欽縱棹園梅花下用東坡雨中看牡丹韻

各賦三首

我來大河北青草四野無淮岸初逢春滿園蓓蕾珠兩
氣入冰骨煙光潤苔膚池南有疎影竹杖行更扶

繞屋幾平百本出牆忽一枝一枝未全開餘寒尚相持

人情向花葉幽討及此時何當爛熳辰共賞桃杏姿

不到踰十年竹樹森然起至人漸頭白况乃吾與子謂

若對酒苦告歸斯言誠可鄙臨行還被肘勸我嗅花蕊

虎丘買草花

買笑談何易傾囊直為花憐渠兼客土伴我似浮家種
向吳兒乞歸從野老誇瓦盆茅屋底毋乃太奢華

出都時屬禹司賓之鼎作初白庵圖取東坡身

行萬里半天下僧卧一庵初白頭詩意也余自

巳未出遊計道里所經視先生奚啻十倍今白

髮且滿頭矣所居園池之東有閒地數畝擬結

茅其上而資斧適乏不潰於成輒題數語以堅

初志覽者勿笑道旁之築也

平生好遊不知止二十三年十萬里穆飛不到滇中雁

飛迴中有勞人雙屐齒而今老矣合歸田又指茫茫兜

率天妄想難酬成佛願把茅聊縛定僧禪

蔣樹存招集繡谷交翠堂分得江咸二韻

初來客欲迷桃陽久任君堪比石淙繡谷好風鶯歷歷

綠陰微雨燕雙雙一軍騷雅尊前壘四僻溪山畫裏窗

芝草坊名吾久識不緣入座始心降

山堂昨日枉華絨前一日令叔揚且緩歸程半日帆開

徑自來原屬蔣入林從此又交成來如獨雁貪隨侶飲

似長鯨笑立監記取逃觴多謬誤淋漓酒汁在青衫

張日容匠門書屋落成索題句

五架三間八九楹重來已聽讀書聲開池疊石經營始
鬼運神輪指顧成杜甫堂新背郭陸雲屋老只依兄
一庵未遂誅茅計大笑吾才不及卿余欲結初白
廬至今未成

繙經集起辛巳五月
終壬午九月

妄念稍萌遂成障礙自我致寇於彼何尤從此洗
心皈釋典未必非天之全我晚境也戒之哉

陳補思聞余歸自吳中以詩見嘲次答二首

忽傳尺素到鯨魚對客開緘一笑餘道力未全宜有此
天花已散試何如綠林豈易求知已來詩云故知豪客
今逾俗豈是詩名
如涉弗白髮原應早結廬若問窮歸何事業尚逃小劫刺
殘書

殘書

老去真同半面魚見會稽志從教比目笑王餘左思云雙則
比目片則王

餘長須赤腳差相稱法喜維摩總一如子敬偷存無故

物伯淮歸去有精廬繞籬添種平安竹又費東園問訊

書

讀楞嚴經二首

水土定浮沉大輪轉風火胚胎互融結大患緣有我蝻
行欲右旋奈此磨盤左執持去成見所寓胡不可
塵根遞纏繞畢竟同生異如結既縮成是一要非二一
成仰方便六解當以次觀性證三空解脫亦如是

六月二十夜

幽室忽已夕有聲作雷鳴胡為子來哉熠燿方宵行兼
年耿無寐夜氣延虛明林靜風不交天空月徐生聲光
同一寂夢覺皆忘情

德尹止一子初生時余名之曰阿願六歲而殤

三詩哭之

初生與發無窮願到此翻成有漏因汝伯為誰開望眼
乃翁渾似哭成人誤投珠掌償前債妄冀金環認後身
四十九年羈旅恨東坡哭韓兒詩云吾年四十九
羈旅失幼子德尹今年五十矣喚回
殘夢倍傷神

翁歸端為汝求師德尹今春請假
將挈家北上已是秋來上學期每

為杜家誇驥子忽驚白老失龜兒愛河縱酒湏千劫苦

海難量為一慈得似旁人強相勸不禁老淚亦交垂

吾生早受多男累得子中年未算遲一慟竟成千古痛

十年重續四殤詩十年前連喪諸姪
余曾有四殤詩孩提長養原非易

老大生存祇自悲借取劉郎詩作識一枝吹折又生枝

六月廿三夜大雨

風如車輪東北馳雨如車軸西南垂蛟龍尾焦海水立
虎豹股栗山林移二更小劫須臾過不礙先生高枕卧
一林竹影過牆東殘月如新剛半破

立秋日馬寒中素村見過

好友兼秋到新涼似病餘數莖添白髮一夢過紅蕖自

笑貧逾甚翻憐迹未疎盤餐論後約手自種園蔬

雨後獨行池上

誅茅斬竹杳無期廢圃頻來為此池我與鷺鷥同照影

白頭相對立多時

陳允文見過用余與補思唱和韻作詩相投次

答二首

剝啄聲中住木魚清風來值午茶餘客嘲賓戲聊相答

失馬亡弓只自如亡弓豈須求失馬不必涕秦梧葉打

醒庵王夢槐花踏過野人廬留君小作須臾住省得敲

門再寄書

去意難回縱整魚獨留詩味付吟餘舟痕契劍癡何益

塵尾拈花笑弗如尚恐波瀾生古井肯容荆棘長神廬

口頭截斷君休問看取新抄貝葉書

窗前茶糜秋後復發花

自從三月春歸後引蔓抽條漸出牆但愛秋來有花看

不知中已閱炎涼

促織

草樹荒庭合何來絡緯啼夜長時斷續風引忽東西故

傍殘燈急俄催片月低空機委墻角感物悼亡妻

德尹自妙果山避暑歸五疊魚字韻

十日齋廚聽粥魚歸來又續黑甜餘誰無痼疾難相笑

各有風流兩不如禮斗便應朝絳闕尋僧何必到佳廬

從今分辦晨昏課我讀楞嚴爾道書余方留心內典而弟樂家持斗齋故云云

病枕口占

小雨已過風颺颺老人卧病亦在樓長天又推月東出

大火欲掣河西流秋聲蕭蕭遠如許元氣浩浩當誰收

大千起滅了無際靜視此身同一漚

即事二首

俗吏讐詩客文書惱病夫吾方入蓬藿爾自養荏苒憎

至非羣盜藏奸豈具區世情多叵測即事一長吁

萬古一碁局言平最不平懶窺魚穴靜鳩同鶻巢成物

性論強弱天機近鬪爭但教風作質有觸自忘情出楞嚴經

病後過竹垞先生齋

偶因風雨宿君家勸枕無眠到曉鴉起向曝書亭上坐

一池荷葉兩三花

東湖舟夜

夜好偏無月天空頓覺秋風兼雙鷺起水帶一螢流樹

氣船船露燈光寺寺樓十年曾載酒落魄笑重遊

喜竹垞先生至

荒村積雨餘秋水方沒埭雖然足音至啓戶蓬蒿礙三

徑懶未除一牀涼可對先生本師事折節到儕輩我貧

家少書倒篋肯見貸蒙求不嫌嘖過我仍捆載茅齋月

露清氣壓酒盞內高談如赴敵薄病遂巡退

同竹垞德尹過馬寒中山居

馬氏好兄弟卜居傍層崖青山滿牆頭羅列如髻欵杖
藜約朱老興到相與偕不辭步屨遠及此秋光佳欵我
非俗情赴君有奇懷筮易得酒食遂以衍名齋寒中書屋名所
齊既飽還讀書桐陰落空堦人生貴稱意作計殊未乖

同遊菩提寺

路轉稻花村山田間腴确肩輿入古寺墻宇半圯剝林
高樵斧稀時有一鳥啄居僧不耐靜辛苦事詩學世界
無寂喧心源異清濁叩余笑不答待彼迷自覺何處一
聲鐘殘陽在樓角

補思再查魚字韻見寄經秋乃到再次答二首

真成一往侶禽魚結習都消洗硯餘雅謔從人嘲孝本
繆恭無令重相如雪霜頭髻秋歌帽桃李心花夜照廬
好是兩鰓同懶病半年初答暢當書

投我三章比梵魚初機未契且留餘法門猛叩無方便
疑網重開有譬如萬劫黑風迴客夢一輪白月到吾廬
此中何句堪酬對翻怕匆匆索報書

立冬日小飲

枕囊秋夜長檐齒冬日短人生如病瘧寒暑遞流轉黃
葉墜空庭疾於九下阪鏡中好顏色去我不少緩百念
委昨非一聞就今懶床頭酒新熟吾量殊易滿小飲即
頽然西窗有餘暖

吳船花燭詞為談未庵賦十首

蘇臺人說是瑤臺銀燭光中寶扇開便把重陽當七夕
分明昨夜渡河來佳期在重九前一日

小住吳門又幾旬蓬萊清淺話前塵多憑一念回仙意
憐取當前背癢人

自從踏鼓罷朝天辜負香余四五年萬頃煙波誰管領
只消一隻五湖船

紅槎碧落記程程博望歸來別有情時未菴初自河工歸畢竟有
星難替月鏡奩秋讓一輪明

兩槳如輪夾畫艘水沉風細不開窗鴛鴦湖外鴛鴦鳥
排到前溪盡作雙

酒墨含毫色色工玉臺唱和有人同風流白石真堪笑
但解吹簫伴小紅

取次園林放擢空兩頭絃管不教隨費他幾管生花筆
曉畫蛾眉夜和詩

不用攜家傍斗邊頻伽好語自能傳齊眉新注長生籍
知是蓬萊最小仙

曾趨粉署殿東廂雜古猶餘舊賜香好唱新翻新樂府
賀新京是賀新郎

消磨綺語已多年色界重生兜率天借取薰衣香一瓣
懺余成佛爾成仙

題永福寺詩僧得川詩卷

蜜殊不作參寥沒湖上詩僧久寂寥頗訝名山虛法器
忽傳逸韻繼江湖招呼猿鶴隨孤磬收拾煙霞貯一瓢
倘許往來成二老借余閒地結團焦

得川疊前韻從余問詩法戲答之

唐音宋派何須問大抵詩情在寂寥細比老蠶初引緒
健如強弩突迴潮閒來謹候爐中火衆裏心防水面歌
不遇知音彈不得吾琴經慶尾全焦

次韻題施翼聖東荒田舍圖

宛轉溪橋有徑通竹梧新長屋邊叢市聲只在牛羊外
吹散蘄洲一篷風

壬戌秋自黔中歸張遠子游爲作槐陰抱膝圖
辛巳冬至夜偶一展閱感歎之餘自作二絕句

附諸君題詠後

夢中愴恍豈無夢身外依稀別有身道是故吾吾不識
那將顏狀問他人

二十年來共唱酬詩名曾向卷中收故交大半已黃土
剩爾人間作白頭

題朱楫師所藏顧咸三畫羅浮五色蝶二首

山中木葉尋常化野老籬邊伴遊鷺見畫圖新樣好
夜來高枕夢羅浮

問渠多有幾銖輕栩栩能傳紙上聲好笑虎頭癡獨絕
欲將蛺蝶占時名

德尹久留杭州有小居西溪之意歸來以詩索
和次韻二首

野外橋邊水竹村不曾移徑改籬門一冬雪少疎梅綻
百里人歸喜鵲喧耕織終當課奴婢田園豈易委兒孫
卜居河渚原先志重與殘年對榻論

三間老屋住東頭怪底仍如不繫舟但使年豐還俗儉
何妨弟勸且兄酬窮奢志願求偕隱勇退風期望急流
待得手栽黎棗熟他時相對且忘憂

寒中次前韻見寄再答二首

煙火依依十里村也如對宇望衡門桑榆候暖差空晚
鷄犬聲凡亦覺喧萬事爲農長沒世一經失計又傳孫
空花眼界原無定此境須從靜者論

門開甘露此峰頭夜半誰能負壑舟忍鎧力持俄破戒
箭鋒機鈍已難酬鴻濛世界憐搏土香象江湖要絕流
肯與維摩同丈室本來無疾更何憂

軍訊余從事內典故仍用禪語爲答

馬素村疊魚字韻見寄八疊前韻

拙於鳩更懶於魚百念俱灰白髮餘已覺浮名原假設
未知禪味究何如隙窺野馬紛無至粉蝕爪牛累有廬
炳燭光陰君錯料只圖遮眼不看書

再疊卜居韻答素村二首

我愛郎家半日村碧池一眼正當門魚龍得氣時方整

鵝鴨如雲凍不喧三徑居鄰惟二仲
兩家婚媾到諸孫
棧羊篩酒何年事五岳遊須次第論

造化茫茫命壓頭諾星何處證般舟
一身有母尤應惜
四大無恩可要酬叔寶神情非俗士
孝章才氣本名流
村場酒賤須勤置相勸休為織室憂
來詩有不自釋者故以此廣之

十二月十六日雪同德尹作

野澗朝煙未起厨一行老樹帶鴉枯
海天勢合山加峭
水墨痕消畫亦無醉拍松筠誇我健
戲搏獅象駭兒愚
何當便作堅牢玉長與先生映白須

歲杪有感三疊卜居韻示德尹二首

西枝覓地豈無村栗里歸來尚有門
巢鵲占風聊自穩
山蜂割蜜為誰喧賣薪分老朱翁子
負土深慙祭弟孫
此意旁人應不諒家貧何事敢輕論

一回相對一回頭往事真難記刻舟
勘破官情成汝懶
放低詩格待余酬煖憑爐火迴陽氣
靜送水溪過汨流
白髮蒼顏還自笑年來方欲治幽憂

十疊前韻答寒中二首

勿將磊落笑蟲魚冰雪崢嶸又歲餘
彈罷孤絃聲寂若
鑷殘衰髻影皤如小槽酒滴鄰姬甕
古篆香消佛子廬
漸覺心平無怪事不勞咄咄向空書

曾思大海掣鯨魚牙後誰甘拾唾餘
蕭索輪囷吾若此
飛揚跋扈爾何如孤燈吐燄虹搜蚌
萬木無聲雪壓廬

最後兩篇尤奪氣免冠應謝不中書

早春謁座王清溪徐公席上賦呈
以下壬午

開遍梅花薄雪餘春來重擬昇藍輿
十年風月吟難盡
師自甲戌春歸林下將十年矣
百里溪山畫不如慧業種將成佛後
精神強似挂冠初一莊荒後無他宅
天護先生萬卷書
南草堂去冬被火故云

不到西湖四年矣壬午春分前三日與鄭春薦

同遊感賦

多年不赴故人期湖上風光異往時
紅杏橋欄遊冶騎
綠楊亭檻御書碑劉郎前度花誰主
杜牧三生髻已
絲口業粗償殘債盡尚煩君記權歌詞
已卯二月曾作西湖棹歌詞十首已夫其暮春薦願猶記憶也

贈楊遠卿年伯二首

塵尾犀林借美談直從公府拍潭潭
將軍大樹移關右
太守名花載日南長見恩光留卓午
最空風景是春
三多綠難穩東山卧五馬行看益兩駢

菜萸灣口蜀岡南勝事年來一倍添
九曲晴波春縱棹
二分明月夜釣簾門前祭戟連昆友
膝下才名起孝廉

謂同年漫說黃金曾鑄印世家原自重牙籤

立夏日同年顧書宣招陪座王徐公泛舟紅橋

歸憇天寧精舍看牡丹座王有詩恭次原韻
濛濛柳絮風淡淡櫻桃雨孤城迤邐盡
一水沿洞渡此

都洵繁華里俗鄙淳素橋迴彩鷓轉石亞朱欄互何期
寂莫遊復此陪杖屨時來感節物境往餘詩句不到今
九年甲戌初夏隨公南歸曾過此依稀記前路家家好亭館恨不留

春住有如別故人臨去屢回顧勿嗟春向晚千載猶長

暮獨喜松栢姿恍然仙者遇先生近於仙術有得耆英舊同社雲

散星布濩與發偶重來神清獨如故濤江不能限塵土

詎能污佳景際清和名花賞修嫖將車弟子職繞膝孫

曾趣時任可交于俱隨侍叩道發羣蒙會心歸一悟晒劉藉糟粕

卑庾工詞賦白日為公長蒼顏為公駐願從千日醉媿

托十年樹

兒建新任東鹿縣令將挈諸孫赴署先寄詩二首

得邑淳沱上孤城深晉間初聞猶恐誤相慰始開顏汝

性差空僻吾來亦愛閒畿南風土好不礙少溪山

隱德凡三世微名爾倖成家聲關不細民社寄非輕廉

豈沽名具卑宜近物情譬如行萬里安穩視初程

中元後三日渡河題王家營旅簪

潦退河壩與岼平舊題詩半欹傾北袞莫笑今年蚤

頭白羞借計吏行

舟過寶應喬無功以家釀見餉今日旅舍悶坐

阻 聞楊次也在清江浦欲邀與共飲而為風雨所

故人貽我喬家白欲喚楊郎共醉眠生被大河橫截斷
兩昏風惡渡無船

容舍喜晴

茅舍欣初霽征途悶久淹河聲秋易壯日氣午仍炎異

俗全家駭空囊十口嫌兒孫頻問事繞膝挽吟髯

觀无忌與祖騎驢戲作短歌

兒童生長便舟居眼中不辨騾與驢牽來信口以馬呼

上下左右須人扶一日駛駭防不虞兩日妥帖稍自如

三日脫轡膽氣麓趨捷意將誇老夫老夫年當三十餘

從軍遠走西南隅露青竹鞭生馬駒徑渡鳥道如莊衢

豈知今來衰病俱髀肉消盡臂無膚前瞻後顧悔識塗

曷不歸去勤耕鉏着牛舐犢雞哺雛平生不識馬新息

據鞍矍鑠何其愚

重興集題壁

昨去因逃水今來未算家巢林無定燕啄地有饑鴉風

折青蒲葉離高紫萸花泔蹄如可活猶聚兩三蛙

岫岵田家

雷鳴田種占城稻田無水利者為雷鳴田見樂城集占城早稻不資水而生見宋史不信人間有水荒見說今年猶苦潦可憐井底是淮揚

秋山曉行

忽從山麓上山椒忽轉山腰路一條露草燈明雞喔喔
風林月黑馬蕭蕭行人曉起偏多伴古渡秋來未有橋

正是新涼好天氣喜逢霽色又連朝

汶河大石橋六月為大水所壞亂流鞭馬而渡
怒水衝橋斷崩沙墜石平亂流風勢急到岫馬蹄輕直
怕秋多雨偏宜晚放晴路難頻却顧盡室歎長征

晚至堵莊

淺草依頑石纍纍似伏羆羣兒嗤癭俗久客解方言
攢放斜陽岫鴉盤早穫村趁虛人散盡冷落近黃昏

磨驢行

山家養驢供磨麥石縫隨身落輕雪前遮兩目後被鞭
步步團團踏陳迹用東坡詩中語君不見雕鞍玉勒紫金羈暮
越朝燕掣電馳八百里牛千里駿等為人役莫相疑

旅筵見錢亮功徐學人唱和詩戲次其韻

年來漸喜識生涯讀罷楞嚴讀法華共道子綦初喪偶
豈知靈運久忘家行依古佛賢千劫笑閱人情鬼一車
寄謝杏林雙燕子維摩別自有天花

蒙陰縣南十五里早飯豆花棚下

荒溪曲折几三渡草屋欹斜只半間不負一餐留客坐
豆花棚下看蒙山

黃河厓大水斷路由董樹口晚投苦水舖

黃河故道久揚塵驚見狂瀾限萬津已是泥塗又陰雨
載濡馬首况車輪野航待渡如須友村落初經屢問人
可但平原成畏路此來何處不逡巡

初入東鹿境

衡水橋邊路西來小邑偏人家多瓦屋沙陸少間田露
白收棉後秋紅支棗天鄰封紛水旱容易得豐年

八月十五日鹿城對月偶閱樂城集有中秋次
韻子瞻夜字韻二詩即次其韻一示兒建一寄

德尹潤木信庵諸弟

陸川城中連日雨草橋霽色空今夜淖沱南徙故道存
疑有蛟龍伏潭下城南草橋之下淖水成潭相傳為淖沱故道水面團團月

東吐城頭灑灑河西瀉空庭置酒荇藻間古栢高槐互
相亞廿年塵空今已泐此夕清涼天所借吏曹初散不

聞呼好客能來何用謝人言僻縣少公事我愛閒居似
村舍不教僮僕課雞豚聊與兒孫給梨蔗一杯對飲要

無愧九折驅車終可怕平生慣被醉尉嗔但恨未逢劉
四罵

曾聞海賈海上言萬里陰晴同此夜可憐南北各相望
片月東升日西下少年狂飲不論命欲卷黃河向身瀉

今來滿盞輒不勝甘讓入豪退居亞感時紀物行自歎
裘敝囊空復誰借忽見關榆葉互凋懸知庭桂花應謝

清光過眼如流禾故國回頭真傳舍豈無白酒配黃雞
苦憶紅菱兼紫蔗壯年離別初不覺此日羈遲老尤怕

何當歸作玩世翁肯以文章供怒罵
習射吟

朔野秋早寒枯楊北風橫朝來見微喜欲試角弓硬分
棚無舊侶努力行復更稍辨良窳材粗諳燥濕性兒童
視游戲君子規德行嚆矢壯先聲雕翎鼓後勁持盈詎
非力入穀終有命一勝何足矜相形乃知病從禽過多
詭反已鵠必正技小道亦存年衰心少競聊為習射吟
庶比良友諱

重陽日一畝園登高同德尹作

一笑相從亦偶然勞生誰料再遊燕黃花濁酒憐佳節
老樹空庭感昔年對榻翻牽連夜夢登高獨欠故山緣
只應鴻雁如兄弟不忍分飛便各天

敬業堂詩集卷二十八

敬業堂詩集卷二十九目錄

赴召集

赴召紀 恩詩 并序 二十日 召赴行宮 欽

賜御書程子視箴一幅恭紀十六韻

二十八日 召試南書房

與探愷功學士同試南書房感舊成句

南書房敬觀 宸翰恭紀十二章 有序

冬雪十二韻

爲泗州李蒼存題秋穫圖 奉題大司冠新城公荷勸

蠶尾山圖再爲新城先生 送楊旣明倅廬州兼寄張

擬玉泉山大閱二十韻

建陽太守

盆中二咏吳元朗齋分賦

賦得歲寒堅後凋 集汪東川祭酒齋賦得風

潮泊島濱卽次祭酒原韻

奉和 聖製咏雁恭次原韻

恭和 御製爲考試歎原韻

早春喜雪 形庭雪霽

雪後與楊崑木編修步入後左門

除夕前一日晚出東華門口占示錢亮功

京師與德尹守歲用少陵飛騰暮景斜句爲韻各
賦古詩五首 癸未元日 乾清官早朝

朝會樂器歌

韻

苑夜宿自怡園賦呈揆愷功院長二首

雪後與聲山紫滄同直 暢春園二首

上元前三日自怡園觀燈上相國兼呈院長二首

連日賜 御饌恭紀 十四十五夜 召入西苑

賜觀煙火恭紀七言絕句八首

恭祝 萬壽詩十二章 有序

新荷 三月二十六日分 賜南書

房入直諸臣瓶中牡丹 臣慎行得鞞紅一朶恭紀

四月初四日 殿庭對策恭紀

初七日 太和殿傳臚恭紀

初九日 恩榮宴恭紀

恭和 御製初夏新晴較射

十五日 保和殿引見 欽授翰林院庶吉士恭

紀 十九日 午門賜鈔恭紀

二十日 文廟釋褐恭紀

二十一日赴 暢春苑謝 恩恭紀

送高江村先生南歸即次紀 恩六章原韻

四月二十二日 分賜西苑入直諸臣 御書扇

臣慎行得 聖製泊舟惠山詩恭紀八韻

謝 賜玻璃眼鏡二首

端午日西苑 賜饌恭紀

賦得夢破蓬窗雨 題少宗伯孫樹峰前輩扇

頭榴花 王麓臺前輩為余畫扇自

題其後索同直諸君和

潞水歸帆圖為諭德姪賦

瀚海石歌奉 旨作 寄祝汪章齋年伯七十壽

時官鞞昌郡丞 奉 旨免赴教習廳賦呈

院長揆公

敬業堂詩集卷二十九目錄終

海寧查 慎行 悔餘

赴召集

起壬午十月
終癸未五月

赴召紀 恩詩 弁序

欽惟我 皇上聖德神功遠邁千古薄海內外含

生戴性之倫無一民不被仁恩無一物不沾麗澤

巍巍蕩蕩謳頌難名屬者黃河底績 鑾輅南巡

警蹕無聞輕裘減從買載不遷夫市肆耕犁不輟

乎農郊回陽春於青霜白雪之辰駐宿衛於節屋

茅簷之下無非勤求郅理念切民依臣東海鰥生

偶客畿輔竊聞 駕泣德州方與田夫野老抃舞

歡欣共効昇平之頌乃今十月十七日直隸巡撫

臣李光地傳 旨召臣趨赴行在臣即於臣子克

建束鹿縣署中星馳就道匍伏宮門伏念臣韶齡

失學壯歲居貧年逾四十始舉於鄉三上禮闈未

成一第自惟賦命蹇鈍寸進無階幸逢 堯舜之

君自甘畎畝之樂不知微賤姓名何由上達聞

命之下慙慙徇徇罔知所措敬賦紀 恩詩二章

恭呈 御覽可勝惶悚之至

聖謨平土奏安瀾 詔舉時巡萬國歡桐鼓無聲傳過

輦場功初畢候鳴鑿 恩波先沛三春雨瑞雪都忘十

月寒微賤不知天上事謳歌遙向彩雲端

睿藻紛續布九垓麗天雲漢並昭回是日小臣僚御書數十幅觀光豈獨臣鄰喜就日爭隨父老來作息自安歌帝力旁求何幸及凡材祇應 聖主同元化雨露沾濡到草萊

二十日 召赴行宮 欽賜御書程子視箴一

幅恭紀十六韻

警蹕除黃道周廬列紫垣勤民同舜禹邁德媿羲軒戶

安淳俗人人覲 至尊萬幾多暇豫八法自騰蹇龍

鳳爭跳蕩虹霓互吐吞祥光昭象健體協乾元揮霍

風雲勢涵濡雨露痕堯文紛煥采必晝久窮源偏渥奎

章賜仍傳 詔旨溫頒來皆琬琰捧出盡瑤琨下逮慙

孤梗殊榮荷 九閣瞻天初見日學古莫窺藩箴守儒

家說書驚 御筆援祇承雖往訓敬凜即 王言拜舞

隨察家珍藏示子孫傳家何以報世世頌 君恩

二十八日 召試南書房自此奉旨每日入直

屢下南宮第俄聞秘閣開一經雖舊習六論本非材宋時

秘閣試 不取他途進終慙 特召來平生無夢想今日

到蓬萊

與揆愷功學士同試南書房感舊成句

天上青雲客人間白雪翁交新 雙闕下話舊十年中

詩讓揮豪速文慙起草工宋時秘閣試論至薦賢名偶蘇子瞻始起草

玷慙愧躡追風是日召試十二人欽定愷功第一余第二

南書房敬觀 宸翰恭紀 有序

康熙四十一年十一月初八日 上御乾清宮發

御書一千四百二十七幅命大學士臣張玉書

吏部尚書臣陳廷敬工部尚書臣王鴻緒副都御

史臣勵杜訥右諭德臣查昇展閱分類以備 頒

賜臣慎行亦得隨諸臣後仰瞻 天日之光洵有

生之奇遇人世所罕觀者也欽惟我 皇上天賈

聖姿日新盛德法乾行之健彥 聖學之勤業懋

功純光華炳耀深宮無逸游藝入神自真書以及

行草由小楷以至擘窠或臨倣諸家或親書 聖

製有美畢萃無體不兼此雖古來專工八法終身

矻矻自名一家未有如是之多而且精者而臣於

拜觀 宸翰之下仰見我 皇上神功聖德冠絕

千古者更有蠡測焉伏讀 御製北征凱旋諸詩

廟謨獨斷勝算萬全首惡伏辜餘寬視網關版圖

未闢之地臣史策未臣之邦我 皇上宏猷偉畧

冠絕千古者其一也伏讀 御製巡視河工省方

問俗諸詩真九有以救靈恐匹夫之不獲萬姓已

共安於耕鑿 一人恒自處於先勞遂致湖海安

流黃淮底績我 皇上仁民阜物冠絕千古者又

其一也伏觀 御書大學聖經一章旁至往詰先

賢格言銘序抉其精微摘其奧義采諸儒之懿訓

成昭代之典謨獨於程朱二子則不書其名我

皇上崇儒重道冠絕千古者又其一也伏觀 御

書於晉魏六朝以逮唐宋元明諸臣名蹟無不手

撫心賞要皆棄所短而取所長集古今之大成爲

帝書之第一而紙尾必署云臨某某書我 皇上

聖不自聖冠絕千古者又其一也臣一介微賤遭

逢盛事千載一時舞蹈謳吟自不能已譬諸秋蟲

春鳥生覆載之內亦知鳴天地之恩恭賦七言絕

句十二章以紀榮遇謹拜手稽首以獻

玉檢初開五色煙淋漓元氣滿中天 宵衣旰食無多

暇更洒雲藍十萬牋

咫尺丹霞映玉清觚稜日射八窗明忽聞風雨來天半

知是 君王落筆聲

一畫真成萬世師捧來千幅更神奇銀河直與 宸居

接無數蛟龍起墨池

金薤銀鉤結構新爭看入聖又超神即論藻采輝煌色

萬古羣推第一人

銚合珠連琬琰垂蠡應難測管難窺欲知伐叛安民畧

看取親書 御製詩

遠自鍾王湖褚虞百家一一手臨撫兼長迥出專家上

要令諸臣奉楷模

霞蔚雲蒸露未乾盡收造化入毫端萬鈞腕力皆天授

欲補虞戈一筆難

良工巧匠日礪磨 淵鑿新鐫勝永和 不似當年淳化

閣帝王法帖本無多

朝退香煙護 紫宸御床細帙展 佳辰綠雲新 斲松花

硯特撤文房賜老臣

書訣原從王敬來 數行 御札日星開 可知筆正由心

正入直多聆 聖訓回

鳳翥鸞翔勢莫攀 皇恩次第及千官 九重日月無

私照有目皆容仰面看

禁庭纔到便沾榮 深愧無才答 聖明強作蕪詞比 諛

諺 堯文魏煥本難名

冬雪十二韻

朔候連三白 同雲匝萬家 縱橫迷地軸 灑汗極天涯 樓

閣高逾見簾櫳薄 易逝漸從疎 處密忽向整 時斜老柳

飛揚絮 枯梅頃刻花 氣沉千里雁 寒噤幾村鴉 暗掃遺

蝗種 潛滋宿麥芽 逢年先應瑞 是玉必無瑕 積厚光搖

海平 鋪勢展沙歲 功資醞釀春 事踵繁華灞 上吟情遠

山陰 客棹賒意中 餘好景 留作畫圖誇

為泗州李蒼存題秋穫圖二首

築屋不羨蕭貫之 種松莫學杜子師 西風吹熟半黃稻

又是牛健鴉嬌時

淮南第一山 邊住泗州南山朱芾以 渴口十年長苦饑

家書昨日報秋穫 勸爾有田胡不歸

奉題大司寇新城公荷勸圖

君臣際會唐與虞 文章政事誰不如 東家司寇魯大儒

品望獨與經術俱 晝日三接寵賚殊 城南甲第輝 御

書帶經堂顏公手 摹復以繪畫 煩鴻臚禹之 眼前浩蕩

生江湖 歸夢曉 落扶桑 隅齊州 九點青 模糊 方木陰陰

猿鳥呼 春山欲 雨雲作 膚風帆 亂走 隨鷗 鳧村 深岍轉

帶渚蒲 綠楊如 煙際 平蕪中 有一翁 行荷 勸我 公豈是

山澤 臞神 仙標 格蒼 眉須 朝衫 野服 兩弗 拘良 田二 頃

宅一區 人生 此境 何可 無虞 廷當 時少 此圖 盛事 缺載

臯陶謨

蠶尾山圖再為新城先生賦三首

依然小泊洞庭旁 公自扁舟興不忘 試向東山看月出

繞身三十里湖光

勿論石室與金庭 晝裏迴源別有亭 七十二峯遮不斷

別添蠶尾一痕青 曾見趙松雪唱華秋色圖 蠶尾一峯青出羣山之外

千秋讖籍記東平 天寶詩人舊有名 從此人間長見畫

故鄉山水屬先生

送楊旣明倅廬州兼寄張建陽太守

薊北水霜動早梅 淮南驛騎已先催 春帆路轉藏舟浦

堦館花迎教弩臺 名郡風流輸半刺 世家子弟羨多才

桑枝麥穗君游政 何術能資佐理來

擬玉泉山大閱二十韻

地關丹稜泐天開裂帛湖連岡環北極列曜拱中區
靛譯銷氛氣風雲蓄 睿謨不忘神武畧獨握帝王符
吉日將差馬先期已祭驅桓桓齊步伐肅肅選車徒
野曠金鉦轉沙平玉帳鋪 一人躬躅軫九校勇馳驅
鵝鷄知兵法龍蛇入陣圖雪光明組練寒律勁雕弧
憶昨三犁候 親征萬里逾行間走英衛麾下拔孫吳
捷伐聲靈在韜鈴將相俱詩人賡虎拜士氣動山呼
振旅時方暇回 鑿日未晡殊威宣迷土同軌坦經涂
典禮因時舉樓槍掃跡無武功雖再續文德久重敷
用邊昭無外周防戒不虞煌煌太平業磐石鞏 皇都

盆中二咏吳元朗齋分賦

一尺筍篔種低抽碧玉簪近人差免俗待汝幾成林
不交加翠終輸瑣碎金若為鞭橫逸移向小庭陰
不隨千樹暗東坡梅花詩江頭千樹春欲暗只似一枝斜愛入詩人閣
難忘處士家帶苔移客土傍火發唐花就我生春色依
依感歲華梅早

賦得歲寒堅後凋十二月十五日 御試入直 詞臣奉 旨同作 不用應制

物性終難改天行歲有常平時滋雨露晚節煉冰霜
鶴骨清添勁龍鱗老變剛鬱葱生意在寒律總春陽

集汪東川祭酒齋賦得風潮泊鳥濱即次祭酒

原韻

淼淼停征權茫茫失遠汀雲隨風脚黑天偏浪頭青
碧石鷺難定影沙駭未經直疑蜃氣化孤島似浮萍

奉和 聖製咏雁恭次原韻立春後一日

不戀江湖潤仍為北嚮鴻羽毛知自愛一一待春風

恭和 御製為考試歎原韻十二月二十三日 考試各省學臣奉

聖主嚴科詔御製詩為 科場作深期積習更憐才程玉律警俗

發鐘聲既往應知悔將來勿任情欽哉奉 明命勉矣

立修名

早春喜雪二十六日 皇太子令 應

同雲迴合曙光中恰喜占年兆歲豐三白連絲餞殘臘

六花翔舞向東風暎空有色高逾見到地無痕暖漸融

好借渡江梅柳意亟裁詩句報春工

彤庭雪霽二十七日 皇太子令 應

瞳瞳霽色落黃扉瑞靄遙生旭日暉白玉堦堦增皎潔

丹霄臺殿倍光輝融成雨露滋仙境化作陽和滿帝

畿共喜太平真有象宮梅苑柳漸芳菲

雪後與楊尚木編修步入後左門

淨洗東華十丈塵曉來聯袂向 楓宸誰憐舊日聞鷄

伴又作殘年踏鼓人

除夕前一日晚出東華門口占示錢亮功

除夕前一日晚出東華門口占示錢亮功

除夕前一日晚出東華門口占示錢亮功

未許騎官馬誰能借寒鹽人憐三黜後自歎一毛初曉
入蛩兼驅昏歸步當車崢嶸水雪裏草草歲將除

京師與德尹守歲用少陵飛騰暮景斜句為韻

各賦古詩五首

勞薪無停輪弱羽互退飛與子各兼晚初心尚依依川
流日夜東造化一逝機去者既不返來者終安歸百年
幾寒暑一夕毋相違

庭除帶積雪門巷餘殘水雪後冰尚堅寒光互稜層照
我頭上髮射我窗上燈我醉兩不知流光兀騰騰奈榆
有餘暖忍凍非汝能

寥寥夜向晨再冉歲云莫豈無一樽酒惜此佳節度雕
盤釘肥烹彼嗜非余慕翦罌貯旨蓄義取咄嗟具天明
有朝叅飽啖黃虀去

壯歲輕別離東西浪驅騁迴思疇昔事過眼須臾景
明詔歛見徵浮蹤合萍梗半生參與商此夕形隨影再
拜感君恩官似居鄉井

兒孫在畿縣兄弟居京華計里五百餘相望如囊斜一
門盡旅食老境終思家此時山中梅苔枝應已花吾方
作歸夢街鼓幸緩過

癸未元日 乾清宮早朝

三陽景運翊佳辰紫極傳來詔旨新雙闕倚天晴帶
雪千門銜日曉除塵金爐香引朝元路銀燭光分待漏

人親見堯堯初吐葉龍飛四十二年春
朝會樂器歌康熙四十二年正月初二日入直
鼓二鐘一黃麾一坭一篋恩賜觀樂器編籥一
一祝一祝一退朝恭紀以詩

雲門成池及大章制作肇自炎與黃後來韶夏繼漢武
聲容綴北遙相望或云象功或象德宮懸一一傳太常
洎乎秦漢寔失古器雖尚在意渺茫儒生好事強傳會
蒼龍朱鷺安揣量流傳往往入樂府遂薦郊廟登明堂

豈知元音關運數出與盛世鳴光昌 國家功崇德深
厚上有 堯舜垂衣裳八風從律星應紀亭毒四序昭
三光 一人穆穆慶交泰多士濟濟歌元良朝乾夕惕

日不足庭燎繼問夜未央肅雖臨保本法儼觀列聖
於堯墻化成久道治累洽民返太朴仁風翔懷柔河岳
指帶礪撫馭畿甸巡遐荒北清狼望罷斥埃南拓鰲背

開封疆圓顙方趾悉受吏丹笮白雉爭來王麒麟在郊
鳳巢閣不貴異物夸禎祥太和之氣彌宇宙正賴雅樂
為宣揚吾 君神智况天縱 聖學執測淵源長精通

緯數窮亥步博極典墳追羲皇黃鐘累黍辨清濁太簇
截竹調陰陽文成雲璈扣金石詩就月窟諧宮商伶官
却立眾工伏 御製親授協律郎豈惟神人胥悅豫兼

采法曲收遺忘每逢 朝賀必合樂左右羅列東西廂
臣昨承 恩預元會握衣肅拜丹墀旁拓黃帕瞻輔座
近咫尺顧首心傍徨廣庭雪花開瑩芙蓉殿日氣曠樽

桑乍聞鈞天動九奏縹緲散入爐煙香始終條理何暇
晰但覺盈耳聲洋洋歸來愴恍疑夢寐曾辟一夜聆鏗
鏘明朝 詔許觀古器始信大樂非絲篴編鐘編磬列
簫簾楹鼓田鼓齊輝煌旌麾奇綵繪螭虎蕭管逸韻含
鸞凰頃篋祝敵狀各異据圖考證殊難詳天生耳目不
虛昇 帝錫聞見開聾盲虞廷當日傳搏拊鳥獸應節
猶低昂幸逢昌期邀異數及與百爾偕趨踰歡心不覺
同率舞拜手敢謂希賡颺矢詩遂歌記盛事 萬年願
奉南山觴

恩賜砥石山綠硯恭紀十韻

扁石登 廊廟良工費網羅出應逢 盛際名始著若
阿養璞埋雲霧呈材仰琢磨潤流花上露青刷雨中荷
眉子殊難匹陶泓詎足多祇宜供 玉案敢望 賜鑿
坡染翰 恩長被含毫分已過拜嘉誠異數榮捧竝詞
科彩筆濡雙管踰糜試一螺便應焚舊硯涓滴浥餘波

初四日雪中隨 駕赴西苑夜宿自怡園賦呈

揆愷功院長二首

出城三十里飛控不曾停萬樹忽凝素一峯猶翠屏渡
橋欄宛轉漱石水清泠共識 皇情豫新畬二麥青
獵獵風欹帽颺颺雪點衣林塘迷野徑燈火候郊扉東
閣新詩好梁園舊客非調西江白頭憐我在至性似君

稀

雪後與聲山紫滄同直 暢春園二首
西山帶雪高寒光際青天晨曦照積素萬木中含煙手
把右丞詩羣峰當我前幸無塵事擾兼以忘新年
宛宛紫界墻苑門開向東直廡內小 窅然深山意近在
十步中林鳥已春聲細泉生遠風澄懷適有會咏嘯何
必同

上元前三日自怡園觀燈上相國兼呈院長二
首

碧香新試上元筭 詔許名園續舊遊下直一行同繫
馬入門幾步便移舟 宮中詩句元才子天下神仙李
鄴侯兩世 恩光皆眼見得陪賓從也風流

二分明月一分燈引入仙山第幾層洞口煙霞濃似染
雪邊亭榭暖如蒸林疎竹密參差見 逕轉廊迴取次登
却向江湖回白首十年重到夢何曾自癸酉以後
不到十年矣

連日賜 御饌恭紀

不識 天厨味頻驚出大官調和從翠釜珍重對金盤
腹儉捫應愧 恩深報漸難翻防饑朔笑待詔得加餐
十四十五夜 召入西苑賜觀煙火恭紀七言
絕句八首

閣道中分十里墻西山西繞 御園長夕陽消盡千峯
雪別吐紅雲捧 玉皇
不夜城邊宛轉通廣場千步望玲瓏欲知九曲黃河勢

只在仙人一掌中

宮鴉飛盡暮天青百萬燈如百萬星併作晶瑩光一片

忽從銀海湧松亭

火齊珊瑚竝陸離山光林影互參差靜無人語來天上

微覺風搖五綵旗

布置高低儼列墉朦朧初被白雲封流星一綫飛空去

匝地漫天盡燭龍孟浩然薊門觀燈詩窮
看火樹疑是燭龍然

百道金蛇閃苑城湏臾萬鼓助研鞀誤疑雷電前山起

勤政樓頭月正明

綵棚高架起鰲山銀燭光騰霄漢間寧壽宮中扶輦出

太平 天子奉 慈顏

虬箭聲遲玉漏中年年行樂與民同詞臣好紀昇平事

簫鼓連宵報歲豐

恭祝 萬壽詩十二章 有序

竊聞純禧永錫篤生有道聖人景命長新弘啓無

疆曆服詩歌嘉樂先推之保佑天申書衍疇圖必

極諸康寧壽考既誕膺夫繁祉自久享夫歷年欽

惟 皇上體天行健如日之升質文持五運之中

道法冠百王之上嘉祥咸萃統元會而保合太和

尊號弗居屏顯榮而敦崇實政推虞帝協中之

化欽恤何啻再三師夏王補助之仁蠲賑動盈千

萬澤流渾溢則畿輔安瀾功莫淮黃則東南底績

舉曠典於時巡時邁播鴻慈於養老養賢凡茲德

意之覃敷悉本精神之強固歲惟協洽日在降婁

欣逢 聖壽之期適符大衍之數於時和風翔洽

化日舒長騎竹兒童識 天顏於過輦扶鳩白叟

瞻佳氣於 回鑾由勳舊以逮懿親自文臣以及

武衛獻三多之祝稱 萬歲之觴莫不慶溢山呼

歡騰虎拜臣慎行草莽陋質僻左孤踪遭遇 聖

明召依禁近臣之蒙 恩披擢視多士為獨優臣

之感 德頌颺較羣工為倍切用敢不辭媿鄙敬

托謳吟葵知向日冀俯鑒夫寸心冀幸生階思仰

酬夫大造云爾

瑞靄凝 丹陛祥煙擁 紫宸 萬年三月節四海一

家春禮樂調元化謳歌屬 聖人敷天多望幸特為舉

時巡其一

睿慮周遐邇 皇猷冠古今堯階三尺土舜樂五絃琴

德自重熙洽 恩沾壽考深萬方均樂育帝謂本無心

其二

見說山東叟欣觀德化成蠲租憐歲儉賜粟惠春畊不

息 天行健無私 帝好生活人餘百萬軫郵荷 皇

情三

翠岫三千丈崔魏上岱宗金泥除漢策玉檢陋秦封旗

拂天門樹雲開日觀峰仙山留五老擁蓋候 飛龍其四

鑾輿親閱視河水正平隄西受清淮弱東趨滄海低一

條鋪練帶千里亘虹霓永紀隨刊績朝宗萬國齊其五

川岳懷柔日乾坤莫麗中安流歸 聖算平土奏神功

桑柘連村遠來牟入望同不教傳 警蹕到處聽呼嵩

六其一覽江天濶長流 聖澤深晴霞開海面增火照波心

御墨蛟龍勢仙韶鸞鶴音扶桑占喜氣來往快登臨其七

春水江南路 巡遊紀昔年觀風來海嶠問俗上吳船

淳朴安畊鑿繁華輟管絃 天顏知有喜康阜勝從前

八其千頃頗黎色重為 明聖開宸章懸日月 睿藻煥

亭臺桃李乘時放煙波拂權來湖山真有幸直作小蓬

萊其九秦淮民望切歸路又重經二水春流碧三山爽氣青香

煙迎不斷 翠輦過還停愛戴心如一爭看 萬壽屏

宵肝勤三事清廉勉六曹與民同後樂為政必先勞

優詔辭尊號 回鑿沛雨膏先一日大赦 巍巍功德在峻極

孰爭高其十地久天長運河清海晏期九如爭獻頌三祝竝摛詞謫

陋叨 殊遇顛愚仰 聖慈自慙同小草依托 上林

枝其十

新荷西苑作

幾處葉田田池塘未吐蓮托根來 上苑濯質自清泉

扇拂煙波動珠承雨露圓魚知游泳樂爭聚畫橋邊

三月二十六日分賜 南書房入直諸臣瓶中

牡丹臣慎行得鞋紅一朵恭紀

扶桑初旭暎曠曠聯步晨趨入直同 紫闈恩光連上

苑 彤廷芳氣襲東風人來漢殿鶯花候春在 堯天

雨露中五色雲端親捧出仙葩爭看一枝紅

四月初四日 殿廷對策恭紀

朱衣前引向 彤庭黃紙封頒出 御屏仗外煙霞成

化雨是日午後微雨蟬切燈燭聚春星天人理要窮三策章句

儒多守一經不是 皇仁均造物搏扶容易徒南溟

初七日 太和殿傳臚恭紀

九霄臺閣九重城臚唱親聽第四聲余名在二自比蓬

麻資灌植羣欣燕雀荷生成雲開閭闔趨冠珮風過江

湖識姓名宋劉季孫詩日出唱君從此酬 知須努力

勉承鞭策赴王程

初九日 恩榮宴恭紀

竊祿官廚已半年余自去年十月奉召入內廷紅綾重對曲江筵生

逢 聖代誠何幸老傍科名又自憐杏葉名杏園同駐

馬雁行雁槍總隨肩綠槐樹底叅差影猶記花黃六月

天禮部題事前後陰特茂諸進士宴席分列其下

恭和 御製初夏新晴較射

淑氣迎新夏 華駟出曉晴 隔花初樹鵲穿葉不驚鶯
月滿開弓勢風高應羽聲誰知 聖人意耀德本無爭

十五日 保和殿引見 欽授翰林院庶吉士
恭紀

蛾眉班押候 臨軒未有涓埃報 至尊特許奏名來

玉陛不教特詔老金門文科報國慙臣分宦牒同朝戴

至恩臣脫弟嗣琛翰林院編修葵藿有心知向日願從

瑤島結孤根

十九日 午門賜鈔恭紀

頻垂旅橐走關山一第俄登蓬閣間遂有朱提分 少

府頓令寒士動歡顏 宸章舊沐華縑重去冬在德州賜御書

程子寶硯曾叨綠玉頒今年正月家賜今日眾中還

視箴賜殊榮稠疊冠清班

二十日 文廟釋褐恭紀

數仞宮牆霄漢連兩楹俎豆故依然曾陪鼓篋三千士

重到橋門二十年余自甲子五月入國學肄業末學豈增科目重非

才特荷 聖人憐較他儕輩蒙 恩早獨在青衫未換

前

二十一日赴 暢春苑謝 恩恭紀

初著宮袍拜 禁林碧梧翠柳望成陰可知 聖主裁

培意即是天工長養心千頃池邊看鼓鬣萬年枝畔聽

鳴禽從春日月無私照一物舍光感自深

送高江村先生南歸即次紀 思六章原韻

物望羣瞻進退間先生風度香難攀神仙骨勝留侯健

惟幄功高李泌遠却眺白雲懷子舍長憑金鏡駐恩顏

鮑照詩孤景留恩顏君臣名分家人誼禮絕平時供奉班

承明出入兩周星紫炁遙瞻傍九靈一代龍門示模楷

同時虎觀奉儀型賞留瓊島看花宴道在青箱授几銘

連日宣傳尤絡繹 天潢舊學重傳經

家書天上喜開函無恙春風報布帆人以新陰艷桃李

天教晚節護松杉一門四世皆餘慶時遇 覃恩正一

馳封 四代公方養母乞歸八座三年特改銜去任到公

得選 恩例實異數也真綽綽 王恩前後總非凡

西苑門東竝歇鞍自聞高唱和皆難疎簾捲兩吟紅藥

書閣傳香賦牡丹以上皆記同直西苑事一字褒增華袞重萬間

廣彼布衣寒江湖不放滔滔下有力能迴既倒瀾

丹梯百級上 丹墀獨藉文章結 王知去國光陰移

綠鬢向陽花木發華滋 奎章再錫歸裴富 優詔頻

頒飲餞遲此意旁觀猶感涕那教身受不生悲

曾聽邸舍話 金鑿敢望天衢振羽翰門外忝隨新立

鵝巢痕猶認舊棲鶯 恩濃晝日看三接夢繞鄉園感

百端直擬臨岐論後約好收朝跡共追歡

四月二十三日 分賜西苑入直諸臣 御書

扇臣慎行得 聖製泊舟惠山詩恭紀八韻

珍重傳宮扇輝煌徧直廬 賜當清景下頌及午風餘

應候知開闔無塵待掃除未秋涼已襲繞夏暑先驅

駐蹕留佳咏分行灑 御書恍疑泉到耳真覺翠浮裾

墨氣生濃淡煙光動卷舒終身懷袖裏長似拜 思初

謝 賜玻璃眼鏡二首 五月初一日

玉比晶瑩鏡比圓一時披豁觀青天明珠吐暈泣沙外

燭火分光日月邊名紙尚堪題細字秘書仍許對新篇

此生視息真何幸雙眼摩挲敵少年

霽月光風在 紫垣海西佳製 賜頻煩 漢書注鄭重猶言頻煩也

潭空秋水清無底壺貯春冰薄有痕絕勝金鏡除胞膜

不須藜杖照黃昏曾經隔霧看花後老戀餘光盡

王恩

端午日西苑 賜饌恭紀

天上天中節初晴景物鮮榴含將放蕊葉擁未開蓮菰

黍縈宮綫 光一日賜饗 蒲觴撤 御筵 思波真不淺長傍

鳳池邊

賦得夢破蓬窗雨 奉 睿旨不用應制體

明燈初施酒微消倦枕偏舟夜次寥楓葉橋邊看漠漠

蘆花風外聽瀟瀟一天雲氣沉孤雁兩岬灘聲長暗潮

喚醒江湖十年夢起尋歸路尚迢迢

題少宗伯孫樹峰前輩扇頭榴花

丹砂染出鶴頭紅畫稿移來禁苑中似與天工諧暖律
年年開候應薰風

王麓臺前輩為余畫扇自題其後索同直諸君

和

萬樹鳴蟬水一隈西山驟雨過輕雷看君老筆如并剪

割取浮嵐暖翠來

潞水歸帆圖為諭德姪賦

日長如年暑未徂丁丁晝漏傳宮壺直廬直伴一事無

開卷示我歸帆圖三竿秋水六幅蒲小船放溜如飛鳧

浪花遠吞丁字沽綠楊拂岬交紅笑舟中之人疑可呼

掉頭徑欲歸來乎 君思未許賦遂初田園有路去尚

紆作詩聊取償宿逋勸爾且勿思尊鱸

瀚海石歌奉 旨作

瀚海出國門亭埃萬有餘 君王神武動遠馭伐叛特

欲安邊隅歸來玉斧畫大渡屬國東西一都護羈縻不

設既脫間何者能邀 至尊顧異哉有神物產自此海

濱遠從開闢混疆礫直到海底今揚塵女媧補天煉五

色散落人間人不識年深道遠莫致之瓊寶仍為天上

得 禁林過兩山蒼然綠窗窈窕生紫煙越羅蜀錦開

什襲 詔許重陳玉案前內官捧下 通明殿耀眼平

生鷲未見碧砮奇氣蓄風雲銅鑿隳芒繞雷電七星挂

斗何煌煌六十四象隨圓方綺霞殼霧錯采章白鉉自

隨筆集

將隨 駕往口外避暑蒙 恩賜紗葛衣二襲恭

紀 五月二十五日隨 駕發

暢春園晚至湯山馬上口占四首

是日赴 東宮名觀灑 睿筆口授書法兼蒙

賜扇恭紀十六韻 賦得綠樹陰濃夏日長

二十七日隨 駕發湯山

懷柔道中遇雨是日 駐蹕密雲

賜觀 御書大學經傳恭紀二十韵

登密雲城樓 石匣營

恩許扈 蹕諸臣戴草笠

過南天門初見邊墻明徐武寧所初戚少保重修

者也 柳林喜雨呈同僚

六月初四日扈 駕出古北口

塞外山 兩間房直廬作

初六日奉 旨編輯歷代咏物詩恭紀四首

初伏日 睿賜時果木瓜酒恭紀

行過青石梁 駐蹕鞍子嶺連雨驟涼

賦夜光木 御賜武彘芽茶恭紀

連日 恩賜鮮魚恭紀

送勵南湖前輩奉 旨歸省尊甫少司寇公病

白黃琮黃或如荔垂枝又如榴拆囊或如鏡留影又如

芝植房或如犧牛角蘭栗或如蝦蟇入月領願張或如

青螺或紋蛤或如馬肝止血瘰膏盲或如珊瑚出網丹

出罌松脂出地琥珀凝堅光賦形寓色靡不肖化工之

巧盡洩無留藏臣間積水類生石瑟瑟波搖紅韎鞞潮

洶汐戰廉角平蜃吸鰲咭光怪發黔中白鷺洲貴州思

石絕住文登彈子窩在登州蓬萊閣下偶披千萬遇

什一毓秀孕靈能幾何孰如此石來自遐荒外磊砢英

多殊可愛攜來共指前席珍采處曾蒙後車載石今石

今汝豈無知空抱質顧盼 思深同剪拂回思萬古委

泥沙方信 聖朝無棄物

奇祝汪韋齋年伯七十壽時官鞏昌郡丞

宦跡中經四郡移姓名曾達 九重知神仙路指青牛

道風月吟寬皓首期愛酒每傾鸚鵡盞生兒多集鳳皇

池謂武曹文頭銜特為 馳封換歷守還 朝算未遲

奉 寺免赴教習廳賦呈院長揆公

第二廳前逐隊過北扉咫尺接鑾坡 詔恩已免春秋課

館職猶充弟子科顏魯公詩魯國變白果能生黑否少陵

髮喜却愛白 出藍其奈謝青何北史李益傳初師博士孔

師何常在明經 回思東閣傳經地老廁門墻媿自多

塞外蝴蝶

十六日五更隨 駕發鞍

子嶺行至三道梁天始明

十八日 駕幸釣臺召臣等隨行 賜膳釣魚恭

紀七言絕句八首 賦得遠色有諸嶺限二篇

韻 二十日 行殿召對出至

直廬內侍復傳 諭臣慎行云汝子在東鹿縣

居官甚清朕已稔知感 恩述事恭紀二首

恭和御製立秋喜霽 恩賜佛手柑恭紀

磁瓶草花 秋海棠

奉和 御製穹覽寺七言絕句敬次 上韻二首

陳潛齋前輩分餉柿子酒

七月初五日 賜食蜜漬荔枝二首

蒙古貢馬 七夕喀喇火屯雨後作

賦野杏根 裕親王挽詩二首

雙塔峰歌 塞田雙穗嘉穀恭紀

蔣酉君為汪紫滄畫菜索題

二十七日發熱河 八月初六日發唐山營初

入蒙古界 度汗鉄木兒嶺

初十日發擺波喀口 十一日 駐蹕巴林桑斯臺

上於附近山中行圍 賜臣等全鹿一雙恭紀

額勒蘇臺聞雁有懷德尹時聞弟乞假將出都

十二日 駕幸額勒蘇臺大獵 召臣等觀圍恭

紀七言長歌一首 中秋節 恩賜月餅時果

恭紀 是夜角火羅對月呈堂院

揆公時奉使朝鮮初選

十六夜撒勒巴爾吉對月

十九日度生吉兔嶺 二十五日曉發舒庫里口

二十六日扈 蹕至興安嶺有 旨命臣等登絕

頂遠眺恭紀七律四首

大風下興安嶺 二十八日駐蹕伊遜河源

上親射石熊以熊掌 頒賜臣等恭紀長歌

賜觀紫駱 御馬恭紀十韻

九月初三日 東宮行圍名觀殺虎恭紀

初六日隨 東宮射獵蒙 賜全鹿野雉恭紀十

首 重九雪後汗鐵木嶺觀獵

二首 十二日 上親射金錢豹

恭紀十八韻 十八日 駕發藍旗營乘

舟網魚 命臣等沿河騎蹕 賜鮮鯉人各一

尾恭紀 是日中途 命侍衛射虎

復召臣等同觀恭紀

十七日度小青山 入古北口

過牛欄山下二首 十月初十早入直蒙 恩

賜帶數珠恭紀 房師汪東山先生請假奉

太夫人南還留秋帆圖卷子命題敬賦四絕句

題劉禹峰水邊行樂圖小照二首

雪後下直口占

題許有介先生冊子

賀張志尹前輩生子

賦得深屋喜爐溫

題元人風雨歸舟圖

十二月初九大雪獨直南

書房有懷陝西隨

駕諸君

送楊遠卿之任武昌

除夕前一日蒙

恩賜羊

鹿雉兔鮮魚鹿尾上尊諸品恭紀二首

敬業堂詩集卷三十目錄終

敬業堂詩集卷三十

海寧查 慎行 梅餘

隨輦集

起癸未五月抄盡十二月

元時避暑灤京百官皆有公署今惟詞臣數人耳

癸未五月 大駕將幸山莊先十日傳 旨南書

房翰林六人俱著隨行六人者諭德臣昇編修臣

廷儀臣名世庶吉士臣灝臣慎行臣廷錫也臣壯

履自請隨班亦預焉始而行宮檢書既而圍場觀

獵往返計百二十日每有所作輒呈 御覽附以

入冬後詩共為一卷

將隨 駕往口外避暑蒙 恩賜紗葛衣二襲

恭紀

垂柳陰中畫卷幃微軀宜稱襲 恩輝行穿碧水丹山

路先 賜含風疊雪衣杜甫端午賜衣詩細葛含風軟香羅疊雪輕涼逐水

絲分繭館香隨葛越出星機序更不用愁刀尺預算秋

深扈 蹕歸

五月二十五日隨 駕發揚春花晚至湯山馬

上口占四首

雨餘沙磧淨無泥瓜蔓秧針綠滿畦共識 君王愛民

意村村駐輦看扶犁

閒按輿圖考地名承平畿甸古長城昌平山水記長城齊天保二年所築

詞臣頻日承宣喚 特許班隨豹尾行

軍裝小隊走弓刀年少曾親鞍馬勞老去承 恩還自
媿重蒙 天上賜征袍

炎景當空日正長潺湲湯浴水如湯泉源萬斛皆天澤
化作人間六月涼

是日赴 東宮召觀灑 睿筆口授書法兼蒙

賜扇恭紀十六韻

天縱 儲君聖英資曠古奇毓成龍鳳德學本帝王師
几視無他玩宮庭倘勿儀就將猶勉勉敦敦敬倍孜孜

鶴禁時多暇 鑾輿出每隨幾曾疎筆墨直是好文辭

義畫傳家法堯章煥丕基書多呈 御覽 恩許侍臨

池訣發千秋秘工兼八法宜銀鉤光絢爛金瓊象紛披

腕力由神運心源絕仰窺難窮惟贊嘆過望是 榮施

寶篋承華重仁風被物慈述書徒續賦應 教愧成詩

朝爽襟先挹秋涼袖早知驪珠長在握 宸翰並昭垂

一月前蒙 皇上 頒賜御書扇

賦得綠樹陰濃夏日長二十六日 御試 講官題臣亦擬作

高倚層霄俯映池綠陰陰處日遲遲晴穿密葉蟬初翳

暑薄交柯鳥未知曲徑煙分蒼蘚潤重樓人靜畫簾垂

炎曦只隔深林外似戀清幽不肯移

二十七日隨 駕發湯山

涼殿東來御路平金輿八襲正徐行雲從萬疊峰頭出
風逐千群馬尾生甘澤祇應歌盛世禮泉何用草新銘

抽毫進牘慚臣職約鉢親隨第二程

懷柔道中遇雨是日 駐蹕密雲

七渡河邊過綠葍坡坨高下入檀州午陰側帽消朱夏

細雨垂鞭似早秋地險一軍資障塞開元要畧云密雲

第五時清三輔奉 宸遊音提奚父老爭扶杖隔歲重

攀 翠輦留方輿紀要後漢曰提奚親皇始二年置密

即漢序奚縣舊治便奚與序夷苗本相 同魏書遂為提携當以漢書為證

賜觀 御書大學經傳恭紀二十韻

昭代文明啟吾 皇政化隆熱精洙泗理大闡聖賢功

胞與周民物幾康謚始終一經神默契十傳語全融堯

典推明德湯盤視被躬孝慈為世則好惡與人同異說

歸 淵鑒群儒仰折衷欲令聲振鐸端賴筆扞虹心法

由誠正書源本貫通學難窮秘笈勤不輟行宮滌硯龍

窺沼揮毫鳳舞空淋漓雲氣外披拂柳陰中星斗天垂

象山泉 帝發蒙教傳先 胄子前一日 書成先 寵示

逮臣工偏黨消皇極維持長士風頌應徧豐序澤自被

西東 睿藻光何煥 王言義必充卷終有御 製疏語

創守力厚闢鴻濛義畫傳同遠箕疇演並崇煌煌治平

業萬古昭蒼宮

登密雲城樓

第一封畿此要衝兩城宛轉合長墉風生溫谷油油黍
黍谷在懷柔 漲走潮河矯矯龍井底炊烟沉石匣天西
密雲二縣界

積雪射居庸志稱居庸為冷關積雪盛夏不消八荒戶闥今同視笑說

秦關百二重

已廢金溝館猶存石匣營濛濛空翠裏細雨濕霓旌

石匣營

臺笠都人制黃冠野服姿直疑雲覆頂不怕雨催詩涼

煥俄能換陰晴兩自宜從臣齊戴德美蔭荷 皇慈

過南天門初見邊牆明徐武寧所初成少保重

修者也

勝國留遺築危梯極望收萬峰乘障起一水入關流形

勢當全盛邊牆免歲修太平輪鎮將裝帶取封侯

柳林喜雨呈同僚

高柳垂陰漸近關地在古北口南三里炎蒸疑在有無間解衣脫

帽 君恩重下馬分題客况閒枕底雷生南澗雨城頭

雲起別州山朝來擬草甘霖頌才短羞隨供奉班

六月初四日扈 駕出古北口

太行蜿蜒二千里七十二均連首尾東趨遼碣西冷陁

留幹一門屹中壘古北口一名留幹嶺見金史巨靈擘石如擘雲雲

根俯插黃花軍烟氛突過掃無迹風雨欲來天半聞出

關彌望神州壤 六飛清暑頻來往高墉已斷山不斷

無數芙蓉列仙掌川迴岡轉輦路長涼亭舊驛今村莊

元時避暑沿路多涼亭賜東西涼亭軍士糧鈔見文宗本紀帝獵北涼亭見趙世延傳明洪武二十七年置古

北口十四驛儲存禽魚共識 天顏喜草木中含 御氣香小臣多年客燕代夢想何曾踰紫塞自謂遭逢老

塞外山

更奇停鞭飲馬長城外

已被雲遮百万層又從雲外見峻嶒翻緣山好添惆悵

兩間房直廬作

未得峰峯策杖登

隨班番直又晨興金鑰銜魚轉數層延閣日長無箇事

初六日奉 旨編輯歷代咏物詩恭紀四首

坐消清簟一壺水

宜文小閣秘圖書延閣圖書取次陳元周 雲霧牕中點

勤初 聖主不曾遺小物莫輕爾雅注蟲魚

儷白駢青句已陳篇章何處發清新盡携中秘隨行笈

三篋何煩默記人

日日珍羞出大官雄羹魚糝水精盤丹鉛未是酬知地

聊與風人解代檀

曾披圖籍考山川 聖訓真同象緯懸文選樓高重拜

初伏日 睿賜時果木瓜酒恭紀

命敢同輕薄議前賢

帳殿爐烟合周廬霽景長人間正初伏塞外已新涼珍

行過青石梁

果當筵 賜芳醪洗盞嘗 恩波承少海一勺詎能量

天豁新開嶺鸞旌曉向東古藤攀石度絕壁過雲通鳥
啄槐花雨蟬嘶榭葉風林巒行不盡長在畫圖中

駐蹕鞍子嶺連雨驟涼

積水中涵金碧姿小青山外蹕初移愛迎嵐翠長趨直
貪傍燈明夜咏詩泉脉曲通行帳外雨聲渾似滴蓬時
水晶宮殿清涼國傳語人間總未知

賦夜光木

積水生神木俄登几案旁四時無改火五夜必騰光近
暎藜輝淡遙分桂魄涼頓教虛室白臨卷勝營囊

御賜武彘芽茶恭紀

慢亭峰下御園旁武彘山下有御茶園元時貢茶地名貢入春山採焙鄉
曾向溪邊尋粟粒蘇軾句武夷溪邊粟粒芽却從行在賜頭綱雲蒸
雨潤成仙品器潔泉清發異香珍重封題報京洛可知
消渴賴瓊漿

連日 恩賜鮮魚恭紀

銀鬣金鱗照坐隅烹鮮連日 賜行廚感踰學士蓬池
唐時學士賜食蓬池鮮鮓味壓詩人丙穴腴蘇丙穴腴素食餘
慚留匕箸加餐遠信慰江湖笠簷蓑袂平生夢臣本烟
波一釣徒陸龜蒙詩笠簷蓑袂有殘聲

送勵南湖前輩奉 旨歸省尊甫少司寇公病

橐筆經時共直廬何堪絕塞唱驪駒乍看請急情辭苦
特許還家 恩遇殊客夢不離丹嶂遠鄉心已與白雲

俱最憐一掬酬思淚并為思親灑路隅

塞外蝴蝶應宮令 東

羅浮仙種幾時來金粉天生不染埃忽見一雙同照影
始知隔水有花開

十六日五更隨 駕發鞍子嶺行至三道梁天

始明

金壺虬箭響登登霽月流天景漸澄谷卷一重環翠幙
雲移雙仗識紅燈風輪暗激飛梁轉松頂遲看旭日升
滿篋織絨長什襲此來何處有煩蒸

十八日 駕幸釣臺召臣等隨行 賜膳釣魚

恭紀七言絕句八首

插天碧嶂起芙蓉路轉潺湲潺湲又幾重百頃風潭雷雨過
萬魚啣尾候 真龍

高臺俯瞰樅檜溝指示灤河最上流記得銀絲鱸鮮鮓
欣從塞外識源頭已刻 上御樓召臣等五人至臺下指臺下流水論曰此灤河上流也

魚藻池邊 輦路平直隨仙仗到蓬瀛官廚初飲紅蓮
飯 御饌仍分碧澗羹午刻 賜御饌紅蓮米飯 柳根魚羹

芳餌循環下釣筒絲緡長日侍 青宮烟蓑兩笠尋常
句慚愧猶蒙記憶中午後奉 旨翰林諸臣赴 皇太子行帳釣魚臣前謝賜魚詩有臣

山莊一帶並河孺人眾如魚盡力田要與周詩占吉夢
早開塲圃待豐年

一條羅帶水拖藍只少漁舟着兩三滿眼丹青輪畫手
鶯聲柳色侶江南

文鱗躍處起漣漪水族沾 恩感聖時不是網罟施不
得為留餘澤及鯢鮪

佳名原自柳根來魚名柳根赤蓋柳根之色
赤此魚好數柳根故名 釣得仍將

柳貫鯤分賜詞臣三百尾揮竿騎馬雨中回

賦得遠色有諸嶺限二蕭應東
宮令

誰寫丹青向碧霄參差入望勢徧遙烟光澹處疑無樹

日氣生時似湧潮飛鳥不能踰嶂外橫雲只許抹山腰

分明有路行難到知隔天台第幾橋

二十日 行殿召對出至直廬內侍復傳 諭
臣慎行云汝子在東鹿縣居官甚清朕已稔知

感 恩述事恭紀二首

已注金閨籍仍叨顧問榮 睿容瞻肅穆 天語聽分

明轉益臣心懼難窺 聖學精行宮清秘地不異侍廷

英

稗子慚民社能忘舐犢私未成期月治驚荷 九重知

清白原家法生成仰 聖慈家書連夜發矢報勉捐糜

恭和 御製立秋喜霽

聖主如天惠澤周與民同樂每先憂歸雲夜散簷頭雨

沃土人畊化外州野鶴報晴初憂憂良苗入望已油油

詩成共識 皇情豫白藏新占歲有秋

恩賜佛手柑恭紀

筠籠珍重貢炎方羅帕玲瓏照玉堂縹蒂經時猶帶綠
芳苞映日已全黃長隨錦荔迎涼到遠勝新橙透甲香
別與傳柑增掌故立秋時節 賜山莊

磁甌草花

澗草巖花摘小叢秘磁甌水愛青紅不教開落塵沙畔
只似栽培雨露中映壁數枝開曉日入簾雙蝶帶西風
誰將蟋蟀籬邊景移向灤河避暑宮

秋海棠

小紅低映綠窻紗昨歲開時正別家白髮滿頭還自笑
塞山六月看秋花

奉和 御製宮覽寺七言絕句敬次 上韻二

首

清磬和泉隔岸聞蒼松翠蘂散氤氳不知四面山重數
遙指爐烟是碧雲

寶翰留題昔未聞麝煤龍餅氣氤氳祝釐老老監今頭白
特起香臺貯彩雲

陳潛齋前輩分餉柿子酒

小榼遙看走馬軍微風先為送奇芬行廚洗盞湯初老
隔幔呼燈日漸曛尚想青黃垂野徑忽驚紅綠眩微醺
東坡詩醉從今細雨殘更後每到醒時定憶君
眼眩紅綠

七月初五日 賜食蜜漬荔枝二首

嶺外未曾嘗小綠閩南猶記擊紅石屏詩新來嘗小綠少陵詩輕紅擊而令拜賜來天上他日嘗新歎轉蓬

蠟封蜜漬味全融秋暑初迴却扇風領取一襟冰雪意
白銀盤映荔枝紅

蒙古貢馬

蒲梢不拒諸蕃貢印烙新加毛骨殊歛却霜蹄行駕鼓
爛如雲錦看成圖駒駉廐應房星上苜蓿園開瀚海隅
不比無羊歌考牧聖朝馬政在攻駒

七夕喀喇火屯雨後作

雕霧鷹風漲沈寥一天秋意頓蕭蕭彩虹截斷遠西雨
飛入銀河當鵲橋

賦野杏根

古根埋不爛搜剔豈能辭斑剝舊苔蘚槎牙新菌芝乾
坤無棄物研席得奇姿自有天然質何煩斧鑿為

裕親王挽詩二首一作

禮絕三公上親為 萬乘兄分忘敦棣萼郵賜脩哀榮
傍邱愁雲結 回鑿淚雨傾時上駐蹕塞外聞王計即日回都與王並坐桐陰
留畫像存歿感 皇情上帝命畫工寫御容與王並坐桐陰
此交如

尚覺春秋富俄驚泉路長友于歸 聖主文獻失賢王

海濶星沉象天空雁斷行舉朝哀挽切感動為 宸章

雙塔峰歌

灤河之水鳴淙淙晨光欲透草木翁千巖浮動萬壑充
十里霧濕三花髮陽鳥展翔烟攄虹倒射石壁紛青紅
中有兩峰迥不同向人騰躍比祝融厥初生時誰所翳
分而為二疑靈蘆自從巨斧開鴻濛勢欲復合難彌縫
小者為霍大者宮前高後兒隨翁其顛石筭各卓空
如牽堵波剝圓穹其旁老松垂壑葱雨露已費千年功
初從南麓瞻崇隆恍然御氣乘罡風青天一碧懸雙蓬
仙舟出沒波濤洪形隨徑轉日在東併作高柱孤隴嶷
首末稍欽中微豐異哉三竅何玲瓏下空一門拆崆峒
中央一綫星光通最上一穴磨青銅團團皎月非朦朧
洞貫腹背豈弭弓誰與人力爭天工須臾位置移忽忽
左右互易驚愚矇漸行漸遠漸不窮回頭依舊藏霾穿
我思佛力大且雄舍利所在塔廟崇十方照耀開盲聾
僧伽興廢會有終豈如茲山嬾華嵩巍我俯闢荆榛叢
綿亘古塞接螭螭劫火不壞况兵戎地雖僻左秀獨衷
昔名未彰今始蒙吾 皇威德邁帝鴻盡攝六合歸牢
籠年年雅詩賦車攻山莊近在封域中已獲顧盼邀
重瞳何須秩祀偕三公小臣作歌達 聖聰特與此石
慶遭逢

塞田雙穗嘉穀恭紀

屬車到處瑞徵奇嘉穀俗呼小欣看燕尾垂異畝比禾
皆九穗連畦如麥總雙岐澤流膏雨珠兼玉譜入幽風

畫亦詩從此康年豈勝紀太平 天子是農師

蔣酉君為汪紫滄畫菜索題

君昔養親惟小園白菘紫芥供晨昏君今已食大官餼
夢寐何曾忘此味秋來見菜應思鄉蔣家三徑吾求羊
玉堂雲霧看落筆中有故畦風露香

二十七日發熱河

耿耿疎星曉冷冷白露秋是日白老松經燒斷頑石隘

溪流草苦沿籬屋人騎渡水牛塞田霜氣晚七月已全
收 暘時塞外六月已寒黍稷少熟今
年七月抄尚未作霜故莊田倍收

八月初六日發唐山營初入蒙古界

興桓左界接遼陽千里中開雉兔場邊戶生涯資射獵
天家旣脫變畊桑風馳屬國東西尉化被諸蕃部落王
豐草長林皆禁禦遙看直北是龍荒

度汗鉄木兒嶺

一林榭葉一林楓半染青黃半染紅只道平沙隨地濶
忽開絕境與天通水霜氣候陽和裏金碧山川指顧中
緩轡不知林壑險殊榮孰與六人同

初十日發擺波喀口

寒色馬殘疏重裘怯不勝嚴霜如薄雪細水作輕水蕃
部三千帳圍場百萬層遙看射生處旭日正東升

十一日 駐蹕巴林栾斯臺 上於附近山中

行圍 賜臣等全鹿一隻恭紀

雉尾雞翹曉望分旌旗高捲萬山雲威加草木秋行令
禮重驅騰晝掩群從獸總歸司馬法 回鑣如策凱旋
勳只慚未効三驅力拜 賜長先七校軍

額勒蘇臺聞雁有懷德尹時聞弟乞假將出都
一聲哀響落秋旻列幕燈明夜向分倦枕何人還不寐
望鄉有客最先聞路長遠海霜前月天偏陰方雪後雲
附爾封書須早達人間兄弟有離群

十二日 駕幸額勒蘇臺大獵 召臣等觀圍

恭紀七言長歌一首

聖朝雄畧彌宇宙四海為家同在宥行宮直過大青山
續武年年寓巡守川原蕃廩少旣脫邊障清寧寵烽埃
盡收種落當郊樊大展岡巒作靈囿涼秋八月商飈發
霜氣凝嚴水未溜朝來下 詔大合圍草淺林疎宜往
狩三千虎旅移前帳十萬龍驤出華廐奇毛箇箇五花
文表貉揚檀徧巖岫層層葉幄絢紅紫面面山屏圍錦
繡前行十里雪初晴千步塲如築新就遙看數騎林西
麓畫裏依微人比豆雁行齒序列後先魚貫班聯隨長
幼綿綿翼翼遠不斷整整斜斜近相湊須臾旋繞山之
東觀者同時盡迴首舉鞭初可一二數錯落星文排列
宿長松冠嶺嶺揀空人馬從空俄下走呼聲幾處震虛
谷驚起雕翎落飛欻此時已有鹿斯奔闌入圍場孤引
頰東眺西顧迷所向首鼠張皇等鼯鼯魚麗鶴翼頂刺

成變幻圓方詎能究陣圖本是丘井法旌立和門嚴介
 宵合圍漸緊壞漸平匝布叢攢勢相繆不知鹿羣何處
 來俟俟僮僮紛邂逅麀麀聲麀麀麀麀麀麀麀麀麀麀
 麀希間偵伺前復却防內怔惶駭而驟渴舌長如飲澗
 垂野心思突重圍透 天威奮武臨咫尺頓轡齊鏢不
 容寶神機獨握舉大綏眾志成城鹿為鐵虹流電掣忽
 飛控月滿弓開胥入殼逸足公然帶箭馳先聲所至隨
 弦仆 一人獲雋萬人歡群祝 君王千萬壽大昭旋
 輶不盡發餘勇猶浮 袞龍袖網開一面頌 皇慈節
 應騶虞叶仁獸雲收霧捲圍乍撤萬騎如風散晴晝小
 試真同掃塞氛盈庖豈獨充飮餽觀兵耀德典彌崇行
 賞班餘功孰懋竊聞上古有大甸秋獮相傳本由舊青
 丘自欲吞雲夢吉日先須卜庚戌漆沮甫草偶于畋悉
 率從王惟左右今之健兒千三百來自諸蕃踰尉候大
 共一千三百人皆出蒙 期門將士但旁觀山立何曾技
 古客爾心與諸部落 輕奏此皆 至尊善撫馭同軌歸誠車輻輳 國家恩
 澤浩如天蕃部寧非天所覆自然怵舞群用命王用三
 駢此其又車攻寧數小雅材羽獵應啞西漢陋矢詩素
 筆本臣職况著征衣隨短後雖慚無力効爰鋌盛事千

秋幸親觀

中秋節 恩賜月餅時果恭紀

列幕周廬白似銀中天夜氣肅鈞陳 皇衷尚感團圓

節時因裕親王未禮賜偏優侍從臣宮餅堆盤隨月彩
 御園分果得時珍回思瓜豆田園味老去驚看節物新
 是夜角火羅對月呈掌院揆公時奉使朝鮮初
 還

年年別裏逢佳節今夕班荆又一奇玉兔銀蟾新 賜
 餅是夕 御賜大小月餅皆 飾金彩 宮殿為蟾兔之形錦囊珠笈舊題詩烏桓露
 警三更夢碧海槎回八月期記取勒蘇山下路霜花壓
 帳話高麗

十六夜撒勒巴爾吉對月
 十分月到今宵滿一半秋從昨日過前一日路轉溪山
 鳴鼓角天垂障塞繞星河不愁織女機絲濕自咲姮娥
 白髮多殘醉易醒宮漏永青綬無寐欲如何

十九日度生吉兔嶺
 翠屏丹嶂四成圍見說前岡雉兔肥山下忽逢沮洳水
 蘆花如雪馬頭飛

二十五日曉發舒庫里口
 瞳瞳初日上天東一片秋光照耀同好是萬株紅葉滿
 已經霜後未經風

二十六日扈 蹕至興安嶺有 旨命臣等登
 絕頂遠眺恭紀七律四首

崇岡斗起香難攀翠阜華旌歲往還六合一家寧恃險
 九邊三面總無關龍沙展勢提封外鳥道盤空霄漢間

詔許重登峯頂望始知高出萬層山

忽開眼界向層巔指掌圍成立馬前東走陪京山委浪
北踰瀚海地黏天牛羊白散千屯雪草木青回萬竈烟
四十九藩齊望幸呼嵩聲徹半空傳

甲帳辰旗紫邏長極天晴色辨微茫黃榆不斷庭方路
白日能消冰雪光獵騎嘶風爭北向野鷹隨雁亦南翔
西山蒼靄遙相接且似登臨在帝鄉

輿圖遠闊古與安鳳舞龍迴氣鬱蟠半嶺出雲鋪大漠
喬松落葉倚高寒嶺以北松皆落葉丹青不數東南秀俯仰方
如覆載寬萬里乾坤千里目欣從奇險得奇觀

大風下興安嶺

崇岡無樹朔風寒直下真從井底看知是向南歸路近
亂飛黃葉打征鞍

二十八日 駐蹕伊遜河源 上親射石熊以

熊掌 頒賜臣等恭紀長歌

千峰萬峰爭落木秋聲蕭蕭氣肅肅連朝續武大掩群
殫盡山中雪斑鹿西風卷地餘怒號虎豹股栗豺狼逃
老熊何物敢自匿出林獨叫求其曹 天威赫業揚雲
罕搗穴直窮熊所館公然人立向人啼正值調弓毅初
滿皮毛與石孰比堅不聞射石石亦穿須臾三發三命
中搖尾大似求哀憐忽看趨捷如猿鳥騰上千年松樹
杪神機別以火器攻霹靂斜飛貫脰腦半空拘折青珊

瑚松那熊那墮地俱 皇心因材有生殺倔強那得逃
天誅雉飛兔走清林奔重馬馱來徧行賞驚性寧非恃
爪牙焚身至竟因踏掌馳蹏鹿尾猩猩唇舊傳此味配
八珍大庖祇合供 御饌榮施何幸加詞臣臣聞南山
之下渭水濱從禽搏獸空鋪陳賦家漫誇三十六終日
射侯原非真豈如吾 皇勇且仁除兇服猛胥躬親已
靖六合無纖塵山林兼使異獸馴他年珥管紀上瑞郊
藪行見遊麒麟

賜觀紫駱 御馬恭紀十韻

御馬紫駱名牽來左右驚無疆全地道至健配天行出
應房星瑞時逢朔漠清風雲開萬里日月夾雙睛濶步
無谿塹深觀識性情馴良由駕馭神駿本生成往往從
蒐獵悠悠逐旆旌勢隨龍象蹴氣躡虎狼平按轡千林
肅回鑿六幘晴啣 恩何以報戀 主每長鳴

九月初三日 東宮行圍召觀殺虎恭紀

連岡若環斷若玦猛虎一聲蒼石裂千狐百貉走且僵
獨踞巉岬為窟穴 儲君英武如吾 君六鈞親挽古
未聞年年侍輦出狩獵手搏奚止什伯群餘威所臨氣
先壓弓未離囊箭猶插星流一點綠沈槍刺虎真同捉
鵝鴨黑文白額光斑爛毛血映徹朱旗殷豐杠重馬挾
以至衝颺霍霍來陰山羽林奏刀技神速理解肌分同
破竹憐渠故是獸中雄特命留皮瘞其肉大哉利溥仁

人言麟趾原從聖澤論一片文茵常在 御半丘白骨
更啣 恩臣工侍觀咸動色殺物之中昭震德不知看
射向山南何似隨圍來塞北

初六日隨 東宮射獵蒙 賜全鹿野雉恭紀

十首

珣戈豹韃導中央 特許詞臣列兩旁昨日山中親射
虎近前指與舊圍場

林深谷邃轉坡坳黃葉聲中掣電過一箭攔回飛走路
隨身數騎尚嫌多

蒼鹿年深雪作斑洞胸欲羽突希間別教羽衛追風逐
天馬如龍又過山

射雉仍開八札弓離披彩羽隨晴空欲知官笥長多少
五寸雕翎帶血紅

英姿雄略似吾 皇連日分圍獵澗岡赤豹黃羆皆進
御充庖一味不私嘗

一色明駝倒載來獵塵收處夕陽開翠屏萬仞紅雲外
別領旌旗小隊回

重輪長傍 紫薇垣侍輦歸仍侍寢門每聽雞鳴親視
膳豫遊原不廢晨昏

德脩才全左右宜家傳真得 帝王師萬鈞腕力強於
弩朝射獵貅夜賦詩

割鮮分肉快何如馬後捎來拜 賜餘今日塞垣親扈

蹕去年京洛正騎驢

平生未習穿楊技老去空存見獵心慚愧書生叨異數
酬 恩無地感 恩深

重九雪後汗鐵木嶺觀獵二首

銀聲縞鹿挺噴岓重展圍場勢更寬十萬羽林齊挾矢
只教六騎作旁觀

芒鱸糞懈愛新霜每到登高必望鄉誰料烏桓山外路
萬峯踏雪過重陽前二日大雪

十二日 上親射金錢豹恭紀十八韻

朔漠回鑿候 君王罷獵時忽聞山下豹正逐草間麋
詎縱顏行抗還將餘勇施三駟爭効命七校復揚旗金

鏃霜花淬飛龍電影追應弦疑樹鵠技箭已連毘直作
摧窮寇真如殪伏雌右驕充上殺全質少微疵狸首斑

斑血貓睛睨眇眇鬚雄粗縮蝟爪利善藏雉自匿荆棘
窟初含霧雨姿氣曾吞虎兕力肯讓熊羆緩死俄無路

偷生詎有期但令供獮狩猶得壯威儀鎗桿風搖尾鞍
橋錦冒皮呈文留炳蔚取用及捐糜師武當關險兵韜

示象奇小臣慚獻頌何異管中窺
十四日 駕發藍旂營乘舟網魚 命臣等沿

河騎隨 賜鮮鯉人各一尾恭紀
雪光晶晶山稜稜千山映雪朝日升灤河之水暖不冰

剝舟刺楫凌空去三丈黃龍 帝親御川后前驅風伯

助峽形漸束波愈清潛鱗帖帖何敢驚人聲不聞聞水
聲須臾船重 皇情樂御尾駢頭來繹絡八絃一張魚
戴躍鯨鱗鯉鯉旨且多義不盡取收網羅滿渠新漲餘
天波詞臣拜 恩已無算復 賜紅鱗長尺半馬上携
歸萬人看

是日中途 命侍衛射虎復 召臣等同觀恭
紀

後殺豹先殺熊陰方凜凜生寒風先殺熊後殺虎積雪
催催映强弩 君王威德彌寰宇坐致遐方歌樂土闢
田築室藝稷黍猛獸寧容此偏處爾牙如鋸我鏃鋸焚
林盪谷期盡殲溪東距溪西相望十餘里忽聞響應徹
山顛 天語遙傳順風耳西洋人所製 六飛所幸成坦途
冥頑何物乃負嶠期門壯士能手搏奉令何異天行誅
天生 聖人能格物檮杌窮奇情狀悉耳端一缺戕一
人厥罪昭然何待詰自從殺此虎邊牧蕃雞豚自從殺
此虎莊戶長子孫黃熊赤豹同噬吞腥風掃盡無一存
小臣穡眼嗟未見談虎尋常色為變此來快觀三害除
直似陪遊向畿甸

十七日度小青山

去日蕉衫暑雨收歸時急雪灑重裘重經司馬臺南路
紅樹連山正晚秋

入古北口

金支影轉翠微間萬馬驕嘶並入關維堞連雲軍角壯
虎牙憑險戍旗開西風漸老河邊柳積雪田看塞外山
正是秋清好時節 六龍行狩扈南還

過牛欄山下二首

青山缺處吐孤城行到牛欄路更平一片黃榆綠槐影
白狼河畔作秋聲

白酒黃花興未違一鞭新自塞垣歸短裘衝過重陽雪
又向京華換袂衣

十月初十早入宜蒙 恩賜帶數珠恭紀

星聯珠貫入承明是日同直共七人 章服驚叨四品榮一串牟
尼呈五色同時裝飾粲三英循環豈易充臣數祝
聖惟當轉佛名長恐維鵜訊不稱也如老馬錫繁纓

房師汪東山先生請假奉太夫人南還留秋帆
圖卷子命題敬賦四絕句

秋興賦罷賦閒居首路爭看侍板輿此樂季鷹渾未識
區區歸計為鱸魚

一聲天上聽臚傳小住蓬山已四年來與鄉人重換眼
五湖別自有神仙

宦海茫茫詎有涯急流幾箇赴歸期霜前吾谷秋如錦
算是扁舟到岸時

一條清况冷冰銜十幅西風穩布帆公去我留緣底事
擬因苦笋脫朝衫用黃山谷語

題劉禹峯水邊行樂圖小照二首

風酣綠浪紅蕖雨洗蒼苔碧梧萬口詩傳京洛半生夢
落江湖

菱租舊輸甓社魚計新收白田隔浦三間書屋過橋一
隻畫船

雪後下直口占

徐躅禁中雪遠看城上山宮鴉巧相背晨出暮飛還

題許有介先生冊子

事出先賢傳名從獨行敦眼着舊畫心慕典刑尊逸
品傳書畫餘風付子孫淋漓浮墨汁中有不亡存

賀張志尹前輩生子

鄧藝馮經孰擅場乃翁才藻世無雙祝兒他日無多語
七歲能文似曲江

賦得深屋喜爐溫應皇子教

幾重簾幙幾重茵深掩紗窓淨少塵
鵲爐灰白煖初勻三冬不納冰霜氣一室能回天地春
應念五更騎馬出銅街已有赴朝人

題元人風雨歸舟圖應皇子教

遙山澹抹近山遮一棹飄然水一涯
忽疑雨勢受風斜白蘋洲畔年年客黃葉村邊處處家
身在畫中渾不覺却教人指畫圖誇

十二月初九大雪獨直南書房有懷陝西隨

駕諸君

雲海平鋪卸砌寬六花如絮點裘乾金猊坐擁玲瓏石
玉蝶爭飛宛轉欄雲護蓬萊長覺曉樹當溫室不知寒
此時最憶隨鑾客少室中條並轡看前一日聞駕已從中州

送楊遠卿之任武昌

去年訪君過維揚今年送君向武昌江湖不到塵土眼
遠夢夜落鳧魚鄉洲邊芳草城邊柳騎鶴仙人重出守
洞庭春水際瀟湘大別青山橫汜口烟花三月畫船開
王程不用敲鼓催到官好尋陶庾蹟歷郡正賴龔黃才
才多政簡無不可列戟凝香但安坐閒携賓徒上南樓
倘有新詩應憶我

除夕前一日蒙 恩賜羊鹿雉兔鮮魚鹿尾上

尊諸品恭紀二首

山海奇珍鼎味充上尊羅列歲時同班龍肥野光相耀
彩羽文鱗澤並豐 頌賜例隨台輔後自大學士張玉
書陳廷敬以下
三人 臣與焉 謝 恩多在直廬中一年濫竊官廚解
素食能無愧國風

豐缸錦帕壓重重節假歸沾 湛露濃雕俎味新調翠
筮玉泉香煖拆黃封鄉風未敢分僚友蘇軾饒歲詩家
亦欲舉鄉風

祭先薦薦祖宗却為思親成感涕 君羨歸遺去聲已無
從

直廬集

元旦 太和殿早朝 上元節西苑 賜宴觀燈

恭紀 是夕復侍宴 東宮蒙賜

玉盃恭紀 春分禁中雨

次韵答吳西齋四首 送同年蔣酉君假歸嘗熟

迎養太夫人二首 暢春園早桃四首

三月二十五日 駕幸西苑直廬恭紀

三月二日 上御經筵恭紀

西苑上巳呈同直諸君

三月四日 賜食榆錢糝恭紀

送陳陟齋都諫請假歸里即次留別原韵

寓園紫藤花同紫滄賦

偕同年何吧瞻過古藤書屋時藤花方盛開賦呈

楊王符孫松坪兩前輩

題學士姪柳邊歸院圖二首

送劉雨峯出守真定 送韋唐陳乾齋前輩子

假省親四首 池上雙鶴

恩賜哆囉雨衣恭紀 五月朔 賜高麗米糗恭

紀 送許不器赴任陳留

送張裕齋郎中出守杭州

苑中聞鶯 五月二十六日喜雨

雨後暢春園池上作 題陳允升塞外牧羊圖後

四首 大雨下直至自怡園

題蕉士上人扇頭墨竹 移寓城南道院納涼

玉蟬橋觀荷花和張研齋前輩

雨中獨直 南書房 大雨出前門口占

送陳子文出守石阡八首

恭和 御製山左豐年歌原韻

伏讀 御製山莊書懷賜大學士詩恭次扇頭原韻

疊納涼韻戲荅俞扶九侍御

古詩四章上座主孝感相國壽

王學菴給諫移寓保安街有詩見寄次荅二首

得朱梅人石泉書却寄

奉祝昆山徐太夫人七十壽

史蕉飲前輩招集一畝園分賦

月夜城南水閣偶集分韻得白字即題陳漁村峨

眉詩草後

題史耕巖前輩收繪轉棹

圖四首 熊盾均年伯五十壽

陳濂村新闢書屋名曰萍廬中秋後二日招同人

宴集分韻得明字 送靖安叔歸破石三首

總憲蔣裕菴先生挽詞二首

大宗伯長洲韓公挽詞四首

題吳震一中翰詩葉後

東宮名赴西苑賜觀 皇上御書匾額大小二十

有九恭紀七律八章

恩賜新刻 御製詩集恭紀二首

恩賜御園十種蒲桃恭紀

十二月十九早奉 東宮令南苑冬夜寒甚偶見

硯池結冰以硯池冰為題注瀨錢名世查慎行

蔣廷錫四人可各賦七律一首又自製七律以

示改正雪明書幌易生寒水靜圓池墨未乾乍

結琉璃漆硯裏自成珠玉彩毫端微洳倍有清

瑩色一滴還深碧錦湍凍釋烟雲浮几上須知

下有黑蛟蟠臣 慎行恭和

十二月二十日奉 旨特授編修感 恩恭紀四

首

除夕前二日 恩賜御書大福字恭紀

恭和 御製除日晚宴原韵

王學菴生子走筆賀之六首

奉題少詹彭先生捫腹圖

應 皇太子令咏白杜鵑花

見可亭姪新柳詩偶作一首

祈穀壇西北積水十餘頃四時不竭每旦有群鳧

游泳其間因名之曰野鳧潭口占一絕

和周邁菴都諫閒居雜咏兼簡學菴西齋四首

下直偶過學菴齋明日學菴以詩索和次原韻

南海子

南紅門接

駕歸途喜雨

五月初九日 上御淵鑿齋召大學士臣王書臣

廷敬工部尚書臣鴻緒學士臣升元臣昇臣壯

履臣原祁編修臣瑄臣廷儀臣廷玉臣名世臣

慎行臣廷錫等入至雲步石 賜坐賜饌畢人

賜荷花一瓶隨 命由葦珠院延賞樓泛舟回

直廬感 恩紀事恭賦七言律詩四首

題費曉城同年牧牛圖

送陳秋田宰荔浦

敬業堂詩集卷三十一目錄終

直廬集起甲申正月 盡乙酉五月

直廬之名出漢書嚴助傳注所以處賢良文學之

臣余不才初蒙 特召出入禁林已踰年矣今乃

取以名集者斷自受職之歲始用彰 恩遇且以

志愧云

元旦 太和殿早朝

火城宛轉度星橋香殿益葢接慶霄黃繖綵存龍影動

玉笙金管鳳音調五雲淑氣開萱葉一日春風曳柳條

前一日 立春 鶯綴鴛分真忝竊正衙初預德陽朝

上元節西苑 賜宴觀燈恭紀

瓊島東瞻壁月圓箭韶吹徹九重天壺傾漱灑金尊溢

盤貯芳馨王饌鮮絳蠟班隨中使導黃柑例許侍臣傳

太平時節觀燈宴既醉惟當祝萬年

是夕復侍宴 東宮蒙賜王孟恭紀

曾從繁露記書名 鶴禁傳看分外榮照座欲分鐙影

燦入懷長並月胎盈舉同爨鼎 思加重刻作雲雷製

倍精珍重捧歸須什襲濁醪難向此中盛

春分 禁中雨

小雨流鶯外濛濛紫界牆不知春過半但覺日添長白

髮趨 中禁芳時感異鄉多煩玉階草為我報年光

次韵答吳西齋四首

青韶同調半袞遲久缺題襟唱和詩自詡狂呼表彥道

難忘好客鄭當時長繁列幕慙分照小蹇衝泥倘借騎

巷北巷南曾咫尺余借寓與西 齋僅隔巷 却從離索想追隨

二老居隣共往還謂楊玉符孫 松坪兩前輩 舊遊歷歷咲談間

過酒傳鄉語花底移床夢故山万事無如長耐冷一官

何計便投閒舉朝才筆輸吳質借職猶堪押右班

不須作賦擬文通好步詞場繼國風後輩揣摩工日下

故人傳寫到吳中時蔣西君 乞假將歸 碧香開響春浮白翠袖分

燈夜剔紅怪得近來貧轉甚俸錢多半給新豐

江湖一別悔難追遣開鷗拂鳳池玩世何妨資客難

低頭聊喜得吾師同時領袖推東省時考選臺垣 吳名在第一 異代

文章替左司吳官戶曹時有 左司筆記一書 若向此中論臭味莫言甚

楚竟無知

送同年蔣酉君假歸嘗熟迎養太夫人二首

泥金纔報隔年春畫繡還迎白髮親同榜科名傳盛事

世家書畫起文人桃花漲後移舟穩魚藻池西 賜宅

新行前一日奉 旨 賜宅於西華門內好片尚湖烟雨色 詔恩猶許住

三句

齒序肩隨別有情多君事我竟如兄直廬並候花磚影

奏帖常聯紙尾名小立官槐曾繫馬重來禁樹已藏鶯

卜鄰預擬同王翰家聲山 與西君比隣 不為登仙羨此行

暢春園早桃四首

記曾元夕醉香醪冰雪千林吐白毫今日重來雲錦換十分春色屬山桃

萬樹垂楊未放青餘寒猶勒水邊亭天然掩映成圖畫

橫展西山作翠屏

浴日博桑躍海東滿天晴色曉瞳矐仙山樓閣無重數

只在紅霞一朵中

烟輕霧薄景遲遲金碧圍中四望宜忽憶江村寒食路

竹梢低拂兩三枝

二月二十五日 駕幸西苑直廬恭紀

翰墨林依 紫苑東親承步輦出芳叢方間廣夏移天

上時直廬新經改築上願臣等云此屋比從前更覺開敞了 三接 深恩沛禁中

身作紅雲長倚日心隨碧草又迎風直廬便是披香殿

月賜虛懸赤管功

三月二日 上御經筵恭紀

雲日瞻 堯表疇咨啟 舜編誰能窺 聖學猶不廢

經筵芳宴調羹撤花瓷淪茗圓是日停止筵宴諸臣皆賜茶而退 講官

仍入直縈袖有爐烟講官工部尚書臣鴻緒掌磨臣元龍講罷仍入南書房

西苑上巳呈同直諸君

上巳接清明韶光滿苑城曉烟和柳重夜雨為花晴節

物春長好年芳老自驚兩三修禊伴閒話水邊行

三月四日 賜食榆錢糝恭紀

天上星榆歷歷看春風吹綻小團圓柔條摘處青成串新火烹來翠滿盤槐葉冷淘難比色藜羹舊糝記同餐他時誇向田翁說此味曾經 賜大官

送陳陟齋都諫請假歸里即次留別原韵

袍笏同朝萃一家歸心偏愛故園花清時 袞職無遺

闕祖帳都門有嘆嗟隔岸黃塵車歷鹿渡江新月槽伊鴉到時親友如相問為道題詩字半斜

寓園紫藤花同紫滄賦

不計千枝與方枝玲瓏巧透竹芭籬圍屏倚翠成宮錦

步障留陰護紫絲蔓引龍蛇皆上走花披瓔珞總交垂

家園手種應如飭忍負東風爛熳吹

偕同年何屺瞻過古藤書屋時藤花方盛開賦

呈楊玉符孫松坪兩前輩

高出檐牙又幾層濃陰特比昔年增重摺霧裏麻茶眼

來對堦前老大藤一片黏須猶待拂千梢壓架恐難勝

祇應火急催新句莫謂先生病未能時兩先生皆抱微病故云

題學士姪柳邊歸院圖二首

一條虹影巨長隄玉螭橋邊響月題緩轡不愁歸路遠

移家新傍 禁垣西

入直常先下直遲風條雨葉裊鞭絲自從 賜出飛龍

宋時翰林學士 例賜飛龍寶馬 不向東家借馬騎

送劉雨峯出守真定

我初遊學來帝京漁洋夫子官司成君時實助四門教
相臨以分稱師生衆中期許良獨厚洒脫不用常格程
過從往往得一醉叩發談議交縱橫感君磊落有真意
憐我遲莫方成名五言投贈竟長幅氣韻道逸聲鉤鏗
迴環首尾二十載我髮漸白君顏頰郎潛索米豈不久
一麾出守今專城風前五馬五駉馴叱馭快作西南征
橐駝載書車載酒綠楊夾路聞鸚鵡常山古郡接畿輔
沙泉瀏瀏欣相迎紅蕖繞郭雲錦爛白鷺下浴滹沱清
行人六月汗如濯過此盡愛徐徐行誰歟妙手爲補繪
鈴閣何必非蓬瀛我今一官苦羈鞅欲往相就心搖旌
中山釀熟幸郵致母令肺渴枯腸鳴

送掌詹陳乾齋前輩 予假省親四首

夜聞 優詔下承明 特許朝來拜表行親老詎應虛
子職 天高原自近人情道存養志歸非晚風動旁觀
感亦生欲識掉頭瀟灑意浮雲直似從官輕

賓僚地望冠班行直上頻依 講幄旁星漢文章唐許
國臚雲名第宋安陽 兩宮召對無虛夕 三殿摘毫
有報章誰似先生饒至性最承 恩日乞環鄉

曾踰早海紀開邊出入聲華孰比肩館閣清才傳子弟
蓬壺歸路著神仙望雲地較瞻雲近捧日心隨愛日懸
更喜一門多盛事春帆相望五湖船 一月前令兄陟
齋乞假先行

粉榆鄉社舊居隣華髮趨 朝接後塵新樹忍攀東岸

柳殘鶯猶戀上林春半綸投老知何日八座還家羨有
親總道名園成獨樂十年書局尚隨身 時奉 旨攜帶
歷朝賦 景三百
家校刊

池上雙鶴

長鳴相和兩仙禽多在陽坡少在陰偶向清池閒照影
被人猜有羨魚心

恩賜哆囉雨衣恭紀

短褐頻趨道路塵青羶猶是向來貧爲憐襪襪隨朝士
特賜哆囉出屬賓燥濕推恩慙厚庇短長稱意荷終身
從今聽雨聽風候保直堪誇楮楛人

五月朔 賜高麗米稷恭紀

清暑初交殿角風又傳節物近天中靈符舊繫千絲縷
玉粒新 須五采筒青蕩香分芑葉綠銀盤光射石榴
紅雲帆不却三韓貢拜 賜還教紀 祖功 上諭云此
米本出高
麗自 太宗朝歲貢
百石爲端午上供

送許不器赴任陳留

風俗陳留好猶傳一縣名人畊莘野徧水入汴渠清百
里才非小三年政必成舊遊高李盡相送倍含情 乙亥
秋徐
曾遊梁宋
間故云

送張裕齋郎中出守杭州

海宇久昇平朝家重民事吾州繁劇郡牧守詎輕寄相
國門多賢先生乃其季起家科第中數歷非初試銓除

例引見人地有易置 天子稔公才臨軒親簡畀群情

翕然服公望茲果遂賤子本州民田廬依廣庇抒懷述

所見幸勿芻蕘棄餘杭一都會舊習沿浮侈實筵糜酒

膠徵遂共遊戲東南際江海隱現魚鹽市黠者半為商

羣群鶩聲利泉絲雖土貢耕紡業間墜往時櫛比場十

室減一二士風最柔弱氓俗鮮倉積去聲好訟其性然因

緣飽胥吏舞文翫吾法嘖咲巧窺伺所以古相傳陋邦

號難治我公朱轡出福曜光燭地才大實恢恢心虛恒

惴惴平生開濟量夙昔滄泊志道路方欣瞻風聲已先

馳星羅九屬邑催科兼撫字公行示以儉表帥勵下位

百族豐確殊噢咻同體視公行示以儉變化需漸漬必

若釐蠹豪先須扶善類弊當去太甚利或興以次洵知

驚風仁遠勝鷹隼驚公餘愜雅尚山水領幽致開閣挹

清虛寨惟納空翠澄泓千萬頃高下三百寺日為湖上

遊原不廢填委吟賡白蘇什手續歐梅記寧待報最期

佇看 聖書賜

苑中聞鶯

畫與人聲靜牆蕪影移四圍千碧樹百轉兩黃鸝榭

熟蠶應老芒疎麥正垂未聾雙耳在為爾立多時

五月二十六日喜雨

前夕齊壇撤醮回西郊今日忽聞雷一軒俯水看雲起

方木無風待雨來 聖與天通終應禱人言旱久未成

突願敷甘澤沾濡意膚寸崇朝徧九垓

雨後暢春園池上作

林亭片雨過方綠濃於染葉杪滴殘聲波紋蕩餘點暑

景猶未徂涼風遠相感平生微尚在老去孤蹤忝復此

坐幽清自然塵慮澹

題陳允升塞外牧羊圖後四首

誰護儲胥峙稷稂開邊端合用陳湯即看士馬歡騰後

宴鴛猶餘方角羊

鞭策曾趨萬騎先銑鉦親覿 六飛旋當初應咲移中

監雪北蒙羶十九年

橫草功名一側看牧羊何似牧民難郎潛此日憐頭白

辛苦邊州兩政官

春草如秧除綠蕪駟群何日首歸途一蓑烟雨村南北

添寫巾箱考牧圖

大雨下直至自怡園

急雨催歸騎虛檐警夕聽勢沉三徑竹漚散一池萍穴

蟻緣林木跳蛙入戶庭最宜新浴罷坐看鶴梳翎

題蕉士上人扇頭墨竹

老僧指上微涼起攜入先生懷袖中好是綠筠亭上坐

墨光含雨筆搖風

移寓城南道院納涼

不信人間有鬱蒸好風來處晚涼增滿城鐘磬初生月

隔水薰櫳漸吐燈書少只宜高閣度橋低聊當曲欄憑
白須道士休相避我已身如退院僧

王竦橋觀荷花和張研齋前輩

水風涼透鷺鷥肩一鏡爭窺万柄蓮不是玉樓金殿影
直疑身在過湖船

雨中獨直 南書房

宵宵九重關沈沈萬壽山雨來聲更靜天上坐能閒寓
意同休沐浮踪信往還御溝新漲急歸及聽潺湲

大雨出前門口占

猛勢如潮欲撼城九衢暴漲一門爭去年六月灤河北
雷轉空山是此聲

送陳子文出守石阡八首

索筆多番到直廬墨淋漓灑玉蟾蜍一麾自擁 君恩
出礮石先應刻 御書君為部郎時屢 台赴南書房
作行楷書前後再 賜宸翰

瘦嶺荒江路七千一家迢遞向蠻天不知賅布巴寶外
可有公畦太守田用南史伏
唯傳事

身道中開斗大城孀歌處處合蘆笙風流郡伯寒帷入
赤脚花曼次第迎

清香晝靜雙枝戟碧樹春垂小桁簾預笑鈴齋無俗事
一泓水鏡照吟髯

碑版光傳照齋文臨池妙手繼鵝群翻防訟牒紛難却
判尾爭先乞使君

四十年來好弟兄夢中曾共躡蓬瀛余兄弟同入朝已
而果白頭岐路天南北忍便念念賦渭城

短衣猶記走邊頭烽火遙連古智州今日故人乘傳去

太平時節話前游庚申辛酉余在貴
陽幕府故及之

宦蹟知從歷政深單裝寧肯負初心歸舟不載葵花石

要使清名過鬱林石阡府志城南龍洞有兩石如盤形
類葵花洞中產紋石俗名醜果任人
賞玩不
得携歸

恭和 御製山左豐年歌原韵

周官兼政皆仁政散利恒先重民命平時蓄眾道維慈
臨事承天心以敬五行疇範推皇建九扈農祥視晨正

堯湯水旱其敷然補救由人乃前定吾 君御宇軫郵

頻流膏沛潤沾幽淪厚培亭毒煦春律峻極穹蓋函秋

旻偶逢小書占俗儉特渙 大號調吐貧開倉立發千

萬億遣吏徧荷咨諏詢飛鴻在野集在澤六府九紀咸

平均東人誰能忘帝力艱食俄聞奏鮮食禾苗長畝二

麥登鼓腹依然安作息向來 睿慮每宵衣至是 天

顏同霽色明朝尺一傳山莊 帝庸作歌庶事康太平

有象省惟歲飢溺已拯猶如傷幽風十月獻朋酒群祝

萬壽期無疆可知先憂後樂意覆載莫媿 恩難量小臣

矢詩紀上瑞更願岳牧勤官方

伏讀 御製山莊書懷 賜大學士詩恭次扇

頭原韻

雨暘時若驗陰晴無逸 心周稼穡叱夏隴已聞收翠
浪秋場旋見搗紅粳 仁風被賜先元老喜色騰懽徧
列卿共識 宸章難仰荅太和元氣在咸英

疊納涼韻戲荅俞扶九侍御時同寓道院

晨烟夕靄氣蒸蒸秋水門前幾尺增止酒免償隣負債
施油催點佛龕燈嫩莎院落晴聯步獨樹軒窗雨對憑
寓庭有白楊一株 除却入朝須起早兩鯨何事不如僧

古詩四章上座主孝感相國壽

火維靈奧區灑氣恣磅礴洞庭滙溟洋石廩聳家廓五
百應昌期元精鼓素籥大儒乃篤生作鎮配川嶽恭惟
我夫子異采輝井絡曳履上星辰許謨重帷幄迴翔密
勿地獨力幹樞略立極奠六齋清剛礪鑿鏗道原幸有
賴不數平津閭

正學日淪替百家紛語言我公實聞知洙泗窮淵源妙
窺千聖秘月窟兼天根理障快掃除煥如朝吐曠發揮
為事業窅兀措乾坤峨峨千丈松迥立無攀援經邦實
致治吾道中行存

勝國史未成簡編就殘脫門戶互排根文獻恐漸沒
聖朝樹立遠損益鑿前轍大筆待鉅公是非辨毫髮六
館既弘啟四部亦燦設貫穿三百年搜抉十萬帙迨還

湖開創細瑣逮季末非公習掌固何由發囊括獨成一
代書凜凜陽秋筆

贊化非一塗調元歷三紀朝端立樞極慶下收杞梓五
度入南宮 至尊深倚毗請看百僚上蓋屬門牆士一
歸出懇誠進退鮮愠喜重來資故沃未許久田里公之
視浮榮奚啻若敝屣角巾就邸第寢食善名理上日攬
揆辰川流同岳峙采芝猶有待傳菊煩中使平格天所
豐稱觴今以始

王學菴給諫移寓保安街有詩見寄次荅二首

吟檢空囊付畫叉不妨家具少于車篋中諫紙傳新草
唐制給遺官月給紙二百張名諫紙 牆角吟蛩報晚花置酒可能邀北郭
賣書端合問東家十年瘴嶺煙江路容易星回博望查

學菴兩任黔粵縣令

蟻蠶綆轉石欄邊傲屋曾棲蒲揭禪余壬午癸未間古曾傲居此街
井再經愁雨塌舊交重聚得天憐明燈照壁何愁蠟綠
樹當門定有蟬稍待泥乾走相覓看君新竈起茶烟

得朱悔人石泉書却寄

蛛絲繳繞鵲聯翩信使來從古石泉寬足憐渠行万里
尺書報我閱三年天垂馬閣真奇險官到龍州類左遷
相勸白頭須作達好詩題徧好山川

奉祝崑山徐太夫人七十壽

早相中朝黼黻臣晚攜麟鳳拜 恩綸五千歲裏三秋
節二十年來八座人星漢高源占寶婺門牆餘蔭在儒
紳黃花酒暖金桃熟遙指西池是海濱

史蕉飲前輩招集一畝園分賦

踏屐衝泥取次行重來忽漫聽秋聲空園樹比昔年老
積雨天違今日晴世上官情閒最好詩中澹味煉難成
韓家潭外如鈎月愛領新涼到鳳城

月夜城南水閣偶集分韻得白字印題陳漁村

峨眉詩草後

高閣倚秋清天空露華白水風吹月上去我若咫尺此
時一尊酒遠致二峨客稍稍名朋儔羅羅釘有核蓋簪
非意料邂逅心莫逆君生公相家名上全閩籍七年行
蜀道尚爾好顏色懷袖有峨眉雲烟落几席茲山洵僻
左迥與中原隔關險出五丁蠶叢始開闢君才雖小試
實佐籌邊書談笑無滯機登臨挾仙翮徑危蛇倒退石
惡劍中劈日月光攝身雷霆伺投隙雪山帶西竺方里
赴絡繹豈非所歷高參井手可摘不然域外觀詎肯供
汝役人生百年內知著幾兩屐奈何塵鞅躡步恒踟
躕哦詩撫清景不醉良可惜努力營一歡流連盡今夕

題史耕巖前輩收繪轉棹圖四首

銜尾船裝壓浪書鱸鄉風物比何如羨君別具經綸手
釣綫隨身自卷舒

賞花曾記把魚竿南史家傳學士冠四十年中三掌諾
鳳池何似五湖寬

拍殘銅斗酒初醒射鴨堂連避暑亭想得卸帆秋正好

水花風葉滿鷗汀

千里波光一曲移西風吹老碧蘿絲畫圖愛寫湖山意
未是先生乞賜時

熊賡均年伯五十壽

半百韶華九九辰重陽前一日紅萸黃菊一番新堂前接武
尚書履膝下承顏進士巾次君與余同年風月無邊邀客賞
鹽有味愛官貧時官國子學正盈觴酒美須動置共識清醇似
主人

陳濂村新開書屋名曰萍廬中秋後二日招同

人宴集分韻得明字

名園十年別乙亥夏與濂村共醉高陽相國園亭蜀道万里行自爾好會
稀轉頭歲崢嶸聞君昨報最還裝及秋晴相公顧之喜
東閣客已盈吾老不曉事頽然廁群英開筵亦見招謂
是門下生坐我三間廬酌以一角觥為言聚散地遠近
豈有程點池忽西東浮海或合并所以顏此室而取萍
為名吾意殊不爾勸君還細傾君才本謫仙偶然去瑤
京玉堂手種樹再到陰已成况復芝蘭增連枝合田荆
謂濂村胡為不自廣復作詩人鳴如余乃萍耳一葉漂
大瀛舉頭望秋空雲月遙微明後期難預必得句且再
賡

送靖安叔歸硤石三首

畫鼓朱旗曉日開廣場千步淨無埃紫光閣下通名姓

曾與天潢較射來紫光閣在玉棟橋西南武殿試日

畢諸連士乃排班

文武家聲荷 主知右班特許綴蛾眉一門盛事傳希

有親見穿楊入殼時叔赴殿試日余與解山徑俱奉特旨賜坐西班觀射時以為榮

最喜高堂有老親還家初換綠衣新兩山霜葉紅於錦

馬上爭看第一人余家以武科登第者自叔始

總憲蔣裕菴先生輓詞二首

副相聲華重恢然德宇宏青雲多故吏黃閣是門生桐城公出生體閣分校門下

帝里移家久堂開綠野宜庭惟栽玉樹坊亦號靈芝卿月流丹旒商颺卷素帷薤歌聲咽處慘動是南司

存沒備哀榮

昭代文章伯精靈造化鍾同朝瞻進退上 殿畫儀容

獨具回 天力群歸秉禮宗逍遙歌曳杖岱岳忽摧峯

五雲臚唱後八代起衰時制藝 東朝讀皇太子手選先生制藝文

望關存歿非公更屬誰

昔去絲綸地還 朝又十年高風仍館閣雅尚自林泉

一病歸難料先生以病乞歸奉 初心老倍堅尚餘毫髮

恨悵望五湖船

折東曾蒙名扶床得幾回泥塗遲下直函丈失追陪月七

二十日公病間手札見抱是日慎 墮墨真堪寶藏忍再開寢門纔隔月今為哭公來

題吳震一中翰詩藁後

張介呂 論交付剎那吳均風義老研磨芸香俸校三

年淺藥樹吟成五夜多白樂天禁中夜直詩藥樹陰中准兩人 妙手不妨

偷格律長才倘肯乞餘波一樓準約山邊住山邊一樓震一舊以

名拍手猶能作和歌

東宮名赴西園賜觀 皇上御書匾額大小二

十有九恭紀七律八章

元氣淋漓万象融欣瞻 宸翰關鴻濛瑤珠海來仙

島鳳蕭鸞翔下 震宮光射臨池知浴日筆隨運肘想

生風一時喜色關飛動嵩祝齊傳拊舞中

爐烟直上護氤氳松棟虹梁燦欲分殿閣香風浮墨氣

河山秀色映 天文畫傳羲易籌圖秘 念切周詩稼

穡勤御無逸齊 共紀本朝家法古書屏銘座付 儲君

真覺護尊道益光講尊堂亦御書匾 不名宮殿但名堂壁窠寧

羨書飛白響榻難樨紙硬黃 賜出形模隨大小琢成

體製合園方吾 皇慈愛青宮孝欽仰時親輔座旁

到處黃金榜 御書太平堂構慶端居晨曦燭地光相

並列宿周天數有餘大業時時遊藝圃嘉名一一取經

畬日知舊額重鈞勒開卷猶思出閣初日知堂皇太

上所賜額也 今發入苑中

翠禦東連紫界牆林泉六曠藹秋方 龍樓問寢宵常
早 鶴禁娛暉景正長藻井非烟呈五采璇題如鏡啟
重光凌雲百級丹梯上頭白應嗤老仲將

万丈光芒出檻前煌煌禁扁稱高懸 堯階茅土原同
儉 文囿風光共一天王案浮花開漆硯銀鈎寫月向
澄川凡魚欲作鯢鵬化 御墨吞來骨盡山

筆陣縱橫氣總降 帝書亘古擅無雙九苞翮羽連翩
起方斛龍文獨力扛迸散繁星懸兩曜盡收千派納長
江人間欲見曾多得轉幸身依青瑣窗

茫茫學海望無涯上 殿恭承異數加目炫管中窺日
月夢回衣上帶雲霞歐蘇小記榮天藻義獻真傳屬
帝家愧作玉皇香案吏難濡柔翰繪光華

恩賜新刻 御製詩集恭紀二首
宵旰孜孜四十年元和暢在詩篇 天章久與絲綸
播 御集新成琬琰鐫逸韵鏗金還憂王祥風戶誦復

家絃關雎麟趾胥王化詩教原推雅頌先
武功文德並宣揚間采風謠到 省方畊鑿方方民擊
壤蕭韶九奏 帝垂裳典謨婉美尊虞夏花月成篇陋

漢唐拜捧 瑤編還惕息難憑諷味荅 恩光
恩賜御園十種蒲桃恭紀 十種者一伏地公領
伏地瑪瑙蒲桃四密公領孫五瑣瑣蒲桃三
哈密綠蒲桃七哈密紅蒲桃八哈密黑蒲桃九
十馬乳蒲桃

上林名果味芳鮮采摘均從雨露邊色借紫青相照曜
顆分大小各勾圓流來馬乳香先啜釀出龍池品盡仙
便與櫻桃同飽食紀 恩難罄益州棧 十種棧 成都府

十二月十九早奉 東宮令南苑冬夜寒甚偶
見硯池結冰以硯池冰為題汪灝錢名世查慎
行蔣廷錫四人可各賦七律一首又自製七律

以示改正雪明書幌易生寒水靜圓池墨未乾
乍結琉璃漆硯裏自成珠玉彩毫端微消倍有
清瑩色一滴還深碧錦湍凍釋烟雲浮几上瀕

知下有黑蛟蟠 臣慎行恭和云
研朱滴露一泓寬喜見冰花結作團粉色映箋雲母白
墨光鋪几水精寒入懷珠玉生奩底呵氣蛟龍上筆端

計日東風先解凍詞源如海富波瀾
十二月二十日奉 旨特授編修感 恩恭紀
四首
綸書璫璅下 金鑿同直三人並授官 同日被 旨者
臣慎行 湛露九重頻渥澤條冰一署不知寒登瀛路許

迴翔入 翰林舊制庶吉士俱於二門外藏閣書容次第
下馬授職後乃騎馬入登瀛門
看總是鰲峰清切地渾忘弱羽造鷓鴣
玉堂故事久相傳常吉多充弟子員支俸例教同七品

隨班 特荷免 三年 庶吉士例須教習三年再經 御
內廷特免教 試然後授職先是臣等以供奉 御
習皆異數也 身依香案初稱吏 詔賜頭銜不待銓自

沐榮光心竊愧居四十六人先癸未科進士除一甲十九人余名在第二

螭頭龍尾上跛坨拾級重經拜 命過步接形靡仍注

籍名聯黃紙儼登科較量前輩榮真冒比並同年幸最

多章服不殊 恩遇異一行歸騎擁鳴珂

共道遷鶯傍上林姓名從此列朝簪身微彌覺 栽培

厚地近九蒙 教養深應臘蘭芽初茁王先春柳綫已

拖金傾心一寸同葵藿長托堯階仰照臨

除夕前二日 恩賜御書大福字恭紀

景福欣逢介福辰自 天題處自 天申萬年鳳藻輝

宸極一顆驪珠 賜侍臣捧出 深宮榮並受懸同

御扁墨長新筭疇更行無疆祝敷錫從知徧庶民

恭和 御製除日晚宴原韵

景運循環紀始終年年嘉慶與民同鈞天律轉冰霜候

大地春回雨露功 詔許勳庸承曲宴時無水旱塵

宸衷小臣與凜豐侯戒既醉 恩深 聖訓中恭讀

平生惡酒難堪飲之句

王學菴生子走筆賀之六首以下乙酉稿

六十生兒似較遲却緣難得轉稱奇芝田蕙畝從人說

瓊樹天生只一枝

拾得陳后山詩黃家生子名拾得添丁未足論烏衣餘慶自清門直

同藤上看文度抱子心情當抱孫

諫草焚來盡去聲有書芸香何用辟蟬魚先教識透之無

字徐讀巾箱万卷餘

雙眼摩挲喜可知綠槐陰發去年枝待君添種三株樹

要看凌雲合抱時

湯餅筵前客坐深掌中擎出是瓊琳隔簾不用催絲竹

兒笑兒啼盡好音

天上麒麟見未曾他時摩頂記徐陵老夫自詡言多驗

身是人間現在僧

奉題少詹彭先生捫腹圖

大彭遠祖商老錢世家柱下為神仙旁人見公腹便便

矢口但稱邊孝先我公稽古如力田白晝那肯成高眠

承明出入三十年朝回日日手一編撐腸卷軸富五千

大筆無過許與燕 兩宮顧問召屢前官非不達學愈

專綠衣有語然不然先生咲指池上蓮誰其畫者調丹

鉛此意或向知音傳

應 皇太子令咏白杜鵑花

鶴林花本神仙種名字雖同色不同一自根株歸闔苑

獨留冰雪向春風披香欲奪艷能艷披香殿上紅艷能

堂杜鵑 勅賜休誇躑躅紅白居易詩一名山躑躅一名

了奏花開謝思木從此三更枝上月定無啼血染芳叢

見可亭姪新柳詩偶作一首 偶為長條作短行此聲不是笛中聲時清關塞無攀折

路近章臺有送迎，濯濯應憐前度態。依依長帶故園情，春來縱得東風力。莫倚纖腰便鬪輕。

野鳧何事却飛來，野鳧何事却飛來。野鳧何事却飛來，野鳧何事却飛來。

潭潭積潦浸城隈，不長菰蒲長水苔。我夢江湖歸未得，野鳧何事却飛來。

三間道院例支錢，薄俸分緡月二千。日日長閒鎖却，一燈歸照夜棲禪。

芹泥融棟燕巢新，小社回頭已過春。我本無家一房客，可憐飛鳥更依人。

又作三年住帝鄉，蕭齋有味是蒼涼。牆頭山色門前水，不忍移居過別坊。

官曹西省連東省，門巷青楊接白楊。道是閒居閒不得，得閒翻為和詩忙。

下直偶過學菴齋，明日學菴以詩索和次原韵。綠樹陰中着兩暉，夕陽移影過東隅。唱酬互入新詩卷，

時學菴與元朗編，別被垣唱和詩。還往猶餘舊酒徒，謂西有子祝君苗。在手十亩方在手想像秋禾未歸約我杖同扶，眼前事

事關遲莫不夢橫溪，即橫溪余所居地名。南海子

千頃平如指掌收，草蟲趨趨鹿呦呦。駟虞園小樵無禁

鈎盾田寬麥有秋，万柳槎柯沿徑轉。一渠曲折入牆流，心同魚鳥便飛放。愛作城南十里遊，元時名飛放泊

萬乘回鑾候三農，望雨辰自天能潤。物到地喜清塵處，處溝渠急行行榆柳新。衝泥歸更好馬意亦踈踈。

五月初九日，上御淵鑿齋召大學士王書臣、廷敬工部尚書臣、鴻緒學士臣、升元臣、昇臣、昇臣、壯履臣、原臣、邢臣、編臣、修臣、瑄臣、廷臣、儀臣、廷臣、王臣、名臣、世臣、慎行臣、廷錫等入至雲步石，賜坐賜饌畢人。

賜荷花一併隨，命由蓋珠院延賞樓泛舟回。直廬感，思紀事恭賦七言律詩四首。

身依禁闥已三年，天上方知更有天。楊柳橋通星漢畔，芙蓉檻繞御床前。游同靈沼魚真樂，聽到伽陵鳥

亦仙雲步石邊，聯步入臨流。高下列芳筵，咫尺夔龍接武隨。從容宣勸坐移時，坐間屢遣內侍傳溫旨令臣等勿拘

常禮烟霄畫入丹，青動殿閣涼生草木知。有數遭逢關氣，數無私造化荷。思私苑門隔日先傳喚，應是今朝下

直遲，詔恩半日許迴翔。崑閭遲遲晝倍長，貝闕珠宮環四際。十洲三島儼中央，翠屏開處雲流影。綵鷁飛來水拂香

共識，天顏多霽色。雨餘風物借輝光，玉井移根迥不同。秘笈人賜一枝紅，莖從新折流晨

共識，天顏多霽色。雨餘風物借輝光，玉井移根迥不同。秘笈人賜一枝紅，莖從新折流晨

露蓋為含開帶好風擎出榮隨丞相後攜歸香滿禁垣
東此生直願依蒲藻長在烟波浩淼中

題費曉城同年牧牛圖

嫩草如秧水似油雄疏閒放白蘋洲畫師最得華陽趣
不取黃金寫絡頭

送陳秋田宰荔浦

一官万里赴昭州人替君愁自不愁匣硯囊琴非俗物
丹梯碧落是清游九疑路轉收帆驛入桂風高捲幔樓
真羨楊遠草家去王程如砥接詩郵唐楊遠曾到嶺外
謝不容口俄而求
恩波邑學家而去

敬業堂詩集卷三十一

敬業堂詩集卷三十二目錄

考牧集

扈從山莊避暑出都口占

雨後過懷柔城外 重出古北口

曉過青石梁新開路 鞍子嶺直廬歷西新設松

棚 發黃甲營喜晴

咏金絲桃應 皇太子令

駐蹕樺榆溝特給官房止宿感 恩恭紀

發樺榆溝從新開石梁至哈喇火屯

塞外草花暑月特盛同年蔣酉君用橫幅為七十

餘種呈院長揆公以絕句屬和四首

恩賜 御書扇恭紀 烏城立秋和同年佟淵若韻

立秋後一日 召遊行宮後苑 賜宴恭紀十二首

敬題 御書東坡詩扇為法鴻臚作

賦得雲抱兩三峯應 皇太子令

咏佛手柑 恩賜 御書敬業堂扁額

恭紀十六韻 七月二十四日五更發波

羅火屯始有寒色 烏喇帶秋分日作前夕大

雷雨昨日微雪故詩中紀之

度達陰嶺看紅葉 中秋夜陸勒巴里對月

八月十七日伊蘇河源雪中聞雷食頃開齋
隨 駕行興安嶺上 連日扈從由雅安嶺烏蘭

哈爾哈至上都必拉觀園恭紀八首

雪中戴青氈大帽 上顧見大咲口占紀之

隨 駕閱視羣牧恭紀八首

恩賜上駟院馬一匹恭紀七言排律十六韻

上御帳殿南門 命侍衛試調生馬 名臣等同

觀恭紀 雪後 賜酥酒恭紀

行經獨石口外 下西巴里臺

即事 張家口

宣府早發 重陽下堡道中

入居庸關 彈琴峽

恩賜羔皮袍料恭紀 山莊雜咏三十首有序

丙戌上元夜 名入西苑觀千葉蓮花燈恭紀四

首 潤木弟授庶吉士二首

哭樊桐姪二首

敬業堂詩集卷三十二

海寧 查慎行 悔餘

考牧集起乙酉五月杪 盡丙戌四月

余自癸未扈 蹕清暑甲申以纂輯韵府留京師

乙酉五月復奉 旨隨駕是秋撤圍後 萬乘巡

邊別由雍安嶺渡庫勒齊河自此抵張家口乃元

時上都孔道今屬 上駟院慶豐司數百里間岡

勢坦迤駝馬牛羊約三百餘方 上按程閱視指

諭臣等云昔 太宗皇帝謂此地宜畜牧今果蕃

息若此遂頒 賜侍從大小臣工人各馬一匹羊

二頭臣亦與焉又四百里始入居庸關臣惟小雅

之美周宣曰誰謂爾無羊三百維群誰謂爾無牛

九十其孳我 國家考牧之盛不啻千伯倍之詩

書史冊所載得未曾有特取此義以紀盛事云

扈從山莊避暑出都口占

又是山莊扈蹕時 賜衣重著馬重騎邊人望幸經初

伏閏歲 君王避暑遲

雨後過懷柔城外

火雲突兀壓城頭地近黃花古戍樓好是綠陂新過雨

路平如掌接檀州

重出古北口

烟火千家散舊屯鎖梁野老候關門自言世得耕耘力

敬業堂詩集卷三十二目錄終

黃犢年來又有孫

曉過青石梁新開路

高入雲端俯作梁中間鑿石得康莊松聲落澗風泉合
藥氣浮山露草香馬為重經成熟路人貪早度取微涼
詞臣例飽 天厨饈已有中官候道旁

鞍子嶺直廬庭西新設松棚

十大移岩壑三間蔭花牆有時松子落隨意乳毛香不
礙流晨露尤宜障夕陽天教人夏健何減北窗涼

發黃甲營喜晴

青浮翠積氣氤氳曉色俄從霽色分馬首已迎初上日
雕翎猶帶未歸雲峰皆似染供屏幃樹不論年絕斧斤
曾記上香隨 蹕候灤河新漲隔山聞癸未六月過此連值大雨

咏金絲桃應 皇太子令

裝束渾疑出道家川原何用覓紅霞偶分高士籬邊色
仍是仙人洞裏花金粉露涼朝蝶夢檀心香颺午蜂衙
尋來莫怪漁舟誤比似桃源路更賒

駐蹕樺榆溝特給官房止宿感 恩恭紀

千帳連雲並出關受屢何幸預清班炎埃氣隔無三伏
覆載 恩深抵方閭新瓦鱗鱗宜聽雨短牆面面好看

山風餐露宿原臣分每被殊榮輒汗顏

發樺榆溝從新開石梁至哈喇火屯

整開峭壁轉龍腰高棧中縈綫一條石吻仰歎泉作霧

雲根倒拔樹千霄向來紆徑千盤轉此去前村十里遙
真覺太平民樂業山南山北盡漁樵

塞外草花暑月特盛同年蔣酉君用橫幅寫七
十餘種呈院長揆公以絕句屬和四首

頻年隨 輦到邊庭自補山經及水經更借玉堂揮翰
手蕪收花草入丹青

折枝一派取阿那木本無多草本多六月塞山猶似錦
不知春色更如何

莫嗔穠鄭難為狀莫咲徐黃欠寫生到此始知天地大
野芳無數總無名

風翻雨洗枝枝別儷白駢紅色新誰似先生工體物
好詩能發畫精神

恩賜 御書扇恭紀

聖藻光騰寶篋中五明開處潤濛濛招攜滿苑松杉氣
披拂微涼殿閣風鵲羽午搖炎熾散麝煤香迸汗珠融
捧歸當暑先珍襲篋箚緘 恩託始終古今注舜廣開視聽求賢人以

自轉作五明扇漢公卿皆用之拾遺記周時外國獻丹鵲拾其脫羽以為扇名為鵲扇

烏城立秋和同年佟淵若韵

万壑含朝雨千岩欽夏雲炎涼雖迥判晝夜漸平分爽
自披襟得聲先隔樹聞候蟲吟較晚高唱獨輸君

立秋後一日 召遊行宮後苑 賜宴恭紀十

二首

銀河西繞翠微岡紫界東連宛轉牆一片樓臺先入望
蓬瀛遙在水中央

天然圖畫引躋攀盡出宸衷指點間岩壑不須多架

搆下因流水上山因

神川過雨氣溟濛沙土無痕井脈通欲識泉源深幾許

輓轡聲轉白雲中

坡陀幾曲接攀頭漸入仙源徑漸幽忽漫孤雲生兩角

小欄低檻盡如樓

煌煌禁扁麗中天楹帖分題兩兩懸万丈光芒爭耀

眼不知苟有好山川

松鶴陰從積翠生泉蘿烟月一時清以上皆御編名每經御

墨留題處記得旃檀別殿名

帶峰傍石布芳筵夾岸鏗鏘奏管絃山水清音消不得

况從天上聽鈞天

一道清流合兩河醜渠中有半開荷分明太液池邊種

重沐天家万里波

插架排籤滿禁林御床左右列森森行宮仍是圖書

府清暑時時惜寸陰

水精簾幙綠莎茵行過星橋別有津除却澆花無汎掃

就中何處著纖塵

登砌平階茁露芽近看如錦遠如霞塞垣小草生何幸
開作長春花裏花

華貂環座盡公侯特許詞臣與宴遊滿引金樽歌既
醉謝恩齊上木蘭舟

敬題御書東坡詩扇為法鴻臚作

七輪松扇早涼天舊句新題御墨鮮不獨侍臣沾渥

澤榮光兼被作詩仙

賦得雲抱兩三峰應皇太子令

万峰齊露頂雲氣欲何之偶遇參差石還縈縹緲姿三

山遙望處二華未開時髣髴應難畫形容况入詩

佛手柑奉旨題

名並黃柑種不同巧從佛號示玲瓏菩提證果雙林下

優鉢拈花一指中色映金繩長帶露香開寶掌自生風

聞思大士應微笑披拂先教鼻觀通

恩賜御書敬業堂扁額恭紀十六韵

清暑時多暇行宮日正長君王親翰墨侍從沐恩

光是璧皆盈尺如椽總倍常因心成變化運肘示端方

山海峯濤壯龍鬣爪翅張堯文開盛世叢書掩前王

帝賚優無比臣衷懼莫當身雖依廣夏家本住窮鄉憶

在兒童日親隨子弟行長貧惟立壁短晷或然糠風雨

留先築柴荆指舊莊業傳慙宵構敬止念維桑幸獲支

門戶終難荷棟梁數椽天一角萬歲字中央隣叟來
扶杖姻親賀滿堂承家期世守祝國永無疆

七月二十四日五更發波羅火屯始有寒色

臥聽雞鳴已過三
起來攬帶上征駝
五更寒色風初北
七月邊聲雁已南
汨汨乳泉紫暗谷
濛濛霧雨染濃嵐
前行漸與圍場近
飛騎如雲隔宿探

烏喇帶秋分日作前夕大雷雨昨日微雪故詩中紀之

朔野秋光少俄驚草木衰
大都殘暑退便是蚤寒來
天霽今朝雪山收昨夜雷
匆匆裹換葛節序暗相催

度達陰嶺看紅葉

蛇躡猿攀路僅通溪聲忽轉
一山紅行來不道秋纔半
已在寒林薄雪中

中秋夜薩勒巴里對月

一片中秋月重經古塞看
宮壺傾法醞是夕賜酒果
御客夢警新寒似雪侵
髯白疑霜拂帳乾
故園諸弟在
帳望隔團圍

八月十七日伊蘇河源雪中聞雷食頃開霽

雲黑初防挾雨來
俄看黍谷散寒灰
千峯雪作漫天霧
万帳風兼動地雷
紅樹一番殘
葉盡碧空依舊夕陽開
眼前變幻真奇絕
天果難將管見推

隨 駕行興安嶺上

橫亘東西路幾千
直從遼海控居延
盡消伏莽山無樹
不斷靈源地涌泉
群牧牛羊量論谷
諸藩虛帳列如塵
聖朝不畫長城界
一道平岡是九邊

連日扈從由雍安嶺烏蘭哈爾哈至上都必拉觀圍恭紀八首

連天積素摧威派
鶻血牛犢力盡輸
梁簡文詩絃因鶻血稅強用牛犢
看取群情齊踴躍
一人獲雉万人呼

初分左右儼星奔
旋列方圓陣法存
千仞岡頭黃纛下
藍旗兩箭合旌門

西僧迎 輦列香旛
擊盃吹螺動法門
番界從來知佛大而今更識 帝王尊
多論那拉之西有喇嘛寺西僧賜銀級有差

嗟峨高勢拂雲開
天語親聆指示來
踏遍峰峰沙似雪
始知身到白龍堆
二十五日隨駕至上都海拉斯向尾皆東北向即古白龍堆也

朴渥如飛掠草中
御前突過疾於風
万鈞神藝無輕發
命中仍開射虎弓

獸自成羣鳥自稀
網開四面總天機
白雲一片平如席
趁取鷓鴣帖地飛

尾同麀鹿首成羣
千百黃羊合一羣
攔入圍中何所擬
滿灘鵝鴨鬧如雲

豹尾雞翅滿後塵
近前傳 旨名儒臣分頒五色雜披
羽榮被雕鞍是八人
二十六日於國勒班庫特力隨圍特賜翰林官山雜人各一尾

雪中戴青氈大帽
上顧見大咲口占紀之

大千煖耳覆雙筒
冰雪騎驢二十年
今日重蒙 天一

吠白頭還戀舊青種

隨 駕閱視羣牧恭紀八首

右接雲中左界遠放來群牧十分膘自從 聖祖開基

遠水草新來分外饒

齊色分花望不窮一群拔萃一群空天生驢騾初無種

只在 君王顧盼中

大漠塵消罷戍屯曾收汗血入關門於今青海無傳箭

字息均蒙養恩

肉鞍高出草頭低千百封牛褐色齊漢書注駝駝背土

俗呼封牛知有泉源在 山外但從沙上覓駝蹄

烏犍黃犍種各殊駢號迭角雜收駒太平畜產閒無用

好入豐年考牧圖

四時遶草閱榮枯坳谷填谿作雪鋪一色万群三百万

不曾輕費大官芻詩疏羊以三百為羣合三十万計之

邊戶羣歌樂歲稔素封何必業耕桑家家 賜種滋蕃

息銀餅渾如拒麝香唐據言宜宗賜車餽孫宏銀餅皆乳酪膏之所為即今乳酥餅也

蒺藜苑小傳唐監苜蓿園荒咲漢家自是累朝無馬政

天留沃壤在龍沙

恩賜上駟院馬一匹恭紀七言排律十六韵

万里平沙屬慶豐更申罔命牧駒駝如茶如火千峯上

為錦為雲一望中有駮幸隨觀垌野上兼敢冀 賜行

宮房星燭地光先見電影流天澤下通王勒金羈新改

控調鞍黃帕舊曾蒙丹青妙合將軍畫聲價高踰都護

驟緩轡追陪雙仗近着鞭先後八人同南書房侍直八人同日拜賜

細看六印猶鈴膊唐六典在牧之馬有飛字印龍形印容端正擬逆尚乘者乍拂三花待剪髮不分牽來遊果

下且教行處避芳叢疾徐本具馴良性安穩寧資調習

功筋力將衰蒙 聖鑒嘶鳴欲效託微衷院中例借知

應免衆裏齊驅學漸工踐躒身輕辭社燕飛揚隊逐入

關鴻食貧慙媿薪芻儉種貴夸張早樞空照夜俄看歸

路白經春旋試軟塵紅翔麟花與飛龍旆蕃錫 恩深

念匪躬

上御帳殿南門 命侍衛試調生馬 召臣等

同觀恭紀

步澗蹄高齒尚童向書大傳童馬不馳忽驚一顧出 重瞳賞加

批壯驪黃外 恩在駮馳駕馭中杏葉栽韉初被錦桃

花作汗欲噴紅龍消驥校皆天廐冀野從看万馬空

雪後 賜酥酒恭紀

馬足瓊瑤十里衝到來稠疊 賜黃封土酥點雪脂凝

白官釀消水乳滴濃寒飲衾稠禁永夜温同狐貉禦嚴

冬銀罌翠杓均天澤醉飽春回草木容

行經獨石口外

獨石西南路最紆時平關隘失崎嶇灤河源在千山外

流過元朝避暑都

下西巴里臺

直下初從万仞顛忽於井底見炊烟松風夜轉潺湲水
知是山腰一眼泉

即事

童子提壺斟馬酒老翁曲項奏胡琴近前爭博 君王
咲真見諸番愛戴心

張家口

北風獵獵上旌旂古堠連山峭偪天鎮將時平多皂蹕
六龍五載一巡邊

宣府早發

星羅城堡屹相望地是雄邊舊教場漸近關南秋尚暖
雁飛先過鷓兒梁

重陽下堡道中

垂楊全綠菊微黃九月關城未降霜踏盡烏桓千嶂雪
却來平地作重陽

入居庸關

截斷雲頭作翠屏官溝南瀉水冷冷黃花催熟旗亭酒
咲脫重裘度冷陁

居庸關名冷陁太行八陁之一也

彈琴峽

沙紋練練溜涓涓似有鳴琴出響泉松磴曉含三尺雪
石林秋語七條烟聲希不信人間有悟徹原非指上傳

莫聽鼓聲思將酌清音今屬好山川

恩賜羔皮袍料恭紀

授衣時節恰歸期裘敝重叨 聖主慈飽食始知肥羜
美臣素不食羊近奉 美臣賜嘗洵美味也 敵寒尤覺乳羔宜製成刀尺憐柔
羶謝莊賜裘表 羶靡毫柔羶 省對冰霜凜素絲行與都人還示儉三

英五絨在風詩

山莊雜咏 有序

山莊者我 皇上避暑行宮之統名也臣以草茅新
進再塵扈從自夏徂秋往返各閱百餘日其間山川
風土之美草木禽魚之狀一一俱蒙 恩指示凡耳

之所聞目之所親口不勝述則紀以小詩合成三十
首用備遺忘不揣蕪詞並呈 御覽

朝涼夕爽絕氛靈畫裏山莊處處佳 聖德如堯惟尚
儉采椽不斷土為階古北口外行宮凡八所皆無丹雘之飾

章奏多從驛騎馳行宮勤政日孜孜三更樺燭明如晝
又是宵衣乙覽時唐太宗每以甲夜視事乙夜觀書

溪菽山穀味有餘 慈憐時達問安書往來中使頻相
望何異宮庭侍起居每得新蔬輒遣中使馳送 皇太后宮

阡陌橫從時藝區幽風七月繪成圖瓜瓞豆莢田家味
帶露朝朝進 御厨

烟光濃澹寫晴空多少旌旗掩映中大抵無峯無好樹
一峯不與一峯同

幾暇濡毫有万行臨池無體不飛翔蛟龍噴作巖頭雨
千澗流來墨瀋香

畫鹿宮門樹射棚冬膠秋幹試初呈靜中人籟皆天籟
朱鷺單傳中的聲

嶺複岡重不記名石磊隨處瀉琮琤濛濛薄霧沾衣潤
雲縷多從水面生

小雨初過月未升浮浮空翠暖如蒸不知濕氣消何處
萬竈炊烟万帳燈

林幽谷邃暗霏微過午人人換袂衣預卜明朝天色好
相風微動栢黃旗

松蓋年深雨露滋茯苓琥珀化應遲太平是物爭呈瑞
枯朽先看出紫芝赤芝產落葉松根

灤水清流比漆沮霽潭滌滌漾蒲細鱗栢綠皆堪鱸
不數紅鯉巨口鱸鱸鱗魚重唇身有黑斑極鱗魚色微綠皆灤河所產

泡子河淤鳥鹵開霜華彌望白罐罐邊民聽食天然利
只禁鹽車入口來泡子河生天然鹽不待煎熬而成蒙古用小車載以貿易

煜煜蒼龍尾角蟠小星如沸鬧林端乍驚三尺飛光度
螢火大於金彈丸塞外流螢極大光可燭三尺許

泥金細縷簇龍鱗首尾中分翡翠紋頗訝賦形同蠍虎
試看噓氣却成雲山中蠍蟻長四寸許頭以下色如翡翠有紋如魚鱗尾作金色吐氣為雲

多年沙土養奇材照夜渾疑吐蚌胎可是水中真蘊火
為雲虎土人呼

但生涼燄不然灰精石杏根入水千年光如水
鏡頭長尾口如鮫肉翅旁連四足俱猜是千年老蝙蝠
問名方始識飛狐飛狐貌頭缺口耳小尾長毛深褐色翅如鸞裙四足生翅中前二爪後五爪能飛不踰尋丈

叢間樸椒葉先枯歐李駢睛似火珠長路微甘供解渴
馬鞭爭挂紫珊瑚歐李一名烏刺奈子如櫻桃而大味微甘而酸

青楓烏柏自喬柯映日多成錦繡窩片片丹砂開障扇
就中椒葉得霜多檞樹葉大如團扇初生時可果粉餅蒸食秋月經霜鮮紅可愛

山梨微澁杞漿酸崖蜜前從翠釜須珍重蓬萊金醴味
不傳方法向人間山梨枸杞汁經煉成膏味皆鮮美上嘗以賜近臣

榛實初生如粟蓬秋來未擷出低叢雞頭刺玉差相並
鉅釘曾無一顆空俗云十榛九空塞外所產不爾也

難憑本草考稀苓異卉奇葩眼未經滿地根株移不得
金蓮垂實菌收釘地產金蓮花及猴頭蘑菇

官馬如雲盡上膘便經霜雪也肥饒地黃牧宿人人識
何似連山盡藥苗

千盤百折上興安寒燠平分咫尺間忽見方松齊落葉

人言山後是陰山落葉松生興安嶺北秋冬凋落與凡木同

道是山鄉又水鄉四時多半領秋光西風欲起馳爭圖

早雪將飛麝退香

雲端千仞跨晴空真有飛梁旦彩虹番語漫傳生吉鬼

佳名新賜玉玲瓏達陰嶺東北四十餘里山顛巨石百餘丈中通一門望若飛橋蒙古謂之

生吉兎 山上
改名玲瓏山

晨隨羽衛愛山行夜宿周廬傍幔城自入秋來常起早

擊壺攢點最分明詞臣陳昂在天監司南門外
五十餘步飲天監司南門外

畫屏環繞直廬傍草色常先柳色黃八月初頭風力緊

夜來傳 旨禁燒荒塞外草枯禁野火謂
之燒荒犯者法甚重

蝗不成災歲有秋直從畿甸到邊頭更教州縣除蝻子

預計來年睿慮周秋來蝗不為災 皇上為明
年慮命樂補所在備掘蝻子

溪流經雨雜清渾茗枕頻露 雨露恩日給大官泉一

斛祇應飲水亦思源自發哈喇火屯恐河流渾濁致傷
脾胃賜臣等官厨水日一石

丙戌上元夜 召入西苑觀千葉蓮花燈恭紀

四首

太華晴光綉晚霞良宵移入 玉皇家月華滿苑清如

水湧出峯頭十丈花

天香飄下葢珠宮映水俄驚太液紅不夜城中光四照

南薰先應五絃風

不羨金蓮畫詔回恍疑風引近蓬萊分明千佛光中現

併作紅雲一朵開

彩棚高飭 御樓懸千萼多從一帶聯不是大羅天上

見人間誰識火中蓮

潤木弟授庶吉士二首

初聞唱第向 丹墀再見班行雁序隨桂發五枝曾有

識全家廳事前有老桂癸酉八月開花忽作深紅色異
於常時甲戌乙亥丙子丁丑皆然自是余兄弟及兒

子相繼 楊穿三葉可無詩白樂天與弟行簡敏中先後
及第故其詩云楊穿三葉盡

人家門我已推為長仕路君猶笑未遲何事相看兩相

泣雙親見背已多時

早緣貧賤多離別老去依依勝得朋小閣重添聽雨榻

短檠分點入朝燈浮踪到海翻相聚歸路如天豈易登

寄語阿頗存晚計且來共飲一條冰時德尹在
揚州書局

哭樊桐姪二首 丙戌五月初一

二十年前哭乃翁遺孤抱出尚孩童可堪留取昏花眼

看汝成人又送終

單丁門戶剩嬰孩收拾殘書與寄回永訣有言吾不食

三千里外為誰來

敬業堂詩集卷三十二

甘雨集

五月二十四日 駐蹕密雲連夕大雨

謝 賜普洱茶 喀喇火屯口占

蔣酉君同年為余寫芙蓉折葦扇頭小景戲題二

絕 七月朔烏城立秋

七月十五日四更發熱河度嶺至喀喇火屯天未

明

七月十六日烏城直廬驚聞房師虞山公訃音哀

情痛切托於短章四首

題酉君為家少詹姪畫四時花卉卷二首

座主總憲吳公請假旋里恭賦四律寄送

題少詹姪寫經圖時在塞外直廬

八月十三日 駕幸翁牛特恭紀時八公主下嫁

於都倫郡王

木克帶西行十八里山下

有湯泉 中秋夜柳林口詠月與王

符先生及亮功紫滄西君三同年小飲偶成十

六韻 八月十九日 皇太子睿

賜初白菴扁額恭紀十六韻

塞外大風二十四韻索同直諸公和

行經玲瓏山下 八月二十三日 上入山

行圍射獲白鹿一頭恭紀十韻

酉君分餉契鷄賦謝十六韻

道旁家

重過玲瓏嶺看霜林作十 聞同年顧書宴前葦湖廣

二韻 訃音愴懷今昔成五十韻

院長惠表一襲賦謝十韻

謝院長贈馬十二韻 半截塔次院長韻

院長惠家製金銀花露一瓶賦謝二十韻

重陽日度木倫喀喇沁

雪後隨 駕度汗鐵木兒嶺

重過唐山營

發波羅火屯至藍旗營

自星龕岩歸至烏城道中重見霜林四君有詩再

次前韵

九月十四日烏城旅舍連

接諸弟諸兒兩孫八信口占一律

重陽後十日入古北口

石匣城南村民有駕牛墾田者 上駐蹕親履田

間扶犁行百餘步一時觀者萬人咸謂 聖

主重農勸穡至意真千古所未有臣身叨侍從

目觀盛事恭紀二十韻

俞扶九寓齋賞菊分韻得時字

題張研齋前葦桃花流水圖小照

敬業堂詩集卷三十三

海寧 查慎行 梅餘

甘雨集 起丙戌五月盡九月

入夏以來畿輔稍旱自五月二十一日 駕發西苑

大雨五晝夜田疇霑足萬口歡呼咸謂 聖天子軫

念民生甘霖應期不禱而自至視靈雨甫田諸什不

既多乎哉臣以珥筆隨豹車之後沐膏澤而咏豐年

固其職也

五月二十四日 駐蹕密雲連夕大雨

輦路涼生暑乍融到來連夜雨兼風四山雷轉車聲外

万帳燈浮水氣中入夢似聞泥滑滑占晴行見黍芄芄

頻年眠筆慙無補枕上吟成願歲豐

謝 賜普洱茶

洗盡炎州草木烟製成貢茗味芳鮮筠籠蠟紙封初啟

鳳餅龍團樣並圓 賜出儼分甌匝月淪時先試道苑

泉侍臣豈有相如渴長是身依灑露邊

喀喇火屯口占

水無蚊蚋地無蝻寺有旛幢石有龕山是膏腴溪是乳

草如桑葉馬如蠶

蔣酉君同年為余寫芙蓉折葦扇頭小景戲題

二絕

偶拈秃筆寫霜容點綴誰知不取濃會得江湖清氣味

兼葭只合倚芙蓉

塞垣歸思入秋多欲涉江湖奈晚何一葦可杭吾亦去

詩翁莫嘆葉沉波

七月朔烏城立秋

行宮六月全無暑早覺涼生大火中客裏心情原草草

老來光景又匆匆千山朔氣初迎雁一雨秋聲盡入蟲

笑指伊蘇河畔柳三年與爾共西風

七月十五日四更發熱河度嶺至喀喇火屯天

未明

塞天暑亦涼矧此秋候變披衣起我早熟路馬重踐群

峯競高低孤月遞隱現參差樹交影斷續雲流片長風

從西來過耳劇嚙箭行行得平地星火遙可辨嵐霧滃

然蒸橫前舖白練道旁有雙塔隔手不復見礪絕賴橋

通泉鳴知徑轉忽聽一聲鐘微茫識 行殿 口外無佛老之宮惟

烏城 行宮旁觀 制穹覽 寺琳霄觀

七月十六日烏城直廬驚聞房師虞山公訃音

哀情痛切托於短章四首

公去京華日余方扈從時 癸未秋先生奉太夫人乞假南還余時方隨駕口外假

三年歸失約一別見無期昨寄書猶達 前月按家弟德尹揚州信云端

陽前與先生同渡江初傳病尚疑何當聞訃後驚發早秋悲

涑水攜書局蓬山入選樓 去春奉旨於揚州校刊全唐詩 奉親 恩

最遲給俸禮仍優 在籍官恩準開唐詩 恩

畫像留先生出都時留秋楓畫於命題後到頭天莫問
公自有千秋復奉于書命慎行校閱歷年詩集

壯歲官情澹懷歸至性真科名無媿色唐一入殿試公
巖壑早收身穉子將周晬高堂正六旬懸知方易簪俯

仰刺傷神

歷憶追隨地多慙屬望情早曾同座主癸酉鄉試慎行與先生同出清

彭公之門彭公之門老及作門生寢哭知何日心喪痛失聲灤

河兼淚雨滴滴向南傾

題酉君為家少詹姪畫四時花卉卷二首

乍驚五色江郎筆幻出黃筌四季花知是餘波多綺麗

未妨游戲亦名家

吹開吹謝自年年人世風災絕可憐一片丹青非色界

四禪天是養花天佛書有初禪二禪三禪四禪天至四禪天始無風災

座主總憲吳公請假旋里恭賦四律寄送

乞歸偏在眷深時臺望非公更屬誰岳峙淵渟瞻氣

象蒼松白石表襟期久持綱紀群僚肅獨抱冰霜 聖

主知真喜太平多盛事大臣進退總逶迤

法曜文星並一垣高從河漢溯淵源回瀾力比鈞衡重

下士心忘副相尊秘閣有書皆博覽岩廊何事不深論

即看拜疏辭 朝後尚引肩輿到苑門公前赴西苑辭歸上特命肩輿至小東門慰問

照茶真異數也

詔恩暫許憇林間不比尋常賦遂初別路人皆期健飯

引年公未及懸車一門老去仍同慶八座歸來只舊廬
何物眼前當七發專鄉亭外有鱸魚

一時祖帳盡名流才子同朝挽不留三殿文章行接武
五湖風月侍歸舟蒹葭隔岸雞催曙橘柚開園雁報秋

我是歐陽門下士柴車何日獲從游

題少詹姪寫經圖時在塞外直廬

我觀人世間知巧競一途乃至事所生虛名亦求沽不

見古孝子用心常近愚愚則本乎樸樸為誠所孚苟有

禪於親寧論事有無嗟經祈冥福此語傳浮圖庶幾抱

微誠上蒼父母劬通乎立教意可以輔吾儒宮詹吾宗

賢至性具髮膚少稟二人訓學優過庭趨出為鸞鳳鳴

歸作膝下雛中承贈君訃痛絕天難呼北堂垂白母為

爾增歎吁甞勉進水漿傷哉反哺烏母氏繼下世兩喪

一時俱平生風木悲血泪交模糊君時年盛壯頓覺形

神臞霜寒宵寢磚味苦晝茹茶旁人競相勸勸保七尺

軀似聞西方經報恩古有諸親恩等山岳子報真銜銖

遂發為經願寸心懷區區悻前一瓣香几上墨一盂竭

我兩眼力拚我十指堵眼昏指如椎口誦足雙跌誦已

還慟哭哭罷復細書如此踰兩年白抽頭髻須當其迫

沈痛信筆非臨檉果然妙蓮華一一紙上數一卷萬餘

字七卷七萬餘人天合掌敬燦若琳琅珠俞子亦好手

為君寫成圖今來十五霜故山拱楸梧偶然展卷看清

泪猶承臚我生乃鮮民踪跡歎早孤先人尚淺土齒髮
日夜枯作詩志吾媿汗出成沾濡

八月十三日 駕幸牛牛特恭紀時八公主下

嫁於都倫郡王

一統車書域三朝雨露天名藩星拱極 法駕日臨邊
遐裔元家貴崇姻 聖代聯肅雖輿衛盛錫賚禮文全
事與和親異 恩加屬國專不煩湯沐邑特給水衡錢
甸服居相近華風被獨先丹青開殿宇錦繡裹山川封
爵原仍舊王庭遂不遷副車常侍 輦駙馬每從田負
弩鸞鑣下呼嵩豹仗前從看外孫國望幸自年年

木克帶西行十八里山下有湯泉

北行漸入苦寒鄉喜見湯泉湧道旁自覺溫能回黍谷
或云下必有砂牀波痕消盡水霜氣石髓流為草木香
便作解衣盤礴地暫時休澣也清涼

中秋夜柳林口詠月與王符先生及亮功紫滄

酉君三同年小飲偶成十六韻

露白霜清候千巖方樹頭銀河斜繞塞金鏡迥懸秋輪
自東隅上光從西極流天長雄鼓角野靜散窺猊星火
移躔避關山倒景收賞應同 北闕興不減南樓蕭爽
披襟得高空與目謀幾年叨扈從一夕抵甸休已免攜
衾直還為秉燭遊王程千里共 恩賜兩宮稠佳果充
梓按鮮禽入膳羞班荆傳酒令隔幔數更籌餅似團圓

樣詩須醅酌訓老狂尤爛熳小坐獨遲留明日追成夢
吾生咲若浮起來林影下嵐翠濕衣裘

八月十九日 皇太子睿賜初白菴扁額恭紀

十六韻

地近瞻 儲聖天高鑿積誠三光開 睿筆四海識菴
名夙昔棲禪志今來戀 闕情青雲垂欲上白髮正初
生有作皆邀 賞非才竊自驚蓬茅沾雨潤葵藿向陽
傾感激桑榆晚駢馳歲月更去家無累遣下直有僧迎
往往誇儕輩時時話 龍榮一瓢蠅木瘦松巖三秀紫
芝莖匪許香楠貯賜帶孟教淨水盛煩梨白厄傳漢王
綠硯珠洮瓊是物皆堪供以上六種皆兩何年築始成
雖蒙頒扁額未敢計柴荆蟻蝨微生賤龍蛇尺幅盈方
鈞餘腕力 恩重倍難擊

塞外大風二十四韻索同直諸公和

天上箕星動山中月暈生土囊俄出口沙磧欲填平猛
扳群峰立喧招萬籟迎奔衝來若驚颯去如傾牛馬
渾難辨蛟龍怒欲爭蓄威雷隱鱗助氣鼓砮鉤劔戟齊
攻壘波濤迫撼城餓鷗當晝叫饑虎傍人行鼠黠藏深
穴蟲僵踣斷草埋蛇鼻淺寒噤蛸毛撐昨夜還防雪
今朝竟得晴駢雲成片段轉石落崢嶸鴉起斜行亂雕
盤遠勢成向南惟雁路直上是鵬程噎本難終日狂猶
逞二更將收偏作力忽散寂無聲谷以虛能受心緣靜

不驚勿愁開橐籥祇是聽竿笙袞袞除塵埃悠悠指旆
旌回頭千樹充稱體一裘輕酒近移床暖爐添宿火明
却看天宇曠翻覺塞垣清落帽知何處飄蓬且自征蘭
臺多賦手小律倘同賡

行經玲瓏山下

鑿開渾池得玲瓏片石居然絕塞雄地肺想從岩竅入
天台信有石梁通風雲噓吸千尋表日月迴環一竅中
莫怪經過屢回望佳名却與故山同余鄉餘杭縣亦有玲瓏山

八月二十三日

上山行圍射獲白鹿一頭

恭紀十韻

白鹿非凡種仙山歲月長出當時有道瑞叶 壽無疆
洞口眠時月原頭望處霜明明開射的皎皎入圍場碧
斫千鈞鏃瑤星一道芒最宜斫並獻肯與豹深藏至潔
斑同雪如膏色勝蒼皮能留素質草不療金創雕狙充
庖味銀毫耀眼光謬慙陪羽獵作頌比麟祥

酉君分餉梨藕賦謝十六韻

行厨滋味重肥膩饜牛羊正爾宜佳果俄看致滿筐遠
分慈母惠特並故人嘗藕抱玲瓏質黎含沆漉漿嫩疑
新出水紅似乍經霜洗剔親教淨摩娑愛倍常大瓢斟
雪汗小片截瓊肪鬆脆鳴牙頰芳鮮潤肺腸真堪解消
渴况乃佐清涼我本柴桑士居連苒藻塘踏泥風葉底
摘顆露雛旁賣菜多求益堆盤輒賤償幾曾虛野饋長

是及隣莊物理因希貴人情感舊長鑿池從憶白入谷
每思張二者今燕得何須問故鄉

道旁家其一在土城南岡上石獅二白碑一統刊孝敬之墓四字姓名皆無可考

衰草茫茫近土城白碑相望兩荒塋當時馬革尸同裹
今日牛眠地總平野火漫容荆棘長塞田并乏子孫耕
有知合咲曹瞞拙欲刻征西占墓名

重過玲瓏嶺看霜林作十二韻

笨確重來路秋容最好時往年經雪早今歲得霜遲二
月花相似千林景特奇問名難辨種設色故多姿濃淡
丹黃葉交加爛熳枝簇來成綺繡踈處度旌旗換眼層
層別迴鞭步步隨已憐侵暮色還與發華滋粧點江南
畫鋪張塞外詩衰顏熏欲醉白髮巧相欺好事何人賞
登高此地宜丁寧朔風候旦晚莫狂吹

聞同年顧書宣前輩湖廣訃音愴懷今昔成五

十韻

絕塞來函問初疑後果真恨難埋厚地狂欲問蒼旻憶
昔充鄉貢時同忝國賓紅箋通姓氏麗正約比隣名稍
居姜後癸酉同舉京兆書宣名在西濱十九余二十心常與顧親雁行聯
弱羽魚隊狎凡鱗雨雪連床數篇章擊節頻嗜嘉良有
癖遭砭各無嗔搜剔疵瑕出銷鎔鑄鐵純偷來輪格律
讀罷爽精神自爾投膠漆何曾計屈伸禮闈看再舉臚

唱聽移旬獨脫囊中穎先呈席上珍列科登一甲同榜

得三人金馬聲華盛芝蘭臭味均甲戌殿試書宣第一

甲第三庚辰余房師汪公自忘頻下第翻羨早抽身甲第一皆癸酉同榜也

病喜鷗情適閒教鶴性馴落帆揚子夜踏月甲戌冬乞

廣陵春出處都如夢參商那記巡分攜從甲戌會合又

庚辰却話青雲舊俱添白髮新木樨叅佛法黃葉證前

因黃葉打醒游于夢木樨叅透老僧景已當搖落衰拈

向隱淪未成棲倦翼寧免作勞薪元老開黃閣微名達

紫宸壬午冬余因京江相國寸長嗟莫效六論咲空陳

釋褐推先革合毫托後塵我仍留 輦下君亦起漳濱

敵千鈞妙斲斤能運奇方手不龜與圖歸拍掌道路識

迷津乙酉冬書宣奉古入直 乙覽皆稱善公才久

合掄使車方簡命省試且陶甄場屋收羅鄴門牆進郊

詆為爐分玉石握管稱金銀稍稜徒喧謗從容視咲顰

不慙膺 特眷彌覺重詞臣紀進士榜遂放扶風帳重

持大雅輪楚材傳自古儒術近尤振辭 闕還瞻戀之

官亦苦辛行期何再再別語太諄諄胡廣之命四月

中乃出都聽行時 北轍俄經夏時余慮從南轅似隔晨

頰以善病為慮 鯉書猶待寄鵬賦忽遄臻江漢文星墜瀟湘士氣泯雖

云蒙 寵異寔未展經綸澤國秋多慘騷人側豈循歸

旌千里遠宦况一生貧憔悴孤踪在淒涼往跡湮老年

殊少泪痛極為沾巾

院長惠棗一襲賦謝十韻

推解情何厚炎涼序忽遷初過揺扇景已迫授衣天蒼

腋茸交密銀貂色最鮮製成微霰候拜賜朔風前輕暖

渾踰帛奇温又勝綿禿襟便跨馬短後稱垂鞭楊襲隨

時尚冰霜是夙緣曉披迴醉纈夜脫聳吟肩袖裏攜新

卷箱中感舊擅傲裘從唱和回首十三年癸酉冬余作

與西真實君元 謝院長贈馬十二韻

廿載曾徒步三年會上雍借驢長自咲騎馬忽相從華

廐蒙分賜貧家慮五供品應超脫兔種本出飛龍宋時

成鋒一色全凝雪三花待刷鬃密看毛細膩垂愛尾聲

鬆王濟雖多癖孫陽詎易逢駟馳憐盛壯剪拂愧衰慵

提徑休爭取歸途幸見容最宜隨下澤安穩代扶笻

半截塔次院長韻

龍沙茫茫荒怪集佛界劔天絕梯級誰與此塔此山中

高湧蓮華嵌空立大千起滅微塵過小劫須臾轉輪急

頑礪亂礫泐作堆風雨猶疑鬼神入當時委蛻兩夫婦

華表歸來改城邑相傳元時有某万户與其妻冰天下

壓巔頂平雪谷深埋半腰及我來訪古與桓地欲寫山

川入行笈每逢陳跡輒徘徊口業未停餘宿習草間定

有碑銘在野火燒殘沮洳濕國書難老奇渥溫筆授惜
少鴉摩什公詩紀實良足徵歸去皇輿付編輯

院長惠家製金銀花露一餅賦謝二十韵

佳名傳本草舊識鷺鷥藤黃白移時變金銀任俗稱但
聞蕪葉曬寧解帶花蒸方法誰邊得園林手種曾栽培
無棄物筐筥亦時登離密開從徧枝繁采勿勝製乘香
未散候視氣先騰倒挽河車水徐收井甃繩夜窗珠滴
瀝晨旭露鮮澄澹比初融雪清於乍釋冰恍疑仙掌露
直向玉盤凝出火經三日浮餅貯半升諒非供熱客間
或餉良朋邊地尤難致塵襟豈易膺流匙宜少許瀉盞
感多承點酒奇芬溢和茶別味增唇沾良已足肺潤更
相應沉淞峇仙侶醒醐問老僧蓄微紅莫擬玫瑰紫休
矜白戰聊成咏慙無故事徵

重陽日度不倫喀喇沁

亂山高下入岡場掠面西風似弩強馬足聲乾干潤葉
雁群寒警一裘霜登臨豈必皆吾土今古閒消幾夕陽
記取題糕重九節燎毛燔肉共分釐是日撥頭
賜犒一頭

雪後隨 駕度汗鐵木兒嶺

校獵秋初罷 回鑾雪下零雲峯晴晶晶風磴曉冷冷
換景供吟筆收圖入畫屏万株枯樹頂獨愛一松青

重過唐山營

去日村村翠剡堆歸時碌碌廣場開天教朔野西成早

又待君王射兔來

發波羅火屯至藍旗營

鈿分一嶺隔西東自駱駝嶺東北為校獵之區其西南則山莊也半月風光迥
不同沙磧人歸黃落後山家烟起翠微中
先獲水落浮橋路盡通誰信古來甌脫地築場樊圃入
幽風

自星龕岩歸至烏城道中重見霜林酉君有詩

再次前韵

過眼當搖落繁華又一時地非千里遠候較兩旬遲
日晨猶麗烘霞暖更奇黃留將雪景紅發未霜姿秀拔
多喬木輪菌乏醜枝似燒原上火愛映酒逸旗猶憶衝
炎去曾經緩轡隨綠陰晴借爽潤色雨添滋忽換登高
屐來題看葉詩含情如見待有信不吾欺榮悴天難一
妍媸分各宜本非松與栢那免受風吹

九月十四日烏城旅舍連接諸弟諸兒兩孫入

信口占一律

燈花如穗吐烟煤果有家書出塞來三處豈應同日發
八函却喜一時開勸餐兄弟憐年長到眼兒孫抵夢回
為報老懷殊不惡地爐檀帳撥寒灰

重陽後十日入古北口

踏徧雲中雪外山敝裘重脫柳重攀寒花過節如迎客
朔雁先期已度關官馬散隨黃犢卧戍兵秋較老農閒

勞生屬有駢馳分默數三年六往還

石匣城南村民有駕牛墾田者 上駐蹕親履

田間扶犁行百餘步一時觀者万人咸謂

聖主重農勸穡至意真千古所未有臣身叨侍

從目覩盛事恭紀二十韵

雲捲三秋稻霜清百頃陂 君王除警蹕郊甸正茲基

近接 鸞輿過群瞻 玉趾移羽林分仗立耕耒執鞭

隨龍見天垂象牛馴 帝解縻沾犁皆雨露隴即京

坻久悉艱難意重蒙疾苦咨事傳千載盛 恩豈一夫

私自昔豐稷慶嘗聞史冊垂紺轅曾屢駕黛耜亦頻施

千畝周官籍三推月令儀大都修典禮已謂致恬熙幾

見勤民 主行當省歛時西疇躬自蹈田器手親持積

厚培尤力居高履愈卑九州胥樂土 萬乘是農師擊

壤歌相勸吹幽繪總宜人歡聲動地風遠播為詩作所

陳無逸釐成付有司小臣慙頌述振古孰如茲

俞扶九寓齋賞菊分韻得時字

關榆塞柳別經時一夕從君那得辭衝雪人過重九節

傲霜花剩半開枝寒香泛夜差宜酒病眼經秋漸怯詩

記取燈前論聚散明年相憶在東籬 時余將請假南歸時在西苑直廬

題張研齋前輩桃花流水圖小照 時在西苑直廬

北風夜狂轉夕律陸葉增墀寒瑟瑟生絢忽展橫幅圖

暖氣春回映簾日垂楊夾岸水沒篙碧色染透胭脂臺

晴霞燒空半天赤點出万株深淺桃玉堂學士神仙客
每到花時懷舊陌鸞鷺翹足鷗刷翎下有鯁魚長一尺
船頭舉網船尾炊何如斫鱸留蓬池披圖空看畫中景
對鏡微添頰下髭我昨南帆經古皖棹入樅江春過半
至今清夢繞龍眠三十六峰紅不斷可憐此地不相逢
却在雲窗霧閣中青筠綠篔何日辦且教閒處付漁翁

敬業堂詩集卷三十三

西阡集

恩賜白金二百兩恭紀十韻

乞假葬親南歸 睿賜驟馬二匹恭紀二十韻

將出都留別院長及同直諸公四首

與潤木別於彰儀門外

晚抵良鄉

早過涿州

五更發高碑店

食安肅菜

渡三义河沙滋唐三水合流於此

重入東鹿境宿清官店先寄兒建十二韻

乙亥秋與許霜巖同過深州忽忽十二年矣重經

此地題壁依然時許遠宦滇南口占寄之

饒陽道中作

曉發河間黃昏抵大城縣

奉謁座主少宗伯許公於大城官署敬呈二律

曲路店遇吳元朗 大風抵張夏戲題旅壁

崗山栢

長清山行

泰安州題壁

長至日山左道中即目書

懷二十四韻

羊太傅故里

新泰城南望嶺山

旅店食雉兔作

蒙陰城東十餘里地名城子莊壬午初秋曾一飯

於此水旱之餘居民百餘家轉徙殆盡惟舊時

逆旅主人在耳感歎不已紀之以詩

抱犢詞

古明鏡詞

沂州出山

淮北聞雁

從宿遷登舟連夜渡河

黃河中流見月出口占一絕

發清江浦二首

重晤大司農徐浩軒先生

於淮上二首

張運青先生見餉食物遣

人遠致于四十里外以詩奉謝

寶應兩泊

曉晴發寶應喜得順風先

寄德尹揚州

掛帆行六十里將抵界首

風勢轉狂小舟不敢下開戲成二絕

高郵道中

大雪夜泊瓜洲二首

雪後渡揚子江

舟過丹陽有感於范堯夫

事漫成一律

三十年來舟過無錫未嘗

再游惠山口占解嘲

膠山在無錫縣東四十里九域志云山南有梁蕭

侍郎故宅今無可考矣

渡尚父湖晚抵虞山二首

過錢王友河亭話舊二首時已收身奉佛但未廢

飲耳

與許暘谷時許初自山右

歸

西阡雜感五首

除夕與德尹信菴守歲一首

迎鑾集

園梅垂放而主人將出門口占一絕

錢王友有見寄長篇極論作詩之旨終以傳世相

期許薰承不朽之託連日阻風虎丘舟中無事

賦此奉謝 夜泊京口

奉和座主相國澤州公吳橋道中見寄之作敬次

原韻 院長揆公出都時亦有詩

見寄清江舟中出以索和奉次原韻並簡唐東

江考功 揚州城外觀燈船和友人

韻二首 題湘雨禪師宙亭詩集後

師乞余作序故落句及之

初登金山 清明喜霽再登金山同院

長作 雨後隨 駕發龍潭抵江

寧 隨 駕謁明太祖孝陵茶

紀十二韻 院長見贈大篇過蒙推獎

次韻奉訓 自詩門至崑山舟中作

立夏日吳山寓樓借竹垞朱先生及鄭息廬馬衍

齋素村家德尹為櫻筍之會竹垞有詩和荅一

首 雨中隨 駕泛舟西湖次

院長韻五首 昭慶僧樓同年佟淵若學

士步月見訪 和淵若學士西湖雜咏四

首 雨中過南湖訪老友盛鶴

隨 駕重至虎丘寓直仰

蘇樓下 關建兒到家之信

吳門舟次喜遇潤木假歸

重酌惠山泉 奉謁侍讀秦公於寄暢園

敬呈五章 麥秋

邵伯堞送 駕後歸舟即事二首

與德尹自揚州連舫渡江

入夏苦旱六月十五早偕鄉人禱雨烏龍井坎至

菩提山真如寺二首

耳聾 十月十七日病起過隣僧

融融房看菊 周濂溪先生家塾銅章一

枚形製奇古其裔孫歷世寶藏來索題句敬賦

一章 天寧詩僧文緯見過

敬業堂詩集卷三十四目錄終

西阡集 起丙戌十月 盡十二月

凡詞臣請假葬親者例移吏部須六年俸滿方與彙題余自癸未入館甲申授職通計前後歷俸未滿四年丙戌秋杪隨駕歸自口外於直廬冒昧陳情叨蒙聖恩俯允所請誠異數也回思先母見背已三十五年先君棄養已二十九年矣長恐湫先朝露負土無期今乃得買地西阡歸營大事吾子若孫履斯阡也當念貧家葬親之不易益感聖朝卹下之深仁則茲集所留特涕泗之痕而已

恩賜白金二百兩恭紀十韵

竊祿清華地霑恩湛露天朱提頒少府白鏹逮微員優倍三年俸榮踰萬選錢貺非金穴比 旨自玉堂宣重馬歸時載空囊補處穿春衣還質庫客座設青檀暴富隣翁問長貧農婢憐每持清白誠長望子孫賢不敢辜君惠行將置墓田孤生餘頂踵感涕為光先時先人尚未營葬將以賜金買地

乞假葬親南歸 睿賜騾馬二匹恭紀二十韵

連騎東朝出輝煌照路岐來從疾藜苑產自渥洼池騾馬名雖別龍麟種並孳漆光明似鑑純黑紫餒潤無疵馬色抖擻塵沙淨開張骨骼奇入蹄行互舉雙尾立

交垂共飲無跟截同槽免繫維曹韓師盡理湛岳比妍姿東坡詩馬中天廐方登用房星忽下移聯翩驚異數蕃錫荷恩私臣本鶩駘質生逢特達知昨來衣白袷今去鞚青絲屬有駢馳分真當愛惜騎芻茭蕪厚給鞭策敢輕施每憶重經處寧忘徒步時雪深東郭履寒勒滿橋詩歸徑逡巡識笏人指點疑力衰輪盛壯心在莫追隨數齒殊多感齊衡轉自嗤長鳴同戀主臨發又遲遲

將出都留別院院長及同直諸公四首

有生長恐負君親白首清班忝後塵蘭畹草生聊自託鳳池鷗入亦相馴關門柳色三經夏苑路花光四及春總是恩波最寬處就中容得濫竿人

窻窻先人久未營隨身挈涕每縱橫微官敢作歸田計

聖主能憐負土情篋有賜書裝不薄囊惟襍被累差

輕只慙驚鈍宜長放向與驛驢逐隊行去年九月皇

年十月皇太子賜騾馬二疋院長亦曾惠馬故及之

勿論解組與彈冠直為天高仰報難情重繞朝新贈

策夢深星瀨舊投竿九重禁闥深巖地七品年勞本

分官倘許衡茅專一壑猶能曝背話金鑾

得歸未掃舊巢痕用東坡詩中意去住心孤但自捫列宿回瞻

天北極單車獨赴國西門檀溪屋老將誰主粟里田蕪

尚有村長羨冥鴻在寥廓不曾輕受稻梁恩

與潤木別於彰儀門外

自我住京師五年裘換紵名成時已晚 恩重歸敢遽
子臣虞兩負方寸亂徐庶請急太匆匆痛深創寔鉅親
亡未克奠貧到傷心處追憶初喪時悲端非一緒汝時
尚角州至性本天具今來強仕踰將伯寔堪助同歸苦
未得時弟亦欲乞假而未遂 万事料難預送我出修門殷殷戒徒
御我行營大事家督難自恕饑凍固其常兒孫何足慮
來騎蹇驢來去駕柴車去風吹日杲杲飄散蘆花絮灑
淚各無言哀歌聊自叙

晚抵良鄉

近畿積雨後大道成塗泥舊時攔馬塙今作蓄水堤眼
中有岐徑涉足恒恐迷正賴孤塔高前行辨東西南來
者誰子賓從相排擠光輝溢路匆簇簇千輪蹄倉卒爲
引避我車若雞栖

早過涿州

曙色朦朧十里橋城端雙塔聳峇堦層片欲裂風何橫
濃日如熏霧忽消新闢河淤半蕪沒舊攀沙柳尚蕭條
出畿便是田園路南望三千未覺遙

五更發高碑店

久作京華客鄉程夢易迷分明茅店月猶誤早朝雞

食安肅菜

老夫居貧曾種菜露韭霜菘成替代竭來糲食大官厨

百蕚黃螯剩餘債歸程晚經安肅縣一碧環城雪初蓋
流涎大似逢麴車願朶腸鳴難久待頃筐雖乏園官送
求益何妨擔夫賣銀刀削葉土銜烹柔滑清甘美無對
花猪肥豎真堪唾野飯村沽差足配家童相顧旁愕眙
不信主人心篤愛我願當官知此味股剝毋爲里閭害
又願民間無此色春社祈年秋報賽菜畦不蠹田不蝗
過客盤餐聊一快

渡三义河沙滋唐三水合流於此

百里平陂際白沙滋唐兩派匯三义樹頭小扇風旗影
舊識中羊名村賣酒家

重入東鹿境宿清官店先寄兒建十二韵

上谷南來少戍墩自飛墩以南道旁無墩 天寒日薄易黃昏重穿
野水平沙路又宿柴門老樹村地遠郊圻殊僻左人隨
歲月劇驚奔速迎何敢煩丞尉黃丞趙尉至此相迎再到惟欣長
子孫願我便能偕隱否問渠可有去思存時兒建備例量移將離任
矣一家飽暖踰初望百里絃歌盡 國恩捧檄當時聊
自慰折腰今日且休論仰邀天幸年頻稔下賴民淳訟
少寬成就汝爲無過吏保全家是舊清門雖無餘力營
三徑已忝廉名達 九闌酒盞久拋思共把燈花何喜
遽能繁明朝飲馬滹沱側好對清流驗鬢痕

乙亥秋與許霜巖同過深州忽忽十二年矣重

經此地題壁依然時許遠宦滇南口占寄之

飛鴻一散天南北拍爪痕從壞壁留惆悵城南獨吟客
夕陽隨影過深州

饒陽道中作

我前冬日暖我後北風狂向背苟異宜一身判陰陽矧
乃別形體疾痛焉能詳造物豈不仁饑寒盈道傷目存
力匪逮惻惻中自傷

曉發河間黃昏抵大城縣

瀛海東來路漫漫百里長田荒薪比桂潦退鱸如霜牛
跡迷朝霧鴉聲散夕陽誰憐畿內地經眼有蒼涼

奉謁座主少宗伯許公於大城官署敬呈二律

一城斗大控河壩析木遙從天漢連永賴渠成傳万世
暫勞公出已三年時于牙河堤告棠陰樹樹堤邊柳膏成報績不遠矣

澤村村葑上田漳滏漳沱皆底績不曾輕費水衡錢

秩宗兼職領司空畿輔行看奏禹功憶送羶車衝朔雪

重來冰署坐春風何人愛士同迂叟從此歸田望醉翁

準備籃輿候三徑先傳鄉信到江東

曲路店遇吳元朗

去國非初約相逢泪一揮余因營葬出君亦帶星歸時元朗丁哀柳催蓬髻枯風裂布衣半生知已分到此倍依

大風抵張夏戲題旅壁

四幅帷裳巧障風到來村巷聚兒童此中閉置疑新婦

一咲那知是老翁

崗山栢

戢戢排行欲及千黃楊小厄故依然廿年野火荒山道
看爾幾成劫後仙

長清山行

曉露趁殘更荒雞失次鳴嚴霜升井氣落木走風聲
道衝沙聚山牆疊石成大都生癭俗磊塊總難平

泰安州題壁

少負狂名老好奇逢山興發尚淋漓如何十度城南宿
不敢輕題望岱詩

長至日山左道中即目書懷二十四韵

一線添歸日初陽放曉晴細泉冰底咽枯草燒餘萌土
齊逢人問年衰換節驚滿前憐凍餒即事歎凄清此地
初荒旱相傳半死生 至尊憂獨切當事責差輕足陌
千緡給留漕方數盈不教移積粟專欲活殘眈碩鼠成
羣聚哀鴻四散鳴民貧寧樂禍官賑特空名受爵能無
愧增階竟冒榮牛羊難問種雞犬乍聞聲正使流亡復
懸知疾苦併如何經儉歲尚爾廢深耕粟餉郵亭麗修
治平道路路平戌旗雙隻瘞墟落短長程僅免追呼擾幾
同力役征辛勤偕婦女率作及兒嬰望幸心雖結安巢
計未成 皇仁終見憫吏治亟宜更自咲犁鋤叟來隨
商旅行何曾受芻牧直是惜娶悍暖律回鄉夢寒灰付

宦情所祈年穀熟終老卧柴荆

羊太傅故里

班書源可考系出泰山羊世已經千載魂應戀故鄉功名論際會氏族閱興亡峴首沈碑後何須感數長

新泰城南望嶧山

孤峯截斷連山脈大似人間獨立人地湧雲根浮縹緲雲山一名青天生石骨瘦嶙峋仰瞻泰岱窮無附平揖徂徠近作隣不用多生閒草木免教榮落改冬春

旅店食雉兔作

頻歲叨陪獵秋田雉兔肥中官馳馬 賜侍從掛鞍歸北上何年再南烹此味稀經過野饋寂寞慰朝饑

蒙陰城東十餘里地名城子莊壬午初秋曾一

飯於此水旱之餘居民百餘家轉徙殆盡惟舊時逆旅主人在耳感歎不已紀之以詩

敗茅頽壁兩三間百室漂流偶一還記得往年題句在

豆花棚下看蒙山

抱犢詞 桃墟道中見一老史抱黃犢騎驢而行戲作

東村牛既秋不熟別向村西買黃犢買成抱上蹇驢騎驢尾稀如翁鬢禿驢今馱翁復馱畜步步施鞭毋乃酷

人情厚薄從古然或加諸膝或墜淵

古明鏡詞 見道旁驪婦而作

人間有真色嬌者顏如蓮東家欲效之紅白調朱鉛泉

方賞塗抹羣謂醜者妍好女不自明詎藉有人憐妍媸果若從人定何用團圓鑄明鏡

沂州出山

沙淺沙深窳復均一行疎樹帶烟郊山經齊魯青纒了馬渡沈沂碧未膠小圃重禁因枳椇浮橋粗就賴蘆茨經旬尚滯黃河北漸喜魚羹入客庖

淮北聞雁

風急霜清欲渡淮數聲客夢鷦鷯回與誰好作江湖伴東坡詩我衰寄江湖老伴難驚鴨憐汝亦從邊塞來殘月曉催千片落長天寒曳一繩開蓮房菰米沈波後集澤澤群多亦可哀夏秋之交淮南北皆被水

從宿遷登舟連夜渡河

勞筋貪暫息買棹聽漁歌漸與江淮近自然鴻雁多涸沙無斷岸急浪有盤渦忽報晨水合吾舟已渡河

黃河中流見月出口占一絕

誰謂河流濁吾疑徹底清一眉殘月影鏡裏看初生

發清江浦二首

南來步步遠風霾川路晨征一倍佳竹筵蒲帆渾不用櫓聲如雁下長淮

編蘆縛荻聚成堆大舸多從江外來試問老堤堤畔柳

年年辛苦為誰栽

重晤大司農徐浩軒先生於淮上二首

邊風朔雪灑重裘猶記鋒車一夕留却到淮陽冬候暖

滿窗紅日話中秋中秋前先生復命至塞外柳林口行帳中盤桓半日

河堤本是司空職計相重乘使者輅館閣人情久延佇

江湖粗了合還朝習庶常以不應久于外故云

張運青先生見餉食物遣人遠致于四十里外

以詩奉謝

見說官厨儉淮流孰與清於公無媿色餉我見真情追

送煩郵使分嘗徧老兵道旁傳異事此客勿相輕

寶應雨泊

冒雨衝泥取次行多年不聽滴蓬聲此聲好是治聾藥

老耳孤燈分外清

曉晴發寶應喜得順風先寄德尹揚州

安宜城外雨餘天晨旭初生血樣鮮湖似貫珠行不盡

秦少游詩高郵西北多雲隨飛鳥勢爭先離心各抱三巨湖繫繫相連如貫珠

年外短夢難禁兩日前一事報渠差快意好風添送順

流船

掛帆行六十里將抵界首風勢轉狂小舟不敢

下閘戲成二絕

閘口狂風撼柁樓隄邊驚浪聚浮漚何妨暫作須臾住

只美荒灣過石尤

石尤風緊人知避我獨逡巡避順風不謂有風行不得

掛帆何必急流中

高郵道中

北風吹折蒹蘆蘆四無頃畝純浸湖周遭三十六陂水

中置一城形覆孟詩之奇詩中間可以置城隍然高阜如覆孟城頭角聲曉

如訴城外人家半漁戶我來正及積潦收但見飛鳧導

前路買魚射鴨值幾錢所愁米貴厨無烟水鄉作客大

不易嗟爾居民誠可憐

大雪夜泊瓜洲二首

茱萸灣北晨沽酒瓜字洲南夜泊船我自只如常日醉

人言風雪滿江天

歸途未免防水雪一月晴和竟似春今日漁簑堪入畫

天公原不薄歸人

雪後渡揚子江

廿里風程一霎間海門晴色帶潮還白頭浪裏參差影

看盡江南雪後山

舟過丹陽有感於范堯夫事漫成一律

郵鐵朝過曲阿城又是江東第二程一刺投名羞俗態

十年為客見人情當時已少郭元振故友誰如石曼卿

預遣家書刻歸日兒童不用遠相迎是日建老僕先歸

三十年來舟過無錫未嘗再游惠山口占解嘲

來往如梭三十年不曾重的德池泉他時終作法雲老

儻取平生未了緣

膠山在無錫縣東四十里九域志云山南有梁

蕭侍郎故宅今無可考矣

蕭蕭雁鶩鳴枯蒲南朝侍郎宅有無膠山漸近惠山遠
中隔芙蓉一片湖

渡尚父湖晚抵虞山二首

烟村兩浦通灣濶忽入澄湖杳藹間常愛大癡橫幅好
不知粉本在虞山

長松高下蔭坡陀老柳參差蘸碧波咫尺吳門風景別
山塘十里稻堆多

過錢王友河亭話舊二首時已收身奉佛但未
廢飲耳

團蒲旁着一龕燈輻鎖中無杜伯升事見東坡詩長恐入門

遭痛棒對君吾是啞羊僧

不愛天花作道場方緣消盡酒難忘白樂天有何處難忘酒詩從今

方丈維摩室添辦清香祀杜康

與許暘谷時許初自山右歸

一咲還家未覺貧奉承堂上白頭親可憐我亦稱人子
負米歸來晚少陵詩負米晚為身悔食膽必法

西阡雜感五首

銜恤三十年今方卜城域有身彌自痛負土假人力

其二

兩山如玳抱一水縈紆注落葉滿西阡別家墳上樹

其三

坡陀非丈五馬鬣是新封小著樊籬護須防鹿觸松

其四

墓田故無多又占數間屋庶望子孫賢既耕且還讀

其五

一門四兄弟去住難自主丙舍幸已成神傷對牀雨時未得木乞假

除夕與德尹信菴守歲二首

駮雞斃酒錢殘年餽歲鄉風自昔傳不為盤餐營口腹
老來情味合歸田

家貧未免思游宦及至成名累有官畢竟商量何計穩

白頭兄弟一堂難

迎鑿集起丁亥正月盡一年

丙戌偏臘抵家營先人墓事畢將於西阡築舍為
休息計會 天子閱河南巡在籍臣僚例應遠迎

明年正月買舟渡河隨 鑿自淮陽抵江寧至蘇

杭五月初於高郵送 駕再展六月之假乃復歸

里通計一年中息肩不過二百日懶不作詩僅得

如干首

園梅垂放而主人將出門口占一絕

冰雪禁繁蓋莓苔畏老枝吾閒猶未得不謂爾開遲

錢玉友有見寄長篇極論作詩之旨終以傳世

相期許兼承不朽之託連日阻風虎丘舟中無

事

事賦此奉訓

吾觀工畫人胸本蘊丘壑雲烟資變幻山水赴脈絡又
聞國手摹惜子不輕落翻新布奇勢全局如一著良醫
去成見因病施方藥巧匠先量材運斤乃盤礴羿射無
詭遇騶琴有醴攬高僧厭苦空入棒解拘縛老仙出狻
僧九鎖故囊籥惟詩亦云然眾美視斟酌神功須力到
佳境豈意度人皆信手成孰肯苦心作同心得錢子洞
見非隔膜惜哉方逃禪此道付糟粕偶然一吐露萬象
互醜醉足知精進幢隨事無退却投篇過推許不量余
所作平生知已分夙昔慎唯諾寧待遲暮年重為不朽
託君其益自愛藏葉手親削

王友近編所作詩
九卷名撫雲集

夜泊京口

誰信勞生有路難山川猶作故鄉看風翻石壁連城動
潮滿江船出口寬細火一星疑遠市重裘二月尚春寒
東君不管梅花信任向高樓笛裏殘

奉和座主相國澤州公吳橋道中見寄之作敬

次原韵

時亮
驛南廵

浮浮薊北烟曖曖江南樹開公陪輦出延圻凡幾度早
梅已飄香繁杏亦修嫺惟占燕雀喜詎觸蛟螭怒挂席
下清淮馳情快前遇詩高有孤唱興極無長路絮暖萊
東灣風輕桃葉渡舊遊吟未足更向湖山去

院長揆公出都時亦有詩見寄清江舟中出以

索和奉次原韻並簡唐東江考功

清音天半落松杉吟傷仙舟響亦凡夜雨一篙平岬水
春蒲十幅渡河帆不辭醉咏花歌帽預擬題襟墨漬衫
為報東江老居士速馳詩遞蒼來函

揚州城外觀燈船和友人韻二首

琉璃一片映珊瑚上有青天下有湖岬岸樓臺開畫錦
船舫絃索曳歌珠二分明月收光避千隊驪龍逐仗趨
不為水嬉誇盛事萬人連夕樂堯衢
錦纜朱欄綠鷁群滿川春暖氣如熏倒窺銀海千枝燄
迸散金波五色雲雁齒初裝虹有量魚鱗不動水無紋
君王到處皆勤政猶自宵衣坐夜分

題湘雨禪師宙亭詩集後師乞余作序故落句

及之

九僧歿後名僧少今見詩中第十人傾倒盃囊千斛水
洗空衣袂七條塵秋田領鶴精神爽春谷聞蘭臭味親
不敢與師多作序欲離文字證前因

初登金山

齋鐘浴鼓平生夢垂老方成鳧蹀遊忽聽潮聲分兩派
信知樹影在中流千櫂雲霧浮孤檣三島樓臺聚一漚
終脫朝衫穿野衲卓菴閒地幸相留

清明喜霽再登金山同院長作

片颿重過潤州城曙色東來海氣晴千點桃花一江水

妙高峰下作清明

雨後隨 駕發龍潭抵江寧

晨隨羽衛發龍潭雨氣初收日色暹驛路馬嘶泥滑滑
野田雉雉麥漸漸六朝烟柳攀曾岬三月風花賣酒帘
擊壤吹幽聲一槩尚煩 停蹕問蒨檐

隨 駕謁明太祖孝陵恭紀十二韻

明祖山林在 天家祀典昭千官隨虎旅 萬乘駐鸞
鑣風雨東來近江關北睇遙石城蟠脈厚靈谷蓄泉饒
狐兔何曾窟松楸竟不凋運雖經鼎革 詔特禁芻蕘
下馬坊猶聳稜恩殿忍燒遺民安率土 聖主念前朝
本以仁除暴還同舜紹堯統傳心有契社廢廟無祧陵
戶煩增置神宮儼舊寮霸圖早六代園寢任蕭條

院長見贈大篇過蒙推獎次韵奉酬

騷雅本正聲沿流乃盡變前賢不苟作寸錦勝匹練自
從篇什繁觀者目易眩公才擬日星有作万人見圭璋
既特連氣類必引薦賞奇神有交嗜善誨不倦手持大
圓鏡盡攝諸方彥高談折深源小智窮曼倩伊余好吟
咏有昔弄柔翰駑駘百舍趨追驥不及半人言桃李春
自顧桑榆晏雄辭荷獎借照眼驚璀璨穆穆被清風嘔
嚔發將旦和章如草木披拂聊供觀

自葑門至崑山舟中作

鯉魚橋外綵旗斜乙未亭邊鼓笛譁六十四涇烟水色

半隨 鳳船泛桃花 鯉魚橋乙未亭皆在葑門外見丘
與權築塘記六十四涇詳吳郡志

立夏日吳山寓樓偕竹垞朱先生及鄭息廬馬
衍齋素村家德尹為櫻筍之會竹垞有詩和荅

一首

夏木陰中夏日長小樓西面吸湖光簾櫳昨夜猶春雨
花事今年偶故鄉佳節重逢知幾度白頭一咲抵千場
朱櫻紫筍家園味容易山厨得飽嘗

雨中隨 駕泛舟西湖次院長韵五首

看山曾向雨絲中青芋竿頭弱柳風今日船從天上坐
亭臺不與昔年同

沿隄畫槳愛徐行但換橋坊不改名水墨圖中天一色
鶯鶯幾點去分明

澄波何處著纖埃寺面多從鏡裏開放鶴亭邊聊一憩
居僧猶記探梅來

搖曳垂楊淺水灣心隨魚鳥欲忘還裏湖行盡外湖出
又露西南兩角山

老去論詩敢自豪從公遊興尚陶陶袖中攜得西湖去
十幅吟箋勝薛濤

昭慶僧樓同年佟淵若學士步月見訪

滿川烟火熏蒸誰解敲門問老僧多謝同年能見訪
上樓初點佛前燈 是夕朔望
烟火最盛

和淵若學士西湖雜咏四首

短牆高閣俯層瀾中有幽人洗眼看漫道放船隨處好
烟波終讓外湖寬時淵若寓段橋外

雙鳩啼雨又連朝濕翠濛濛隔岬遥好片蘇公隄畔柳
映人騎馬渡虹橋

賀監狂名老在無酒船一櫂未應孤心知不及閒鷗鷺
拂雨翹烟占此湖

四圍圖畫本天成三面雲山一面城多少才人吟不盡
尚留住句待先生

雨中過南湖訪老友盛鶴江一首

幾稱新竹透籬根一片蒼苔印履痕六七年來聞不出
感君為我特開門

烟雨迷離又一春舊遊如夢亦如塵萬緣消盡詩名在
猶替南湖作主人

隨駕重至虎丘寓直仰蘇樓下

好片生公石重來似十洲為逢僧話舊猶認仰蘇樓

聞兒建到家之信

為貧而仕全家出末路何堪久別離書卷拋來飽魚蠹
田園荒後長榛茂急流自信差能退廉吏誰云不可為
比似遷官還校喜燈花為汝報歸期

吳門舟次喜遇潤木假歸

誰傳遠信自京華聞汝歸程漸有涯驟見尚疑俱作客

昨歸翻怪不同車半年冰雪愁為減一飯江湖勸互加
錯料老夫詩是讖白頭兄弟盡還家予去年除夕詩有白頭兄弟一堂難

重酌惠山泉

千章老樹陰溽泓不忝茶經第二名急借匏尊瀉久渴
旋敲石火試新烹僧無吝色從多汲客有餘甘為一清
挈得餅罌須穩載免教地主累張衡

奉謁侍讀秦公於寄暢園敬呈五章

石龍噴沫轉塔除平碧中涵萬綠俱信是有源能不竭
剪分一冰給僧厨

合抱凌雲勢不孤名材得並豫章無平安上報天顏

喜此樹江南只一株園中樟樹一本乃數百年物上嘗傳謂此樹無恙故云

山光水色盡沾恩風月兼留雨露痕堂中有山光水色松風水月諸

韻皆十餘年來華屢次題賜者御頭白村翁傳盛事鑿輿六度幸

名園德門子弟媿荀陳再見瓊枝玉樹新謂洛生喬梓却笑平泉

空作記世家難得是文人

韓公文體杜詩名謝傳家聲白宦情四海只今無執友

從遊應許老門生辛酉先生典試江西廬陵彭公是科所得士慎行茶西舉京兆又出彭公

門下列得稱門生

麥秋

桑疇宜暖麥宜寒 宵旰憂勤亦少寬親見江淮民樂

業清和天氣好 回鑿

邵伯埭送 駕後歸舟即事二首

埭南埭北鯊魚肥 斗野亭邊興不違 說與故人應惜別 千帆送盡一帆歸

高寶中央地最低 秧針浮水水浮畦 露沙兩足牛蹄健

萬頃湖田盡架犁

與德尹自揚州連舫渡江

梅花開後草堂前 準擬春來共醉眠 此福兩人消不得

半年五上渡江船

入夏苦旱六月十五早借鄉人禱雨烏龍井步

至菩提山真如寺二首

淡月朦朧般若臺 沈沈海岸蔽黃埃 可憐我本無田者

足躩荒山乞雨來

臯蘇遺廟在巖阿 潛說友臨安志云鹽官縣東七十里有烏龍井廣四尺深七尺冬夏不竭

相傳臯蘇二將軍逐黃巢死於此因祠焉紹興十一年歲早禱雨即應勅賜濟福廟額在寺南六里 古井

年深不起波 好笑兩三垂 白叟便思泥首致滂沱

耳聾

五官初廢一萬竅 為收聲絲竹吾何與 雷霆眾自驚少

聞差省事多笑 豈無情社酒如堪 治明年試聽鶯

十月十七日病起過鄰僧融然房看菊

閒僧仍種菊 病叟偶還鄉 物色憐寒蝶 人情愛晚香 開

遲經夏早節 爽似秋涼對 此增惘悵 吾家徑久荒

周濂溪先生家塾銅章一枚形製奇古其裔孫 歷世寶藏來索題句敬賦一章

道州崑起千名下 聖學昭如揭日星 遂使大儒承統系 猶留小器觀儀刑 摩挲繆篆蟲魚古 洗剔銅花翡翠青 不比還珠空寶積 子孫長得護精靈

天寧詩僧文緯見過

夕陽影裏鴉投樹 落葉聲中犬吠船 久矣蓬門無剝啄 偶然葦岸有緣沿 孤吟喜接金欄友 一味能參玉版禪 時以冬筍見餉 絕勝地爐煨芋在 為師飽喫送殘年

敬業堂詩集卷三十四

敬業堂詩集卷三十五目錄

還朝集

立春後五日清溪舟中大雪留別談未卷徐任可士韻
聞少詹姪京邸計音時余方東北裝先馳詩四章爰

之
過梅里為竹垞先生留一

日
虎丘花信樓與馬素村別

丹陽即目
重過高旻寺留別湘雨長

老
雪後晚抵儀真

江浦農家
滁州看山

欲遊瑯邪山尋醉翁亭不果

清流關
磨盤山

池河驛
臨淮縣渡河

淮北道中
冒雨發皇莊入靈璧境泥

淖甚深兢兢有失足之慮車中口占

宿州村家有種栢作籬者戲嘲之

春寒
旅店食紅蓮米飯

永城縣署與唐殿宣飲別

道旁官柳一樹獨枯
商丘道上戲作燕寄同年

宋山言二首
寧陵喜雨

贈正華長老
并序
伯牛岡在杞縣城東上有

丹子廟地非孔道行人罕有過而問者

重至陳留縣齋與許不器舊話二首

大雪暮抵開封湯西崖前輩留飲學署二首
徐大來太守送黃河水

雪後發汴城
渡黃河

延津城北望太行山
早過淇縣

渡淇水
鄴下雜咏四首

雨後發豐樂鎮渡漳河

醜渠詩
并序
題邯鄲呂仙祠壁

臨洛關
自格榿店騎驢至沙河

鴉食粒行
渡汲水有感於張陳事

上巳趙州道中二首
與張昆詒

定武道中
堯母泉在慶都城南源發

于平地四時不涸環城數十里間居民頗獲其

利
保陽城西望落翹山

狂風行
清明前三日重直
暢春

圍觀桃花二首
同年王樓村招飲白丁香

花下
閏三月朔與德尹同直內

廷次東坡五月一日轉對酌

苑東移居與同年汪紫滄同寓紫滄有詩和答三

首
同年佟淵若學士遊西山

歸出示見寄二絕句次韵奉答

題顧桓吳江送別圖為紀可亭學博賦

閏月十四日西苑送春二首

閏三月二十一日蒙 恩召入淵鑿齋乘舟至瑞

景軒蒞珠院露華樓徧觀各種牡丹恭紀四首

寓庭槐

四月二日 恩賜櫻桃恭

紀十韻

題孫書年松下清齋圖

西苑 賜觀秧田恭紀十二韻

四月二十七日 召入無逸齋看新竹恭紀十二

韻

題王麟昭桐陰撫琴畫扇

午日西苑直廬賦雨中榴花

敬業堂詩集卷三十五目錄終

敬業堂詩集卷三十五

海寧 查慎行 悔餘

還朝集 起戊子正月盡五月

家居一年展限已滿州縣敦迫就道勢難遽巡一術士

語余曰君欲賦遂初其在壬癸之交乎余笑而領

之既至都仍內直昔楊誠齋自江西召還陸務觀

有相賀歸館之作今集中所載朝天續集此其時

也後五年從江東賦歸果若術士言則余之退休

亦不遠矣

立春後五日清溪舟中大雪留別談未菴徐任

可十二韻

四野雲俄合孤舟凍始消東風鳴昨夜大雪灑今朝

迺成奇特斯須破寂寥連峯胥挺玉眾水畢趨苔委浪

疑鋪練投村誤斷橋微嫌經臘少偏愛入春饒亞白回

梅眼詩輕鬪柳腰近人何脈脈隨我太飄飄吟對知才

減寒禁待酒澆盡圖愁去國蹤跡咲還 朝時余將莫

便欺蘭蕙終須別艾蕭溪山有迷路長恐失漁樵 北上

聞少詹姪京邸計音時余方東北裝先馳詩四

章哭之

忽馳家信入新春凶問初傳或未真共許緘封纔偏臘

不知屬續已經旬 兩宮遣問無虛日一姓哀榮得幾

人屈指輜車定南下空將老泪灑征塵

早年同學晚同官永訣俄從小別拚去年四月楊州哭
有餘哀何日盡死無留憾古來難層齋路近瞻雙闕
淺土年深痛雨棺鼻復有靈知不瞑側身天地荷
恩寬

家門先後忝科名臚唱同聽第四聲遲汝八年稱後輩

丁丑春聲山從底常校編修余長余一月禮先兄
授職在甲申冬月間距八年
典貢生而聲山長余一月
前奏帖及班次余皆在後故
上籍咸入社名相亞廣受

還鄉夢隔生從此孤踪兼善病菟裘知復幾時營

推挽無端到不才王程何處不追陪每當 宣喚慙臣

老 嘗蒙 東宮名對以 特被 恩頒恤爾衰 丙戌十月 姪故呼慎行曰老查

可憐烹鯉沈綿候猶寄音書促我來

過梅里為竹垞先生留一日

鄭重還山約餘年準擬同如何向岐路又復轉孤蓬過
酒衝筵雪維舟拍岸風我衰公早白告別敢匆匆

虎丘花信樓與馬素村別

樓頭樹色已葱蔥樓外烟光薄未融客况前遊前度夢

去年二月泊舟樓 下五日乃渡江 春程一雨一番風綠蕪望極空濛際

丹陽即目

連橋芴有小車行不斷伊鴉軋軋聲夾岸坡陀帶殘雪

麥苗青上曲阿城

重過高旻寺留別湘雨長老

茱萸灣口記停船再叩禪扉已隔年四海僧皈康寶月
三生人說杜樊川閒投拄杖殘雲外倦倚征帆落照前
等是有山歸未得憐師還復望師憐

雪後晚抵儀真

白沙一道走平川野有耕犁步有船方頃瓊田鋪宿麥
幾村茅屋起蒼烟新泥滑路逢初霽枯樹攀條感昔年
曾是阻風中酒地老來情緒倍依然乙亥秋從六公 除舟阻風于此

江浦農家

江邑連年旱為農詎免饑牛羊誰是牧雀鼠自能肥野
廢林廬在城蕪戶口稀眼看春社近倘與燕同歸

滁州看山

霧薄疎林晴曖曖雪消幽澗響潺潺曉來衝霧踏殘雪
愛看環滁面面山

欲遊瑯邪山尋醉翁亭不果

征輪兀兀鬢催斑誰遣勞薪不暫閒咫尺西亭行不到
又隨春雁度關山土人呼清流 關焉關山

清流閣

一綫飛流百丈清洩雲歛雨落崢嶸時平久罷中原戍
地險猶沿五代名琴筑低昂因石勢風濤起滅付松聲
瓦銚茶熟行人渴只有閒僧管送迎

磨盤山

勿論九折與千盤涉足誰如此路寬
羊角旋風隨曲曲磨牛陳跡轉團團
連雲取棧紆終到峻坂迴車下最難
不是人間無捷徑漸鴻原自喜盤桓

池河驛

古驛千家聚鍾離北望派河流近淮
泗山脈盡荆塗客館論珠貴村醪計
盞沽明朝貪早發前路入平蕪

臨淮縣渡河

暴漲衝橋斷派城比石堅中流聲沸地
別浦氣沈烟渴虎憎關吏饑烏仰客船
渡淮魚米賤隣壤接豐年

淮北道中

隔岸草檝截人家綠映檐泥中逢驛騎
樹杪展風帆暮色遙天落春寒細雨
攙故鄉行漸遠猶未換春衫

冒雨發皇莊入靈壁境泥淖甚深兢兢
有失足之慮車中口占

泥濘忽如許行行險且紆平生無闊步
老去復長途不少前車鑿誰為將伯呼
短筇吾賴汝緩急幸攜扶

宿州村家有種栢作籬者戲嘲之

數椽曲木架茅茨雨打風翻大半歇
多少荆榛寬束縛屈將翠栢作樊籬

春寒

杏蓋稀疎葛葉短田家占候幾回過
春光只似宦情冷白渡江來風雨多

旅店食紅蓮米飯

見說大丘產紅蓮稻最良色疑新出水
粒愛乍除芒詩餘若浙罷鮮于染炊來軟更鄉曾蒙 天上賜隨

永城縣署與唐殿宣飲別

共作風塵吏聊追風昔歡分攜頻改歲
相勸一加餐酒余姪爾也余姪又為君婿時皆在堂

道旁官柳一樹獨枯

同根連理枝一樣被風吹莫問榮枯
意春工兩不知

商丘道上戲作燕寄同年宋山言二首

少治春秋老漸疑宋都舊事記依稀
近來六鷁多爭進

一官頭白校書忙

幾見因風稱退飛

寧陵喜雨

梁園春半好風光紅杏開隣宋玉墻
苦被時名牽率去

客過中州愛物華沙隨城外氣清嘉
輓轡轉井晨澆菜

榻橋開田午種花地產木棉土人但呼為花今其下種時也色暎酒壚三尺
紵聲和牛鐸四輪車空傳杞宋遺風在喬木何曾屬世家

贈正華長老并序

去睢州城北十里道旁梵宇俗呼鐵佛寺持住長老

吳人也自言蘇州嚴墓李氏子少依巨德禪師記荆
法名正華康熙庚申渡江北遊將赴五臺禮文殊瑞
像一夕經此坐道旁臥鐘下諦視則李正華姓名在
焉恍然悟前生之為行脚僧也茲地舊有佛廬明季
燬於兵火遂發願募化銖積寸累經二十餘年乃雜
草開林凡為殿四重莊嚴像設廊廡周遭僧寮及庖
廡之所共六十餘間仍以餘金買常住田二頃飯南
北往來緇衆今寺成而年老矣余觀而異之為詳記
始末并贈以詩

曾為行脚此經行聚鐵依稀鑄姓名重向荒村投一宿
忽從古佛證前生斧斯荆棘還初地海湧樓臺現化城
用盡萬金殘債了結跏依舊聽鐘聲

伯牛岡在杞縣城東上有冉子廟地非孔道行
人罕有過而問者

垂鞭來問伯牛岡
田叟扶犁過我旁
指點人烟最深處
一村新柳似鵝黃

重至陳留縣齋與許不器話舊二首

小許移官去回頭十四年
乙亥秋許齋岩出宰茲
邑邀余同來留此兩月故人
今宦此古義兩殷然
種樹添新蔭開池得美泉
重來娛

老眼光景勝從前

不料衝煩邑衙齋乃爾
閒簿書神不滯交友性相開
却
覬安余素居貧諒汝艱
一杯渾暖熱相顧慰衰頹
是日大風

甚寒

大雪暮抵開封湯西崖前輩留飲學署二首
二月梁園雪春風特地寒
行防街路滑到及酒升寬物
色符清望交情稱冷官
庭花經手植何惜借人看
一代文章伯中原桃李陰
青春聊作伴白髮莫相侵
與國培元氣於公識苦心
人知讀書貴土價比黃金

徐大來太守送黃河水

汴俗多鹽井黃流遠不侵
兩牛煩重載斛水抵兼金
澹泊知官味清涼鑿客心
飲河還自晒滿腹恐難禁

雪後發汴城

三日大梁住北風吹不休
朝來開霽景擬上渡河舟
此地多賢主吾生感舊遊
吹臺桃柳色臨老重回頭

渡黃河

地勢豁中州黃河掌上流
岬低沙易濶天遠樹全浮
梁宋回頭失徐淮極目收
身輕往來便自歎不如鷗

延津城北望太行山

河壩一小縣傳是廩
延城野燒痕猶在沙田廢不耕
民話思樂土客飯記荒程
指點鹽車路千峰馬首晴

早過淇縣

高登橋下水湯湯朝涉河
邊露氣涼高登橋朝涉
河皆在城南行過
淇園天未曉一痕殘月杏花香

渡淇水

昨日渡街源今朝涉淇水出山雖異冰相望不百里遊
子中原來黃流混混耳忽然鑿毛髮顧影落清泚風塵
有黧頰夫豈水污爾從旋旋得白正坐不知止逝者方
如斯於何觀止理寓形忌太潔外垢庶可洗

鄴下雜咏四首

湯陰城外千楊柳密罩征鞍過相州中有一株柔可愛
勸人繫馬拂人頭

一賦何當敵兩京也知土木費經營濁漳確是無情物
流盡繁華只此聲

頑礫粗礪少硯材詞人陳跡散如灰兩家搏土殊多事
曾範三臺舊瓦來

一月寒禁幾信風初從河北聽靈臺老夫準備看花眼
半日停鞭住鄴中是夕雷雨

雨後發豐樂鎮渡漳河

雷雨已過朝復暈早桃欲花烟滿村夢中似聞簷滴響

渡口微覺河流渾青山濛濛作雲氣白浪滾滾留沙痕
滏陽北望三十里舊事過眼從誰論義與許肅若過此有艾荷香粟到磁

州之句

醴渠詩并序

磁州在漳塗二水間大興蔣侯來知州事始至相度
地勢慨然思復西門豹史起之舊謀於州之士民咸
慮勞且費侯獨違群議毅然為之醴滏陽河為渠以

灌城南北渠之廣不過一丈深半之曲折通流建閘
以驗盈縮旱潦有備蓄洩以時行之十年開稻田數
方頃歲收數十萬斛初以為不便者後皆帖帖謂侯
之惠愛斯人惟斷乃成也侯名擢字試可余未識其
人過其境聞父老之言有古循吏之風焉作詩以旌
采風者

一州頓復西門績南北醴流引塗河綠樹成陰茅屋少
清渠夾鏡稻田多年深漸欲孽魚蟹利美兼宜植芡荷
他日誰裁溝洫志吾詩或可當絃歌

題邯鄲呂仙祠壁

百念全消一老夫神仙不信信浮屠直饒贈枕成何用
鼻息如雷夢已無

臨洺關

臨洺關前春水綠草色平鋪接沙灘戍人閒雜老農耕
拾得前朝戰場鏃

自裕種店騎驢至沙河

遙遙沙河城晶晶堆均白驢耳露雙尖驢蹄深一尺
鴉拾粒行

鴉拾粒行

牛前仰而犁鴉後俛以拾牛豈為鴉耕鴉因牛得粒農
夫呵牛長苦饑不如鴉群飽食東西飛
渡泝水有感於張陳事
泝河直下常山郡誰遣當年竟不流此事終留交道恨

萬屍填塹整兩人仇

上已趙州道中二首

幾日冰開合餘寒勒柳條十日前中州已見杏花而邯鄲以此柳未全綠氣候之不

同如水濱遊女少開殺趙州橋

與張昆詒時宰新樂

惠好自兒童相看忽老翁以君三歲長與我兩心同書畫性成癖絃歌聲可風桑榆須早計歸路免西東

定武道中

積雪春猶潦連朝釋凍痕鶯花何太晚榆柳不勝繁賞酒中山市騎驢代北村祇愁風色惡回首太行昏

堯母泉在慶都城南源發于平地四時不涸環城數十里間居民頗獲其利

禹貢遺風奠壤先帝鄉耕鑿故依然繞城半食蒲荷利源在南鄉一眼泉道旁石碑稱堯母鄉第一泉

保陽城西望落翻山

不斷羊腸麓東來方馬趨數峰銜落日此路出飛狐

狂風行

碧天杲杲日正中萬竅突發顛狂風塵沙滿勃晝冥晦瓦礫旋轉隨枯蓬使人口吻不得張耳目成盲聾馬牛來往紛憧憧問之不辨西與東是時三月初柳條舒綠桃將紅胡為噫此不平氣春行秋令毋乃違天公我行

邂逅偶相值墨守未易當輸攻心如混沌一不鑿外感欲入何由通適來日無影適去塵無踪盡收衆籟入素籥仍以一寂還虛空

清明前三日重直 暢春園觀桃花二首

煖烟晴靄互交加散作高低遠近霞行盡人間冰雪路又來天上看穠華

已逢蛺蝶未聞鶯閨歲春遲倍有情畢竟鳳城花信準早桃開候近清明

同年王樓村招飲白丁香花下

我從鄉園來不看鄉園花輪君京洛住久客還成家一株丁香高卑趁檐牙曾經上番種旋發春來葩獨抱冰雪姿亭亭遠塵沙良辰醉其下酒美穀核嘉夕陽轉庭西人影花交加我鬢已半白君鬢亦漸華自然法眼淨維摩經連翹塵不被紅紫遮為歡出邂逅所戒非窮賒後漢仲長統傳論楚楚衣服戒在窮賒

閏三月朔與德尹同直內廷次東坡五月一日

轉對韻

冠壓華顛帶繞腰重來心跡負耕樵傲居未穩連宵夢接武還同隻日朝上苑花開如見笑故人酒熟例相要殘年果踐歸休約擊壤猶能頌 帝堯

苑東移居與同年汪紫澗同寓紫澗有詩和荅

三首

近傷名園遠去郊無多屋宇半編茅春蠶慣作同功繭
癸未以後備載社燕來尋舊識巢景與征衫隨日換官
癸未以後備載隨手板幾時拋卜隣絕勝清漳宅蛩駟相依刺素交
茫茫人海此居停萬斛風埃兩葉萍草色階除晴不掃
槐陰門扇晝長扃同槽駝馬無耽嚙典謁家僮互使令
怪底羣情皆帖妥多緣君與我忘形

西苑鶯花幾閱春意初伴直只三人
癸未正月三日

余與聲山蔡澗始奉名入直後遂為例何堪夢覺存歿或恐詩成泣鬼

神時家聲山甫下世炳燭餘光銷晚境青雲岐路失前

困擲沙放手終同散沙放于旋復散敢向蓬廬認主

寶

同年佟淵若學士遊西山歸出示見寄二絕句

次韵奉答

浮嵐暖翠望難分忽枉新篇贈白雲賴是愛山同有癖

夢為麋鹿也隨君

西山何似西湖好欲問知章借馬騎今日烟波重到眼

去年曾和卷中詩
去年春抄與淵若西湖唱和

題顧桓吳江送別圖為紀可亭學博賦

舟移碧草綠波岸人別曉風殘月時此景此圖誰會得

江郎賦筆柳郎詞

閏月十四日西苑送春二首

九十春光百五餘綠陰陰處雨斜斜多情製帛湖頭水

長替東風掃落花
老去春遲願竟酬多添半月踏青遊人間何處無歸路
也被宮鶯喚少留

閏三月二十一日蒙 恩召入淵鑿齋乘舟至
瑞景軒蓋珠院露華樓徧觀各種牡丹恭紀四
首

宜喚欣承異數加高從銀漢泛紅槎行陪閣苑神仙侶

看徧春風穩重花穠淡何心隨造化丹青難貌是韶華

先一日得示梅檀別殿分明到只作華胥好夢誇

艷極真宜過雨看枝頭肅肅尚朝寒盤盃向背開瓊翁

瓔珞高低現寶鬘白日光中雲五色明波濯處錦千端

天工頃刻呈新瑞點出靈砂九轉丹

萬卉千葩未覺稠掃宮老監記牙籌薈林不斷通三島

花海無邊際十洲佳氣茵蓋蒸作霧餘霞縹緲結成樓

蓋珠一本尤奇絕徑尺重臺兩並頭

瑤階鈿砌望迴環映徹層層着色山 御譜新標題品

外 葩名凡九十餘種佳名微別淺深間心如草木春知

聞天並君王霽在顏一片爐烟成百和袖中攜得國

香還

寓庭槐

庭隅雙槐樹手植知何人自我來此居婆娑忽經春初

看兔目綻漸布綠葉勻高處種出牆容將遮比隣以茲

敬業堂詩集卷三十六目錄

道院集

重寓城南道院

疊前韻與同年賀集洲沈

岱瞻家東亭時三子皆同寓

小憇一莖菴與靜章上人

寄祝竹垞先生八十壽二首

趙价人乞東籬詩戲贈

題同年詹允繩小照二首

秀野草堂圖歌次顧十一俠君原韻

椿樹草堂月下分韻得侵字

初伏日集張天門前葦窩齋暑甚晚雨微涼

曉仙謠效溫飛卿體 天門席上分賦宜寄盤中

果物余得文官果限官字

長林豐草吾廬圖為林鹿原賦

李簣齋招集聖安寺納涼得火字

陳月瀧大常蘭竹艸蟲畫二首

白沙翠竹石江圖為吉水宗伯李公賦六首

分咏京師古蹟得貫休畫應夢羅漢像

雨中將青棠孝廉邀集城南張園用南字

夏日咏物分得青奴 次韻蒼周漁璜前輩見

寄 以蜜漬鮮荔枝二枚分餉漁璜前輩示絕句一章次韻戲答

立秋日陳南麓都諫招集桂雲書屋

佳山讀書圖歌為南麓都諫賦

分咏詩人居址得東坡

牛鳴雙村棹歌為郭于宮賦四首

七月十四夜寓樓對月

題恬菴上人匡廬訪道圖二首

七月十五夜陳六謙過寓庭月下小飲

題史耕岩前葦溼陽溪山圖即次原韻四首

題邵甘來滙水村居圖

初遊城南陶然亭 種藤歌為周桐桢前輩賦

德尹請假出都志別八首

孫觀河無隱室乞題詩

座主相國澤州公有別墅在西苑旁政事之暇間

一憇焉因取唐人郎士元詩意名曰半日村高

咏成篇命余繼和恭賦一章時長至前二日

紫滄同年出示百聲詩凡天壤間有聲之物無不

入其牢籠和之不勝和也冬至日獨直西苑心

有所會偶拈四題兼寄靈隱諦輝高夏湘兩

禪師亦屬雪中 冬夜集潛齋分韻

冬夜讀亡友錢木菴詩中有咏塵咏影二首嘆其

學道有得追和原韻 十二月初五夜夢一僧叩門乞詩夢中了了作四

言入句覺而錄之 謝院長餉白魚牛尾狸
院長疊前韻見貽追憶十六年前唐東江與余晨

夕唱酬事再叠韵奉答

次日復惠黃柑冰鮮蕪來索詩再賦一首

鑿水詞 次韵答李秦川

題劉若干前輩夜雨對床圖小照

送勞介巖副憲歸里

敬業堂詩集卷三十六目錄終

敬業堂詩集卷三十六

海寧 查慎行 梅餘

道院集起戊子五月
終十二月

余自甲申以後僦居城南道院者三年今春寓直

西郊五月 駕幸山莊避暑余仍回舊寓時同年

賀集洲沈岱瞻及家弟東亭俱需次入都樂數晨

夕遂定居焉安知後人不指此為浙西道院乎

重寓城南道院

壞壁留題在重來直似歸野鷗終自遠舊來積水潭
無復巢燕復相依獨樹風吹急叢葵雨打稀避炎宜壇

奕作計未全非

叠前韻與同年賀集洲沈岱瞻家東亭時三子

皆同寓

曲尺移牀臥分曹賭墅歸浮踪雖泛泛鄉語自依依到

眼青山近梳頭白髮稀杜門深自念五十九年非東坡
居之後社門燒香深念五十九
年之非余今年恰五十九故云

小憇一莖菴與靜童上人

槐影落空庭晝長鳥聲樂我來叩門入濃綠淨如濯禪

牀聊閉目非夢亦非覺微涼何處生風動袈裟角

寄祝竹垞先生八十壽二首

當代龍門望不輕得官何必盡公卿風清李泌神仙骨

帝錫張華博物名研經博物
賜先生匾額也若椀登堂無俗客

籃輿扶路有門生蠶魚不蝕長生字老閱巾箱眼倍明
自返初衣不記春十年鳩杖又隨身百分蓋滿休辭醉
萬卷書多轉益貪秋火烹鮮鱸氣味松風吹長鶴精神
儵然出處行藏外要是江東第一人

趙价人乞東籬詩戲贈

君不識陶公而乃號東籬君又未識我來乞東籬詩我
雖未識君尚幸生同時陶生千載上知我與君誰譬如
夢中人此夢非彼知形開神或合閉目若見之孰謂淵
明心與君不相期我詩豈妄作成此一段奇

題同年詹允繩小照二首

射策成名已有餘百城高擁意何如石田佳句堪移贈
更讀人間未見書

萬卷傳家手澤新五經腹笥自紛綸也應留取餘光在
分乞去聲然據鑿壁人

秀野草堂圖歌次顧十一俠君原韵

王麓臺仿
董文敏盧

鴻草堂筆意
朱竹垞有記

某樹某水與某丘曠懷往往消百憂無端弓旌被纒鎖
坐對塵埜生牢愁盧鴻草堂圖閱世已千載十志並流
傳其人儼如在問誰好事供瀟酒母乃真迹留王宰華
亭最晚出樵本發精采今之妙手繼者誰摩詰前身應
畫師丹青一變粉墨骨寫向尺幅尤雄奇云是吳中小
秀野何斯佳境移於斯堂中主人顧十一結客論文兩

豪逸百家汎濫流溯源萬口喧傳名副實我是當年入
座人淋漓衫袖梨花春愛其披豁氣誼真丰格仿佛餘
先民宴行之樂非絲竹水色烟光八窗綠半酣殿香風
雨來歎王跳珠三百斛辛巳初夏大雨中過秀
野草堂坐客皆盡醉鐵崖老
矣阿瑛貧空巷閒拋薜蘿屋可憐相見鳳城西僦舍還
同燕子棲猶能折東致朋舊局促肯放詩名低我詩胡
足道依稀葫蘆畫中藁惟君癖嗜之擘紙含毫共研討
留題慣惱甕臺翁作記深慙竹垞老吁嗟乎神仙富貴
孰有無默存豈必皆清都夢中五岳巾箱圖君歸來今
挾我俱以神為馬遠為廬一息十反良可娛賃春齧齏
難久居乃獨憐君屋上烏

椿樹草堂月下分韵得侵字第夏第
一集

草堂無樹月無陰但覺風生露氣侵跌宕久嗟良會少
疎狂終託故交深閒消長夏宜甘酒老傍清光耐苦吟
從此京華比河朔壘邊知費幾招尋

初伏日集張天門前輩寓齋暑甚晚雨微涼

流金已是報初庚誰耐銅街襖穢行伏日人歸東閣早
條冰銜暑一堂清風能却扇炎何有兩解催詩晚竟成
買得荷花蕪買葉碧筒留待夜深傾

曉仙謠效溫飛卿體

蘋霞照夕騰香氣丹樓絳闕五采文蟾蜍流銀兔噴玉
澹作淺碧魚鱗雲西池宴罷瑠璃淨杯面團團墮圓鏡

露警花宮酒乍醒
紫文早奏馳名姓
天雞振翰來剛風
俊聽萬戶膠膠同
九州大夢呼未覺
海底忽躍踰烏紅
龕髮絳節凌虛去
隱隱笙歌動初曙
一鶴高飛何處尋
羣仙只在朝真路

天門席上分賦
宣窰盤中果物
余得文官果限
官字

甲拆終難透勾尖
幸自完直同蘆筴
淡不比柘漿寒細
剖分甘瘦同登秘
色盤文名差底用
一笑顧園官

長林豐草吾廬圖
為林鹿原賦
銷夏第二集

鹿原名字天下聞
鹿原非鹿乃龍文
雄姿壯不受羈鞅
蹴踏往往空其群
世家嗜好通八分
楷法偶撫王右軍
一目的羅魏舒射
此事胡足以盡君
然而受知徑以此
遂釋塵裾于青雲
日星煌煌懸御製
目眩旁觀敢偷睨
居然給札給諭縻
染翰朝朝得瞻睇
天生本性終難奪
疏越公絃發孤詣
為言吾自愛吾廬
豐草長林海南滋
問君結廬曾否成
向人指圖先署名
譬如驥駉負轅軛
心縱欲往歸無程
老夫曩客三山麓
正值山頭荔支熟
汝兒謂同人導我入
西禪冰瀉銀盆香
剖玉而今道遠歎
莫致盡餅寧堪飽
饒腹不如棄置兩
忘情且免騎驢度
三伏珊瑚作鞭金
絡頭幾時穩放華
陽牛林深可投草
可臥此畫便是逍
遙遊

李簣齋招集聖安寺
納涼得火字
銷夏第三集

百蟲之長人為羸
執屬欲逃無計可
况當九陌鬱蒸天
萬甌烟騰塵坭埋
連晨喜赴遠坊招
似翼辭筴鏃隨哥
聖安寺古洵幽寂
湖柳村荒尤僻左
主人未到但居僧
眾客後來先揖我
是早余最先到
初除鼠跡布禪榻
旋掃蛛巢開殿鎖
槐榆蒼翠滴苔碑
佛青紅填粉堞黃
金鑄楠南曦欽空
穴來聲土囊哆須
臾雜杏履綦集餽
釘駢羅肴核夥臨
澗揮汗河朔豪物
外無災安用躲平
生曾授楞嚴偈欲
賦蘭臺愁炙輶一
官涉世馬加銜千
緒縈身蠶自裹動
搖煖觸互起滅煩
惱清涼塹吹簌袖
知冰釋還成水不
道風生却從火悟
來性火本真空透
過風輪乃初果以上六句皆本首楞嚴經語
何人可語清淨退
宋劉凝之有清淨退菴米
作記此地差堪盤
礴裸偶因趁伴作
良遊依舊觀心同
宴坐自然執毒無
罣入更怕虛空有
堆埵好音到耳微
雨來清景回頭夕
陽墮明朝俛仰便
陳迹聞處知經幾
喧歌野人好涼兼
好靜風畏浮名今
亦頗打鐘掃地結
願存樊南甲葉序云惟願打鐘掃地為清涼山行者
莫遺新詩浪傳播

陳月龍太常蘭竹草蟲畫二首

離披九畹雨垂葉
天矯半庭風戛竿
知是誰家舊籬落
却煩秃筆寫荒寒

蛺蝶蜻蜒盡作團
幽人措意非無端
春蘭作花危石底
瘦棘高於秋竹竿

白沙翠竹石江圖為吉水宗伯李公賦
即用題中六字

詩

展卷復長吟雙清到心跡秋風何處來滿眼江湖白
我公似康樂在家久忘家盤陀一片石坐閱恒河沙

巖廊四十年夙昔青霞志興到一回頭鄉山渺空翠

一寸二寸魚三竿五竿竹何必記平泉寓庭幽事足

霽靄林表雲鑿鑿波底石獨抱万里心卷舒不盈尺

過客尚留句愛茲山水邦天生好圖畫應屬李文江

分咏京師古蹟得貴休盡應夢羅漢像四集夏第

五千五百阿羅漢出世生天登彼岸其中尊者十八賢

龍象騰空來震旦白描晚入龍眠畫魔繞紛拏雜真贗

豈知遠出百年前巨幅流傳磨不爛翔麟供奉貴休入

為翔麟殿內供奉浮屠人詩才繪事兩絕倫自言夢與應真遇

覺來尙貌兼傳神心追手撫一揮就少緩則逝將失真

豐頤槁項多變相喜者含笑怒者瞋蓮藏已登禪月集

貴休詩二十卷名禪月集刻入大藏此圖淪落偏風塵老僧古寺深埋照

異物將歸有先兆當時畫本夢中成此夕遽然神復告

明朝有力負而趨卷軸儼隨飛錫到或疑十八缺其二

恐與李圖均被盜相傳明因寺中舊有李伯時畫渡海

本而僧不知也巧偷豪奪孰有無古往今來夢一覺去存者廣嗟嗟神

物難久貯莫逐青蛛便飛去君不見虎溪橋畔廬山路

羅漢曾為押綱具州事下

雨中蔣青棠孝廉邀集城南張園用南字

竹梧花藥勢相參門徑依稀到尚諧重與尋幽同野外

早曾繚句向城南亭臺易主名猶昔風雨留人晚更酣

二十五年真一夢白頭搖落感江潭甲子秋與姜西溟

十七人飲酒賦詩於此爾來園亭凡三易主矣

夏日咏物分得青奴

織作交加翠留筠發冷光卷舒隨笛簟瑩滑稱藤床比

扇三秋葉如童五尺長玲瓏須會取即事有炎涼

次韵荅周漁璜前輩見寄

結習多生未易摘得公投句喜登然遠山擁髻潭如鏡

秋水平階屋似船已外形骸猶有夢不離文字豈能禪

來詩云詩人祇應借佛論詩境何法真超色界天時以

垂老例參禪先生

以蜜漬鮮荔枝二枝分餉漁璜前輩蒙示絕句

二章次韵戲荅

從知物以少為貴兩首詩酬兩荔枝焉得嶺南三百顆

博君一顆一篇詩

重馬馳來幾騎塵開奮分餉孰如新老饜舌在終能辨

風味依稀似故人

立秋日陳南麓都諫招集桂雲書屋

老樹蒼藤捲幔秋旁添籬落綴牽牛鄰沾滿眼分清濁

諫紙開箱給唱酬小榻迎涼仍北嚮斜陽如火又西流

誰能不領園林趣每到君家愛少留

匡山讀書圖歌為南麓都諫賦九言古體

我昔嘗吟太白廬山謠亦嘗身到九疊屏風坳谷巖瀑
布倒挂幾万丈五老峰勢競出爭嵒崿一筇兩屐十步
入九顧東西南北上下同猿猱太白書堂不知在何許
樵翁指點此地雲松巢披榛取徑晚入青蓮谷道窈石
刻大字深而顛三尊銅佛塵昏儼泥塑半截苔碣對坵
如坤爻多年老鼠化作白蝙蝠飛攫鶴卵占斷長林梢
爾時曾作世出世間想曷不於此翦棘編蓬茅故人相
招頭白早歸去誤落塵網乃被移文嘲黃門先生今之
嗜古者展卷彷彿以漆來投膠風埃骯髒袞袞胡足道
直引謫仙居士為神交當時手持玉尺往校士剖析白
黑銖索疇能清眼中了了忽現雲霧窟匡廬面目踴躍
隨鞭鞫還朝改官載離七寒暑百四十寺鐘鼓猶鏗敲
命工寫圖聊寓瀟洒意遭逢 聖主牙笏那得拋羽皇
新銘都付夢遊境與雖勇往跡繫烟中匏棲賢拾遺讀
書舊曾隱公擇山房萬卷亦手抄茲山圖記流傳代不
乏但恐再往之計成浮泡清泉白石有約倘勿負君其
少緩容我為鳴鶻陳曾典江西鄉試故有玉尺校士之句

分咏詩人居址得東坡迎涼第五集

東坡本屬宜賓郡桃李陰從郡圃收前輩風流傳白老
後來名勝擅黃州白樂天為忠州刺史於郡圃東坡手種桃李往往見於詩句蘇公自謂出處老少粗似樂天東坡之號實本於白非偶合也平生得力在憂患此地何心

繫去留大似高鴻向寥廓雪泥指爪記曾否

牛鳴雙村棹歌為郭于宮賦四首

水淺沙平閣短篷西陂東埭往來通綠簑影裏跨牛渡
閒殺兩樵南北風

烟光霧氣不曾乾人與眠鷗共一灘湖似貫珠舩似蚌
酒如碧玉蟹如盤

見說江南水拍天而今江北占豐年自來葑塞湖邊住
黃犢生兒愛種田

小墾新開未起租四圍一色萬梢蘆紅薑紫芋村村熟
不怕人間有寇鳧

七月十四夜寓樓對月

此地殊空濶高樓更上層天孤一輪月星散萬家燈稍
覺浮塵歛俄看濁水激夜涼人不寐好景惜憑陵

題恬菴上人匡廬訪道圖二首

惠遠與少文前生定同社可惜愛山人今非住山者

五老雲松頂初登不道難近來無脚力只愛畫中看王秋余遊廬山曾上五老峯觀海編故云

七月十五夜陳六謙過寓庭月下小飲時六謙將出守

十頃空潭半貯泥秋蓮晴湧綠頗黎是夕積水潭被河燈城空鼓
角聲初動月出樓臺勢盡低佳夕一歡成邂逅故交垂
老惜分攜燕堂酒熟梅花發莫忘清遊補舊題六謙熱中往返

詩無見及者
故載督之

題史耕岩前輩溧陽溪山圖即次原韻四首

良常東下路斜斜小塌平橋接兩涯
夢聽雷平池畔雨

覺來滿嶼是桃花
桃花嶼見顧况詩句曲勝地也

栽桑種稻互回連柳色騎牛浦浦烟
碧水繞田田繞郭

村翁不識縣門前

官情澹與昔賢同聊寫歸心寄雨濛
此段風期難擬似

王家輞口謝東中

洮湖如鏡照人明雲霧翻從展卷生
欲借公詩論米畫

筆端風雨勢縱橫
米元章舊有深陽溪山圖故云尔

題邵甘來滙水村居圖

修篁出屋柳公隄牛放前灘鴨後溪
吹得讀書聲過耳

釣絲風色板橋西

初遊城南陶然亭

望遠村東緩轡遊
余寓居道院在望遠村東去亭纔二里忽從飲馬得清

流黃塵烏帽抽身晚白露蒼葭洗眼
秋風偃萬梢鋪井

底日斜雙鷺起城頭誰憐一派蕭蕭
意我是江湖未泊舟

種藤歌為周桐楚前輩賦
迎涼第六集

吾聞管子云十年計樹木稍欲望成陰
寧須校遲速君

言美蔭貴目前疇能鬱鬱待十年兩
株桑木手交植意

取引架遮炎天插竹扶持工乍畢鈴
鐃未騁龍蛇質綠

痕幕作薜荔墻不與先生障西日盆池
對水置廣庭細

鱗戩戩多于萍碧天倒影落萬丈夜久
却涵三五星此

間露坐差不惡翻怕團團葉垂幕放梢
何日過隣家留

待春風看瓔珞
家德尹潤木兩弟先後
傲居皆與先生比隣

德尹請假出都志別八首

去年夏旱今年水八口窮鄉那免饑
我坐欲歸歸未得

得歸何忍阻君歸

植檜移松已兩年家書頻寄問西阡
洛陽二頃談何易

稍喜躬耕有墓田

纔報歸期想候門夢中燈火荻花村
天教此老桑榆暖

六十攜兒似抱孫

舊巢架搆鳩雖拙老樹婆娑蠹已除
樊圃早垂黃橘柚

開池先養白芙蓉

涉脚迷途幸未遙六年官簿味同察
輸他勇退能過我

多賦山居少在朝
弟自癸未秋假歸丁亥冬還朝今又以病告

乞官無復步兵厨米價新來貴比珠
慙愧臨行留薄俸

折支能博酒囊無
宋時檢校官折支例得退酒袋東坡詩有猶費官家壓酒囊之句時俸米

故及之
方議改折

消夏迎涼紀歲華
自五月以來同人為消離筵忽漫對夏迎涼之會會必分題

黃花一尊勸汝重陽酒若箇登高不憶家

一菴猶欠結茅資竹本花裁要及時煩
寄兒曹無別語為余勤補舊柴籬

孫觀河無隱室乞題詩

丈室初從月地分木樨開後又逢君香風自滿三千界
真孔撩天幾箇聞

座主相國澤州公有別墅在西苑旁政事之暇

間一憇焉因取唐人郎士元詩意名曰半日村

高咏成篇命余繼和恭賦一章時長至前二日

頻傳騶唱出聞坊沙路西連紫界牆一室凝香回暖律

萬峰銜雪冷斜陽圖開別墅原同謝詩取佳名亦愛唐

會得先生蕭洒意寸陰還較小年長

紫滄同年出示百聲詩凡天壤間有聲之物無

不入其牢籠和之不勝和也冬至日獨直西苑

心有所會偶拈四題兼寄靈隱諦輝高旻湘雨

兩禪師亦屬並和

梵天一晌沈寥開誰激華鯨怒雷日落空林無客到

烟藏遠刹有風來三生同聽人何在半夜孤眠夢忽回

一百八聲敲不斷苦教積劫墮輪迴鐘聲

範金琢玉記同編古製難從磬氏傳小雨冷冷晨西竹

孤燈裊裊夜浮烟軍持老衲腰同折香積空厨室並懸

最憶山堂秋講罷一聲清徹似巴蟬磬聲白樂天詩
巴蟬聲似磬

緣木求魚又一奇巧將法器付雕師空虛自與敲鏗應

緩急都於梵唄宜響入松濤疑掉尾枯逃世網賴健椎

憑誰悟徹前塵事身是他山啄木枝木魚聲

三灾暮過晝沈沈翠堵波高蘭若深已向池中懸倒影
又從天半落清音石如解聽無生話風豈能搖久定心
若問此聲何起滅本來無縫杳難尋塔鈴聲

冬夜集潛齋分韻

我愛陳學士古歡金石諧在躍不忘潛而以顏其齋寓

直少閒暇暫歸名朋濟設繪當嚴冬迨茲風日佳素心

五六輩步履相與偕君家門庭高俗子無由階相公聞

且喜初筵示模楷獸炭紅麒麟地爐宿皎埋分題命觴

咏先日相國命題衆各拈的合座忘形骸盆梅初著花行列如人排

疎影落杯底清香入奇懷五言率未成壹醉衆已皆頭

盤雜拇陣錄事主所差錢綱卷劉若干興頗豪顧俠君

繆湘並量靡涯陳子世南氣稍怯罰籌密於數臥簪王

頽山浮蛆碧傾淮余惟兀然坐幸免出而哇客散二屨

留是夕余與綱卷留宿齋中連床聽膠膠皆明朝寒栗烈雪花點銅街

詩成從馬上醉眼還重揩

冬夜讀亡友錢木菴詩中有咏塵咏影二首嘆

其學道有得追和原韵

果否蓬萊海底生本來無質自然輕狂能眯目虛空暗

細解窺窗穴隙明羊角團團多借勢馬頭滾滾似趨名

泥融雨泥終難盡那得乾坤一掃清右咏塵

寓形宇內豈惟人幻出無端現在因我覺官骸多是假

汝依水月詎為真隨身只怪趨難避面壁誰知坐轉親

吹却油燈何處覓佛光中現舜多神右咏影

十二月初五夜夢一僧叩門乞詩夢中了了作

四言八句覺而錄之

有目斯翳有耳則鳴人方擾擾窺聰穴明空即是色寂于何聲混沌不鑿以全其生

謝院長餉白魚牛尾狸

樵山擘水致珍羞陋巷敲門荷見投細剝銀絲防骨鯁爛蒸玉面惜膏油酒嘗雙盃鮮同擊周紫芝詩買魚配酒為君嘗蘇詩酒淡欣嘗糟壓三冬膩欲流東坡詩長羨淮魚壓楚糟子牛尾狸詩壓入糟盃賦欲流由玉面狸詩壓入糟盃賦欲

院長登前韵見貽追憶十六年前唐東江與余

晨夕唱酬事再叠韵奉荅

憶昨狂吟不自羞瓊瑤屢報木爪投名園擘紙移朱舫綺陌迴鞭避碧油花下清尊殊跌宕雪中白戰也風流唐衢去後交遊冷忍聽嚶鳴出谷求

次日復惠黃柑水鮮蕪來索詩再賦二首

登梓磊落皆三寸照眼輝煌得八枚羅帕分甘先令節碧香留賦待新醅漸回水齒瓊漿來暖試奏霜刀綠霧開便與魏橙同給客拜嘉真自永嘉來稱請出永嘉者為真柑

風味依稀似繪殘侯鯖一月貴長安豈肌弱骨和美雪片冰花入座寒欲報已無青玉案盛來兼乏水晶盤連朝小試烹鮮手只累先生減食單

擊水詞

朔風兮夜號百川兮晨凍射白日兮冷光柔變剛兮石無縫千夫杵兮聲冲冲澍然解兮塊斯融天倒窺兮尋丈下歸無極兮馮夷之宮吁嗟乎水堅可藏兮從爾鑿亦既臨深兮其毋履薄

次韻荅李秦川

衰年注蟲魚如蠹蝕書史迂疎眾所易未契得之子扣門晨有投藻句霞散綺師承得前輩出語究終始子生本名家抗志矯波靡昨來應秋賦名溢人口耳展足抱未據挽頹力堪仔詩才尤秀拔氣壓侯叔返當今大雅宗四海歸繡水一老謂竹堧先生導其源揚瀾賴多士新倪擢茗穎舊調制軟美味道庶在茲詞章寧小技君看鳴陰鶴豈有寡和理餘風被東南矧迺桑與梓老人慎許可儻指故無幾往往為余言後來惟一李余雖分拙劣夙好附群紀來篇等括張機觸難自止殘冬互酬荅塵芥何足洗

題劉若干前輩夜雨對床圖小照

我恨不如遵渚雁行列羣群飛不斷又恨不如同隊魚朝朝在藻還依蒲可憐兄弟如相避萍梗沈浮劇兒戲壯年作客晚筮仕投老茫無歸宿地偶然風雨一連床僮僕芻觀詫奇事平生怕讀穎濱詩中有傷心幾行泪關中二劉今二蘇才名宦跡兩不孤有生聚散誰免得

看取對床聽雨圖長公秀骨仙之臞次公白皆豐而腴
題詩尚爾感顛顛令我展卷增嗟吁關河南距四千里
正坐一官爲累耳不見伯淮季江屢詔徵不起肯以元
纁易布被

送勞介巖副憲歸里十二月十五日

老伏青蒲振直聲冰霜凜冽歲崢嶸風波孰與批鱗險
華袞何如拜杖榮九死人皆危此舉一歸天特厚餘生
猶憐不及商山老鴻鵠飛時羽翼成

敬業堂詩集卷三十六



敬業堂詩集卷三十七目錄

槐蓂集上

春水次院長韻

人日出郊

院長餉新年食物兼示四絕句次答

鯢魚

蠟黃

對蝦

黃雀

春風次院長韻

次韵春雪

長孫興祖就婚雲夢寄詩示之十韵

院長餉柿霜餅兼示長律十二韵次謝

院長以乳酥餅見餉仍有詩索和謂余深於禪理

戲作偈語次韵奉酬

以紫檀鑲管筆一雙饋院長兼呈拙句

湯西厓前輩自洛中寄示重修香山寺記石刻拓

本

斗室

題吳寶崖雪龕煨芋圖小照

去年過塔灣湘雨禪師出所募金剛經順意見示

攜之行笈欲爲刊刻流傳有志而未逮近以呈

院長蒙疊筆字韻詩盛相稱謝輒次韻奉酬敢

請院長爲功德主此篇聊當募緣偈一首也呵

呵

座主大宗伯許公七十壽

辰敬呈長律四章 余自甲申春寓城南道院

丙戌十一月請假暫歸戊子三月抵都重館于

此已丑上巳前一日將移居宣武門外臨行題

壁 西苑新直廬

移寓示潤木二十韻 三月三日雪後赴西苑馬

上作

暢春園杏花次李義山舊落花和陳潛齋學士韻

同年蔣酉君卜築西郊詩以落之仍次移居二十

韻 暢春園芍藥

酉君同年餉甘蔗 下直經澹寧居後見新竹

出墻 四月二十四日奉 旨借

錢亮功汪紫滄兩同年赴武英書局編纂佩文

韻府口占示同事諸君二首

武英殿後老桑 六十生日竹垞先生遠寄

名錫唾盃茶餅 槐陰露坐

鵲雛為隣補所獲 自書局回寓作

喜雨 大雨過玉螭橋

新晴赴書局 庭樹聞蟬

種竹 瓶中白蓮朝開暮萎

對鏡覽髮 夜枕喜雨

新涼 秋日江亭雅集有懷舊遊

寄晚研滄洲西谷贊齋鹿原天農及家德尹得

遲字 一日假

旦入宣武門

題爛堂奉母圖為郭千宮

尊堂呂太君壽二首

張副戎有愛姬二人去年重陽日各生一子命工

繪圖同年劉大山有詩屬和一首

少宗伯王瑁湖先生別墅名甲秀園 皇上南巡

雲間凡兩幸焉先生自作紀 恩詩屬余繼和

次韻六章 九月二十日偕紫滄亮功

兩同年赴密雲接 駕往返三日馬上即事六

首 送孟靜齋之任錢塘二首

蒿痛借用昌黎韻 初冬集春暉草堂賦得菊

殘猶有傲霜枝十二韻

擬樂天一字至七字體以題為韵分得簾字

十月望後前輩周桐野同年王樓村雨中過槐移

看菊留小飲明日桐翁以詩見投次原韵二首

題湯西厓前輩出關圖即送赴奉天府丞任六首

題紫滄醉吟圖小照三首

古詩 題翁樹服別茶園小照三

首 盧六以庶常自藩邸入直

武英每乘小車以詩索和

送宋蘭暉庶常養親歸商丘兼呈漫堂先生四絕

句 得東亭弟滇南書知補授

太和令作詩志喜 從廟市買梅花水仙二盆

口占二絕

答破川程子和

除夕前四日宮想堂寓齋消寒雅集次東坡各段
屯田韵

敬業堂詩集卷三十七目錄終

敬業堂詩集卷三十七
海寧 查慎行 悔餘

次潤木除夕感懷韵四首

槐篠集上起巳丑正月
盡十二月

去宣武門西半里許有陋室十餘間高鎖頽廢有
年矣巳丑二月自西苑下直歸從馬上望見老槐
二樹亭亭出屋顧而樂之遂僦居焉爾雅連謂之
移疏樓閣邊相連小屋名也因借樹以名吾集

春水次院長韻

怪底堅成脆行逢凍釋時寒無蟲可語暖被鴨先知裂
縫防頽岸留痕驗故池何當供夕飲春氣漸如炊

人日出郊

老夫新年年六十酬應昏昏忘盥櫛朝來準擬出郊行
走馬看山作人日西風撲面飛黃埃忽憶故園新種梅
詩成寄問草堂弟臘尾春頭開未開去年正月於西
阡種梅數十本

院長餉新年食物燕示四絕句次答

類篇止有鮓魚字梵語蘇詩恐誤人說文玉篇俱無鮓
字司馬公類篇有
鮓魚釋氏稽古畧謂寶公吐鮓成活魚今江中四魚是
也東坡詩中作鮓鮓與鮓當是鮓字之訛本草失于考
證故我是江湖釣竿手爲公箋釋到纖鱗

次韻鮓魚

半殼含胎剖蠟房鮮宜糟壓嫩宜湯黃封拜 賜連朝

醉特試先生醒酒方蠟黃奇易
可以解醒

次韵蠟黃

吾鄉海錯雜魚蝦細瑣登盤品亦嘉忽見銀鈎如椀大
閩人好對浙人誇

次韵對蝦

嘉禾舊志說陶莊黃雀肥時早稻香徐頌至元嘉禾志
黃雀出陶莊秋後
肥自別家來無嗜好滿餅鄉味荷分嘗

次韵黃雀

春風次院長韻

又隨步履散今朝紫陌微微去轉遙頗訝渡河水易泮
不知吹髻雪難消南枝暗放參差蕊東面偷迎宛轉條
二十四番誰管領等閒聽過賣陽簫

次韵春雪

春寒不與臘寒同微霰來沾美袖風翠浪舞當三白後
香泥巧借六花融飄殘柳外濛濛絮送盡江南片片鴻
莫倚侵陵萱草色繞階須護蕙蘭叢

長孫興祖就婚雲夢寄詩示之十韵

聞說求婚媾為期在此春抱孫吾計日配婦汝成人雪
棹吳江岸風帆楚水濱間關憐道遠出贅笑家貧締好
因同譜親家沈謝遠為
癸酉鄉同年居鄉本比隣禮從荆布舊義取
悅情新莫倚嬌為壻須存敬似賓葭葦方有託骨肉自
相親去迨冰開候歸當燕乳辰阿翁南望切書報勿辭
頰

院長餉補霜餅無示長律十二韵次韻

駢實交柯重金烏下啄同小園秋晚挂古寺日高烘爛
爛燒空赤蒸蒸耀眼紅蒂留紅袖織用白香山
詩中事葉受墨
光駛用鄭
皮事耿餅餅佳名著梁桺上品充滑疑流石窰寒欲
殺尸蟲玉井千珠落丹田一氣通齒疎宜軟美喉潤覺
清空止嗽方殊驗時余方
苦疾數迴腸味不窮殷勤開尺幅檢
點閉輕籠食罷仍蠲渴詩來况愈風多煩霜雪意寵貶
白頭翁來詩結句云還堪持
戲善好配茶芝翁

院長以乳酥餅見餉仍有詩索和謂余深於禪
理戲作偈語次韵奉酬

昔聞佛者言醍醐蓋有自初從牛乳出香美非思議於
中得酥酪先後當以次我意殊不然強生分別事先生
味禪悅故以機相試聚為一團酥是一要非二散為百
千餅又豈百千味當其為乳時洵滴白牛致云何清淨
腸猥用忍草飼我無廣長舌報以真實義請看牧牛者
苦苦掣其鼻不若聽所之放牛着露地人牛兩自在彼
味非此嗜莫管乳酪酥醍醐孰同異

以紫檀鏤管筆一雙饋院長兼呈拙句

客從吳興來遺我雙不律森然秋兔穎毫末羞自匿削
管用紫檀可手製新出免冠頭不禿肯入中書室我老
腕力微何心計贏絀學書疑有鬼覓句懶無匹留之注
蟲殿如膠柱鼓瑟故用移贈公庶幾副其實實吳俞世不
作吳俞世
宋時筆工也諸葛法久失錢沈亦名流後來費評

騰雖非金與銀鏤刻分纂述猶勝斑與赤輕脆抱空寶
上將點絲綸次亦標甲乙含毫特餘興揮灑膏繼日新
年富新咏傳示盈卷浩汗或掣鯨精微乃貫蟲儲材
等武庫應敵在倉卒不以老見輕有作例牽率余雖勉
屬和十駕爭及一從公乞餘波仍以詩侑筆

湯西厓前輩自洛中寄示重修香山寺記石刻

拓本

龍門十寺已全荒金利誰尋古道場劫外豐碑開闕塞

天中軼事在文章雲泉舊境緣曾結白樂天香山寺詩且共雲泉結綠境

他生應作此山僧山水初心後果償幸為山水主是償初心復始願之候也語出樂天重

修寺記中公是樂天還記否前題多在暢師房

斗室

斗室無風入香嚴正寂然一株婆律火半榻祖師禪白

雪將灰候青烟未吐前此時參鼻觀消息向誰傳

題吳寶崖雪龕煨芋圖小照

神仙只累十年官枵腹聊為一飽歡何似雲龕風味好

平生不喫懶殘山人更喫懶殘殘東坡逸詩句也

去年過塔灣湘雨禪師出所纂金剛經順意見

示攜之行笈欲為刊刻流傳有志而未逮近以

呈院長蒙疊筆字韻詩盛相稱誦輒次韻奉酬

敢請院長為功德主此篇聊當募緣偈一首也

呵呵

五十墮醉夢不知經論律一從讀金剛稍開雲霧匿深
沈百尺低垂綆汲使出遊子久離鄉于焉返家室既歸
翻自痛精進力已絀欲除人我相兩敵勁無匹又為義
疏誤孰與更張瑟晚遇馬蹟師貝多示真實微詮警後
悟妙解證前失俗味知者希我衰天所騰誓將廣流布
期不虛纂述先生一見之析義豈待質執疑兩破碎決
若魚去乙詩來盛稱揚方便皎慧日黑蟻二方言卷之
僅盈帙護持付龍象普度及蟻蝨開雕拍顧成功德亦
易卒檀那視積案幸以銖兩率恒河計沙數百億生于
一庶將擬楞嚴勝授房融筆

座主大宗伯許公七十壽辰敬呈長律四章

巖廊重望冠清都黃髮年尊與道俱燕許文章唐巨手

程朱理學宋醇儒龍門拔地孤逾峻鳩杖隨身健不扶

指似天文人盡識壽昌方叶泰階符

司徒崇秩晉春卿端右迴翔寄不輕公自起家敦孝友

世因瞻斗重科名衣冠盛事者英社鄉國餘風月旦評

歷政不緣中外異依然冰貯玉壺清

集賢曾寫樂天真九老中今第幾人三月韶光連上巳

三月二日公誕辰也七旬觴咏屬初辰芝蘭得氣殊庭秀桃李成

陰薄海春共仰官高能下士虛懷仍以讀書親

朝回書靜愛長閒笑說生平杯酒間却向烟霄頻矯首

每從風月一披顏蕊臚遠夢馳千里松鶴高情在兩山

欲御籃輿知有處谷湖柳色待公還

余自甲申春寓城南道院丙戌十一月請假暫

歸戊子三月抵都重館于此已丑上巳前一日

將移居宣武門外臨行題鐸

三間古觀稱羈樓五見空梁補燕泥欲去每教僮灑掃

再來猶認客留題壁間有同年王方若題句飛鴻印雪原無跡倦馬

辭槽又一嘶怪底老懷殊戀戀西山多在短牆西

西苑新直廬在滄寧居後

雪林風沼候參差休假俄經百日期去年十一月年二月十日恰魚鑰曉嚴新契勒嚴新契勒鳳巢春換舊樓

枝路迴稍覺穿花遠窗靜從看過影遲笑逐班行重入

直龍鍾已是杖鄉時

移寓示潤木二十韻

久客身何着今來願始諧買鄰無百笏僦舍為雙槐中

有老禮迢遞連城角沿洄阻水涯閒坊聲較靜濕地勢

微注東野攜家具西枝寄病骸未能行躡屐那免出傳

牌橐俸先期給劔童宵雨差無裏中饋缺與弟入門偕

白木床分設烏皮几對指布衾寬稱席石炭賤踰柴茶

竈商量置書籤整妮排窗緣絲網掃池用瓦盆埋卷幔

通巢燕登梓待食鮭厨空浮白瓊壁挂踏青鞵車騎經

遇聞風光漸次佳但教塵隔卷翻愛草侵階擊鉢旋相

和吹篴分不乖近宜論洽比遠或名朋儕汲井昊天寺

買花南市街經旬許休澣亦未廢清懷

三月三日雪後赴西苑馬上作

鳳城西北苑東偏白髮尋春又一年殘雪泥融芳草岸

昨夜薄寒風勤柳花天非無好景來林外尚少遊人到

水邊獨把吟鞭歌醉帽時逢修襖想歸田

暢春園杏花次李義山舊韻

杏花即仙源含情似欲言問名憐及第詩為是春風及第

花得氣儼承恩流水悠悠溶態初陽淺澹痕綠新宜柳映

紅遠覺桃繁蝶翅輕二月鶯聲戀一團盈盈窺紫闥脉

脉待黃昏小睡披香暖微酣帶雨溫臘融難作蒂溫飛

融蝶作脂染定連根何處堪凝望達人自悅魂青旗風

綽影猶記酒邊村

落花和陳潛齋學士韻

桃是深粧杏淺粧開時有態落猶香東風自借孤蓬力

流水何曾出花牆

同年蔣酉君卜築西郊詩以落之仍次移居二

十韻

薄宦居難定同時與偶諧我方銘陋室君亦賦高齋題

道有高齋詩作計寧非達為生向有涯背城山漸近就水地

宜注昨構才容膝今營儼樹骸舊材留梓澤新棟拆松

牌斤斧俄收響僮奴免借差落成三月速扶犁一門借

農軸疲牛汗楊椿疥馬指烟光通禁籟野氣入荆柴但

取藩籬便何須鬪戟排書奇傾鬘買樹好帶花埋北釀
缸浮蠟南京案致鮭僧來攜蜀絹信去覓吳鞵壽母藤
輿健嬌兒繡祿佳碧枝風卷幔紅藥雨翻階即事歡皆
具生平願豈垂宵歸辭俗客晨直約吾儕故國三千里
黃塵十二街笑來除蔣徑無此好情懷

暢春園芍藥

方卉爭春放開遲賸此花雅禁初日照濃被綠陰遮隔
岸浮香霧臨池蕩綺霞年年三月尾病眼閱繁華

酉君同年餉甘蔗

小束青如削來從櫻筍鄉特煩良友餉何異大官漿促
節過頭杖清泉漱齒霜多君甘旨外有味必分嘗前一日先
惠櫻桃

下直經澹寧居後見新竹出牆

輕雷夜解斑籠籜地近宮垣勢便高應笑松栽成早偃
多年猶未出蓬蒿

四月二十四日奉

旨借錢亮功汪紫滄兩同
年赴武英書局編纂佩文韻府口占示同事諸

君二首

六年供奉毫無補 天語蒙褒下禁中聯步久趨丹陛
北直廬今寓浴堂東名連進士慙同進管充中書笑不
中那免退之譏磊落依然爾雅註魚蟲
上竊典誥薄風豎不數區區篆刻勞才盡更誰哀老子

課嚴渾似限兒曹舊巢未掃痕猶在奉
賜馬相隨骨漸高差勝漢廷飢曼倩官厨豐饌日仍南書房供奉

武英殿後老桑

出牆如益勢童童初日移陰小殿東辜負江鄉蠶老候
鳥鵲餘樵滴階紅

六十生日竹垞先生遠寄名錫唾五茶餅

張銅沈錫皆禾產一枝成名不偶然今日瓶盃成古器
後生誰識百年前

槐陰露坐

我愛雙槐好婆娑滿院遮蟠根容穴螿出屋帶棲鴉未
落三秋葉將舒六月花近身安片席餘蔭給隣家

鵲雛為隣貓所攫

庭南老槐樹當暑花葉敷有鵲棲其間雌雄將六雛毛
羽日夜長飼哺同慈烏家書故鄉來好客與之俱查查
每預報喜氣充我聞自謂得所主永無意外虞鄰家黑
白貓眈視生覷覷陰藏爪牙毒上樹提飛颺六雛一被
攫鵲起逐以趨似將奪虎口性命還須吏又似望人援
繞簷群噪呼倉皇不及救坐視為嗟歎我慵披鼠穿唧
唧繁有徒孔箱盜夜粟穴紙潛朝朝懈汝雖磔百千飽噉
臥毘能誰當刻責汝加以非分誅鼠黠鵲性良飛走族
亦殊云胡於此暴顧獨於彼懦平於彼為養奸於此戕

無辜汝腹縱軒滿汝腸義當判吾欲致張湯詰之定爰
書公然掉尾去借鄰以逃遁

自書局回寓作

書局限孔嚴晨趨事搜討歸來日云夕返景在林杪槐
花滿中庭鋪積亦復好小童懶無匹安坐終日飽故欲
習其勤時時令汛掃清風颯然至葉有先秋槁頗聞蒙
莊言勞生佚以老信書乃大繆自計胡不蚤

喜雨

京師夏苦旱熏灼如炎方霖霖偶微霑者盈道旁
沱忽大沛燦怒不得張簷溜粗于繩翻瓢挹天漿栽花
得新活臥柳回舊僵既雨萬彙蘇我亦中微涼風雲一
夢破境過旋已忘

大雨過王棟橋

雨聲衝破影中天百尺長虹万頃烟鷗鷺不爭車馬道
自遮荷蓋領雜眠

新晴赴書局

積雨暑未退快晴天為高肩輿出衝泥俯仰同桔槔豈
不恤人力用代鞍馬勞竊祿多懷慙何如返蓬蒿

庭樹聞蟬

委蛻知何處吾慮忽有蟬不嫌晴晝永轉愛綠陰圓薄
比彈冠况清同舉室懸柴門虛倚杖悵望晚涼天

種竹

潦退庭宇涼竒懷赴幽獨規將尋丈地遠景收淇澳佳
人來何方笑齒瑤水王欣然肯相就陋室空於谷上承
槐高清下蔭苔嫩綠未應供客看或取藥我俗我俗庶
可醫齋厨久無肉

瓶中白蓮朝開暮萎

街頭買白蓮帶露來座隅養之清淨水謂是西方姝朝
為木槿榮夕與桑葉枯既開必有謝元化周斯須老人
閱浮生過眼同一如那將熏染習累此冰雪膚寄語散
花天我非狡獪徒從今方丈室永拔汚泥株

對鏡覽髮

我髮日夜短餘存諒無多既白會當禿不煩行羯磨人
呼在家僧自署老頭陀黃精無掃法奈此秋蓬何

夜枕喜雨

偶裁窗外竹初不為秋聲忽洒三更雨瀟瀟亦有情

新涼

素角城端鳴初涼動砧杵西風一以發清絕遽如許大
化日循環吾生幾寒暑心空有遐託跡寓無久處社燕
如知歸飄然辭逆旅微蛩漫多思唧唧乃私語

秋日江亭雅集有懷舊遊寄晚研滄洲西谷賢

齊鹿原天農及家德尹得蓮字

酒徒半散天南北嶺到今年不作詩老去故應朋舊少
重遊兼感歲時移孤亭窄似維摩室秋水寬於阿耨池

却被僧留啜冷落主人來早客何遲是日新雙村治共諸君午後始集

一日假

偶得一日假心安良有餘簾涼便晏起髮短罷晨梳露角連城動風蟬帶樹疎故鄉頗水早翻怕得家書

旦入宣武門

桐鼓傳三千門開九衢曙老夫肩輿出日與輛車過粉書揚銘旌束縛同此路死有千載曠生無一朝寤嗟爾行哭人啾啾百蚊聚語出楞嚴經

題嫺堂奉母圖為郭于宮尊堂呂太君壽二首

天半鸞凰膝下雛承恩先為老親娛愛他五綵斑斕袖曾捧驪龍四顆珠皇上南巡時御書禮教

畫棟浮光縹緲間新摹宸翰作堂顏天生才子如椽筆欲賦閒居可得閒于宮供奉南熏殿

張副戎有愛姬二人去年重陽日各生一子命工繪圖同年劉大山有詩屬和一首

臨觀恰是重陽卦不比徐卿二子歌苗苗昔秋房原並蒂珊瑚越網又交柯明知照乘光相敵試問連城價孰多博得兩鬟開口笑一持侯印一提戈

少宗伯王瑀湖先生別墅名甲秀園 皇上南巡雲間凡兩幸焉先生作詩紀 恩復屬余繼和次韻六章

甲秀園開碧泖潯每從廊廟憶山林花如韋曲傳佳句

敬業堂詩集 卷三十七

風自卷阿繼雅音兼托丹青摹盛事獨將清曠契宸襟九峯高倚層霄上俯入軒窗是寸岑

喬木千章竹万根翠華臨處彩支繁帆檣隱隱頻移岸桑柘依依別有村野天開裴令墅冶城人識謝公墩陪遊何必身親到魚鳥能邀再顧恩

列仙圖籍本雲霄物外心期故自超雅有新栽矜異數喜聞屬和徧同朝兩回步輦花間入一色春旗柳外飄透出斗中光万丈御書樓閣冠巖椒

靈壽無煩借孔光朝回展卷好相拜書臨勅賜松花硯笏聚家傳鑰石林蘭畹芝庭方競秀石田菲屋豈全荒承明又名枚臬入始信鳥衣世澤長時長公麟昭

一花一木記平泉手植何人不解憐此日韶華娛舜目幾家雨露長堯年波搖曲沼黃金縷欄亞新叢碧

王椽總在雲蒸霞蔚裏畫圖欲繪恐難全陸機茸外野人家万頃畦風養麥花曉徑烟巒成掩冉

晚春雲物貯清嘉山莊細雨初回輦官焙頭綱正試茶扈從班中曾眊筆為公濡翰語非誇丁亥三月余隨駕獲游園中

九月二十日偕紫滄亮功兩同年赴密雲接駕往返三日馬上即事六首

黃汝朔野橫從紅散霜林遠近郊不是三人同寓目一年此景等閒拋

同官同直還同語六七年來不暫分比似天邊一行雁
飛鳴食宿總成群

塞柳風高透急站 田鑿時節正秋深身如舊 賜天

閑馬暮齒猶餘見微心

翠眊朱存歲往來歡聲奮地又如雷關南黎老爭扶杖

重見蒼龍侍 輦回

蝗不成灾慮種遺撲埤有 詔責官司直從場圃初成

候美到明年稻熟時

戴路頻聞樂土歌 聖恩寬大緩催科太平是物皆蕃

庶斑鹿黃羊獲校多

送孟靜齋之任錢塘二首

水旱頻傳接井疆畫船簫鼓半荒涼欣逢悃悃無華吏

往拯租庸積困鄉郡守賢如龔渤海謂張州民窮有鄭

榮陽鄭思老此行直比陽春脚膏雨隨車到一方

不改書生舊羽儀儵然一見識心期曾從譜牒知名久

與德尹未覺風塵筮宦遲劇邑簿書迎刃辨冷官門

戶少人持煩君蔭及先賢澤京兆岡阡忠惠祠先京兆

在江干花村外曾王父鍾忠惠公

齒痛借用昌黎韻

我年五十時落一牙一齒故人傳良方盥用井花水餘

存幸牢固自爾將及紀午餐漱方撤曉枕扣而起清比

啄木聲頑頑徹人耳寧知衰老候疾苦不由已積火壞

陳韻浮湯發頰能冬來忽擁腫縛縫生嚙碗難憑藥醫

治平最怕物觸抵苦開酸兩頰亂動憎食指平吞有哽

咽礙嚼無軟美苟觀不知難相勸進匕匙黃者半甌粥

舌在僅可錫連綿五晝夜腫赤乃漸止痛定得動搖老

夫翻自喜韓云吾亦云次第將落矣平生滋味薄藜藿

徒累爾時至適摧殘在堅宜有毀百骸推一例此蛇已

久委試看葉經霜終無戀枝理

韻

初冬集春暉草堂賦得菊殘猶有傲霜枝十二

黃菊將殘候嚴霜戒令時亭亭當晚節冉冉閱秋期正

使孤花秀何妨眾葉萎倚衰猶囁強競賞故參差澹入

高人目幽惟冷蝶窺似曾霑雨露終不傷樊籬搖落芳

心見低回客土移楓丹非本色竹翠是相知繞徑香雖

淺登堂影亦奇白衣誰送酒青女解催詩性在休嫌傲

寒多莫漫欺重陽高會少剩取一枝枝

擬樂天一字至七字體以題為韵分得簾字

簾俯檻依檐防客見避花嫌平鋪湘簟斜搭吳檐額飄

風細細鈎映月纖纖更無人處垂地但有香時透奩試

問陰陰芳樹底後堂玉笛是誰拈

首

十月望後前輩周桐野同年王樓村雨中過楓
窺看菊留小飲明日桐翁以詩見投次原韵二

老瓦盆中花十本上槐街裏屋三間眼前此景殊不俗
輦下幾人能愛聞我已掀泥除藜徑客方冒雨扣柴關
寒林瘦竹蕭蕭意着片疎籬即故山

土銜無烟硯欲冰一歡邂逅得何曾詩如老將渾無敵
花到殘年亦少朋紙閣留香清四壁畫屏肖影澹孤燈
直饒酒酸難拋在未敢多邀入社僧

題湯西厓前輩出關圖即送赴奉天府丞任六

首

中原桃李盡門生官比冰壺徹骨清此意 九重非不
達又持文枋赴陪京

奉天丞兼督學政故云

燕雲東北是重關咲指飛鴻滅沒間天與先生開眼界
自吟詩過十三山

里社粉榆接 帝鄉同時卿相半南陽居民老不知兵

革耕徧松桓舊戰場

沙蟲猿鶴總秋埃考證真須著作才別着畫圖車幾兩

東都少尹載書來

荒寒杞菊咲齋厨山海中間物產殊不獨秋原饒雉兔

入梢魚賽四鯢鱸

西風獵獵捲雙旌別路秋光雨正晴前隊朱衣非俗物

為君聊壯出關行

題紫滄醉吟圖小照三首

落花風裏騁交垂山谷前身定牧之綺語多生留一句

醉圍紅袖寫烏絲

朝 賜黃封夕奏詩玉堂人物數同時如何袖染天香
後偏愛科頭曳履姿

醉裏清吟眼界花樂天猶作少年誇證因亭上新翻侶
枯木寒灰別一家

古詩

花開昨夜雨花謝今朝風造化故無私循環一氣中舉
舉少年子彈指成衰翁翁衰從少得乃復憂兒童

題翁樹服別茶園小照三首

小團龍鳳碾初勻面首膏油苦闕新修貢亭荒官焙少
輸他一片火前春

湯老懸知客亦佳清風兩腋是仙才花瓷不少纖纖捧
辛苦磚爐自煮萊

君顏白哲我華顛猶記騎驢並入燕重向茶邊論臭味
出山泉愧在山泉

盧六以庶常自藩邸入直

武英每乘小車以

詩索和

輓轆勞薪五稔餘八騶雖乏勝騎驢伐輪自信餐非素
代步何妨進稍徐菊挂鴟夸應貯酒中安穢坐好攤書
多君博物張寬比定有人占第七車

送宋蘭暉庶常養親歸商丘兼呈漫堂先生四

絕句

歸途幾見着先鞭祖道回頭僅隔年去歲送太宰贏得
芻觀增太息此行真箇是神仙

長假緣知爲老親隨身匹馬兩車輪較量白傳香山社
膝下今多奉杖人

出專方岳入蓬瀛小宋文章又擅名獨脫朝衫歸養志
官情付與二難兄

薄雪初消柳未絲行期預遣報西陂羨渠到日逢元日
歲酒先拈第一卮

得東亭弟滇南書知補授太和令作詩志喜

送爾衝炎出國門弟于五月半年迢遞憶征軒星埃路
脫千重險冰雪書來一笑温官舍向來多北戶王程從

此少南轅家聲定有蠻人識身是前朝小諫孫明嘉靖
祖在諫垣疏系分宜相扶諫定邊尉

從廟市買梅花水仙二盆口占二絕

取意原從冰雪間水邊林下總怡顏黃花過後無聊賴
又破先生一掬慳

根株高下手親栽嫩蕊多憑火力催好與冷官添暖熱
一房紅日看花開

荅硤川程子和

有才如此我應求慙愧篇章屢見投愛說項斯長在口
自逢東野欲低頭苦心豈少知音識佳句殊難率筆酬
期子修途須努力莫爲噉點速時流

除夕前四日宮恕堂寓齋消寒雅集次東坡荅
段屯田韵

平生區中緣足迹天下半自隨廡乘秣坐致籠禽歎去
日行已多後期把難玩職雖典文墨官肯羨黃散冷澹
作詩人謹謹劖酒伴藁藁街鼓夕喔喔隣雞旦葡萄點
羹湯鮮腴釘梓案狂吟詞跌宕衆舞影零亂憑誰扶雅
輪於我奉沃盥營身有底急見事何妨緩壯懷付消沈
老學資講貫賈生蠲細故韓子就新儒欲回天地爐重
扇陰陽炭貧因思拔宅愛有歌適館幾時解嚴寒此會
得餘暖甘從百罰醉聊博一笑榮

次潤木除夕感懷韵四首

窮年趨走不辭煩休澣聊除半日塵武英節假後復入
始回七秩將開吾向老半生習懶爾無倫屋如參解東
西住樹接斜街上下鄰咲把屠蘇甘最後白頭何事尙
先人

病鶴摧頽戀赤墀尚憑瘦骨強知時早梅破臘心相許
殘菊迎春事亦奇歲中菊花自十月初至賓戲客嘲徒
今尚未萎亦一奇也啾啾人趨我步儘遲遲枯枿三百多平路莫關新翻巧
手摹

疎疎微霰墜無聲隨分招呼得合并陋室然薪爲蠟炬
荒厨煖酒用茶縑語便應對宜鄉友夢失悲歡長道情
錯料官中有生計依然共爾舉家清

風流幾輩記遊燕往事依稀契船細數流年殊暫爾
每逢遠計一悽然半年來吾鄉陳少司寇汪少司農龍
竹垞朱先生陳太守六謙皆物故蛇屢厄天何意蚤驅相
依老倍憐正自欲歸猶未得妄思駐景作巢仙

敬業堂詩集卷三十七

敬業堂詩集卷三十八目錄

槐篠集下

庚寅元日試筆戲效樂天體

湯西厓前輩見和元日試筆詩再疊奉酬

立春前一夕小飲西厓寓齋三疊前韵

湯納時表弟次前韵見寄四疊韵

劉若干前輩枉和新篇五疊前韵奉答

瓶中菊花入春未萎西厓前輩樓村同年聞之各
以詩相賀賦謝一首

六疊前韵答樓村同年

七疊前韵答劉大山同年

西厓生日再次瓶菊韵奉東

試燈前二夕再飲西厓齋即席分賦得鈎字

八疊前韵答同年吳南村

盆梅

若干前輩見和瓶菊詩再
次韵奉答

試燈夕吳篁村同年招集
雪後獨赴書局

陶然亭

戲為四絕句呈西厓桐野兩前輩

折早梅一枝插菊花瓶中蔣酉君同年繪一隱圖
見贈并系以詩次韵奉酬

燕九日郭于宮范密居招諸子社集演洪禪長
生殿傳奇余不及赴口占一絕句答之

題酉君同年花果冊四首

花朝集忍冬齋月下飲沁光春用東坡定惠院月

夜韵

分賦肅寧八月桃二首

題王海文修撰秋林讀易圖二首

幽蘭

淘渠

寒食詞

題吳寶厓西溪梅雪圖三

首

殿庭草

菊苗

三月十八日曉出西便門

至暢春園天始明

院長揆公於園池小洲上

新構亭榭落成自賦四詩其末章專以見屬次

謝原韵

從院長乞園中新笋次昌

黎和侯協律咏筍二十六韵

鶴雛和院長作

院長餉水鳥卵數十枚兼

侑以詩次荅

劉若干前輩招集聽雨樓

用少陵重過何氏園林五首韵

予昨作詩從院長乞筍有馬軍煩走送之句院長

謂余兼欲致酒也今日大風遣人餉笋及菊釀

二壘以詩索和次荅

院長以詩餉櫻桃次來韵

院長折園中雜花見貽以詩索和次荅

松花和院長

或云紫藤花蕊可論以點

茶下酒從自怡園采一斗許試之香味果清絕

戲作一詩東陳南麓都諫周桐野侍讀兩家富
有此花故以方法報之

題酉君畫荔支圖二首

聽琴工吳觀心彈欸乃作歌贈之

院長餉竹筍戲芽

題同年張嵩陸落葉詩卷

後

文安王孝子詩奉和安溪

相國作

新竹次院長韵

盆中繡球不作花者九年矣今夏復放院長有詩

索和次原韵

謝院長惠西洋蒲桃酒

題盧六以庶常抱經圖二首

送李敬齋庶常請假歸里

送梅雪坪出宰恭順二首

張萬陸有賢子三十而夭屬作挽詞

送同門孫斗文赴任武緣

送同年喬松華赴任永福

送楊次也赴平涼太守任二首

塞外二色芍藥五月始花院長揆公采得並頭一

枝屬蔣酉君繪圖兼以唱和詩寄示次來韵

送周桐野前輩督學順天

內閣北垣下有老楮一株歲久成陰相國澤州公

機務之暇時一憩焉恭州禹之鼎繪成楮窗圖

公自題七律二章命門下士繼和敬次原韵二

首

贈別郭于宮

同年錢綱菴舉幼子年月日皆與余同因命名同

初六月八日為湯餅之會席上戲贈

送同年唐益功出宰德清十八韻

送同年宮書升赴任臨汾

送同年歸既垣之任西華

藥苗初茁

暴雨

院長從口外寄餉灤鯽十二尾兩窗憶舊吟成七

言長律十六韻

送沈岱瞻赴任寶坻

送大司寇張景峰前輩罷官歸韓城二首

九十翁王德園輓詞

送同年朱明原宰永城二

首

送馮文子南歸時改就教

職

六月杪于庭前後種竹兩

叢入秋積雨忽生笋五株旬來森然成竹矣時

方移寓作詩志之

別雙槐四十韻

敬業堂詩集卷三十八目錄終

敬業堂詩集卷三十八

海寧 查慎行 梅餘

槐菴集下起庚寅正月 盡閏七月

庚寅元日試筆戲效樂天體

朝回剝啄門無客家會團圍巷有鄰湖木寓相 去一里許簷竹半

經霜歷捺盆梅全得雪精神顛毛白後無多許花甲周

來第一春除却過頭年六十另編詩葉起庚寅

湯西厓前輩見和元日試筆詩再疊奉酬

不愁遼海阻音塵西厓初自奉天 少尹遷任回京劇喜還朝作並隣客

疾過年當勿藥新詩拈筆果如神溪山偕往知何日步

屨相隨要及春只恐官高歸未易釣磯端合付徐寅西厓 詩以疾告故云唐徐寅歸老延壽 作釣磯探龍二編僕意以此自況也

立春前一夕小飲西厓寓齋三疊前韻

歸休終倘漳南宅西厓近買宅海鹽 全亦將移居於此偈仄今充巷北隣

無事不嫌頻扣戶坐談常恐太勞神燈前對影流連夕

花底開懷準擬春探借盤筵報節先庚三日午辰寅

蘇氏易傳先庚三日午辰 寅也後庚三日午辰

湯納時表弟次前韻見寄四疊韻

衰遲會合且風塵下榻閒坊近接隣每憶兒時纔轉眸

不談舊事怕傷神雪封村路梅花夢酒汎行厨栢葉春

壽骨不知相似否與君初度再庚寅范石湖六十一歲 自觀詩四人同丙

午初度再庚寅弟與 余同年生故引之

劉若千前輩枉和新篇五疊前韵奉答

多年文酒追陪地君有餘波每照隣曾向桓驄展風力
愛從稽鶴領安神校書館閣閒中老夢草池塘句裏春
敢擬唱酬稱執友後先官簿託同寅

瓶中菊花入春未萎西厓前輩樓村同年聞之

各以詩相賀賦謝一首

兩枝黃白膽瓶中猶記秋深折淺叢能伴幽人過殘臘
始知大地有春風延齡疑致神仙訣勺水終資造化功
苦被蚤梅催替代虛慙矜賞兩詩翁

六疊前韵答樓村同年

不分君貧我更貧何曾祭竈請比隣筆花入夢能為祟
銅臭如錢豈有神陋巷幾家還賀歲東郊昨日又班春
典衣纔了尋常債踏麩重思趁上寅造麩用七月上寅見長慶集

七疊前韵答劉大山同年

詩酒劉家代有人不煩事事乞諸隣篇章分得隨州派
釀法爭傳白墮神來詩用賈島杜康故以此答樂歲人情初見雪他鄉時序怯逢春憑君對我誇張少莫把生申比降寅大山

丙申生偶借用嵩高語

西厓生日再次瓶菊韵奉東

昏參日尾報方中又見蘭芽茁雪叢初度年年作人日
官居處處舉鄉風閒吟喜帶松篁氣却病何關藥餌功
要識脩然出塵意散花方丈淨名翁

試燈前二夕再飲西厓齋即席分賦得鈞字

簾閣春寒未上鈞重來竟夕為淹留印泥開酒波紋汎
雪窖移花蘊火采出漢書召信臣傳才小媿參諸葛坐格高可
怕老元偷樂天詩每被老元偷格律回思三十年交舊幾個如新到
白頭

八疊前韵答同年吳南村

與君日日為同直千方何須更買隣筆管城堪作冢
針傳繡譜豈無神青袍似草風驚曉蒼鬣如松雪鬪春
好乞上元連夕假重呼儕輩會二寅明方十二方逢寅同年又有公會

盆梅

姑射有仙人冰肌故綽約歲寒守岩谷風雪從饕虐無
端被巧匠裁接移根脚本是桃寄生而含梅跼蹐經冬
蒨花窖漸亦喜熏灼昨登廟市來帶土入城郭千錢買
一本手為解其縛我室清如冰依然愁冷落瓦盆一小
器局促焉足託本性倘可回相期返丘壑

若千前輩見和瓶菊詩再次韵奉答

結為三友歲寒中松竹行邊菊有叢併與梅同禁朔雪
不教蘭獨占東風衰遲光景參差信冷澹生涯長養功
此段閒情應入畫畫將林叟配陶翁時方屬蔣西君補圖以折枝梅花作

試燈夕吳篁村同年招集陶然亭

春來日日喜春晴邀我同遊不夜城燈火參差亭北面

管絃清脆月初更探花不減年時會對酒偏傷老大情
五十二人官太冷癸未同年在詞館者五十二人多君獨着繡衣行時吳

由戶部郎改授侍御

雪後獨赴書局

銀鑰初開右掖門最先衝雪到朱軒鴉穿髮松林影
鴿下呆愚印爪痕釵砌凝冰防履滑茸裘呵凍就爐温

此時忽動撚鬚興憶着橋邊竹外村

戲為四絕句呈西厓桐野兩前輩

碧海鯨鯢杜陵老虛空驟駢玉川翁後生不自量才力
却道同遊弄鼓中

顛倒波濤拆海圖補將百衲綴諸子天機雲錦非鴛繡

縱有金針度得無

百年神物在泥蟠俗筆多從委蛻看誰遣通身鱗甲活

畫龍容易點睛難

不知此曲唱誰家第一燈傳梵釋迦妙處可容添語句

故應微笑對拈華

折早梅一枝插菊花瓶中蔣酉君同年繪二隱

圖見贈并系以詩次韵奉謝

秋英春蕊忽交枝耐久翻成邂逅期高士累朝多合傳
佳人絕代少同時不爭犯雪開能蚤頗訝經霜萎獨遲

何物報君圖贈意亟來花畔對傾卮

燕九日郭于宮范密居招諸子社集演洪禪畦

長生殿傳奇余不及赴口占二絕句荅之

曾從崔九堂前見法曲依稀燄段傳不獨聽歌人散盡

教坊可有李龜年憶已巳秋事

上客紅筵與自酣風光重說後三三老夫別有燒香曲

憑向聲聞斷處參

題酉君同年花果冊四首

淡墨染花頭花心點焦墨不似戲猫圖寫生煩設色徐崇

戲猫圖

畫竹葉欲密畫蘭葉欲稀破空三五筆筆勢如飛

南村有諸楊不數陳家紫目潤朵吾願朝來吐饒水

蒲鴿青連蔓移根入塞難曾從天上副瞻許畫中看禮記

為天子削瓜者副之

花朝集忍冬齋月下飲泥光春用東坡定惠院

月夜韵

始雷送雨作花朝午後微雨初聞雷聲片月流空轉清夜故人招

我動春酌繫馬門前古槐下初聞辦器隔窗鳴忽卷湖

光入懷瀉碧壺貯液清漱灑黃糲流膏香穠亞淡交滋

味均有無久客杯槃通假借自然真趣出酬勸豈比恒

情論報謝篤嗜誰分南北筭群誰會惱東西舍已拚豪

舉任投轄待析狂醒須挫蕞蘇軾都蔗賦挫斯蔗以療渴從君泥飲

痛不辭與世周旋老尤怕何當口業並消除庶免人傳

供笑罵

分賦肅寧八月桃二首

王帶河邊花似錦南陽曠畔實如拳不嫌雪黍年光晚
長記幽風剝棗天

六月關南進荔枝西風北產熟偏遲 行宮瓜果中秋

宴珍重金盤拜 賜時五年前扈從口外
曾蒙 賜食此品

題王海文修撰秋林讀易圖二首

夢裏吞來記得不韋編重對纈林秋三爻已足科名用
一半還須向上求

君家易學吾能說前有通元後發微晉王長文撰易通
元經唐王子安著

微發 世俗但傳王輔嗣不知理數本同歸

幽蘭

蘭兮蕙之族幽者特早芳見別疑似間獲升君子堂初
來羞自獻既吐還深藏氣味則相親無風亦悠颺老禪
適靜坐鼻觀通微香

淘渠

京師飲汲井城減但流惡家家門前溝歲歲費淘摸九
衢豈不寬所向防失脚東風連日霽桃李嬌陽春看取
溝中泥還為衣上塵衣沾胡足道奈此塵污人

寒食詞

鈿車隱隱走輕雷兒女相將上冢回不管小桃攀折苦
競攜春色入城來

題吳寶厓西溪梅雪圖二首

苔枝殊冷澹况乃壓枝雪此時西窗琴瑟絃凍應折知
音眼看少古調誰見別聊爾動微吟含毫寫清絕硯水
渙渙散酒耳烏烏熱多謝造門人母來汚吾潔

我愛新城詩一緘寄冰雪溪山如在眼欲往屐齒折畫
圖與真境莫作強分別興到神亦俱雙清兩奇絕相逢
山中侶一笑回暖熱洗我筆端塵從渠噴太潔

殿庭草

東風吹綠花飄縫下有陳根幾百年惆悵履綦遺跡盡
雍和門外浴室前

菊苗

去秋所種菊墻角委土梗老眼無留花過時寧復省旬
來春雨足百卉擢條穎嗟爾一寸根勾萌亦自逞回青
識故處閱白感俄頃九陌交輪蹄干林競桃杏吾苗尚
毫末即事笑幽屏

三月十八日曉出西便門至暢春園天始明

夜枕過雷雨薄雲開朝晴起乘殘月影快作西郊行好
風從東來初日烟中生村村花柳氣寺寺鐘魚聲草色
既芊眠溪流亦洄澌于焉愜野趣暫爾遺宦情長恐芳
訊闌坐聞鸚鵡鳴白頭誰料理撫景中怛怛

院長揆公於園池小洲上新構亭榭落成自賦

四詩其末章專以見屬次洲原韵
面面軒窗盡枕流轉於空濶得深幽負山有力輪轆背

畫屏何年倩虎頭皓月激波宵似晝疎簾清簟夏先秋
尤宜落日平臺上遠景蒼茫咫尺收

四首新詩自落成尚留齋笏待余名雲烟物態論今昔
風雨心期閱晦明潑刺紅鱗當檻躍離襪白鷺導舟行
人間擾攘知何限不博先生笑絕纓

只擬松高對阮論朝回一意避塵喧辦香自覺心源淨
明鏡端除眼界昏菱葉牽絲紫瓦影桃花拍浪沒橋痕
此中何處容殘客應許扶藜獨扣門

神問身心影荅形籬杉徑竹對亭亭亭開編一盞供浮白
排闥千峯與送青鶴跡愛穿花底覓漁歌長憶雨中聽
年來自嘆才將盡擬向詩仙更乞靈

從院長乞園中新笋次昌黎和侯協律咏筍二
十六韵

及見初移植清陰漸滿軒万竿殊不惡五畝遠為煩條
蕩年將老篔簹定有孫遠旬雷啟蟄前夜雨翻盆驗長
纜分寸爭高自曉昏密侵苔錦厚尖透麥風温鳳凰形
粗具龍雛勢欲奮攢攢犀角利隱隱豹斑存行列雖無
次縱橫亦有根合充嘉客饌何待老饕言趨取猶含籜
兼當未易根斫教開鶴徑養祇護祇藩幾費輕籠貯曾
勞重馬奔千錢空市肆束帛吝丘園昔享山僧供今希
地主恩須防行礙屐那計避踰垣芼豈資薑桂香應敵
蒞蓀金烹憐久缺臺餽望頭番賤嗜終成癖奇珍且勿

論人情知貴少物類要刪繁蠹簡餘殘債東坡詩多生
味義猶食第
饑腸待飽殮堪唾惟食肉所忌亦當門正使因風
折何如帶土掀解饒勝嚼竹勤醉抵留髡頰朵頻搔首
詩成乍悅魂馬軍煩走送炊王迨朝嗽

鶴雛和院長作

太息胎仙種無端墮卵生羽毛存逸性風露學長鳴已
作離群立還看傍母行鵝王為擇乳雞粒莫相爭

院長餉水鳥卵數十枚兼侑以詩次荅

菽蔕深處有飛輪百族成群影不單遙想母歸雛已散
誰知巢覆卵猶完君緣野味分相餉我愛溪毛聚作團
擬倩家禽為啄抱勺圓未忍淪登盤

劉若干前輩招集聽雨樓用少陵重過何氏園

林五首韵

白髮春垂暮昏昏日校書忽聞傳尺牘招我過園廬簾
引新巢燕床拋舊佩魚此中饒勝賞大可賦閒居
締構尤加密規模故不移種花多結子看鶴又生兒樹
影搖朱舫苔痕上綠陂自然饒野趣高下有疎籬
高閣披襟處斜陽脫帽時流連今夕酒惆悵去年詩藤
亞交頭杖屨垂拂面絲獨來吾不厭况與故人期
頗憶家鄉趣聞談味更長露柁開粉澤雨葉展旗槍久
客徒漂梗浮生劇夢梁蹉跎十年計種樹恐倉皇
主賓原略分師友亦忘年愛讀先生句如聽古澗泉狂

猶能奮袂老只想歸田正爾良非易回頭各惘然

予昨作詩從院長乞筍有馬軍煩走送之句院長謂余兼欲致酒也今日大風遣人餉筍及菊

釀二壘以詩索和次答

乞筍何當更致醪嗟余母乃太貪饕頓教野老寒蔬賤

不怕隣姬酒價高一飯解苞登玉饌黃山谷謝人送筍詩都城一飯炊白

玉又云約文三升出囊湧詩濤五郊詩云詩骨一飯白解籜照寒玉

指動真踰分仙爪能從背癢搔

院長以詩餉櫻桃次來韵

小摘枝頭鳥未殘遠從筐筍照吾盤珊瑚碾出千絲網

鉛汞燒成万粒丹憶舊如雷門下賜嘗新合讓野人餐

條冰况味公能識熱不須獨要辟寒

院長折園中雜花見貽以詩索和次答

霧裏看花未屬厭煩分春色到窮簷儘教語燕來窺硯

便有遊蜂伺捲簾俄影自搖殘燭短餘香欲度晚風尖

多生結習除難盡容易波羅一咲拈

松花和院長

謾說風吹墜粉乾似花仍不作花看滲成些國瞿曇面

染得華陽道士冠鶴翅動來因掃拂蜂須難覓爲高寒

神方果有輕身訣斲取陰脂試共餐

或云紫藤花蕊可瀹以點茶下酒從自怡園采

一斗許試之香味果清絕戲作一詩東陳南麓

都諫周桐野侍讀兩家富有此花故以方法報

之

牛酥煎牡丹方法傳自昔藤花故見遺開謝任狼籍客

從山中來云此堪醜醋貧家乏餽釘一味忍輕擲飾庭

雖無緣謀野乃有獲郊園腓百卉高蔓走千尺瓔珞垂

紫英晴光燭晨夕畦丁幸許致爛熳助采摘一一柳貫

魚項筐手親劈天生物無棄祇在人愛惜于湘味食經

試以己意逆水淪既良方火攻非下策屏除蜀椒辣點

綴吳鹽白果然發芳鮮出釜登几席豈惟悅我口亦用

酬吾客人誰知正味事喜出劔關明朝馳短箋鄭重告

詩伯兩家富旨蓄迨此花滿格俯笑王濬冲營私鑽李

核仰慙陸魯望未免杞菊癖

題西君畫荔支圖二首

四月則太早七月則太遲上品貴適中熟當小暑時其

株皆合抱積實高纍纍色香與味三妙取帶葉枝金盤

薦華屋不以遠見遺向非王堂仙誰寫水雪肌水雪故

難剖畧煩點臙脂如披蔡家譜而讀蘇公詩

粵人既夸粵閩人亦夸閩君少飫粵費吾衰飽閩珍兩

舌雖不同知味諒乃均別來各踰紀夢想猶隔晨多君

繪成圖見畫如見真又復索題句與傳畫精神一枝風

露鮮齒頰回津津何必三百顆長作嶺南人

聽琴工吳觀心彈欸乃作歌贈之

九疑之麓瀟湘之濤碧羅帶繞青瑤簪元音一散万万

古墮入泱泱氣鬱沈漁翁鼓棹如鼓琴晚遇元次山柳

子厚為知音却將欸乃曲寫出烟波心雨濛濛兮木柁

榕鷓鴣低飛鴝鴂露一聲兩聲斑竹裂十里五里江天

陰秋風掠岸涼吹襟思婦夜敲斷續碾忽然日出花滿

林黃鸝紫燕春情惜遊絲飄空幾千尺山長水濶無古

今乍高乍墜勢莫禁愈近愈遠端難尋不知靚面者誰

子恍若獨坐成連海外之孤岑吳生絕技迺至此正氣

所感感更深我思欲學奈衰老心粗指硬恐不任膏肓

稍以砭石鍼有耳肯聽桑濮淫吁嗟乎吾之知吳蓋已

淺聊託寂莫滄浪吟

院長餉竹萌蘆芽

春山筍蕨本來甜蘇詩慙愧春山笋蕨甜難得城中二者兼一笑

開籠何所擬小兒奉配王織織

題同年張葛陸落葉詩卷後

詩境全從寄託深開編靜對見君心行收珠玉揮毫手

往和風霜落葉吟竹老為椽仍中笛桐焦入爨始成琴

五千言領知希意不要人人盡賞音

文安王孝子詩奉和安溪相國作

青青松柏樹蟠根上垂枝人生斯世間孰是無父兒父

子有常性曰惟孝與慈本與生俱來平理無奇奈何

千百載孝行傳者希將毋世教喪天性有淳漓其或得

天厚一念不自欺精誠未微聞天故斬報施艱辛方歷

試陰騭姑遲遲及乎感遂通較若稱銖錙適與人事會

彼奢本非私試看農家子任真初何師志壹氣乃充人

定天為移文安一小邑中有孝子祠王姓原其名厥族

蓋已微生小但依母不知父為誰母旋告之故朝夕恒

涕洟稍長甫娶婦長跪與母辭兒今欲覓父有婦侍寢

幃苦語挽不留隻身望天涯眼前盡歧路俟俟將安之

路窮乃涉海夢兆如著龜掉頭別母去雙足隨翁歸未

歸敢自必歸到翻成悲里鄰賀羊官長旌門楣團圍

逮眉壽仍世開襄基到今二百年代易族姓滋此事載

邑乘四方或未知安溪賢相公畿輔舊保釐訓俗務根

祇仁親以為期表彰先朝事欲令來者思手立孝子傳

復為孝子詩詩中何所云代述孝子詞讀之盡流涕恍

然目擊時康叔生奉母曹娥死負屍敢請追配古大書

勒諸碑

新竹次院長韻

青瑤流影照明珩陶詩亭亭盡放梢梢出屋寬粉澤未

乾宜露濯錦棚初脫奈風寒輕陰拂地應加密秀色迎

人尚可餐附入戴家新譜內釋名稱草恐難安爾雅釋

竹萌山海經其草多族厥族多管管以竹為草類故戴

觀之竹譜云事聖賢未有改易然稱草自有難安

盆中繡球不作花者九年矣今夏復放院長有詩索和次原韻

久留生意未為新近報唐昌蕊又新碎剪有痕千瓣雪
密攢無縫一團春壓稍自重非關鳥帶葉全低欲礙人
記得月燈球樣似白頭重見意猶親南部新書每歲寒
食新進士于月燈
閣置打球之宴東坡詩所
謂曲江船舫月燈球也

謝院長惠西洋蒲桃酒

妙釀真傳海外方龍珠滴滴出天漿醞醱灌頂知同味
琥珀浮餅得異香直可三杯通大道誰教五斗博西涼
平生梅讀無功記誤被村醪引醉鄉

題盧六以庶常抱經圖二首

三傳何妨有異同抱經莫學玉川翁賈家訓詰韓家論
可少盧家與折中漢賈逵有三家經訓詰親
韓益有春秋三傳論十卷
章句人人守一經可憐祗用博科名多君獨有膏肓癖
不傷長檠棄短檠葉字本屬上聲宋人
多叶平聊復借用

送李敬齋庶常請假歸里

與君書局同晨夕不道陳情爾許難李去秋便欲乞假
因成書限嚴今方
為敬愛日光陰雖未晚望雲懷抱幾曾寬無言可慰三
年客此去全勝十政官用章考
標詩語為報眉間見黃色高堂
一笑定加餐

送梅雪坪出宰泰順二首

行作折腰翁吟邊憶謝公攜家千里近得邑万山中椒
旌通閩賈魚鹽走去海童流傳永嘉學喚望起儒風泰
順州之屬縣明正統朝始置地連越民
俗什魯未有以文章科第起家者故云

竹垞門下士君為竹垞先生辛
爾江南所得士爾雅倍堪親前輩詩無
敵多才畫入神一官貧寄祿方卷老隨身去去君何恨
徒傷久帶人

張萬陸有賢子三十而夭屬作挽詞

短生寄長世如浮亦如沈高人付達觀且暮猶古今下
士重其寶服食延分陰相去九牛毛奚翅尺與尋造物
本無物榮枯隨所任奈何才不才分量費酌斟才者或
夭折不才乃森森此枋竟誰持報施味善淫嗟嗟張氏
子質秉玉與金十五工文詞長老咸歎欽二十舉鄉貢
恒苦疾痰侵夙慧天所騰道根種何深自知不永年瀟
洒託清吟三十遽謝世一笑遺冠簪歛以僧伽黎反乎
尸陀林其生類知道沒豈無知音我作哀挽詞以慰乃
父心

送同門孫斗文赴任武緣

百戶猗猗賦孤城瘴癘天茫茫赴長路草草別同年剋
日有嚴限之官如左遷桂林嗟已遠南去又三千
送同年喬松華赴任永福

碧水丹山路迢迢六七千桂林聞少瘴荔浦喜通船吏
隱安荒外人情薄眼前孫郎行更遠作計幸周旋謂斗
文

送楊次也赴平涼太守任二首

辛苦河隄使初停柝橐聲三年方上計五馬遂西征齋
釀葡萄味沙陀首翁程勿辭乘障遠領郡際昇平

開府吾鄉彥動名策府存典刑傳太史科第繼文孫世
以儒林重官仍露冕尊平生期望意垂老屬恩門司馬
公開府點陽僕在
幕下受知最深

塞外二色芍藥五月始花院長揆公采得並頭
一枝屬蔣百君繪圖兼以唱和詩寄示次來韵
草沒煙埋定幾時忽驚紅白出連枝號韓合隊方稱貴
姚魏分標未足奇若使入宮應薄妬却緣出塞更多姿
畫圖與釋從前恨兩首詩傳乃口知

送周桐野前輩督學順天

先生人中龍天與君子性平時頗跌宕臨事乃剛正憶
昨典浙闡量涵江海淨無私消謗駸冰雪久彌瀛至今
桃李門得士稱最盛數椽居帝里貧過榮陽鄭俸錢付
書估斗酒謀主孟時復召朋儕琅琅發高詠彈丸躍奇
句傳寫寧待竟李杜韓白蘇篇篇資考証他文率稱是
手筆誰能倩以此微 主知蓬山覓無僅趨營幾新輩
時世梳粧靚恬澹其素然卓哉覘品行國家設遺補拔
擢半長令庶常間改授歷職例不更敢云著作庭遷轉
薄諫諍於公實久次事異初徵聘比者適乏人銓曹列
名請去終焉寢前議上賴 天子聖宮坊俄晉秩侍讀
繼申 命小試惜宏才留爲作人慶使星不泄蜀畿輔
觀爲政古來豪右區當代儒風競文通山後族武連代
來姓一一揀管從妍姪歸皎鏡將空冀野群往矣執衡

柄絃琴視拂拭匣劍待磨銍苞苴自不入籬棘何妨攝
必若振先聲務須釐積病朱衣群吏導綵帳諸生迎詎
非稽古力榮寵一時併公貌謙愈冲公懷直且勁和光
得人愛嚴氣生我敬良辰乍招攜同人於端午日臨別
心恹恹城南好亭榭快若披畫幰每來必遲留天水互
激映飲徒散將盡自此稀游泳計公還朝日吾已理歸
柳贈言抒所懷甘被俗嘲評

內閣北垣下有老楮一株歲久成陰相國澤州
公機務之暇時一憩焉泰州禹之鼎繪成楮窗
圖公自題七律二章命門下士繼和敬次原韵

二首

詢知黃閣異人間獨樹能高便不頹蕭洒坐看移日影
婆娑行愛繞苔斑堂餐撤後仍開卷 賜杖攜來正押
班爲報官居如邸第太平機務有餘閒

自蒙一顧覺恩深地俯絲綸氣象森擣散不教成棄物
栽培聊許效清陰偶然此樹同温室豈少餘材聚鄧林
數仞宮牆窺不見媿從下里和高吟

贈別郭千宮

我初耳君名識面悵猶未吳中忽逅避衰懦增慨愴纏
綿一臂交傾倒兩心既顧歡同年舊莫逆笑相謂辛巳
君管書宣玉姑 謂是我輩人拔茅當以彙出其囊中什
辭始訂文焉 字字抉肝胃豁達淮海風鬱蟠河岳氣儕觀狎唐宋方

駕希晉魏獨立千丈姿昂然表凡卉私心驚且喜固是
 吾所畏竭來京洛間領略彌有味顧今不可作語及必
 長喟孰使顧不亡得君深自慰時時小扣擊枯槁需一
 溉亦復不靳予情同采葑菲生逢右文代多士雲黷黷
 瀟湘賦何消古鏡吟潘緯公車召方朔書學徵米芾君
 亦預承 恩南薰食官餼明堂儲杞梓丹雘視塗墜大
 海終掣鯨蘭若聊集翡翠塲昨俯就抱璞仍別跬多君
 失意來辭色少怨誹平生學問力胸自判涇渭頗怪窮
 五郊甘稱溧陽尉驢雖仰芻秣鴻肯離羅爵計決勇告
 歸會機適天乞叶去會機出唐書劉文靜傳金源舊文獻蕪沒幾幾
 蔚上賴野史翁流傳得髣髴補亡千載下自任一何毅
 零落四千篇緝緱成檜積君於中州集之外復搜輯金人詩二千餘篇進呈御覽
 幽經佛道藏搜採靡不暨經 進卷倍前 乙覽為增
 畝隨身給書局紙價往應貴汗漫鏤板期艱難治裝費
 若人富才藻所乏乃資屏崔硯幸勿焚萊服行且衣歸
 與洵可樂貧也何足諱綠楊暗河橋萬樹蜩螗沸南風
 吹祖帳好雨洗林熅掉頭君其仙炙背我如射倘念酒
 人遊尺書及塵華

同年錢綱菴舉幼子年月日皆與余同因命名

同初六月八日為湯餅之會席上戲贈

老錢年踰五十矣二月抱孫五月子錢先得孫子生距我六十年月日皆同時異耳人生墮地如轉環風雨小

劫須史間釀錢去作湯餅會為爾聊破囊中慳我今蚤
 衰似蒲柳玉雪蘭芽羨渠有生兒若要與渠同一笑還
 須十年後綱菴小余十歲故戲語云十年以後安知余不生一子與君稱同年乎老鯨造此口業罪過罪

送同年唐益功出宰德清十八韻

荆川嫡派承家學經濟文章孰比優忝附同年成進士
 欣看鄰境得賢侯是邦約略吾能說此去艱難爾勿愁
 小吏兩三迎水遞長亭五十接鄉郵旅蒲影裏攜琴譜
 茵茵香中發權謳到邑不離黃篋浮家且徇白蘋洲
 俗經早潦需仁政天與谿山賦近游千丈奇峯當案立
 一支健水入城流帆檣絡繹疑官路烟火微茫辨市樓
 籬落鳩鳴茶足雨野田雉雉麥先秋風醒曉岸魚蝦賤
 葉暗農郊桑柘稠碧甕村村工釀酒紅裙箇箇善捺舟
 向來風物原如此比日流亡稍復不開廩屢蒙 恩賑
 郵催科聊緩歲徵求瑟當急調絃須改藥遇名醫病必
 瘳預想居民多喜色愧無贈策佐前籌蟻封豕合長馳
 駿雞割何妨暫解牛別有虛懷人未識下車先為訪南
 州敞座師少宗伯徐公方致政里居故云然

送同年宮書升赴任臨汾

班聯銓序五人俱捧檄娛親爾獨殊登第三年先老鳳
 得官千里試名駒蓮花舊洞真仙宅蟋蟀餘風古帝都
 橋首共看汾水上一雙飛鳥是王鳧同年謁延者五人惟書升得居地

送同年歸既垣之任西華

侯封兩襲漢東京後漢鄧晨鄧闓皆封西華侯事載百本傳水經注專屬鄧晨者失考也里今傳小縣名却羨鳴琴來必子真堪捧檄慰毛生太行北望渾連塞洧水西流不到城見說中牟壤相接莫教卓茂擅循聲

藥苗初茁

一片苔封蟬竦橋汲從甘井手親洗金波處士如相過莫畫狸奴損藥苗圖繪寶鑑宋李諤之號金波處士喜畫猫于藥苗間

暴雨

的瀝初聞傷枕幃忽拋響瓦万珠璣虹霓故壯崇朝勢草木羣蘇一震威漏屋移床非故處破窗穿紙入餘飛雲開日出須臾事贖得新涼暫透衣

院長從口外寄餉灤鮒十二尾雨窗憶舊吟成

七言長律十六韵

無端枕上豐年夢果有嘉魚致碧滷荷葉解包腴未減隨花初腊味尤深入關雨後蹄雙躩粥市朝來尾一金射鮒故知同井谷魏都賦雖復臨河而釣無異射鮒于井谷揚儻豈必盡青林水經注鄆州廣濟青林湖每思長夏同垂釣不比嚴冬試落磔塞柳柔條三尺踈灤河新漲半篙侵賞花作賦榮曾預貫笠披篲力頗任躍藻莘莘看得雋駢頭戢戢快生擒德宗末六月乙酉丙戌夏秋之烹鮮屢飫天厨饌配酒蕪叨內侍斟行官侍宴事白首重回成往事素書

頻剖荷佳音鮓封倍覺分甘厚鐵化寧愁遠信沈長鉞人啗縵是蒯直鈎吾敢曲為針尚餘截竹為竿手可有臨淵結網心口業不停如宿債詩題繞到便微吟行當召客充梓案底用呼童既金鷲饋食例應煩十五加餐還望使重臨儀禮少牢饋食禮魚用鮓十有五而祖今尚欠其三故結語戲及之

送沈岱瞻赴任寶坻

與君忝同年生長同里閭知君孰如我骨月情豈但先公昔登朝名第南宮冠鳳毛看再刷省吏識珂傘謂宜上金鑿繼世典詞翰却將著作手移畫紙尾判得官向京東為鹵傷海岸古來畿赤地風俗率鶩驛太剛慮爭勝過弱恐示玩自從羅畢繁俯仰魚鳥亂須令靜以族毋致淪而渙雖殊南陽鄉圖牒行可按業田湯沐賜錯壤居大半莊戶接膏腴農疇雜耕慶斧蕪聽豪右鯨寡詎宜狂人疑作令難簿領苦堆案子雖軀短小其氣乃精悍才長百事能所少非此段望君朞月最許我一辭贊疑網破二三貞固事足幹初如迎刃解既過春冰泮夏書納桔服周禮掌灰炭瑣碎攬大綱豈其銖索箕情深不自禁語出背沾汗芻蕘倘可收幸勿怖河漢

送大司寇張景峯前輩罷官歸韓城二首

朝典推糾職 皇仁體好生事關同列忌公視一官輕已抱回天意休高去國名應同白司寇家世說韓城天以刑部尚書致仕板居書本傳其先本家韓城

槐棘論三又雷霆竟獨當不聞 廷辯語自拜乞休章
祖道千人帳秋風一葉裝大臣傳軌範投劾便還鄉

九十翁王德園輓詞 上元人其孫元
翁已丑進士

門風本是烏衣巷九十傳經比伏生壯日看花朋舊盡
老年種竹子孫成 有子五人 孫七人 社中天與蒼英壽身後人
傳著述名存歿於翁兩無憾同時銘誄半公卿

送同年朱明原宰永城二首

淮徐封壤接芒野舊稱饒風俗鄒侯國人家薛曄橋近
聞成巨浸行見布新條膏雨隨車去詠歌徧黍苗

毫社來陳寔桐鄉得仲卿苦辛憐舊尹 謂唐殷宜 慈愛播先
聲世羨成名早官因奉母榮古來循吏傳所重是書生

送馮文子南歸時改就教職

計偕憐七上屈就廣文種舊事青燈外歸程白雁前救
貧無善策攬鏡得衰年杯酒平生分臨岐意缺然

五株旬來森然成竹矣時方移寓作詩志之
六月杪于庭前後種竹兩叢入秋積雨忽生笋

兩叢竹種庭南北土淺泥融尚露根暫借清陰障炎氣
遠看穉節破苔痕人情舊雨來賓客家信秋風報子孫
時大兒婦輩
諸孫將至 珍重老夫臨別意歲寒冰雪不勝繁

別雙槐四十韻

位置雙槐好空庭洽恰宜校三雖欠一得偶不成奇拂
戶交垂處當窗並立時迢疑孤餘合高被四障知西匝

重簷益舒舒五丈旗葉心還吐葉枝亞復抽枝次第徐
敷蔭縱橫各逞奇問年忘甲子稱老日期願屈伏躩踞
獸深蟠偃蹇螭藤輪街宿瘤琴對斷炮皮畫聶輕烟蓄
宵炕暗露披希間星或漏密布管難窺蟬駉俄留蛻蟲
來遽引絲啄枯巢有鵲撼大穴無虻日月東西照陰晴
日晚移向來便嬾惰端賴拒炎曦張王貧官氣遮藏陋
室基寓形粗當尾取義合名籍步幃奢從設凉棚儉省
支展鋪新笛簾抖擻做書帷四角行攤飯中央坐賭碁
受風堪屏筭經雨為添締濃翠濡茶壺蟻黃墮酒厄愛
花勤汛掃弄影故參差忙閱名場速開叨造化私桑榆
收暮景蒲柳警秋姿物理循環具天心屈指推稍聞聲
槭槭旋見莢垂垂彼美真無度吾貪己不貲拙摹虛畫
手贊嘆少妍辭但使居能久休論種自誰棟梁寧缺用
節目亦奚施匠石慙頓睨樵斤幸勿斯儼居初為此覓
地更何之跡在終漂梗神傷未解縻依回經宿戀搖蕩
隔年期晤對曾賓主吁嗟奈別離役應難遂捨樹即是
相思鴻爪留齋笏蝸涎認履綦後來須護惜看取壁間
詩

敬業堂詩集卷三十八

敬業堂詩集卷二十九目錄

棗東集

移寓棗東書屋

同劉若干前輩汪紫滄錢

亮功兩同年登密雲縣鐘鼓樓

重陽密雲道中

樓敬思送菊

戲題吳寶產杖頭賞酒圖小照

自題淳熙修內司官帖後

題蔣樹存繡谷圖為王石谷所畫

題顧天山南原讀書圖

再為樹存題王麓臺宮簷所畫蘇齋圖

送張志尹前輩視學江南

杜大宗名維翰與余同舉順天鄉試三上春官不

第而歿家素貧乏寡妻稚子熒熒相倚十餘年

矣今秋周桐堃視學畿輔拔其遺孤若馨入泮

馨貧未能娶因以族兄之女妻之作詩以紀兼

示杜郎

陳乾齋前輩以院長兼領

教習作述懷詩四章示館中諸君諷詠循環贊

歎不足輒次原韻奉簡

郊祀喜晴恭紀

周策銘前輩雪後入直武

英疊院長四首韻見投感舊抒懷情詞斐疊再

次韻奉酬四首 嘉定譚生名在 欽取之

列而外來無咨送之文不獲赴書局辦事留余

寓兩年將歸口占送之

奉送座主大宗伯許公 予告歸里五十韻

十二月十七日出阜成門重過苑西舊寓是日立

春夜飲蔣酉君同年筏喻齋

謁座主相國澤州公於邸第見示 予告後新詩

恭上二章

沈岱瞻同年餉寶坻銀魚

除夕與吳少融程蒿亭湯納時陸宮翎朱以靜湯

公望家韜史小飲分韻得懷字

辛卯人日赴座主澤州相國之召席間公首倡七

言律詩恭次原韻 送同年徐師魯出宰安陽

二首

得石軒歌為汪千波兄弟

賦

南海子四首

重經朱大司空花莊有感二首

廖若村同年屬題椿萱圖

清明雨

即事

午亭山村座主相國澤州公里第也十五年前公

官大司農時屬虞山王翬繪成橫卷今從政府

予告將歸 上賜御書扁額公既作詩紀恩復

出此圖命慎行繼和恭賦七言絕句十二章

次韻答孟簡黃若木三首

題陳緘菴前輩西溪探春圖二首

奉題座主宗伯公松下讀書圖四首

題李後園鶴怨猿驚圖小照二首

老懶吟

張研齋前輩餉梅花片茶

盆池魚

送同年張耦韓宰靈寶

題同年徐師魯小照二首

師魯索題小照適飲藥酒微酣誤以為撫琴圖率

題五言絕句二首明日視之乃烏皮几也再作

二絕解嘲

墻西棗樹一株下無居人

似為余設也花時口占二絕

四月廿二日早赴西花送 駕避暑幸山莊

科詔

即事

病枕聞蟬

喜德尹至二首

喜雨

大雨中將入直東紅椒上

人

種決明

六月十三日大雨獨坐武英殿書局

題汪千波清溪放艇圖二首

偶詠庭前花木五章 續咏庭前花草四章

吳文數員外餉鮮荔枝憶戊寅六月與竹垞先生

同遊西禪寺餉嗽此味慨然有作

翁羅軒為西厓畫柳舍漁莊圖有詩索和次韻三

首

西厓視學中州重修龍門香山寺後一年汪退谷

以事入秦過洛中命主僧種松數百株因繪成

橫卷兩公往復之作在焉索余繼和四首

食鷄頭

以庭前新棗餉德尹二首

晒藥示紅椒上人

中秋赴座主澤州公之召

公首唱七律一章仰次原韻

席間遇雨相國復有留諸子待月之作再次原韻

題王文選浣花溪垂釣圖小照二首

題表弟湯納時授經圖

王樓村同年忍冬齋賞菊分韻得頭字十韻

次韻答東亭弟滇南見寄之作

武英殿書局告竣除夕口占

敬業堂詩集卷三十九目錄終

敬業堂詩集卷二十九

海寧查 慎行 梅餘

棗東集 起庚寅八月盡 辛卯十二月

庚寅秋閏大兒婦攜諸孫將至槐移湫隘不能容
乃遷居魏染衙衙西鄰棗樹一本已累累垂實矣
余下榻於東偏故名棗東書屋

移寓棗東書屋

一卷新編百首詩老夫昨日別槐移兒童上樹鳥鳥樂
正是鄰牆棗熟時

同劉若干前輩汪紫滄錢亮功兩同年登密雲

縣鐘鼓樓

三面魏峩一面平亂峯如玦吐孤城望中禾黍開畿甸
掌上風雲接帝京出塞雙鵬盤遠勢入關萬馬壯秋聲
夕陽樓下枯荻裏半截殘碑紀用兵

重陽密雲道中

過盡車聲十里岡牛欄山外作重陽黃花小店豐年酒
紅樹遙村昨夜霜短髻愁侵新節序浮生知閱幾炎涼
西風吹落叅軍帽不是年時入塞裘 是日 上自口外回鑾

樓敬思送菊

老去逢秋愛晚香故人與致滿車黃憐渠亦在風塵際
置我居然籬落旁折免小鬟偷插髻來如佳客快登堂
曾分一斗泉邊釀準備花時洗盞嘗 菊花易酒北釀之佳者夏初蒙院長

見編尚未開採也

戲題吳寶崖杖頭貰酒圖小照

新豐酒價逐年增笑爾粗豪老尚能一醉徑須傾五斗
百錢纔可博三升

自題淳熙修內司官帖後

淳化祖帖絕難得南渡摹勒傳淳熙其詳載在輟耕錄
官本舊推修內司臨江太媚絳潭瘦字體特取豐而肥
宋注遠閣帖辨記云其字精明而豐腴比諸刻為肥曾經翻刻凡幾手亥豕帝虎
辨者誰形模粗具木偶爾神理了不關須眉近來此本
亦不易世代漸遠宋拓稀大觀之後此其亞僅與閣帖
爭毫釐有如虞夏祖顛頊要是嫡派非橫枝昨從廟中
見且駭尤物乃落駟僮兒褻褻仍用球路錦十卷首尾
完無虧叩之高索錢五萬而我囊乏三錢雖少需便恐
被豪奪一計猛出居巢奇鳥驢克貨價相直快挾墨寶
徒行歸入門爨婦告米罄一笑那顧朝來鏡明窗小几
風日亮塵垢不敢侵吾惟古香透紙辟蟬蠹元氣入骨
騰蛟螭熊能異光黑點漆滑滑膩理膚凝脂試臨只愁
鬼掣腕旁睨幸免食朶願嗟嗟世俗價傳誤目所未親
公謾欺曹家譜系格古論歲月外繆餘可知 曹士冕法帖譜系云淳熙十二年乙巳二月十五日撫勒上石曹昭格古要論云淳熙二年乙巳歲二月十五日修內司摸刻上石按今拓本乃十二年乙巳九 偶憑一端為駁證食古以
耳皆如斯

題蔣樹存繡谷圖為王石谷所畫

憶初訪君尋繡谷，松緣棹轉閨門曲。桃花深陽數千家，三徑依然蔣生獨。到門先看八分字，爪甲如龍陷蒼玉。恰當首夏候清和，一色園林雨新沐。滿堂狂客歡譁集，詩酒衝筵事徵逐。曾蒙分韻強留題，不怪歸舟避槽麴。別來塵土換顏狀，霜雪盈頭沾寸祿。我方寓直鄰浴室，君亦辭家赴書局。寒窗瑣細註蟲魚，十指排籤管鋒禿。此時忽漫披橫卷，快若重遊爽心目。奉常筆法付宮端，分派同時一嘗熟。精研往往到毫末，縱逸寧容拘尺幅。雲頭解駁天光開，地脉盤旋風氣蓄。奇峯翠感龜山石，高嶂濃張洞庭木。莎痕苔迹斷復連，寬處編籬還補屋。漸深漸入宵無際，中有千竿萬竿竹。野老時拖拄杖來，幽人自展遺書讀。城端殘照紅將歛，遠勢投林鴉伴宿。惜哉此景落東南，欲往從之與說輒。畫圖非畫乃真境，試問歸期何日卜。樓鞋桐帽吾豈無，準擬相隨友麋鹿。

題顧天山南原讀書圖

吳中多世家，君豈瑛後人。抱奇乃日富，所得在一貧。米叟昔愛士，門墻分彌親。我自識君來，今幾三十春。姓名達館閣，蹤跡仍風塵。磊落見高才，激昂露天真。深惟讀書力，願此遠俗神。精理入毫銚，古言關苗榛。兀然三尺几，上與萬古鄰。糟醅殊少味，願君飲其醇。

再為樹存題王麓臺宮詹所畫藕齋圖

元四家法傳渺茫，華亭一老誰頡頏。我昨題詩說石谷，派裔近週婁東王。朝來復見宮相筆，令我展卷喜欲狂。君家繡谷中，舊有文翠堂。蘇齋想在交翠旁，不知結構幾時改。但覺城西竹樹轉，盼生輝光一丘與一壑。一重復一掩，似淺而愈深。為奇豈關險，與酣揮灑如化工。巖巒出沒初無窮，能將萬里勢移入園亭。中主人好事客不同，三徑非復求羊蹤。招邀笠屐作晤對，尚友直到眉山翁。樹存得東坡笠屐小像翁之來，今萬木風嶺海一氣遙相通。當時買田陽羨歸，未遂六百年後畫像乃落江之東。麓臺麓臺真老手，筆落神來洵非偶。紀聞異日傳中吳，繡谷名與蘇齋俱。此圖此像他家無。

送張志尹前輩視學江南

雙江西南來，銅崖起何陡。中流作砥柱，萬馬盡回首。先生其間名，望燦星斗决。科上甲乙掇，第聯子丑詞。館服虛衷同，官半師友讀。書事默識，呐呐不出口。洪鐘扣則鳴，傾倒靡不有。高明本乎質，器局隨所受。公實狷者流，貌和中有守。平生取與分，纖芥真不苟。天子稔公賢，臨軒簡端右。量材今始用，君卿試出西注意蓋已久。江南往持衡，編維人文數。銀臺門下士，君卿試出西根抵視出手。時會適使然，前車鑒諸後。自從風教薄，士習競趨走。腦蓋爭一門，日中有豐蔀。情先絕，請託物自呈妍醜。或虞節制尊，文柄操賢否。因之敵以下鬱鬱，徒抱負坦懷。吾

無蹊納約彼自曠方當前造膝胡慮旁掣肘率非公所
難時論何足刮古來不朽業要以精力取旌旄行出郊
祖道缺卮酒片言聊贈別敬起為公壽道在履初父素
往義无咎

杜大宗名維翰與余同舉順天鄉試三上春官

不第而致家素貧乏寡妻稚子焚炷相倚十餘
年矣今秋周桐堃視學畿輔拔其遺孤若馨入
泮馨貧未能娶因以族兄之女妻之作詩以紀

兼示杜郎

牧之京兆曾同舉稍長慙渠兄事余回首神傷三黜後
過車腹痛十年餘獨留病婦持家教能使孤兒讀父書
今日兩家羊酒賀老槐猶認舊門閭

陳乾齋前輩以院長兼領教習作述懷詩四章
示館中諸君諷詠循環贊歎不足輒次原韻奉
簡

重然藜杖照傳經光透文星是歲星鈴索自語清氣味
畫圖人識舊儀型用白樂天畫波涵鯨海千層碧地拔
像集賢故事

龍峰一朵青此日門牆稱最盛春風桃李屬頭廳唐時
翰林

承旨所居
名頭廳

北扉清切接延英一片臯比寄不輕半戴岩廊虛左席

六年林壑仰高情谷中吹律春長煖句裏探珠夜自明

豈獨殊才歸領院雅輪當代荷扶藪

鸞鳳多出上林枝劉井柯亭有去思公望久推師表地

人才況值 聖明時來聽長樂鐘聲度起視花磚日影

移法醞錦袍冬拜 賜太平故事在蓬池

經名千佛籍羣仙總藉文章與作緣冰署頭銜差耐冷

玉成國器頑攻堅鸞坡地重官宜攝驥路風清駕獨先

四首新詩代條教玉堂氣象一時還

郊祀喜晴恭紀

齋宮肅穆五雲端大祀 躬親不遺官閣道風清千步

輦慶霽日麗九層壇陽和徧宇冬回律燿火升中曉辟

寒天竝 君王同霽色萬年歌頌溢鸞鸞

周策銘前輩雪後入直武英豐院長四首韻見

投感舊抒懷情詞斐疊再次韻奉酬四首

酒邊劇壘記曾經白戰詩成擬聚星甲戌冬新城先生
座上微雪事分題

自入道山稱後輩每從延閣想前型重來客髻痕添白

相對朝衫色總青劇喜歲寒同寓直不煩巡到第三廳

李濤乞酒詩懽亂玉堂將
欲徧依稀巡到第三廳

人物他時數武英轉頭存歿感非輕傷松坪安公山堂
三前輩及同年朱

字綠 申歸寅入餘書課火冷香消付宦情粉蝕爪牛粘

鮮燥氣吹野馬瞰窗明天公未放勞筋息幹合弓膠且

受藥

鳳條安穩舊栖枝出入頻深望闕思地異終南非捷徑

羣空冀北已多時宣毫在握才逾富江硯隨身榻未移

十四年來翔步地後先鱗羽太差池此首叙先生重赴教習廳事

縞衣昨夜舞羣仙冷淡閒坊醉少緣至日我偏愁暑短

履霜誰與警氷堅寒寧易就桑榆暖驚豈能爭踐蹠先

何法商量了官事便隨二老賦言還時座王相國陳公宗伯許公相繼引

命下

嘉定譚生名在 欽取之列而外來無咨送之

文不獲赴書局辦事留余寓兩年將歸口占送

之

知爾不能薦世情良可歎往年曾獻賦同輩盡彈冠奉

上諭各館纂書人歲晚獨行急家貧久客難向南水雪

少莫慮布衣寒

奉送座王大宗伯許公 予告歸里五十韻

六卿 予告吾鄉少此舉公今冠海寧秩領春官大宗

伯光分南極老人星傳家忠孝遙承緒得路煙霄早發

矧瞻斗地崇依象魏搏扶力厚起鵬溟東流赴壑隨川

后西掌開山比巨靈質抱圭璋爭就琢文融金錫儼流

型淮南子金錫不流紫淵欲涉迷津筏翠嶽難攀歎絕陁

鶴禁向曾推舊學龍門誰不企高局容臺海歷非通職

宰相他時待掃廳吐納心虛惟愛士交遊道廣總忘形

絳紗夜捲談經帳雲母朝排隔坐屏獨以縶身嚴漏室

每持清議答明廷苞苴不入門如水進退何慙戶亦銘

正使含沙潛鬼蜮未妨擲瓦試清冷色寧可改緇加素

濁豈能侵渭別涇氣盛或滋曹耦忌言高備徹 九重

聽引年自據尚書禮唐孔戣以禮部尚書據禮引年韓愈上疏留之事見唐書本傳

宦還符退傳齡白樂天詩官歷二十改宦遊三十秋鶚公自壬戌登朝至辛卯恰三十年矣

立雲端原矯矯鴻飛天外又冥冥頻聞入市蠅傳赦為

報歸期鵲喜聆率土三辰光禹服泰階五紀慶 堯蓂

行拋手板牙雙笏笑解腰圍帶萬釘海外投竿連巨楮

人間巢睫任焦螟官聲緩應車前鐸塋語欣聞岸上鈴

無跡可求矜挂角忘機相對鶴梳翎行時楊柳風迎袖

到日桃花浪泊汀羅雀閒情甘寂寞烹鱸餘味取鮮腥

至張泉石精神爽拂拭雲埃眼界青泮水西來開第宅

六峯幽處置林亭映石梅曾之文大小山凡六竹垞曾以名閣舊栽松菊重

移徑新茁芝蘭漸滿庭兒是象賢齊謝鳳孫皆夙慧辨

終艇昂藏駒目人千里珍重巾箱世一經鄰有古風連

楠栢巷無俗客駐筭篁許評字字榮華袞顏誥家家奉

典刑物外衣冠全洒落社中首宿半凋零平生誼最敦

花萼老去情尤感鶴鶴徧逮九宗多郵睦近調三眷少

伶仃官貧弁乏元絃馬葉富猶餘武子螢何處追遊攜

几杖偶然乘興出郊垌靜敲深院棋枰響醉問名園櫓

窺停笛簾微颺涼過竹吟窗晴旭煖穿檣爐香鶴鶴分

茶灶樹影離離上確程童戴笠整清入畫僕克耘村健

添丁先生樂事行如櫛小子浮蹤寄若萍局踣伏轅踰

弱歲衰遲起蟄及春霆久知世路殊難騁屢夢田廬奈

未醒心賞隨時勤造請耳提即事發聾瞑飲醇特許沾
觴瀝饋食無由進土劍祖道逡巡思效駕守官悵悵類
拘囹昌黎詩守官類拘囹白家池上尋芳屐戴氏溪邊泛雪舫華
髮門生歸有約相期壽考頌椒馨

十二月十七日出阜成門重過苑西舊寓是日

立春夜飲蔣酉君同年筏喻齋

多時不踏郊西路寓舍重來尚有鄰霜葉滿庭槐失陰
雪芽穿土薺先春孤踪易著樓遲客一宿猶煩洒掃人
博得樽前開口笑白頭旛勝兩回新

謁座王相國澤州公於邸第見示 予告後新

詩恭上二章

上章今始遂初衣五十餘年願不違老鶴林端排霧出
高雲天上作霖歸別開仙境為詩境便息塵機入道機
若論龍門原峻絕不匹罷相客方稀

八載追隨在禁林奉公清誨識公心重編類上歸田集

不比伊川擊壤吟流水一彈真絕調朱絃三歎有遺音

管窺蠡測終難盡領味從人自淺深

沈岱瞻同年餉寶坻銀魚

濕薪爆竹歲將殘宦况聊同首宿盤三寸五分良友餉
一條水合腐儒餐別中加飯開魚素飽後投床夢釣竿
無物報君還自笑近來詩語帶梅酸東坡詩任任亦帶梅公酸謂聖俞也

除夕與吳少融程蒿亭湯納時陸官翎朱以靜

湯公望家韜史小飲分韻得懷字

藥爐新減兒曹病時兒建病初起酒盞重開老子懷萬事過頭
成舊曆一官嘗我似清齋好吟畢竟為情累懶性殊難
與俗諧倚賴諸君相煖熱隔鄰分火熱麻黠除夕焚麻藉京師風也俗

辛卯人日赴座王澤州相國之召席間公首倡

七言律詩恭次原韻

重開東閣撰良辰喜入新年倍爽神句挾煙霞非俗韻
坐談風月許門人黃封例賜承 恩舊白社閒居致政
新自此清遊好排日從公賞徧洛陽春東坡詩華顛賞徧洛陽春

送同年徐師魯出宰安陽二首

掉臂飛騰籍甘心本分官八年需次及千里計程寬邑
以名都劇人言簿領難誰知游刃意只作小鮮看
門風卿相後棗葦盡龍媒東海承儒術中原展吏才清
流泉百汜古跡鄴三臺片瓦今難致煩君訪硯材

得石軒歌為汪千波兄弟賦

行人學士兩詩伯兼抱元童好奇癖近因得石起軒名
復以長篇誇示客軒西舊是金張第臺榭居停凡幾易
丈人閱世如老仙土蝕塵埋久遭厄時乎顯晦豈天意
不遇閒官誰愛惜偶憑鄰叟指墻隅試劇青苔開地脉

雲根下插三十年虹氣高騰二千尺聞雷隱隱動牙角
出坎掀掀呈尾脊春直疑井底養成龍不信飛來化為石

君家院宇頗清曠添設闌干補籬柵長藤接葉樹交陰
 特欠懸嵒剖蒼鮮移山之力十夫耳四片湖龍一朝獲
 清泉淨洗見真形眾竅玲瓏受搜剔東西南北隨所置
 未覺中庭異寬窄花能含笑鳥能歌總向吟窗助搖篋
 醉眠大可當高枕雜座尤宜羅廣席吁嗟今人情賣菜
 爭求益疊巘層巒事堆積周旋孰與一拳多乃至以身
 為物役石然吾言應點首好共先生數晨夕試問閒歸
 京兆亭劉原父事長安志何如品入奇童宅見白樂天太湖石記中

南海子四首

萬株楊柳密藏鴉苑戶如農不種花四百餘年飛放泊
 至今樵牧屬官家
 纔過春分未禁煙畫橋冰釋溜涓涓清流愛照垂鞭影
 不賺人間飲馬泉

文圍如山百物馴黃羊趨趨鹿姓姓生來便入雞豚隊
 卧草眠沙不避人
 紅門草長少飛埃萬頃平疇掌上開一道修眉濼似畫
 近南遙識涼鷹臺

重經朱大司空花莊有感二首

載酒看花不計巡履綦陳跡愴城闈舊遊屈指誰還在
 我是當時末座人

蕭蕭宰木拱梧丘二十餘年莫駸休見說郎君頭雪白
 一官渾似謫江州公子敬如出守吳江已二十二年矣

廖若村同年屬題椿萱圖

莊子紀大椿八千為春秋風人樹諷草北堂取忘憂物
 類致不齊寄託各有在誰將女兒花孟東野詩萱草女兒花猥與
 丈人對後來遞相承用代父母稱雷同傳萬口故事於
 何徵陟岵亦望父陟岵亦望母拘文恐害辭義可斷章
 取廖生我同年天性實過人四十而孺慕有懷雙老親
 雙親從宦歸志未遂迎養所以仕於朝時時深悵望晨
 昏難自慰作底承歡娛重將望雲意添寫椿萱圖誰非
 人子歟此樂洵關命試問儕輩中幾家猶具慶

清明雨

九陌廉纖雨朝來阻鈿車擔頭春事好添種幾盆花

即事

舊日兒童戲風鶯跋扈鳴近來雌蜺蝶栩栩鬪身輕

午亭山村座至相國澤州公里第也十五年

公官大司農時屬虞山王翬繪成橫卷今從政

府予告將歸 上賜御書扁額公既作詩紀思

復出此圖命慎行繼和恭賦七言絕句十二章

天井西來第幾陁浮嵐千里拱翠屏井西道人畫不得

自有此山無此亭

萬丈光芒臨一州 宸章奕奕垂銀鈎煙霞指點最深

處中有 御書縹緲樓

蒿少之旁多名園家山近繞申甫門丈人石踞天下春

三十六峯皆子孫

午辟午橋名偶同佳名豈襲裴令公屋頭山色屋下水

多載桑經鄴註中

他時物產按圖經見說長松似狹芥曾活萬人餘世澤

天教仙草生槐庭

南陌東阡不斷雲龍岡佳氣何氤氳行人過者日無數

下馬來讀歐陽文

展卷尋常思釣遊太行天半阻歸軒誰知老鶴出羣意

早在千花塢上頭

崦裏人疑小洞天如今真個著神仙蒼髯白甲問無恙

已是歸遲十五年

幅巾藜杖去尋春盛事一時謹四鄰不獨公顏如雪栢

亭旁竹樹多精神

菱澤灣濼走白沙一渠新漲給千家野翁邂逅勿相避

丞相小車來看花

到眼風光涉筆成天然何必煩經營野桃官柳村村遍

五畝不居獨樂名

一德君臣進退間思深容易乞身還袖中攜得片雲去

肯羨為霖重出山

次韻答雲間黃若木三首

雅音日以遠里耳方好新凡卉擢穠華過眼同一春不
有味古士誰歟師民任坊云師民之選允歸人範朝家宏網羅械

樸皆煥新人人珠在握一一鳳集身君豈躍冶耶顧獨
遺陶鈞不欲輕比擬擬之恐非倫

我初未識君聞君窺奧府平生不苟出厥德自藻斧竭

來京洛遊黥則覲息補居停得所託養此好毛羽昨者

荷見存溫溫風心吐深知君子性不逐時翔武即以詩

學論自可立門戶

老年業不進少作悔子雲遷地胡能良鄭刀宋之斤輕

才不自給何以揚英芬官書日有課兀兀膏繼焚結習

復未除多生墜聲聞我感歎滋甚君懷感彌殷世豈無

士安與序瑤華文

題陳絨菴前輩西溪探春圖二首

寶所增邊松木場小溪水泮綠泱泱竹篙撐到水窮處

臘雪不香春雪香

不怕京塵漲帽裙參橫月落正思君何人喚醒羅浮夢

萬壑千巖皆白雲

奉題座王宗伯公松下讀書圖四首

七旬過後便懸車八座歸來尚讀書不礙須髯銀樣白

精神猶似入朝初

昨夢曾占十八公今於林下復相逢鄰翁笑指童童蓋

此是先生手植松

畧畧濤生細細鱗喜從畫裏著閒身腰金手板全拋却
別換輕紗一幅巾

階庭蘭玉看初成萬卷傳家抵百城他日松風吹几杖
執經猶有老門生

題李後圃鶴怨猿驚圖小照二首

晨晷夜鯉烹殊借春韭秋菘味最全此段風流君不乏
故應慙愧督郵前

文人自古相輕薄不獨山陰孔稚圭我為解朝還一笑
絆將驥足展牛蹄時李赴唐縣任畫一牛車坐其中

老懶吟

筋鴛肉緩稽叔夜齒豁頭童韓退之自分我今兼二者
那將老懶逐兒嬉

張研齋前輩餉梅花片茶

摘得梅邊小瓣香雨餘出焙勝旗槍茶人預入前宵夢
茗使旋分細色綱水態花情論臭味髻絲禪榻借風光
開籠未敢輕煎點待淪清泉自在嘗

盆池魚

埋盆當小池中貯斗斛水紅鮮二三寸厥族殊鯽鯉孽
粒晨飼之駢頭而接尾居然樂同隊似識爭競恥江湖
豈不寬吾力止於此含珠或望報一笑可以已

送同年張耦韓宰靈寶

地當分陝舊稱雄劇邑依然函谷東百里桑麻通號畧
一塍花柳界臨潼神明世合推賢宰悃愾君能復古風
別有高人占紫氣仙才寧滯簿書中

題同年徐師魯小照二首

琴調古於松琴心淡於水君勿改君絃吾方洗吾耳
林風吹月上下有涓涓瀨何處覓知音知音不在外

師魯索題小照適飲藥酒微酣誤以為撫琴圖
率題五言絕句二首明日視之乃烏皮几也再
作二絕解嘲

認將髻几作焦桐笑口重開展卷中道是醉人多謬誤
終慙老眼太朦朧

松風水月與傳神何物能消簿領塵不待客嘲先自解
畫中賴有抱琴人

牆西棗樹一枝下無居人似為余設也花時口
占二絕

童心預想三秋實吾眼聊看四月花見說西鄰曾去婦
故來與爾作東家

獨樹移陰落檻前清香端為病夫傳斜街一榻槐花雨
已是浮生過去緣憶槐移舊寓也

四月廿二日早赴西苑送 駕避暑幸山莊
麥隴瓜疇曉氣溫朦朧淡月漸無痕殘星帶火沈千點

新綠如山擁一村老馬熟諳城北路雜鶯又報苑東門
征衣長短曾蒙 賜篋寄三年倍感 恩自入武英書局三年免應

科詔

科詔重聞下大廷
忿忿幾輩出郊垆
冬烘一老粗知分
閒卧天街閱使星
余自乙酉以來鄉會試
應列銜名俱引分辭免

即事

盆池綠淨午晴初
尺水中涵萬象虛
一片玻璃天上下
白頭影裏過遊魚

病枕聞蟬

閒門無剝啄
倦枕閱晨暮
風外一聲蟬
誰家庭下樹

喜德尹至二首

近接元宵信
添丁報玉川
弟於元夕得子
重來堪一笑
小別費三年
貫酒逢花醉
移床聽雨眠
城南數間屋
相遲亦前緣
弟所居即三年前舊寓也

六十吾過二君年
正匝巡所傷
非齒暮無愧
是官貧骨月性相近
田園話倍真
舉家同旅食
渾似帝鄉人

喜雨

六月黃塵裏
炎蒸何處逃
乍涼蟬嘒爽
將雨燕飛高
天意回枯槁
人情散鬱陶
久醒思一醉
連夜致香醪

大雨中將入直東紅椒上人

泥深路滑強肩輿
童僕何由借
寒驢輸與城南詩
老衲一爐香坐雨
安居印度僧徒於五月十六後坐夏謂之坐雨安居以此時多雨也

種決明

眼昏欲試醫
治平法
庭下朝來種
決明八廓五輪全是障
龍木論眼有五輪八廓內外之障
却思草木養餘生

六月十三日大雨獨坐武英殿書局

宛轉西城路
衝泥入禁垣
稍欣人語少
故覺雨聲喧
螭吻剝雲黑
龍頭吐水渾
微涼生殿閣
沾洒亦君恩

題汪千波清溪放艇圖二首

三百八梯白岳四十七瀨
清溪船頭已安茶具
船尾可少偏提

載書我昨曾到老去
重遊大難五百灘頭回首
羨君搖艇新安
太白詩聞說金華渡東連五百灘他年一攜手攜艇入新安

偶詠庭前花木五章

茉莉本鬢華
佛書鬢華即茉莉也
南人不之重
結籬雜枳棘
爛熳寧煩種
西江糧艘來
此物克土貢
民間近亦夥
廟市排奩甕一本
值數千探支一月俸
貧官俸有幾
減口為目用

秋葵特小草
幹直葉頗剛
鴨脚不中蔬
移根自銅梁
黃蜀葵賦移根遠自於銅梁
經時得土性
伏雨回微涼
一日閱一花

半月如人長
檀心暈深紫
金瓊含嬌黃
詩翁亦何知
輕比道家粧
薛能黃葵詩記得玉人春病後道家粧束厭濃時

棗實初如芡
垂垂挂屋角
秋陽一以曬
脆美漸可支
或慮壓枝低
隔垣探掌握
家童方竊食
遑問野鳥啄
朝來風太狂
響瓦若冰雹
天公有暴殄
靜者庶先覺

決明乃叢卉
細莖挺蓬麻
兔目葉如槐
秋前吐黃花
入秋况多雨
亂發正復佳
勿矜顏色鮮
行矣霜霰加
吾方

感獨立何暇為汝嗟少陵決明詩涼風蕭蕭吹汝急恐汝後時難獨立

石榴入尺長灼灼花頭密火雲催落瓣秋蒂齊結貫初

看顆顆同罇拆謂可必根孤力苦弱黃頰無虛日滋培

吾豈殊成朽視其質何當慰老眼存者十之一

續咏庭前花草四章

木槿日及花難開易憔悴人情無久暫枯菀適時至數

條自仲夏月令仲夏之木槿榮荏苒雜秋卉老人齒髮衰閱世

殊少味炎涼等晨暮草草寓生意

江南第一花山谷詩玉簪墜地無人拾化作江南第一花得名獨因藥金方

秉正色厥白孰與比愛其玉無瑕持以配君子終焉忌

太潔采捕從此始莫上美人頭膏油能汚爾

海棠以秋名應候開最早媚人取顏色娟秀亦自好大

葉承綠盤幽芳出紅襟亭亭矜獨艷脉脉視羣槁春為

耀眼花秋作斷腸草寄語賞花人千金須善寶

高梧葉旋殞苦竹歲不實九苞鳳德哀陸地尚仙質翩

翾宜具體五綵爛初日俗眼視如蓬紛紛難致詰稱呼

隨世變愛惜從緣結誰知好女花可入毘耶室

吳文敷員外餉鮮荔枝憶戊寅六月與竹垞先生同遊西禪寺飽噉此味慨然有作

不踏三山路於今十四年每談甘露味輒想荔支鮮好

友能分餉浮生感宿緣曾同朱老喫惆悵望西禪少陵詩果熟且同朱老喫

翁蘿軒為西厓畫柳舍漁莊圖有詩索和次韻

三首

縹緲虛無外空明蕩漾前何從分筆墨直是散雲煙詩

好原通畫神清果得仙漁村楊柳岸放眼即湖天

宛轉橋臨渚參差樹隱莊棹應迷客入車或遣兒將命

意何瀟灑為期但渺茫兩三垂白叟篝火話溪堂

歸宿知何地披圖大可尋冷官踈熟客老境炯初心重

碧千層浪遙青一寸岑篋中無長物終不羨籬金

西厓視學中州重修龍門香山寺後一年汪退谷以事入秦過洛中命王僧種松數百株因繪

成橫卷兩公往復之作在焉索余繼和四首

俸薄官清舉廢難種松初返舊時觀風流二老知誰繼

畫菓亭臺補復完

甲子俄驚十五周剎那滅劫已千秋自開成六年至今論十五甲子矣

多情八節難頭水重挾松聲上石樓

曾否經堂認寫真却將綺語懺前塵他時編入支提藏

莫忘題詩第四人西谷偈和而外惟索兩谷及余詩故云

夢裏曾遊亦勝緣鼎門南去是伊川打鐘掃地初心在

食鷄頭

終著袈裟喚渡船

芡盤每憶家鄉味忽有珠璣入我喉絕勝嘗新會靈觀鷄頭池上剝鷄頭汴中芡實出會靈觀歐蘇皆有詩京師德勝門內有鷄頭池當因此得名

也

以庭前新棗餉德尹二首

已經半月申童約又剩高枝與鳥鵲比似洞天無核棗
一枚聊解此生饑東坡云朱明洞是蓬萊第七洞天有無核棗唐永樂道士侯大華以食棗亦得食一枚云

仙去予在坡下
人間千樹等封君此語曾聞貨殖云奸笑貪官貪徹骨
一株還就比鄰分

晒藥示紅椒上人

故人憐吾衰往往致藥料王幼芬自蜀中貽黃連貝母附子鬱金湯西臣自遼東歸
貽鹿膠五味子東西朔南產地道悉精妙賤棄新管麻貫儲同

美錄居然聚成肆巾笥蓄海嶠炮炙所未加蠹叢劇牛
噍幸辭梅雨漬喜及秋陽照連朝風色佳拓牖啓奧突
清泉滌宿垢緩火焙瓦銚鼻觀通衆香薰然徹腦竅調

柔在心性外物徒詭弔還復觀我身癡愛於何名維摩經從
癡有愛則我病生然而我有病此病非藥療自從客京塵四大

苦纏繞去聲攀援乃根本客疾從此勦齒落憐舌柔聲謹
憎耳剝狂華瞥眼翳殘焰灰心燒依回翦翮籠潑刺貪

餌釣窮非學子諱痛甚舍人誓近讀維摩經衰年忽如
少虛空一床座環顧不得微芥子納須彌諸天初不覺

大海入毛孔鼉鼉性無燒向來煩惱因拊擋付煙燎而
今方丈室誓絕慈悲叫欲將藥施人恐被醫王笑

中秋赴座至澤州公之召公首唱七律一章仰

敬業堂詩集 卷三十九

次原韻

乘鸞願兔望盈盈恍坐瓊臺第十成桂樹有香秋倍爽
丹丘無月晝同明滿堂賓客沾餘芋前席生徒奉橋衡
公視浮雲如富貴何煩問夜卜陰晴

席間遇雨相國復有留諸子待月之作再次原
韻

子魚通印雀披綿不數侯鯖侈食前東閣再開延客地
南樓重上晚涼天林泉與在何時遂風雨情深此夜偏

兩串驪珠光照座賽看蟾魄十分圓

題王文選浣花溪垂釣圖小照二首

小舟閣淺沙巨石壓深洞忽動綠玻璃遊魚嚼花影
溪頭幾株桃多被柳拂開幽人此中坐弱笠青於苔

題表弟湯納時授經圖

與君中表序弟昆往還猶記隨家尊來時奉杖出候門
長者前薰幼踵跟聖童十歲名早喧六經背誦河傾源

我慙却立心自捫同年詎可同隊論爾來幾何閱晨昏
年踰六十手一反女長已嫁男已婚不獨抱子兼抱孫

我雖竊祿鶴在軒君猶需次羊觸藩夢歸往往得故園
披圖相對兩悅魂君家紫雲山下村護田之水清不渾

有孫可教經可翻只坐入口艱饕餮絃歌三徑思所存
桑榆力挽扶桑暎黃精掃盡霜蓬根一笑重續兒童言

王樓村同年忍冬齋賞菊分韻得頭字十韻

晚菊多佳色書齋位置幽
乍來寬束縛相對解綢繆
冷偏精神透清宜臭味投
近盃浮藥氣照影出花頭
肅肅霜如剪團團露欲流
蟹胥黃剖殼鶴氅白披裘
籬下非無伴益邊剩有秋
酒徒謹復合詩王病初瘳
莫以蹉跎歎終能爛熳酬
年年高興在亦足慰淹留

次韻答東亭弟滇南見寄之作

西風萬葉催黃落
勢鳥盤空恣擊攫
南中誰遣雁飛迴
滿紙言愁嗟落魄
我從前夏與子別行
坐時時感離索
荒山亂水夜郎城
憶走從軍恍如昨
一身輕出曾投筆
萬里初歸但垂索
兵戈回首三十年
鳥道羊腸夢猶愕
子今宦遊乃落此
恍惚披圖見滇畧
邪龍東徙窟宅清
狂象南奔夷爨削
浪穹水曳青羅帶
點蒼山淬芙蓉
萼武侯故壘屹關城
阿育遺封割岩壑
鳴琴理訟三時暇
傳鼓排衙百吏諾
才優官事非難了
俗儉民情遙可度
愁懷得酒且暫開
詩體如騷亦間作
此間索米大不易
應笑枯乾繫京洛
性癖難陪冠蓋游
與闌只想田園樂
馳書為報天南弟
待作癯仙同跨鶴

武英殿書局告竣除夕口占

窮年書課恰如期
喜甚兒童放學時
剩曆一行還餞臘
涉冬三月可無詩
舊巢天上重來夢
殘局燈前未了棋
斑鹿黃牛仍拜賜
白頭慙愧被恩私
前二日復入南書房蒙

賜歲酒羊鹿魚雜等物仍年例也

敬業堂詩集卷三十九